




Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 1.7.95






Early European Books. Copyright © 2011 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 1.7.95




Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 1.7.95




Early European Books. Copyright © 2011 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL. 1.7.95







1.7.95















ANTONII PERSII

PHILOSOPHIAE, FT. I. V. D.
CIVIS ROMANI

LIBER NOVARVM POSITIONVM,

IN
RHETORICIS
DIALECTICIS
ETHICIS
IVRE CIVILI
IVRE PONTIFICIO
PHYSICIS.

ORDINE, QVEM VERSA PAGELLA P. FACIET.



VENETIIS

∞ D LXXV.

TYPIS IACOBI SYMBAENI.

CVM LICENTIA SUPERIORVM.

ORDO POSITIONVM HVVS LIBRI.

IN RHETORICIS

CONTRA RHETORES PAG. I.
PRO RHETORICA FACVLTA TE VII.

IN DIALECTICIS

CONTRA DIALECTICOS XV.
PRO DIALECTICA FACVLTA TE XXVII.

IN ETHICIS

CONTRA ETHICOS XXXIII.
PRO ETHICA FACVLTA TE XXXIIX.

IN IVRE CIVILI

CONTRA IMPERATORES ROM., IVRISC. VET. ET
RECENT. XLV.

PRO IVRE CIVILI LXX.

IN IVRE CANONICO

CONTRA CANONICOS LXXXIII.
PRO IVRE CANONICO LXXXIX.

IN PHYSICIS

CONTRA PHYSICOS LXXXXVI.
POSITIONES PRO PHYSICIS, IVATA TELESIANA
DOGMATA CXXIX.

PRO ARISTOTELE CLXXVI.

EIVSDEM PROBLEMATA CCCLXXII.

PAG. CLXXXV.

PROPOSITIONES ∞ ∞

ANNO ∞ DLXXV

IN RHETORICIS, DIALECTICIS, ETHICIS,
IVRE CIVILI, IVRE PONTIFICIO,
PHYSICIS;

ET PARTIM QUIDEM ILLARVM

CONTRA PRAECIPVOS IN HIS FACVLTATIBVS

VIROS OMNIVMQ. CORYPHEOS, PLATONEM

NEMPE, ARISTOTELEM, HIPPOCRATEM, ETC.

(SED MAXIME ARISTOTELEM) IMPERATORES

ROMANOS, IVRISCONSVLTO' SQ. TAM VETAKES,

QVA' M RECENTIORES,

PARTIM AVTEM

VERIORES, IVXTA DISCIPLINAS HASCE,

DIVERSI' SQ. A CETERIS ALIIS,

INNIXAE PRINCIPIIS;

AB ANTONIO PERSIO, PHILOSOPHIAE, ET

I. V. DOCTORE EDITAE

SED

A GASPARE ZENVCHINO AD DISPVTANDVM

PRODVCTAE, VENETIIS, ET PATAVII.

PER TRES PERPETVOS DIES, INEVNTES

A DIE ASCENSIONIS DOMINI.

QVILIBET AD DISPVTANDVM INVITATVR,

NVLLO DISCRIMINE, SCHOLARIS AN DOCTOR,

TYRO AN VETERANVS

LIBER, DISPVTARE CVPIENTI DABITVR IN AEDIBVS

CLARISS. GEORGII CORNELII, AD D. MAVRICII.

CLARISS. ET PRVDENTISS.

SENATORI GEORGIO CORNELIO

PATRICIO VENETO

GASPAR ZENVCHINVS S. P. D.



*Q*uod M^o anno superiore quasdam propositiones in Philosophia, Dialectice, & Iure civili ad disputandum publicè, proposuissim, mirum quàm praeter spem meam euenerit, ut unde mihi fructus doctrinae, ineundaéq. apud eos gratiae, quos ob doctrinae praestantiã apud omnes tãtũ nō primos haberi, mihi uidebatur, constare aliquis debuerat, earum potiùs iactura a me facta sit: Doctrinae quidẽ, quòd ex eo loco, in quo vociferati potiùs fuimus, quàm disputationẽ habuimus, tot obrutus nugis, ac sophismatũ portetis eneëtus pacene, animi pendens, huc, illucq. quouis impetu exclamantiũ, quorũmq. maiora essent latera, facillè impulsus, tãdẽmq. ubi eßẽ egomet, nescius, Dauus abij, nulla in re Oedipũ adsequutus, nisi quòd illã istorũ perniciã, & inanẽ quarundam, q^{ui} vocat, distinctionũ fastũ, ac laqueos, a me antea solum auditos, satis tũ de facie norim: Gratiae uerò, quod cum ipse mihi nondũ satisfieri, eorũ responsis, querens, aliqua mihi ratione satisfactũ uellẽ, continuo uoce obtundebat omniũ vna, potiùs maleuolentia quadam firmata, quàm ratione vlla, Me alere opinionũ monstra; eòq. magis in me petulãter inuehebatur, minasq. addebant, quibus modicẽ tangi debet is, qui ad indagandam veritatẽ animũ adduxit, quòd in meis placitis, verbisq. uehementius quid inesse cernebãt, quod eos cedere cogeat, at propemodũ infringeat. Id autẽ cum ipso met fateri puderet (nihil enim aliud, nisi, victori manus dare, erat cõfessio) quãtũ apud eos inuidiae prosperata gratia inuenerim, tibi relinquo cogitandũ, qui genus illud hominũ, qui frequentiores alijs, multisq. partibus plures quàm ceteri, in eiusmodi cõgressibus adesse solẽt, pulcre noñt. Quae res igitur honestis, et, ut profitentur, doctis hominibus, adiungere me magis debuerat, ea me maximẽ ab illis hoc tẽpore disiunxit, hoc est, inquirendae veritatis ardẽs studiũ, discẽdiq. inexplebilis volũtas. qua praeditus, in diẽsq. magis augeſcente, cogor iterũ in palaeſtrã descẽdere, cõtra longẽ

longè plures, quam tū fuere, longèq. plures, quam tū sustinui. Propositiones,
in mediū allaturus. Quod quā praesertim causa, denuo, impulsus fecerim,
paucis tibi testatum volo, ne te nimium longo auocem intervallo de repub.
quam prudentissimis consilijs tuis, & manu, summa cum utriusque digni-
tate tractas. absque dubio enim

---In publica commoda peccem,

Si longo sermone traham tua tempora---

Superiore igitur anno cum ego Antonij Persii (qui apud te est, tēq. summo
omnium pene in rep. gradu agentē, & paullo antē supremi Xuirum consi-
lij bis principē, obseruat, & colit, tuisq. consilijs, quibus flores, incolumē
reip. precatur, tua in eruditos, & insignes virtute viros, prolixa volunta-
te, unā cū ANDREA tuo mirificae spei, elegantis ingenij & doctrinae filio,
miris extollit laudibus, atque amore cōplectitur nō vulgari) cūm, inquā,
Antonij Persii disciplinam, & familiaritatē inissem, et eius ductu, ac au-
spicijs, quas dixi, propositiones edidissem discutiendas, in ijs paucae sanē
quaedam fuerūt aduersūs Aristotelē, tanta cū indignatione, atque admira-
tione audaciae meae a Peripateticis exceptae, ut quasi turbo aliquis demis-
sus viderer ad euertēdā vniuersam Aristotelis philosophiā. Cum autē ipse
quoque, turbas illorū intuitus, taliūmq. ingenij inscius adhuc, admiratio-
ne esse correptus, ecquid cū ad id faciēdum adduxisset, rogauis ne de spe,
quam ad consulendū posteris, viuētibusq., quoad posset, & liceret, iā tū so-
uebā, penitus uiderer decidisse. Qui mihi, facere, inquit, ut ea, quae ad tē-
pus accomodentur, in apertū proferre, si veritas pateretur: quae & si odiū
pariat, vult tamē ipsa praesferri, et rebus anteponi oībus, vult etiā ipse Ari-
stoteli resisti, quando illi ipsi amicior omnibus rebus alijs visa est. Si igitur
ipse repugno Aristoteli, cū errare, qua homo fuit, ut nos sumus; quod isti,
potuisse negant; cū deprehēdo, veritatis innitor uestigijs, quae premere nō
desinā, quoad eius facere valebo. habeto enim, haud duo, uel tria, sed longè
plura peccasse Aristotelem in philosophia, disrumpatur licet, qui secus esse,
nō tā uerē, quam obstinatē proferunt. simul addidit, si virū, qui nō solum
Aristotelē excellat, sed omnes etiā philosophos, quorū uel aliorū, uel propria
ipsorum monumēta rumorē alunt, audiuit unquā, istunc esse Bernardinū
Telesum Consentinū, qui quò minūs, ut philosophum decet, alij deuinctā
habet uoluntatē, eò potuit oculatiūs alijs rerum naturam inquirere, ac per-
uestigare.

uestigare. Verba tanti fuerunt apud me, ut exinde eum orare, hortari, monere, & aperte negantē accusare, dum exoptatum consequerem, numquam destiterim: Si enim in Dialectice, quam antē mihi perlegerat, Aristotelis plurima, eaq. non contemnenda prorsus errata sibi deprehensa, latere me non est passus, multam illius, ut aliorum omnium, auctoritati salutē dicens; eandem rationem, ac methodū in explicanda mihi philosophia, seruaret, in qua vehementius, atque etiam frequentius ab illo peccatū dicebat. gratificatus est ipse mihi, eoq. maiore de recenti beneficio uoluptatē capio, quod magis praeter opinionē meam accidit, ut haud eam, quam cogitabā Aristotelis, sed eam, quā praeter omnes uerissimā experimento cognoui, Telesianā scilicet philosophiam, mihi enarrandam suscepit. se enim una cū Telesio, familiari sermone disseruisse, amantēq. disputauisse de rerū natura, eadēq. eo deuētū, ut ultro in eius placita discessione fecisset, cuius a ueritate nihil, aut minimum, ab Aristotelicis dogmatis tota uia rationē ab horrere intellexisset. Hac uerō audita, requeo explicare, quantū, & quā breuissimo tēporis spatio profecerim: quomodo uniuersam naturā non animo ac mente conceperim, uerū ob oculos positam, duce sensū, & uiderim & tetigerim. Eodē ferme tempore, quo haec acta sunt, Antonius Persius librū Nouarum positionū editurus, typis mādauerat: perfectō iā libro, sed tamen e typographo nōdū egresso, neque libri epigraphē absoluta, rationē & consiliū inij, disputandum eum librū, iri a me productū. cūmq. de hac re saepe illum, & odiosē deprecatus essem, exorauī eadē, ut per eum mihi liceret soli de me periculum facere; simulq. de libri disciplina ceteros admonere, quod meum bonum cū quibuscūque possem, cōmunicare; omnes igitur hīc animi, & ingenij uires profusus, non odio ductus Aristotelis, sed propulsandae ab oculis hominū (uerbo absit inuidia) caliginis gratia: nihil non ausurus, praeclara conscientia sustentatus, qua comite, ad hunc proficiscor. Quod si tuam erga studiosos, mihi perspectissimam beneuolentiam, hoc tempore praestiteris, haec pericula, quae mihi impedere uidetur, alacrius adibo, tua fretus auctoritate, quae, ueluti Aiakis clypeo, quacuius tela non effugere solum, sed in hostem etiam retorquere ualebo. Vale. Venetijs. ∞ D LXXV. Mense Aprili.

ALOYSII LOLINI PATRICII VENETI
EPIGRAMMA IN LIB. NOVARVM POSIT.
ANTONII PERSII.

Ille tuus, rerum Pallas sapientia, Perseus,
Qui tulit inuictas in fera monstra manus,
Gorgoneas acies postquam, sacuasq. Medusas
Vicit, & Argiuum depulit Acrisium;
Has tibi deformes facies, atque horrida tabo,
Ora dicat, clypeo conspicienda tuo.

IV


ANTONIUS PERSIUS LECTORI S.



V^M hae positiones Venetiis per tres illos, in quos indictae fuerant, perpetuos dies
essent a nobis, disputatae, factum est, ut petendi Patavii publicae. illas ibi proponendi
consilium deposuerim, omnesq. disputandi cupidos (quia non tam magna inter Pa-
tavium, & Venetias est intercapedo loci) ad Corneliorum aedes, toto hoc anno in-
uitatos uo'uerim. Cum enim Venetiis tertii, hoc est ultimi diei, disputacionem ad
umbilicum iamiam perducturi essemus, nouus quidam tumultus est exortus, Patavini gymna-
si discipulis nescio quibus, uoce primū, ac uultu, deinde etiam gladiatoria quadam mente cir-
cumstantibus, minantibusq. id, quod ratione non possent armis confecturos (pridie enim il-
lus diei, risu quodam Sardonico, me irridentes analphabeti quidam legu'ei, quod a Iudicando,
Ius dicere, differre dixeram, ignorantiae notati erāt, in causā fuerunt, ut ego, temporis de meo
me praeipperim. Nunc autem & ex re nata, & ex rumore hominum certior factus, maiorem fo-
re Patavii petulantiam discipulorum, si illuc cogitarem, dico omnibus, quicumque mecum di-
sputare uelit, me adeat, sin minus, contra positiones meas aliquid scribat: quo quid longius ha-
beam! Sed pro Iuppiter, ex tot positionibus uix unā, uel alteram intellexerunt; & committent
postea, ut intelligendo multa, nihil intelligant!

ERRATA QVAEDAM ALIA, OBITER,
DVM LIBRVM RELEGEREMVS, ADNOTATA.

In praefatione fac. 4. Parmenides fac. 9. modò nō totum. fac. ultima. cum tertiam. in oratione prima fac.
3. facies obtulerit. in orat. 3. in princip. meam detexerim: & si quae sunt alia, Lector, pro tuo animi can-
dere, occupatum hominem, impressoresq. fugisse non miraberis.



IN LIBRVM NOVARVM
POSITIONVM

AD ILLVSTRISSIMOS, ET ERVDITIONE, ATQVE
INGENIO PRAESTANTISSIMOS,
FRATRES,

HENRICVM, ET CAMILLVM CAETANOS,
BONIFACII PRINCIPIS FILIOS,

ANTONII PERSII PRAEFATIO.



VANTVM ipse, uaria ac multiplici aucto-
rum lectione, illorum praecipue, qui utram-
que philosophiam, Naturae, & Morum, ex
professo uel pertractarunt ipsi, uel sunt inter
pretati, labore, ac uigilijs indagare, & elice-
re potuerim, duas inter se diuersas, immo
etiam aduersas, & docendi, & a doctrina
claris hominibus discendi uias haberi imprimis; ex quibus alteram
quidem a plerisque, alteram a multo paucioribus teri adhuc, satis co-
stet; tertiam quandam nec uulgaribus patere, minorumq. ; ut ita di-
cam; gentium hominibus, nec ijs etiam, qui sapientes, ac excellenti
praediti ingenio ab omnibus & dici, & haberi uolunt, mihi uideor
inuenisse. Quarum quae magis mihi sit cordi, qua incedam, quamq.
ueriorem, uel ad rerum ueritatem, praestantiorē illustrioremq. du-
cem sim expertus, experiarq. indies magis, magno meo bono, quod mi-
hi felici quodam fato contigisse putē, nunc nunc eloquar, si antea de
reliquis meam sententiam pronunciare. expedire enim mihi sentio, il-
las hostes, non tam meas, quam omni humano generi communes, ut
mea pol est existimatio, prius refellere, et; quoad eius per me fieri po-
terit; unicuique despectas reddere conari. Institutam autem quasi di-
b sputationem:

ANTONII PERSII

*ſputationem: unūq. , ſi placet, loquentem, me ei reſpondentem faci-
ciam; ingenuis etiam hominibus, hoc eſt, ueſtri ſimilibus, per me lici-
tum fuerit, huiusce rei arbitris eſſe. Dicam igitur de his; ſed ita di-
cam, ut cum harum unam praetor in poſſeſſionem Veri, ex edicto, mi-
ſerit, reliquas duas excluſiſſe illum, exiſtimemus. Prima ergo uia,
quae a plerisque omnib. frequentatur, eſt, ubi nec rationi, nec rei ipſi,
cum opus eſt, locus relinquitur ullus: illis, qui principes, ac maioris
nominis viri ſunt, omnia deferuntur, unūq. ij ab omnibus ore ſerun-
tur ad caelum: Reliqui ab his omnes, qui cum nullo facere, neque in
ullius uerba iurare uolunt, niſi quem optimum, uerūq. ſint exper-
ti, non audiuntur ſolum, uerum etiam exploduntur, atque exſibilan-
tur; facinus crediti admiſiſſe, cum alicui potiorum reſtiterunt. eos
enim tamquam ex tripode, uera omnia effatos, & ſi dicere licet*

Quae ſint, quae fuerint, quae mox ventura trahantur.

*Itaque ab omnibus hos in omnibus auctores habendos, & ad omnia
magiſtros accipiendos; omnia, quae eorum ſunt, uel ſub eorum nomi-
ne circūferuntur, pro oraculis ducenda eſſe. Altera huic uia prorsus
contraria uidetur. huiusmodi reſerta tota eſt illorum, qui nihil, niſi
uel apertè, uel clam, ſciunt maledicere, ac detrectare, nulla doctōrum
quorumlibet uirorum ratione ducta, quò purgatori praeter omnes
ingenij acumine eſſe uideantur: in ſumma totam laudem in alienis
reprehendendis, & exagitandis opinionibus, tãquam in illuſtri quo-
dam loco ſitam arbitrantur. Tertiam inter utramque mediam ſci-
tote; qua pergunt illi, quorum ingenium ita fert, ut neque praestan-
tium ingenio, & doctrina, cuncta laude proſequantur, nec, ut ſecun-
di, omnia probris, ac maledictis compleant: uerum, duce ſenſu, ac ra-
tione, eam ſuggerente ipſo, ſe ueram inueniſſe, ac reperiſſe ſciendi uia,
animum induxerint: eamq. ut per omnes aetates omnis ſit poſteritas
intellectura, dum uiuunt, aperire alijs, morituri, litterarum monu-
mentis conſignare non grauantur. Explicui, quantum ſatis mihi ui-
ſum eſt, harum trium uiarum rationem. nunc de meliori, ac ueriori
diſputandum*

P R A E F A T I O.

disputandū superest. Primum ergo dicet Aliquis, Nō iniuria factū uideri, si magni nominis uiri imitandi nobis proponantur; illorum diēta facile uera habeantur, cū tot tantōsq. iudices sortita, semper aequiores eos multō sibi, quā alijs, cognorint. nam ut ex multis unum Aristotelem deligamus, uix unum inuenias, aut alterum, qui praecepta eius oppugnarit, uel de doctrina aliter iudicium tulerit: & si inuenti aliquot sunt, statim, irrito conatu, spe frustrati sua, factum mutarunt, & in uiam, hoc est, in Aristotelis Academiam redierunt. Vero enim esse similius, duos, trēsue potius alucinari posse, quā tot, & tales uiros, qui nomina, tot annorum censis spatijs, soli Aristoteli, nec alijs praeterea ulli dederunt. Cū namque omnibus ferē in rebus quidam sit modus, quem ultra non est progredi; sed in illo demum resistere, ac tacere, quem ipsa finem praescripserit natura, id euenisse ipsius Aristotelis dogmatis existimemus: Fuit enim tempus illud, cū tot in philosophia opiniones, ac sectae, quot hominum capita reperiēbantur, magis risu, quā admiratione dignum, intuenti, quot quot rerum humanarum notitiam adsequi conabantur, in densissimas tenebras ruisse, magnāsq. opinionum confusio nes peperisse. ecquis enim non fando audiuit Empedoclis incertiudinem in cernendo, Aliorum in rebus & oriundis, & occidentibus, casum quendam, & Epicuri

Omnia sunt risus, sunt puluis, & omnia sunt nil.

Caecus enim, & praeceps omnia casus agit.

Ut de reliquis innumeris taceam! Id autem nasci temporis nos, uoluit natura, in quo, minimo labore cognitionem eius haurire possemus, cū in Aristotelis scriptis peruoluendis, atque intelligendis uersati cum laude fuerimus: praeclare nobiscum aeternum existimantes, cū Aristotelis mentem obtinuimus. Quod bonum, & ipsius donum naturae nobis inuisum iri a priscis illis philosophis, agnoscere possemus, si eorum aliquem ab inferis excitatum alloqui daretur. Quod si haec omnia, uera, ut sunt, haud uelis esse, mihi tamen ex usu

b 3 uolo

ANTONII PERSII

uolo ut sit, malle cum Aristotele; ut cum Platone Ciceroni placuit; errare, quàm cū alijs bene sentire. Cuius aemulari exoptamus negligentiam, quàm illorū obscuram diligentiam. Qui, cū omnia sensui se debere fateantur; a quo saepenumero falsi habemur; aegrotantiū more, album pro nigro, amarū pro dulci, siccum pro humido, pro calido frigidum accipientes, rationē ipsam ad antiquorū philosophorū scripta, unde profecta fuit, amandantes, nouum morē inuenisse se philosophādi, & Sensatae philosophiae patres, dici gaudent. Ergo mētītus ille fuerit antiquioris philosophiae grauiissimus auctor Parmedines, qui sensum saepe falli, rationē esse rectum rerum iudicē, adseruit! isti uerum dixerint, Sensum rectum iudicem esse, rationē, nisi quae de rerū sensu perceptarum similitudine profluat, falli semper! Nam de ceteris illis, qui sese unicuique opponunt, nihil noui afferentibus, nec saltē ~~cupido~~ at maleuolis, ueteribus, blateronibus, quid dicam! Illi mehercule ab se ipsis, nedū a nobis, alijsq. refelluntur, neque de huiusmodi, puto, multa inter nos uerba commutabimus. (Sede igitur quisquis praeclaris scriptoribus locū, quem ipsi per longū tempus obtinueret; quē, si meritos negemus, suum iam per usucapionē quandā effecere. Si ranae in magnitudinem bouis excrescere cupientis, inane, stultūmq. desiderium ridetur ab omnibus, quanto maiore cū risu insipientia ista tua, plena inuidiae, referta nouis opinionibus, abundans superbia a nobis excipietur! cū tu Pygmaeus homo contra Gigantes tendere ausis, quando tibi inceserit cupidō, alienari uirtutū, ac sententiarū nouo aestimatori. Ecquis expers cachinni; dic mihi; ueneratione dignorū ingeniorum scripta quaedā admittere, quaedā alia reijcere te, sit uisurus? Hoc quid est aliud, quàm, te plusquā philosophū uenditare, dum tu philosophorum coryphaeos & iurisperitorū coacturum in ordinē, minitaris, alteros praere sapientia, prudentia alios praetereferens! Quod si id senī, ac decrepita aetate uiro uitio dandum, quātō magis iuueni, uel nondum uirilē aetate ingresso, plurima librorum lectione defecto, rerum autē gerendarum usu non multum pollenti

PR AEFATIO.

polleti! Ad prima nunc illa respondeo: Nescio equidē an nimis tutū sit, quod multis arridet, cōtinuū id rectum, & laudabile praedicare: hoc scio, ueterum memorabilem sciētiam, Multorum numero, malos, Paucorum, bonos appellitauisse. Quod si magni nominis uiris, de quo rum ore manauit, quos tu ad miraculum usque ueneraris, est creden dum, uide quaeso, ne in illorum gregē receptus inueniāre, quos tu reli giosē fugere, ac deuītare conaris. At ubi tot hominum te habere exē plum fateris, quo exemplo, tibi licere; ut Comicus ait; quod illi fece runt, putas, cum hoc tibi dederō, tum si commodum est,

Scire uelim, pretium chartis quotus arroget homo? Septingenta, fortē inquires, hominum millia. Quid? Si is numerus uno, uel altero homine deficiatur, hūncne, cui te addixisti, deficies tu? Minimē, inquires, gentium

Vtor permissō: caudaēq. pilos ut equinae
Paullatim uello: & demo vnum, atque etiam vnum,
Dum cadas elusus ratione ruentis acerui.

Phy! cū te respicio multorum hominum affecclā, prorsus nullorum esse comperio. miseret me tui mi homo. Deinde, me uix unius, aut al terius, qui Aristoteli restiterit, tibi facturum copiam, cū dicis, id tu dicis, haud ego. nam & esse non tam paucos, & uerō fuisse: at inter mortua sunt planē illorum, qui fuerunt, monumenta; qui sunt, uel paullo antē decesserunt, copiam tibi faciant bibliothecae. Quod autem Naturā, & priscos philosophos, Aristotelicae immensae, ac uerae do-ctrinae optimos testes esse uis, tibi equidē concedā; ea tamen lege, ut quae tu dixisti, ab ore ipsius Naturae loquentis audiam, praetermis surus etiā antiquorum philosophorum testimonia, cetera qui nullam prorsus tibi fidē adhibiturus. Nā quod ais, te malle dormire cum Aristotele, quā cum alijs uigilare, per me quidē dormito quantum uelis, modō confessus, aliquando Aristotelē tuum dormitauisse. Cū tu inconstantem sensum nostrum praedicas, eum rationi postponens, uel iniquē agis, quia nos longē peiore condicione esse uis, quā anti-
qui

ANTONII PERSII

qui philosophi fuerunt, sensu nimirum praediti ex aetioe, ac multo purgatiore: uel, antè quàm superbiae me accuses, superbiã nō agnoscis tuam, qui ratione sola fultus, non humanae sapientiae cultor & amator, ut nos sumus, uis esse, uerum; dum ea, quae se aliter habere, sensus indicet, ratione certa, tuo ueluti arbitrato, effingere conaris; de sapientia cū Deo contēdere audes non parum calidè. Neque satis mirari possum, quòd meam audaciã admireris, qui aduerser Parmenidi, cuius principia funditus eradicare, nec sine dolo malo, Aristoteli tuo non est audaciae adscriptum. Nec igitur mihi uertendum erit audaciae, si multa reijcio, quae uel certè sunt, uel Aristotelis esse dicuntur. usus sum a puero, praeceptore eo: conor exsequi ea, quae me ipse docuit, quae ipse fecit. Is contra ueteres philosophos, quasi Pygmaeus homo contra Gigantes, multa disputauit. rectè. multa, quae illos fugerant, uidit. quo pacto? Conscendit in eorum humeros, & omnè prospexitum latè petijt, multaq. eorum, quae ipsi non uiderant, adminiculo perlustrauit; quia procerior eis factus fuit. Sic Ego, plurima quàm Aristoteles ipse, ac ipsi Romani iurisconsulti, me uisurum, in spe sum, ab eorum scriptis praecipuè adiutus; quibus omnia me debere, ingenuè fateor: docuisse me ipsos quoque, de scriptis suis libere, & ut philosophum decet, sententiam ferre, etiã in ista aetate, quae iuuentutè nondum est egressa: Addã etiã, in ea natū Italiae plaga, in qua nata atque alta est ipsa philosophia, cuiq. ob eam rē, Magnae Graeciae nomen indidit antiquitas. iocari enim superest denique. Verum de his iã satis puto uis inditior disputatū. Restat, ut, aliqua de nostrae aetatis doctoribus praefatus, consiliū meū postremò uobis aperiã. Nō dubium est, quin hoc uitium cōmune sit omnibus paene, ut omnia se scire, digitòq. caelum attingere uideri uelint, alios prae se contendant, concedant nemini. plerosque enim omnes non tam sciendi cupiditas, quae naturae accepta fertur, quàm laudis; gloriaeq. auaritas tenet, ut paucula quaeque ostētemus, alienis etiã pro nostris utētes, quòd plura, quàm didicimus, scire uideamur: cūmq. nostrarum sententiarum admi-

P R A E F A T I O.

admirādi propugnatores simus, aegre adeò pati possumus, atque aper-
tè confiteri, plus nobis alios uidisse, ni mentiri aliquādo coacti simus,
quo tempore necessitas ita tulit. Quod si in aliquo egregiè notum at-
que testatum cognoscere ualemus, in illis certè, qui hodie Peripateti-
ci appellantur, illustrissimè patet, qui nullam aliam ob causam, Aristo-
telis placita sequuntur, eaq. ut defendantur, uigeant, amplectantur,
obstinatè operam dant, illumq., qui contra eum paratus sit, eiúsq.
scriptis paullo acerbiorè praeferebat, mirificū, non Aristoteli solū,
sed etiā sibi ipsis conuiciū facere arbitrantur, illiúsq. nomen delēdū,
& a doctorum albo eradendum putant; nisi quia se in senectute di-
scipulos esse, ac respicere, cū iam rude donatos deceat, in lauta, &
bene aucta parte gloriae agentes, nimis durum experiuntur: quos V-
nius Aristotelis paucorū librorū lectio tot annorū spatio detinuerit,
solicitoq. habuerit. Quos tandē cū uix, immo ne uix quidē perce-
perint (neque uerò id inscitiae, uel ingenij tarditati eorum dō, quin
potius in auctorem ipsum, tum uerò praecipuè in tempus partem ma-
ximam culpae transfero) & ut eos demus, istos percepisse, cū ta-
men de natura rerum indies magis haereant; quippe quibus omnia
sunt incerta; ad ultimum illud remedium, tamquam ad statuam con-
fugiunt, Distinguo bifariā, trifariam, quadrisariā, & usque in infi-
nitū; & Est in Potentia, non in actū, in Actū, non in potētia; ut alia-
rū hīc myriadas distinctionum conticeamus; ridiculē, uni calceo quē
uis pedem accommodantes. Unde factū est, ut istorum scripta innu-
meris; iisq. inauditis, quos hi commenti sunt, terminis, undique sca-
teant, sine fructu ullo, nec vulgari illorum iactura, qui sese impruden-
ter istorum doctrinae commiserunt (Possum ego mediūsfidius hoc
uerè praedicare, qui primos annos apud huiusmodi, tamquam apud
scopulos Sireneos, satis misere contriuerim; longēq. improbiorem;
ut sic dixerim; in dediscendis ijs, quae deteriora sensi, quā in opti-
mis addiscendis, laborem exantlarim): Atque id caput est, ut tot
controuersis refertae interpretationes, cōmentariorūq. cōmentarij
numquam

ANTONII PERSII

numquam non emergant, multò plus uerborum, quàm rerum allatu-
ri. Quod; ut alias artes, sciètiàsue praetermittamus; euenisse in Ro-
mana iurisprudèntia; cuius interpretandae ab hac Peripateticorum
diuersa nec ratio, neque condicio prorsùs facta est; qui ei uacarit, uel
qui primoribus eà labris degustarit, mecū consitebitur: immo fortas-
se, ac ne fortasse quidē, notiora sunt vulgo Bartoli, Baldi, & his simi-
lium nomina, quàm uel Auerrois, uel Occhae, qui Terministarum
Imperator, iam-dudum est salutat; aliorumq. qui Realium acade-
miam; ut ipsi vocāt; erexerunt, eòq. notiora, quò magis, propter caus-
arum multitudinē, fori, quàm gymnasiarum lumina teruntur, ac fre-
quentantur. Istorum igitur cōmentarij, quasq. appellant, Repetitio-
nes, Lecturae, Consilia, Tractatus, nouis & uocabulis, & interpretā-
di genere, propter ignoratiōē rerum, & tēporum, quae primum te-
nere debuerant, omnia confuderunt; nec uno in loco sibi, & ipsis an-
tiquis iurisconsultis, quos interpretati sunt, contraria affrentes, ex
non simulata, in affectatāq. simulatā, et affectā ciuile, diuināq. iu-
risprudèntiam; iustitiam quoque ex incorrupta Chrysippi uirgine lu-
pam paene reddiderunt, uel potius, alijs ut ipsa prostitueretur, Iliade
longioribus cōmentarijs, & omni Sphinge perplexioribus quæstioni-
bus effecerunt. Sed ad philosophos, vnde digressi sumus, redeamus.
Talem igitur, tantumq. philosophum, qualis, & quantus est Aristot-
teles, quē ipse quoque non laude solū, sed admiratione prosequor,
ita tamen ut praestantiore in multis, & quod magis, me iudice, re-
ferre debet, ueriores esse potuisse non negē, cū hi sententiā eius, &
dogma in multis locis haud adsequuti sint, obnixē tamē defendunt:
neque id Aristotelis, eius beneuolentia ducti, sed sua ipsorum causa
faciunt; nempe ipsum bene intelligere se, significantes, obscure,
sed ita, ut perspicuum sit, in eius doctrina haesitare, sibi ipsis con-
fidentes. Quòq. omnia se consequutos putent, & quam ad opti-
mam laudem uiam affectarint, adeptos esse, qui praeclarā istam (ō-
rinthum adierint, quandā fingunt inter se fallaciam (eorum pace di-
catur)

P R A E F A T I O.

catur.) Hanc philosophi scientiam haud communem uniuersis, obscu-
ris fabularum inuolucris, uel carmine ab antiquis poetis, uel prosa,
uerum ea symbolica oratione, a uenerando antiquae philosophiae pa-
tre Pythagora uelatam, & custoditam nostrum Aristotelem comu-
ni, & soluto genere orationis, primum posteris suis prodidisse: & si
dijs placet, Cn. Flauium Appij scribam imitatum, qui subreptum actio-
num librum, apud pontifices adseruatum, & a patrono suo Appio ad
formam redactum, populo Romano dicitur tradidisse. quasi uero nul-
li Aristotele antiquiores inuenti sint, qui simili oratione, ac stylo, de
Vniuersi natura libros conscripserint! Quid! ut alios taceam, Ocel-
lus Lucanus conterraneus meus, qui suos commentarios hoc titu-
lo inscripsit, nonne longe prior Aristotele, discipulus Pythagorae, fuit!
a quo (ut hoc obiter dicamus) ipse Aristoteles non opiniones integras
mutuatus est, non integras accepit sententias, sed sua eius uerba, no-
mine suppresso, transscribere, turpe non putauit; ita ut hic solus totum
opus physicum Aristoteli effecisse uideri possit, ut si iudicium aliquod
sit apud inferos, & aliquis Rhadamanthus, absque dubio ^{τῆς κατὰ φύσιν διόλου}
Aristoteli intenterit, aetore^{sc}q. multos habuerit comites, quod minus
uereri potuisset, etiam si cum illo ageret ^{τῶν ἀπορρητῶν}, numquam iri potuif-
se damnatum ad millenas drachmas pendendas, tam multos hic bo-
nus uir latrocinio maculauit. Habetis a me quae uobis praefata me
uelle aixeram: nunc totius consilij mei rationem exspectate. Cum ego
talem uiam ab initio studiorum meorum esse ingressus, quale uos ex
oratione mea facile intelligere potestis; eiusq. magnum, ac non modo
totum iter confecissem, eam alijs comunicando, notam atque illustrem
facere decreui: Quod e sententia mihi cadere posse sum arbitratus, si
positiones aliquot in medium afferre, tam in logicis, Rhetoricis, Dia-
lecticis, quam in Iure civili, & pontificio, quam in philosophia natu-
rae. Statui igitur in his positionibus, quas collegi de iure civili, id se
qui, quod me philosophia morum, unde iuris praecepta, ueluti de fon-
te fluxerunt, sequendum doceret, nulla, inquam, non Bartoli solum,
ceterorumq., sed ipsorum etiam, qui uerius appellantur, iuriconsulto

c rum,

ANTONII PER SII

rum, ratione habita, neque mei etiā ipsius, si mihi alicuius, a quo ratione, me alucinari conuincar, potestas erit. Idem in logicis, idem in philosophia, quae quoniam. Cuius elemēta longē ab Aristotelis, aliorūmq. ueterū diuersa, a nouo quodā, uerioriq. Flauio scriba in propositiones digessi. Huius autē oratio, et scripta nusquā sibi cōtraria; quod adhuc offendi in multis; mihi admirationē cōcitant, conciliant beneuolētiā. Quis, amabō, nouus iste Flauius? Quis! BERNARDINVS TELESIVS Consentinus, qui uerā sanē philosophiā e tenebris uindicauit, ab inuolucris reuelauit: qui nomen illud philosophi iure, solūsq. meretur; qui praeter omnes quot quot sunt, quōtq. fuerunt, Rerum naturam lynceis oculis peruidit, & perlustrauit. Ex cuius de rerū natura iuxta propria principia, libris, quos annis superioribus secundum, me praesente Neapoli edidit, quot quot potuere, propositiones extraxi: quas nunc in omniū conspectū productas quoque uolui, quōd specimē quoddam hoc tēpore eius doctrinae omnibus praeberē, siq. uellēt aliqui, tum illas in logicis ac utroque iure, tū has in physicis Telesianas mecum examinare, ac disputare, toto hoc anno mei facturum me copiam domi, illisq. ad obiecta respondere paratum, recipere; omniūmq. rationes uel pro eo, uel cōtra eum audire; nullū studium missurus, quōd mihi, mecumq. cōiunctissimo uiro gratificer, ac diligentissimi officium exsequens, utrisque, nullo relicto scrupulo, plenē satisficiam. Quod me fecisse Perusū, Henrice, & Camille, uobis etiam praesentibus, sat scitis, in illis disputationibus, quas unā cum Perusinis philosophis trahebamus: Cuius rei praeclarum apud optimum quēque, ac doctū & uoce, & litteris quoque testimonium praebuistis: ut taceam interim quā prolixē, quā largiter, quā humaniter me, ubicumque se causssae obtulerint, acceperitis; Vt habere uobis immortalē hercle gratiam debeam, parē autem relaturum, id uerō sperare nūquam ualeam. Vos me (quin erumpam nequeo pati, mentione oborta de beneficijs uestris) uos, inquam, me, tamquam optimi patroni, ab inuidorum quorūcumque maledictis in integrum uindicastis; prudentium patrūfam. more, quae mihi opus erant, cū HORATIO CELSO elegantissim

P R A E F A T I O.

semi ingenij, & doctrinae uiro, summâq. humanitate, ac benignitate praedito subleuastis; acerrimorum instar ducû auctoritatis uestrae clypeo septēplici protexistis; uelut autē prudentissimi iuriscōsulti (cui facultati neque exilē, neque uulgarem operam nauastis) disputationes nostras quotidiano cōgressu cū FRANCISCO CANTUTIO; quē unū delegeramus ex multis acutiorē, rectiusq. de Iure civili sentientem; quarum rerum iam dudum Romae, in collegium Rotae Auditorum adlectus, dignam tulit mercedem; diligentissimē, inquam, eas perpendebatis, cognoscebatis, hisq. disputantes uos quoque, unā cum Celsō; qui doctrinā Cantutij semper fecit maximis nō semel intereratis: Denique nullū in me beneficij, beneuolentiae, pietatis, diligētiae officiū praetermisistis. Quibus rebus & si solidō non essem soluendo, confidebā tamen in loco, meā erga uos memorē, & gratā uoluntatem litterarū aliquibus consignatū iri monumētis. Adhuc optimos meos conatus improba Fortuna remorata est: Cū enim tāquā ex illis quotidianis fluctibus, ac immanibus procellis, Venetias, in portū me recepissē, accidit nescio quē pacto, ut auaritiā librariorū officere meis cōmodis non minimum, expertus fuerim. Adornabam ego scholia quaedam in Pandeētis, & Codicē Iuris ciuilis (quamquā illa Pandeētārum, dicis potiūs causā, facta uiderentur, ad illa, quae erā ipse longē grādiōra, nec non etiā grauiora, in Codicem collaturus) non tam ex meo animo; cū alia omnia curaturus, huc appulissē; quā illorū rogatu: eāq. sub nomine uestro ut apparerent, accingebar, cū illorū peruicacia, qui cuiusque iniqui esse non uerentur, dum id efficiant, quod cupiūt, me Sisyphi saxum mouere cōperi, si ex meo uoto correctā, & emendatā illa prodire studuissem. Cū autē impressio iam esset in medio cursu; eāq., quae ego Pandeētis addideram, carptim relegere uoluissē, errata, dictionū numerū exsuperare deprehendi. Quod mihi tam per molestum accidit, ut ex eo penitus, illa uobis nuncupādi, plurāue ijs, quae impressa fuissent, praelo cōmittendi cōsiliū abiecerim: tempus fore ratus, cū aliquid uobis dignius a me edendum esset, in quo uoluntati meae, gratiam a uobis quamcumque ineundi, uel potiūs illam

ANTONII PERSII

ueterem aliqua ex parte referendi, satisfacerem. Opportunè autem nunc, cum hasce propositiones edendas intellerem, in mentem uenit mihi quo pacto istud aces antè a me contractum, uobis alijsq. coram profiteri inciperem. Vobis igitur, Illustriss. praetèr q. omnium mihi cariss. capita, Henrice, & Camille Caëtani, meam praeclari uestri beneficij memoriam nūquam intermorituram apud me, ac omnibus alijs, qui haec legent, apertè testatum uolo: Vobis, inquam, qui praeter eam nobilitatem, quam cum uita simul adepti estis, illam ingenij, praeclara doctrina cū prudentia cōiunctam, supremis quibusque in ecclesia Petri honoribus, ac praefecturis dignam naeti estis: digni igitur, quorū iudicio longè maxima ingenij mei, aliorūq. meo nobiliorū, & excellentiorum ingeniorum monumenta digna habeantur. quae sanè monumenta, si lucem ulla uidebunt (spero quidē adiuturos Deos) absque cunctatione aliqua, uestri aeris; quod magnum est; omnium primum partem pendent. pēdētq. fortasse citius, quā uester putet animus, modò nobis fauceat bona ualetudo, uirorūq. illustrissimorum incolu me sit beneficium; quorum in me magnum adhuc exstat & singulare, indiēsq. cumulum suscipit; CORNELIORVM inquam; in quorum aedibus biennium uersor, et eò ampliùs, tanta cū animi mei laetitia, mentisq. tranquillitate, dignitatis autem honorifica cōdicio ne, ut illā nobilitatem, quae lōgè maior est, quā ut a me dici queat, haud uanam, nulliūsq. praeter nomen, esse momenti existimē: ea enim profectò cū talis sit, et tanta, ut omnium in hac Veneta repub. familiarum splendorem exaequet, sexcentarum uerò aliarum, quae nobiles dicuntur, excellat; horum tamen animi magnitudini, & benignitati praecire nūquam potest. Qui fortunae, corporis, animiq. bonis aucti, perfectiq., uitae statum sortiti uerè dicentur illum, quem Peripatetici philosophi omnium felicissimum praedicarunt. Primum enim si nobilitatem familiae in eo sitam esse uelimus, ut eò nobilior, quò antiquior, sit, quòq. uetustiores, instituto, & more maiorum, cire patres possit, quae natu maior hac exstare cōperietur! Veneta enim resp. iā inde a primis illis pueritiae annis, supremos magistratus per

Corne-

Corn
genti
si do
pliss
etian
ius u
lij tr
in pr
mon
Pon
fami
dige
nali
CO
let, u
omn
quid
ētiss
de se
les,
anin
prae
NO
rem
esse
iui
re a
GI
scri
ber
qu
ex

P R A E F A T I O.

Cornelios gessit, eadem firmiori iam nunc aetate, florentissimo statu, gentis eiusdem summos magistratus, purpurâq. cōtuetur. Iam uerò si dotes animi contemplemur, eam familiam esse certè hoc nomine amplissimam reperiemus, siue dignitatem spectemus familiarum, siue etiam praeclara in remp. Venetam merita. Maiores illius, hoc est huius urbis, & reip. conditores mitto; ij, qui nuperiores fuerunt, Cornelij tres Cardinales, omnes, dum uiuerent, primae notae uiri, Romaeq. in principibus Cardinalium, postremus uerò non tenui hominum opinione Card. ANDREAS, si morte praeuentus non esset, fore in Pontificatus apicem euehendus; & is, qui nunc Romae floret, huius familiae Cardinalis; isti inquam haud obscura fama sunt, uel quae indigeat testibus: uobis haudquaquam ignorantur, eoque minùs Cardinali prudētissimo, doctrinâq. omni cumulatissimo patruo uestro NICOLAO Caëtano: cuius apud Pontificem auctoritas tantum ualeat, ut ipsi carissimus, coniunctissimus atque intimus ex omnibus, ab omnibus, qui eum norunt, existimetur esse: quid dico existimetur! est quidem, si praeclaram provinciam, & non nisi antea Pontificum arētissimo sanguinis uinculo coniunctissimis tradi solitam: quâ, ex quo de signatus Pōtifex est, adhuc gerit frater uester, Romae inter aequales, animi atque ingenii dexteritate praestans, & belli, uirtute tum animi, tum corporis ex omnibus eximius, eoque potissimum nomine, praeter affinitatem, M. Antonio Columnae coniunctissimus, HONORATVS Caëtanus, si provinciâ, inquâ, illâ cū animo consideremus. qua cū dignitate multò, quàm cū Honorato, praeclariùs actū esse putem. quantum enim splendoris, quantum illi auctoritatis de iuvene illustrissimo, Romanaeque ciuitatis nobilissimo, eius moderato re accessisse credam! Et ut a Cardinalibus discedamus, quis abunde GEORGII Cornelii fratris reginae Cypri, laudem, uel gloriam scriptis cōplecti, uel unquam fando satis explicare queat! Cuius liberalitas erga remp. maxima; regno Cypri omnium locupletissimo, quod tū uiri morte ad Sororē erat deuolutum, illi elargito; numquā ex hominum memoria poterit obliterari. An uerò taceam hunc, apud quem

ANTONII PERSII

quem nūc moror, GEORGIVM, eius nepotē: cuius alias uirtutes praetereo, magnitudinē, ac generositatē animi nō praeteribo: qui morte fratris, postremi, quē dixi, Cardinalis affectus, filiūq. JACOBI; cuius ingenij, atque animi uirtutes admirari praestat, quā laudare; maximis utriusque morte, Cypriq. iactura maectatus ē fortunij, eā tamē praesefert animi cōtinentiā, ut in aedibus eius desideres eos, qui mortui sunt, & quae illi abstulit fortunae aduersus ipetus; illā animi fortitudinē, cōstātiā, grauitatē, liberalitatē nūquā desideres. uerū haec mihi credi uelim, & illis, qui in eius aedibus quotidie diuersantur. illa uerō nullus ignorat; in rep. sua, maximis, & supremis magistratib. perfunctus: extra rep. cū maximis, ac supremi gradus hominibus familiariter uersatus, ab usq. in summo pretio habitus, maximē cultus, maximēq. nec vulgariter etiā honoratus. Qui tamē cū indolē suorū maiorū referat omnē, nō cōmisit ut aliā cōdicionē, naturāq. filijs imper taret, tū mortuo, tū autē de superstitib. maximo natu ANDRAEAE. is enim cū omnē uirtutē animi diligēter excolat, illā ingenij uehemēter exercuit, linguis tū Latina, tū Graeca sanequā instructus, & philosophiae, ciuilib. scientiae artibus & antea, & nūc maximē animi ardore incredibili, ac ingenij felicitate operam suam adiungens. Praetereo uirtutē seminarū. illud dicā unū, tāti fecisse Venetos CATHERINAE Corneliae, Georgij superioris, sororis pulcritudinē morū, & corporis, ut quā Cypri regi collocarent, cōfortēq. illius regni facerēt, solā hanc putarēt, aliam praeterea neminē: specie quidē praeditā, quae solā imperio digna uideretur ex multis aliarū familiarū, et inter suae familiae tū quae superiori, tū quae hac nostra uigēt, ac florēt aetate, cū multis communi, luminib. q. ceu, ac stellis fulgentibus circumplexa. Quā igitur affici laetitia debeā recipiendis beneficijs, nō dico: quā efferrī gaudio, mēq. dijs carū esse existimare, tū a uobis, tum ab hac familia, quā dixi, dēmeritis: ex ijs, quae cōmemorauī, nullum esse uobis dubiū poterit: quantū de me tandē officiū, praestanti uestra deuincto liberalitate requiratur, quid me uobis dicere adinet. gratias equidem quas potero, aliquas referre conari; id uerō praeter cetera decere me ualde,

P R A E F A T I O.

de, *sensi*. Sed iā tēpus postulat, ut ad id, quod de *T'eleſio* nostro narrare occeperā, reuertamur. Is igitur cū secundā editionē adornaret, egōq. in terea tēporis eſſem Neapoli, mirū quā illū erga omnes humanitate inſigni praeditū, & munitū expertus ſim. neque enim erubuit, quae uiri comitas, adq. ueritatē potiūs, quā ad laudē inucniendā, propenſio eſt, quotidiano ſermone meū de ſuis ſcriptis iudiciū poſtulare; imo ne cuiuſuis, etiam ^{in uolū} ſententiā ſibi reliquā facere. Quid! etiā nūc (teſtes mihi ſunt tot eius ad me litterae; teſtis, mihi uenerandus uir, maximē reuerēdus) *AESAR* Brumanus excellenti nō minū doctrina in Iure civili, & philoſophia, quā nobilitate praeditus, omniūq. humaniſſimus, qui tecū, Henrice, Venetias proſectus unā cū Pontificio legato, Gallorū Regis gratia miſſo, nec ignaro mihi, tamē eius ardens deſideriū non ſemel declarauit) etiā nūc equidē, cū tertia, eāq. poſtremā cogitat editionē, nouis de animalū generatione libris auctū, nullū neque diligentiae, neque impenſae locū dat, quō doctōrū omniū de ſuis ſcriptis calculi cōpoſ fiat. Singulare uerō eius animi benignitatē quo ſcelere praetermittā! qui tam largus mihi fuit ſuorum dogmatum, cōſiliorūq., ut ali quid, quod ipſe ſciret, quod me fugeret, latēre me uelle, neſas putaret; cor rigiq. a me, ſenex a iuuenē, ſi quid erraret, diſcerēq. in illa aetate praeclarū exiſtimaret. Cuius, pro eo ac ei debeo, quantum his temporibus fieri poterit, proſectō illud nomen cōſecrabo omni genere monumentorū ab omnibus ingenijs ſcriptorum, nedum ipſe lucubrationū mearum, ſi proditurae ſunt ullae, perēni memoria celebrabo. eūq. haud erubeſcā cum quodam eleganti, & eximio iudicio, doctrināq. claro, mihiq. inprimis familiaritate coniuncto, philoſophorum antiquorum, & neotericorum cuique praeferre, donec eo praeſtantiorem, & ueriores alterum inueniam. Interim autem quod a maximo imperatorum de maximo poetarum eſt dictum, id de maximo philoſophorum a *Pygmaeo*, minimōq. hominum dici, aequo animo ferant,

Laudetur, vigeat, placeat, relegatur, ametur
Quemadmodum a me uos amati, ueneratiq. fuiſtis, eſtis, eritiſq. ſemper, Vos inquam, duo clariffima totius familiae Caëtanae ſidera.
Valete Venetijs. ∞ D L X X V.

ERRATA LECTOREM REMORANTIA.
PRIOR NUMERVS POSITIONEM, ALTER, EIVS
POSITIONIS VERSVM DESIGNAT.

Positione. 1. 11. prouidētia. 83. i. orationis. 210. 3. methodo: non &c. 225. 1. praesensio. 245.
in margine 1. post. 245. 1. Aristoteles. 277. 3. hoc; Vtrum &c. 367. 1. Antoninus. 767. 3. ut uocāt.
901. 2. aequum. 1114. 3. quod. 1115. 7. intueantur. *mox* quod. 1141. 2. horum. 1298. 3. eadem.
1325. 2. superposito. 1414. 4. donatae. 1481. 1. A diuerso. 1503. 4. materiae ue. 1535. 4. continean-
tur; prima. &c. 1673. 2. prima corpora. 1715. 3. uisum 1749. 2. consequitur. 4. tum & 1756. 2. dif-
simili. 1800. 2. habet. 1839. calor. 1898. 2. praedito uiribus. 1903. 2. frigidior. *In oratione prima,*
fac. 5. uers. 6. animum.

OMISSA


post. 379. 2. post sociatam add. falso 864. *in margine,* post illo, adde tit. problemate 264. post pro-
priae, adde materiae. *quodum alia longe suprior impressorum incuria uersum praeteriit in uisima*
Oratione, facie penultima, uers. 16 qui est Dicazarchus, Eudemus, Plato quidam discipulus Ari-
stotelis, Theophrastus.

ANTONII PERSII

IN RHETORICIS

CONTRA RHETORES

ARISTOTELEM.
ZENONEM.
CICERONEM.
QUINCTILIANVM.
PRISCIANVM ETC.



V M Deus ille princeps, parens rerum, fabri-
catórq. mundi, nullo magis hominem sepa-
rarit a ceteris, quae quidem mortalia essent,
animalibus, quàm dicendi facultate; ratio-
nem nobis quoque praecipuam dederit,
eiusq. nos socios esse cum Diis immortali-
bus uoluerit: quae neque tam nos iuuaret, neque tam esset in
nobis manifesta, nisi quae concepissemus mente, promere
etiam loquendo possemus: Id magis deesse ceteris animalibus,
quàm intellectum, & cogitationem quandam, uidemus.
Quare si nihil a Diis oratione melius, nihil praestantius a pru-
dentia accepimus, quid tam dignum cultu, ac labore ducamus,
aut in quo malimus praestare hominibus, quàm quo ipsi
homines ceteris animalibus praestant!

- 2 Iccirco prima liberalium studiorum non immeritò statuitur
Grammaticae, necessaria pueris, grata iuuenibus, iucunda seni-
bus; dulcis secretorum comes.
- 3 Cuius artis studium non ignobile esse, uel inde cuique facile
palàm fiet, qui Graecos illos magistros, primùm Platonem, &
Aristotelem, deinde Stoicos; ac denique Romanos, M. Teren-

A tium

tium Varronem, M. Tullium Ciceronem, & C. Iulium Caesarem contemplatus fuerit.

4 Cuius quidem materiam, sermonem popularem, & patrium, hoc est, significationibus notum, ponimus. Sermone autem humanum intelligimus: Quem, ore editum articulatum sonum, uariis uerborum formis distinctum, ad notiones animi distinctè; ita ut ab audientibus percipiantur; declarandas aptis, definimus.

5 Verum enim uero qui in Grammaticè præter rectum, & laudabilem sermonis usum, doceri uelint, falsò docent.

6 Et usum prorsus ea docendum suscipit ex his quidem, non quæ significantur, sed quæ ad significantur.

7 Grammatices igitur, puritatem sermonis, & elegantiam, proprias ponimus: quæ perspiciuntur in singulis uerbis ex etymologia, in coniunctis ex syntaxi; quidquid Quintilianus, Priscianus, & alii dixerint.

a 1. De interpret.

8 Quòd ab Aristotele^a nomē definitur, esse uox significatiua ex arbitrio, sine tempore; cuius nulla pars separata significat; nihil ad usum grammaticum.

9 Et quòd addant, Finita, & recta; magis falsum.

10 Sed iam ad rhetores orationem nostram conuertamus. Oratoris esse, de quacumque re sibi proposita, ornate dicere: falsum.

11 Non de omnibus rebus posse dicere Rhetorices: falsum.

12 Probationes esse proprias oratoris, Arist. dixit: falsum.

13 Accusationem sui amici, uel inimici non coram iudice factam, ad genus iudiciale reduci; ut quidam neoterici putarunt: falsò.

14 Animi cogitata, materiam esse artis Rhetorices: falsum.

15 Oratori tribuunt, in senatu debere dicere de rebus futuris: falsò.

16 Valere oratorem apud tyrannum: falsum.

17 Valere apud regem: falsò.

18 Apud optimates: falsò.

19 Valere

19 Valere apud paucos: falsó.

20 Qui ante nos de arte dicendi conscripserunt (inquit Arist.^a)
 21 prout quendam eius particulam confecerunt. probatio nes
 22 enim solae ad artem pertinent; reliqua uerò sunt additam en-
 23 ta. falsó itaque Arist. ita copiose, & extra artem in arte Rhetorica, de affectibus praecepit.

21 Rhetoricen, aut Oratoriam, artem esse: falsum.

22 Imitationem solùm ualere ad eloquentiam comparandam;
 ut quidam neoterici existimant; falsum.

23 Quinque partes Rhetorices Cic. & Quintilianus fecerunt:
 falsó. nam tres sunt Dialectices propriae, scilicet inuentio,
 dispositio, & memoria, si hanc uelis etiam attribuere.

24 Elocutionem solùm in tropis, & figuris, propriam esse oratoris: falsum.

25 Quòd etiam Fabius cum Cic. confirmauit (oratorem nae perfectum, qui esse, nisi uir bonus, non posset, putauit): falsó

26 Potest enim, uel rhetoricis Quintilianiani artibus instructus abunde, qui tamen omnes uirtutes non habeat.

27 Persuadere esse finem, & perfectam, summamq. laudem oratoris: falsum.

28 Falsus Arist.^b & qui eum sequitur Cicero, qui primùm in rhetoricis artibus philosophiam docuit; & ueteres reprehendit sophistas, qui de dialecticae inuentionis facultate nihil in Rhetorice praecepissent; quia non ad Rhetoricen haec ad-
 29 tinent.

b 1. Rhet.
cap. 1.

29 Falsó putant distinctionem in tria genera dicendi, graue, humile, mediocre, a uerbis tantùm sumi: sed ex rebus etiam ipsis puto.

30 At ista generum partitio, quibus oratorem definit, Rhetorices nihil est, nisi, quod subiecti proprium est, adiunctis rebus attribuit. Nec enim grauitatem, subtilitatem, mediocritatem orationis ex elocutionis ornamentis oriri dicimus; sed e rebus ipsis, quae elocutione tractantur.

31 *Tria Oratori uidentia esse, ait Cic. Quid, Quo loco, Quomodo:*

A 2 So-

4 Solam igitur elocutionem, oratoris propriam facis? at falsum.

32 Cur hoc? quia primo quidem membro, inuentionem comprehendit, secundo uero collocationem, tertio quid aliud, nisi elocutionem!

33 Includitur & actio. At non etiam memoria.

34 Sed quid si, uel Cicerone, eodem in loco, teste, inuentionem, & dispositionem, eloquentiae non esse propriam, probabimus!

35 *Ac duo prima, scilicet, inuentio, & dispositio, non tantum insignia sunt ad maximam laudem, quam necessaria; & tamen cum multis paene communia, quando forte his praestet elocutio, nonne? Vtique. at falsum.*

36 Sed quid! ac si ipse statim non confiteatur nobiscum, illa duo ipsa, elocutione esse praestantiora; *& tanquam animi instar, ait, in corpore.*

37 Noscat ille orator; quem summum esse vult Cicero; argumentorum, & rationum locos: Quos, tres facit: cum quidquid, quod in controuersia uersetur, in eo, aut Sit ne, aut Quid sit, aut Quale sit, quaeratur: imperfecta, & inutilis diuisio.

38 Sit ne, signis quaeri, Cicero putat: falsum

39 Quid sit, definitionibus: falsum

40 Quale sit, recti, prauiq. partibus: falsum.

Quin ex omnibus inuentionis locis quaestiones hae erui possunt.

^a In parti. 41 Quid si hoc ipsum ex Ciceronis^a doctrina probabimus!

42 Qui iudicium, & delectum, quem adhibere debet orator, alium a dispositione putant: falsum.

43 Falsus ergo Cicero, dum post inuentionem, de iudicio monuit: tum dispositionis artes explicauit, ac si iudicium, dispositionis non esset.

^b 3. Rhet.
^c p. 16.

44 Prooemium, narrationem, confirmationem, perorationem, ut Cicero, & Arist.^b dicunt, ueras esse partes orationis: falsum. nam confundunt artem inuentionis cum dispositione.

positione. dispositionis enim partes illae sunt, non artis nec operis artis, qualis oratio est.

- 45 Ridiculus igitur Cicero, qui, cum ex dispositione sola orationem diuideret in tot partes, de dispositione nihil ferre praecipiat; sed inuentionem antè traditam, pro dispositionis doctrina, conturbet, & confundat.
- 46 *Caeterarum rerum, quae sunt in oratore, partem aliquam sibi quisque uindicat: dicendi autem, id est, eloquendi maxima uix soli huic conceditur: falsum: Ac si pronuntiatio non aequae esset propria.*
- 47 Multa genera elocutionis faciunt; philosophorum, qui uerecundè dicunt, & molliter: quorum oratio Ciceroni casta, uerecunda, & incorrupta uirgo uidetur; sophistarum, qui suauiter, & argutè; historicorum, qui aequabiliter, & fusè, Poëtarum, qui numeris cum sint adstrictiores, reliquis tamen generibus dicendi, licenter utuntur, & liberè: falsum: modò sint illa omnia ornatus.
- 48 *Erit; inquit Cicero; eloquens is, qui in foro, causisq. ciuilibus ita dicet, ut probet, ut delectet, & flectat: falsum, & contra seipsum. non igitur de re omni, ut alibi ipse docuit.*
- 49 *Sed est eloquentiae; ait Cicero; sicut reliquarum rerum, fundamentum sapientiae; ex quo quid deceat uidere in oratione, cognoscitur: & illud, decorum, appellat: nisi Dialecticè intelligat, falsum est; tametsi de ea uerbum nullum.*
- 50 Zeno, Aristot. & Cicero uolunt, Oratoriam, & dicendi rationem latiore esse; Dialecticè uerò contractiorem: falsum.
- 51 Quintilianus, quinque Rhetorices partibus ita iudicium admistum arbitratur, ut ab his separari doctrina, & praeceptis non possit: falsò; cum ea doctrina Dialectices sit propria.
- 52 *Quae ad iudicem non ueniunt; ait Quintilianus, aut*
prae-

a Lib. 3.
cap. 3.

praeteritum habent tempus, aut futurum falsó. nam etiam de re praesenti disputatio extra iudicia fieri potest.

53 *Praeterita; ait Quinctil.; laudamus, aut uituperamus; de futuris deliberamus: falsó. An non etiam de praeteritis, & futuris, & quaerendi, & consolandi, & mirigandi, & terrendi, & alia innumerabilia agendi, offerri potest occasio!*

54 *Item certa, ut cuique; ait; est animus, laudat: falsó. nonne si ne laude & uituperio tractari possunt illa!*

55 *Ex dubijs; ait; partim deliberatur, partim lite contenditur: falsó.*

56 *Locos communes, quos Quinct. & alii dicunt, esse in deliberationibus, & in alijs; falsó: sed omnes esse, & reduci ad locos inuentionis.*

57 *Exordii triplicem causam reddit Quinctil. scilicet ut beneuolus, attentus, docilis fiat auditor: falsó. non enim proprium est prooemii.*

58 *Omnis probatio; ait Quinct. artificialis constat aut signis, aut argumentis, aut exemplis: falsó: quasi et exempla, & signa argumenta non sint.*

59 *Non sunt profectó. nam signa; ait idem; non inueniuntur ab oratore; sed ad eum cum causa deferuntur. erunt itaque in artificialia: cur itaque partes artificialium! falsum igitur.*

60 *Signa; ait Quinct. siue indubitata sunt, & non sunt argumenta; quia ubi ea sunt, quaestio non est: siue dubia, & non sunt argumenta. quia ipsa argumentis egent. falsum. quia quanto magis quaestionem arguunt, tanto magis argumenta sunt; uel etiam ex argumenti definitione eiusdem.*

61 *Argumentum; ait Quinct. est ratio, probationem praestans, qua colligitur aliud per aliud; & qua quod est dubium, per id, quod dubium non est, confirmatur: falsum. nam haec definitio alii conuenit,*

Quinct.

62 Q
rias

&n

63 Q

64 Ti

&q

65 H

rhe

A

66

67 D

tan

nis

du

68 R

in:

69 N

pla

70 S

sap

fed

71 R

ru

72 N

ra


73 I

- 62 Quinct. iudicat, nullam dispositionis artem in omnes materias certas tradi posse: falsó: nam pronunciati, syllogismi, & methodi artificiosae certa doctrina est.
- 63 Quinct. inuentionem non imitabilem existimat: falsó.
- 64 Tres constitutiones rhetores sibi tribuunt, facti, definitionis, & qualitatis: falsó.
- 65 Hypothesis ergo, quae coniectura tractatur, non pertinet ad rhetorem? pertinet; at non duae reliquae.

ANTONII PERSII

POSITIONES PRO RHETORICA

FACULTATE.

- 66  V M duae sint uniuerſae, & generales homini dotes a natura tributae, ratio, & oratio; illius doctrina, Dialectice est, huius Grammaticae, & Rhetorice.
- 67 Dialectice igitur humanae rationis uires in cogitandis, & exponendis rebus persequitur: Grammaticae orationis puritatem in etymologia, & syntaxi, ad rectè loquendum, uel scribendum interpretetur.
- 68 Rhetorice orationis ornatum tum in tropis, & figuris, tum in actionis dignitate demonstret.
- 69 Non itaque Rhetorice ars est; ut Ciceroni, & Quinctiliano placuit; praesertim quae omnes animi uirtutes explicet.
- 70 Sed quid! nonne eadem est oratio, quae & purè, & ornatè, & sapienter, & loquatur, & dicat, & sentiat? Eadem perfectó.
- 71 Rectè igitur Cicero, ac Quinct. qui de his omnibus praeceperunt: Minimè gentium.
- 72 Nec, si illas uirtutes necessarias oratori, concedamus esse, uera Cic. Quinct. & ceteri dixerint.
- 73 Itaque neque ipsam philosophiam moralem Rhetorices partem,

- tem, neque ipsam Rhetoricen omnino virtutem moralem esse teneamus.
- 74 Itaque Rhetoricen perfectionem ex se habere, tenemus, & propriam.
- 75 Nec, si concedamus, ad perfectionem maiorem artis, esse necessarias alias scientias, ideo ex illis conflare, eiusque illas esse partes, umquam concedamus.
- 76 Cum autem mentis interpres sit oratio, & mediis conceptibus, res etiam, quarum sensus animi, species gerunt, significet, ut ceterae, hominum quae consilio fiunt, operationes; finem aliquem & ipsa habebit.
- 77 Sermonis itaque finis erit, animi sensa aperire.
- 78 Rhetorices autem partes duas ponimus, elocutionem, & pronunciationem.
- 79 Elocutio uerò est exornatio orationis, quam in tropis, & figuris consistere ponimus.
- 80 Tropum uerò dicimus, elocutionem, qua uerbum a natua significatione in aliam transmutatur.
- 81 Quem necessitas genuit, inopia coacta, & angustiis. plura enim rerum genera, ac negotia, quam uocabula.
- 82 Nec negamus quin postea delectatio, iucunditasque celebraverit.
- 83 Figura uerò est elocutio, qua rationis habitus a recta, & simplici consuetudine mutatur.
- 84 Et quidem ut tropus est singularum vocum, sic figura coniunctarum est.
- 85 Utque. vocum alia est propria, alia modificata, sic orationum alia recta, alia figurata.
- 86 Pronunciatio uerò, alia Rhetorices artis pars, nihil aliud est, quam ornata cogitationis enuntiatio.
- 87 Cum autem quidquid est artis, qua memoria possit adiuuari, ordo, ac dispositio rerum sit; qua quid primum, quid secundum, ac tertium, animo cernamus: ordinis uerò sola dialectica dispositio doctrina sit, ab ea sola memoriae praesidium, & sub-

& subsidium peti potest.

- 88 Ergo ut inuentionem, & dispositionem, sic memoriam Dialectice attribuire uerè possumus.
- 89 Nec, si praecepta memoriae, Dialectice tribuo, ideo memoriae usum, communem esse multarum artium, non existimo.
- 90 Quinimmo omnium non modò artium, sed quarumuis aliarum rerum, quae in hominis sensum, aut intelligentiam cadunt, memoriam esse communem.
- 91 Docere uerò cum inuentionis sit, quae Dialectices propria est; ex qua etiam delectandi, & mouendi reliquae partes emanant copiosius fortè, quàm ex elocutione; inuentioni omnia subiiciam.
- 92 Neque tamen infitior, ex illis oratoris officiis esse tot genera dicendi; subtile in docendo, mediocre in delectando, graue in flectendo; & has in actore causarum summas, & singulares esse laudes, confirmo. Quod autem oratori, id est, unius artis homini, infitior planè, ac pernego.
- 93 Trium dicendi generum partitionem ex decore deducunt, cuius admonitio, quid cuique opus sit, quid conueniat, quid deceat, tametsi est in omnibus artibus, immo in omnibus dictis, & factis necessaria; eius tamen consilium, & doctrina (si decori consilium ullum, si doctrina est ulla propria) dialecticae inuentionis, dispositionisq. propria est.
- 94 Nam si decori, rationem rhetoricae artis esse putas, necesse est sanè, ut referas ad aliquam earum partium, quas Rhetorice tribuis. quod cum nec pronuntiationis, aut memoriae, aut elocutionis uideatur esse proprium, decorum inuentioni, aut dispositioni tribuamus oportet.
- 95 Sed si usum, & in singulis rebus peritiam, ac paediam decorum hoc afferre, teneamus, melius dicemus.
- 96 Non itaque audiendi sunt illi, qui existimant, aliud esse rhetoricum, aliud dialecticum iudicium. Vnum est enim hominis iudicium, ad quoduis aestimandum, utrum uerum, aut falsum;
- B sum;

sum; quod enunciatione, quod syllogismo, quod methodo praestatur.

97 Quas itaque quinque partes, officia, seu membra iudicialis causae faciunt, scilicet prooemium, narrationem, probationem, refutationem, perorationem, omnium quaestionum communia facimus; quae omnia ex dialectica methodo ducimus.

98 Nihil dicitur sine ratione, hoc est dialectica: sine exornatione, id est, rhetorica, plurima dicuntur.

99 Et sanè de tribus artibus communibus, Grammaticae, Rhetoricae, & Dialecticae, angustissima est Rhetorica.

100 Dialecticae itaque latissimè omnium pateat, tum Grammaticae proximè sequatur; postrema sit Rhetorica.

101 Quare Zenonis Stoici manum nihil pertimescas; uel saltem aequalem Rhetoricen Dialecticae, cum Platone teneamus.

a 1. Rhet.
c. 3.

102 Si itaque uel Aristot.^a & Cic. testimonio, deliberatiui generis utilitas, & detrimentum, est finis; in iudiciis uerò aequum, & iniquum; ex humanis igitur rebus publica omnia, ex priuatis uerò iustum, & iniustum tantum.

103 Hoc pacto non omnes res materiae erunt oratoris.

104 Aliarum itaque uirtutum, uirtutumque proprietates, praeter iustum, & iniustum, non tractabit orator? minimè, iuxta istos.

105 Quin & alia, quae cum artium sunt propria, tum & humanorum actuum, omnia ab oratoris puluere aliena uideri debent.

106 Quare nec naturalia: minùs etiam mathematica.

107 Nec fortè de intellectu differet? Nec de intellectu, nec de animo, nec de Ideis, eòque fecius de Deo ipso.

108 Quid si hoc ipsum, Ciceronem, in persona Crassi, sensisse fatearis!

109 Nullam itaque partem, Rhetoricen habere in argumentis, tenemus. Ergo probationes non sunt propriae Rhetorices?

torices?

- 110 Quid, si hoc esse Arist.^a placitum, demonstrarem.
- 111 Fortè igitur proprium oratoris, permouere? Nequaquam. quia Arist. extra artem videtur potius.
- 112 Pronunciationem igitur propriam oratoris esse dicimus; sed nec solam.
- 113 Iudiciale genus ex accusatione, & depulsione fit, aiunt. sub iudicali tamè genere non reducuntur, nec coelestia, nec naturalia, ex his inferioribus, nec humana, nisi ea tantum, quibus damnum, vel iniuria illata est: quae reficere debet iudex.
- 114 In iis itaque omnibus, in quibus neque vim, aut dolum cadere posse videmus, ex quibus damnum, vel iniuria oriri solet; iudiciale genus locum vllum habere, negandum.
- 115 Ex tribus constitutionibus, facti scilicet, definitionis, & qualitatibus, vnā tantum, quae facti est, rhetorum propriam esse remur.
- 116 In reliquis verò duabus Ius ciuile uersari, quiuis animaduertisse debuit.
- 117 Rhetores verò haec tamdiu tractarunt, & pro suis semper venditarunt: Quare plusquam centenaria praescriptione, sua fecisse, saltē videri debent.
- 118 At non aequo iure, sed uel ui, uel clam, uel certè praecario ab iis aliquandiu possessa, occupatāq. fuisse, cuilibet videri debet.
- 119 Controuersias itaque nasci uel ex iure, uel ex scripto, vel ex uerbo, tenendum; & has nullo pacto ad rhetores, sed ad iurisconsultos pertinere, facendum.
- 120 Et ex iure, cum aut aequitas cum iure, aut ius scriptum cum non scripto contendit.
- 121 Ex scripto verò, cum aut scriptum, id est, locutionis genus ambiguum est: aut sententia cum scripto comparatur; aut contraria scripta reperiuntur.
- 122 Ceterum ex uerbo, cum id, propter ipsius ambiguitatem, antipitēq. significationem definitione aperiendum est.

B 2

123 Alia

1. Rh.
c. 1.

123 Alia igitur erit controuersia, quae ex verbo, & alia, quae ex scripto? quid ni!

a 1. Rhet.
cap. 4.

124 Cùm deliberatiuum^a genus sit illud, quod publicum respicit utile, ac damnum, quaecumque sunt uel diuina, uel humana, & priuata, quae huc non respiciant, extra hoc genus esse constat.

125 Demonstratiui autem generis finis honestum, & turpe, assignantur a primis magistris: cuius proprium, cùm sit laus, & uituperatio, quae non, nisi ad ea, quae bene, aut malè ex scientia, & electione operentur, dirigatur, paucarum, & non omnium rerum amplectitur campum.

126 Laudis enim subiectum uirtus est, ut uituperationis uitiū. quod uel ex fine eiusmodi generis manifestè patet, quippe cùm honestum, & turpe tantum, sit materia demonstratiui. Sed illud aduertendum, quod Cic. negat, genus hoc, oratoris esse proprium.

127 At fac haec genera, iusti scilicet honesti, ac utilis, oratoris esse, nō ne circa determinatum genus uersabitur? Ita.

b 1. Rhet.
c. 1. & 2

128 At Arist.^b tamen dixit pluries, nullum Rethoricen habere determinatum genus.

129 Non omnes itaque res modò erunt oratori subiiciendae? Sed neque tria genera, ab his ei attributa. Quin Moralis propria esse, uideri possunt.

130 Rectè itaque, oratorem nullum genus, ac materiam nullam habere, dictum sit.

131 Si oratoris proprium est, de re probabiliter dicere, & de uina etiam in utramque partem dicere; uel indoctus, uel deceptor esse uidebitur. non itaque uir bonus, ut Quintilia. uoluit.

132 Cur hoc? Modò si ad lucrum, uel ad uictoriam causam dicet, quod maximè in iudiciali genere obseruamus.

133 Nam *Et apud eos dicimus*; ait Cic. *qui nesciunt, Et ea dicimus, quae nescimus ipsi: itaque Et illi aliàs, aliud iisdem de*

de rebus & sentiunt, & iudicant; et nos contrarias saepe causas dicimus.

- 134 Non etiam deliberatiuum genus oratori tribuendum, neque apud paucos, neque apud tyrannum: ad quos loqui de iusto, uel de iniusto non ualebit.
- 135 Cur hoc? Quia finis deliberatiui generis, est utile publicum, quod tyrannus sibi tribuit.
- 136 Quid, si orator uelit tyranno utile persuadere? non admittet eum, nisi ad aures dicentem, tyrannus. Etiam iudiciale genus ablegabit hoc pacto? Esto.
- 137 Orator tamen ualebit in regio statu? Nullatenus; praesertim si optimus sit rex, qualem describit Plato.
- 138 Sin minus? Tantundem. nam secretum habebit consilium, in quo non, nisi de rebus arduis, summis uocibus, deliberatur.
- 139 Coram optimatibus? Neutiquam.
- 140 Quid! optimatibus opus est persona eius, qui nescit ipsemet quod exclamat!
- 141 Fortè in statu paucorum? Multò minùs: quippe qui, instar tyranni, quidquid eis placitum est, id exsequuntur.
- 142 Oratori tamen illum locum non denegabimus, quem obtinisse uel Cic. testatur, apud indoctam plebem, seu apud rempu., quae non legibus utitur scriptis.
- 143 Rectè itaque Cic. *haec una res in omni libero populo. maxime in pacatis, tranquillisque ciuitatibus praecipue semper floruit, si impèrque dominata est.*
- 144 Oratores, qui in iudicio causas dicunt, ab iis, qui in senatu aliquid deliberandum proponunt, diuersum genus, ac sciunctum ponimus.
- 145 Neque enim dubium est, multas fuisse respublicas, quae sine alterutro gubernarentur, ut scilicet in iudicio oratores non receperint, in senatu, ac in deliberando, admiserint.
- 146 Rectè itaque in ciuitatibus, quae scriptis legibus utuntur, minùs

- minùs uigent oratores, & docti etiam praeficiuntur iudices.
- 147 Ceterum, cum omnium ferè rerum ueritatis contemplatio haberi potest, earundem recta ratio dicendi acquiri debet.
- 148 Ergo & si sine ueritate, Oratoria haberi non potest, nisi ridicula; Rhetorice de omnibus rebus dicet, & praecipiet.
- 149 Vnde Rhetorice omnino ars erit bene dicendi, non in iudiciis modò, ceterisq. publicis coetibus, uerum etiam in priuatis congressibus, eadem de magnis quibusque rebus, & paruis.
- 150 De omnibus ergo rebus Rhetorice Dialectice erit ^{ἀντιστοιχεί} cum ambae in eiusmodi rebus sint, quae a cunctis hominibus quodammodo cognosci, atque intelligi possunt. quod Aristot. rectè dixit.
- 151 Nec item sunt in aliqua definita, ac certa scientia, quod & idem dixit rectè.
- 152 At dixisti, non rectè ab iis factum, qui Rhetorice, de omnibus rebus praecipere, dicant: quod ab Arist., & Cic., aliisq. dictum esse, compertum est.
- 153 Verum si ad duo genera tantum, uel ad tria cum eo, quod Arist. addidisse fertur, eam restringamus, non rectè.
- 154 Quid itaque? Duplicem esse Rhetorice, statuamus oportet.

ANTONII

A

ALBE
ALEX
AMM
ARIS
AVER
BOET

155

Di

fu

pri

156

,, an

,, sec

,, ba

,, pt

157

Sc

Ze

D

au

158

at

ta

159

ri

15
ANTONII PERSII
IN DIALECTICIS
CONTRA DIALECTICOS.

ALBERTVM	CHRYSIPPVM	PORPHYRIVM
ALEXANDRVMAPHROD.	CICERONEM	SCOTVM
AMMONIVM	DIODORVM	SIMPLICIVM
ARISTOTELEM	EPICVRVM	THEMISTIVM
AVERROEM	EVDEMVM	THEOPHRASTVM
BOETHVM	PHILOPONVM	ETC.

155 **D**VO sunt uniuerſa Deorum munera (ut dictum eſt) hominibus tributa; unde alia ferè omnia profecta ſunt: ratio, & oratio. Rationis uerò doctrina Dialectice eſt; Ideòq. quidquid rationis, ac mentis proprium fuerit, quod ſine ratione tractari, & exerceri non poſſit, id propriè Dialectice adtribuendum eſſe cenſemus.

156 Ceterum huius artis non pars quaedam (ait Ariſtoteles^a) antè inuenta, & elaborata erat, pars altera minùs explanata; ſed omnino nihil in eo genere adhuc ab aliis traditum exſtat: Vnde nihil habere de hac arte diſſerendi, quod aliis acceptum referat; ſed ſe ipſum inueniſſe fatetur: falſum.

a 1. Elèch.

157 Quid! Zenonis Dialectice nònne ex Platonis Parmènide, Sophiſta, & Politico innotefcit! Zeno, inquam, Eleates, ex Elea, Lucaniae ciuitate, inuentor Dialectices perhibetur. Gaudeant ergo Itali philoſophi; Nos autem omnium maximè, qui conterranci ſumus eius.

158 Sed ſi Archytas Tarentinus; ut a nonnullis; b categoriarum auctor fuiſſe traditur; uel harum, uel aliarum ſit, conuincitur tamen mendacii Ariſtoteles.

b ut Iàbli
cus, & Bo
èth. in
Arithm.

159 Vt eodem nomine ſit, cur Itali, primi Dialectices magiſtri uerius dici debeant; & ex Italis noſtrates Tarentini.

Quid

160 Quid si earundem auctor fuerit Eudoxus Cnidius! quem secutum Aristotelem, sunt, qui memoriae prodiderint.

a 13. Phi. 161 Sed cur Socrati idem Aristoteles, a definiendi, & diuidendi laudem tribuit, si ipse primus inuentor!

162 Demonstrationem esse finem Dialectices, Philoponus, & Graeci cum aliquot Latinis putarunt: falsum.

163 Quid! quod unius est partis tantum, & ad fortuitum euentum alligatur, uniuersae fecerunt, & artis potestati subiecerunt.

164 Qui etiam definitionem, ut Auerroës; finem dixerunt, & alii, eodem premuntur incommodo.

165 Qui eius subiectum, Argumentationem; ut Albertus cognomento Magnus; posuerunt: falsum.

166 Item qui, Syllogismum; ut Scotus: falsum.

167 In posterioribus analyticis quattuor quaestionum genera agnoscuntur, An est, Quid est, Quia est, Propter quid est; ad medii inuentionem: falsó. cum una communis sit inuentio medii; & ad multò plura, quàm hae quaestiones, se extendat inuentio.

168 Triplicem Logicen faciunt, demonstratiuam, dialecticam, & sophisticam: falsó.

169 Quid ais! Alexáder, Themístius, Porphyrius, Ammonius, Simplicius, deinde infiniti interpretes & Graeci pariter, & Latini, & Arabes, & omnium toto terrarum orbe scholarum magistri errarunt! Quid tum!

170 At nón ne enunciatum datur, quod sit apodiëticum, dialecticum, sophisticum? Immo inde syllogismus apodiëticus, dialecticus, sophisticus, sed non Dialectice.

171 Genus esse, quod de multis, & differentibus specie, in quaestione, Quid est, dicitur a Porphyrio, & Aristotele: falsó.

b 1. Phy. c.
2.

172 Quid! nón ne idem, specie differre dicis, quod ratione, & forma? Hoc ipsum dicit Aristoteles.

173 At homonymia uerbi, Speciei, fallit: quia species logica cum definitur a Porphyrio, esse, quae generi subiiciatur; híc

non pro logica specie, sed pro forma, posita esse uideri debet.

174 Agnouit tamen Porphy. genus esse alicuius genus, & speciem esse alicuius speciem; at non pariter utrobique relationem usurpauit, definiendo.

175 Ediffere clarius. Faciam: nonne speciem logicam, partem generis uis esse, cum eam definire uelis? Esto, at in generis definitione, uerbum Speciei, non pro specie logica, sed pro causa formali usurpat Porphy.

176 Ergo quaelibet duo different specie, quia forma different, cum omnium rerum sua, & propria forma sit; qua res est, id, quod est, & differt a ceteris rebus. superflue itaque in definitione generis.

177 Nisi uelis speciem, specie differre a specie. Rides!

178 Quod autem genus dicatur in quaestione Quid est: falsó: non enim generis proprium hoc; quin potius definitionis: in cuius tamen definitione neque ponitur.

179 Ac si non expressè Aristoteles diceret quaestionem, Quid est, non genere, sed definitione argui, & explicari.

180 Quid, si numquam interrogaretur Quid est, non esset genus? Aduentitium itaque, & externum.

181 Speciem esse, quae praedicatur de pluribus differentibus numero in quaestione, Quid est: falsó. licet Aristoteli alibi quidquid differat aut genere, aut specie differre uideatur. ideo numeri haec differentia reiicienda est.

182 Quae igitur indiuidua uocantur, non differunt numero? Minimè gentium.

183 At singularum substantiarum formae, ut puta, Socratis, & Platonis; aliter, quam accidentibus, explicari non possunt: verum non ob id sequitur, formas essentielles diuersas non esse: quas tamen ferè in omnibus rebus philosophi, se ignorare, dicere non erubescunt.

184 Quae item de homonymis, seu cognominibus, de polyonymis, siue multiuocis, quasi uoces essent, dicuntur ab Aristote-

C le:

le: falsó. Ita etiam de synonymis, ac amphibolis, siue ambiguis; quae Voces rectius dicuntur; a Grammatice peti debent.

185 Singulares, & indiuiduas essentias, primas & principales appellat Aristoteles, species autem, & genera ipsarum, secundas substantias; easq. primis inferiores, ac minores: falsó.

186 Verius Plato; qui docet, Deum, Deiq. aeternam sapientiam, Ideas, genera, speciesq. rerum complexam uerè esse.

187 Contrà uerò, sensibilia omnia, quae ab Aristot. primae substantiae nominantur, cum oriantur, & intereant in dies, uel in horas potius mutantur, uerè non esse.

188 Substantias hasce indiuiduas, solas uerè esse, solas principalissimè, primò, maximè esse; & iis sublati, nihil aliorum remanere: falsó.

189 Non itaque Deus Opt. Max., neque angeli, neque hominum animi substantiae erunt, immo nihil prorsus. Atheus erit ergo Aristoteles.

190 Erunt itaque Aristoteli indiuidui homines omni homine principaliores, magisq. ac uerius, quàm omnis homo.

191 Quid! nōne accidit, ut Plato omni homine sit praestantior!

192 Ac si non uniuersae hominum naturae gratia singuli creati, conditq. essent homines, sed alicuius hominis gratia, uniuersa hominum natura.

193 Scias itaque omnino partem propter totum, non autem totum propter partem esse factum. rectè ergo hoc animaduertit Pletho Constantinopolitanus in Aristotelem.

194 Substantiam diuisit in primam, & secundam Aristoteles, & in logico organo tractauit: falsó. non enim ad logicum ita pertinet, tamen si de causis, ad logicum tractare pertineat, modo pro essentia rei cuiusque intelligatur: sed ita non erit a ceteris nouem distincta.

Ora-

- 195 Oratio Aristoteli est quantitas: falsó.
- 196 At nóne syllaba longa, breuíq. ponderatur? Ita: sed ideo longa oratio, uel breuior, quia uel duo, uel unum habet illa tempora. tempus itaque erit caussa orationis longae, breuísq.
- 197 At tempus per se, quantitas minimè est. minùs oratio igitur. Quare cur oratio non sit potius actio, non uideo: cur etiam, ut aliquando qualitas oratio sit dicenda, nil pertimescendum.
- 198 Relata ponit Aristoteles unum ex decem categoriis: falsó. ubi agnoscis generalissimum, subalternum, & specialissimum, ut in ceteris opus est reperire!
- 199 Eodem quoque modo Aristoteles qualitatem, unum ex Decem facit: falsó; & eodem morbo laborat; modò si categoria est homogeneorum per generalissimum subalternum, & specialissimum.
- 200 Ita sit, quid inde? Quia qualitas per habitum, dispositione, potentiam, impotentiam, passionem, & patibilem qualitatem, figuram, & formam &c. talis descriptio non est. Hae enim species homogeneae non sunt, nec unius generis proximi, cum sit in unaquaque categoria, sua qualitas ex differentiis.
- 201 Non ergo unum, hoc pacto ex Decem? Si qualitas est, secundum quam Quales dicimur, substantiae erit una qualitas, alia quantitatis, alia relationis, actionis, passionis, &c. quae omnes cum homogeneae non sint, haec categoria ab aliis distincta minùs esse debet.
- 202 Quidam, qui in cellula nobiscum disputantes, conuincere uolebant, contraria tantum pro specie contrarietatis apud Aristotelem accipi: falsó.
- 203 Non ergo solum contraria in genere², accipi apud Aristotelem, demonstrauius, sed etiam antiphasis nomen; quod proprium est contradictionis; pluries communiter pro omni affirmationis, & negationis oppositione usurpari apud Aristotelem, ostendimus,



² ut etiã
Cic. uertit,

C 2 Non

- 204 Non homo, Aristoteles uim nominis non habere existimat: at infinitum nomen uocat, cuius generis nomina neutra solent appellari: falsó. nam haec, Negata, dici tenemus.
- 205 Item Aristoteles nominum, ac uerborum casum, nec nomina, neque uerba nominat: falsó.
- 206 Nominum igitur casus in syllogismo esse rectè poterit; Quid si hoc disputauit, & uoluit Aristoteles!
- 207 De nomine, uerbo, oratione tractat Aristoteles in Dialectice: falsó. non enim de his ad dialecticum, sed ad grammaticum, vel rhetoricum.
- 208 Nec nos moretur scholasticorum distinctio, quò ad modum considerandi, haec plurium esse artificum.
- 209 Nón ne Dialectices finis est unicus, & perpetuus? Ita; bene ratiocinari.
- 210 Quid igitur aliud in nomine, & uerbo, & oratione, quàm purum sermonem spectamus? Rationem quoque. At in argumento, propositione, syllogismo, & methodo non qua nomina.
- 211 Coniunctio itaque, harum artium confusionem generauit, usus tantum coniungendus, non praecepta.
- 212 Has propositiones, Aliquis homo currit, Aliquis homo nō currit (quas subcontrarias vulgò dicunt) sub oppositionis genere collocant: falsó. has enim alicuius contradictionis nomine, minùs uenire posse tuemur.
- 213 Homo est albus, Homo non est albus (quas infinitas uocant) esse contrarias: falsó. non enim contradictionis nomen, nisi abusuè, conuenire potest.
- 214 Meritò itaque hoc ipsum reprehendit ante nos Georgius Graecus.
- 215 Omnis homo albus est, Aliquis homo albus est; & contrà, Nullus homo albus est, Aliquis homo non albus est (quas sub alternas uocant) etiam in numero oppositionum ponunt: falsó.
- 216 Disiunctionem ex contrariis, ueram esse, negantes; ut Cras
Cleon

Cleon uiuet, aut non uiuet: falsò; ut Epicurus.

- 217 Ergo Chrysippus quoque deceptus est, cum sic ageret profato, Neceſſe eſt, omnem enunciationem ueram eſſe, aut falſam. Ergo in contradictione rerum enunciatarum pars altera neceſſariò uera, pars altera neceſſariò falſa erit!
- 218 Quin Diodorus contra Chryſippi fatum agens, ſi praſcientia eſſet, omnia uera neceſſaria, omnia falſa impoſſibilia, exiſtimauit: falſò.
- 219 Quin & Cicero etiam ipſe, qui horum ſententias examinare, ac diſceptare uoluit, eo relabatur, ut alteram contradictionis partem eſſe neceſſariò ueram, alteram neceſſariò falſam, exiſtimet, foedè, & turpiter lapſus: niſi corruptum Ciceronis librum, defendamus.
- 220 Si contingens futurum, iam uerum eſſet, eſſet quoque neceſſarium, ait Ariſtoteles: falſò.
- 221 Non itaque erit fortuitum, non utrumlibet, non contingens: Neque deliberare itaque, neque negotiari oportebit.
- 222 Sed an uerum eſt contingens futurum? Erit, cui uerum.
- 223 Si uerum fuit, ſemper uerum fuit; ſi ſemper uerum, non poſſe id non eſſe, neque non fore: quod autem non poſſe non fieri, neceſſe eſt fieri. quapropter ſi uerum eſt, eſt etiam neceſſarium. Deliras ſecundo, & quinto gradu.
- 224 Ac ſi omne uerum eſſet immutabile!
- 225 Vides quòd nulla ex Ariſtotele praſentio futurarum rerum relinquitur Deo, neque prouidentia. Apage.
- 226 Syllogiſmus; ait Ariſtoteles, a Boëthius, b alii; eſt oratio, in qua quibuſdam poſitis, quoddam ab his diuerſum, ex neceſſitate, accidit, eò quòd haec ſunt: falſum. non enim proximum genus eſt oratio.
- 227 Quin externum eſt rationis ſymbolum, nec eſſentiale ſyllogiſmi quidquam.
- 228 Cur ita? Quia ſyllogiſmus non ad externam, & prolatam orationem, ſed ad intimam animi rationem ſpectat.

Quid,

a 1. pri.
b Lib. 2.
de ſyll.
cat.

- 229 Quid, si dicatur syllogismus, ratio? Nihil minus. Quamobrem? Quia nihil proprium afferetur; cum rationis nomine, tota logica & inuentio, & dispositio contineatur.
- 230 Quin etiam differentiae non recte hic adiectae uidentur, cum nec exprimantur quae sint illa quaedam posita, & quid sit, quod ab iis diuersum accidit.
- 231 Quid! potest ne conclusionis necessitas aliunde concludi, quam syllogismo? Ita ait Aristoteles.
- 232 Sed non ignorat, conclusionis necessitatem, eò quod antecedentia sint, posse accipi ex rerum cum sequentibus necessaria cohaerentia, quandoque, & non syllogismo.
- 233 Aristoteles non solum se nominat Logices inuentorem, sed perfectorem etiam: falsum.
- 234 Quid! ac si quae de enunciatorum coniunctorum materia, & contradictionis, iudicii q. modo, in Aristotelis philosophia fuissent ulla.
- 235 Non igitur, Aristotelis aetate, Logice de compositis, & enunciatis, & syllogismis erat inuenta? Non utique.
- 236 Hanc enunciati speciem, hypotheticam uocat Boëthius: ^a falsum.
- 237 Ac si non essent aliae compositae enunciationes, praeter condicionales.
- 238 Sed quid! Aristoteli non ne ^{est} quaelibet enunciatio, quae pro uera ponitur, seu simplex, seu composita, seu connexa, seu disiuncta!
- 239 Non itaque recte Theophrastus, & Eudemos, nec e Latinis primus Boëthius, syllogismi differentiam e propositionis hypothesei petiuerunt, dum syllogismum hypotheticum nominarunt.
- 240 Hypotheses enim nomen generale est; & propositionis, non argumentationis, & syllogismi, nomen est.
- 241 Falso itaque ab Aristotele iudicatum, nullam, praeter simplicem, speciem syllogismi esse.
- 242 At Aristoteles ibidem, hoc syllogismo connexo utitur.

^a lib. 1. de
syll. hyp.

^b 1. pri.
c. 12.

tur. V
243. E
244. F
plici
omn
245. Q
cred
syll
246. V
stan
non
247. A
seri
248. I
anti
249. M
prac
tiae
250. M
gni
251. V
252. C
253. M
pat
254. C
ait
lio
ger
255. C
pre
256. C
mo
inf
mo

tur. Verum.

²⁴³ Et hoc magis mirabile est, ne dicam, ridiculum.

²⁴⁴ Falsò itaque syllogismi partitio non modò omiſſa, de ſimplicibus, & coniunctis ſyllogiſmis, ſed in ſimplicium figuris omnes ſyllogiſmi falſò poſiti.

²⁴⁵ Quòd uerò rhetorum, ſeu oratorum, Ariſtotelis, ^{a 1. pol. 1.} & alii ^{& 1. Rhet.} credidere, eſſe exempla & enthymemata, logicorum uerò ſyllogiſmos, & inductiones: falſum, & commenticium.

²⁴⁶ Uſus enim, & experientia, Ariſtotelis principia, contraſtant; ac ſi in oratoribus pleni ſyllogiſmi, plenae inductiones non minùs, quàm in Platone, & Ariſtotele, non inueniantur.

²⁴⁷ At ſcio; fortè non diſcitur in gymnaſio, & exercetur, quod ſeriò poſtea tractandum ſit in foro!

²⁴⁸ In demonſtratione; aiunt; duplicem eſſe praenotionem, & anticipationem Quid, & Quia: falſò.

²⁴⁹ Non enim ad ſolam demonſtrationem ſpectant, cùm hac praecognitiones communes ſint omnis ratiocinatiuae ſcientiae.

²⁵⁰ Nec uerum & illud, ut axioma, & triangulus una praecognitione praecognoſcantur.

²⁵¹ Vtramque igitur requirunt? Vtramque.

²⁵² Quid, ſi hoc dixerit etiam Ariſtoteles!

²⁵³ Nõne principium manifeſtum, ut propoſitio, aſſumptioq. pateant, omnis ſyllogiſmi communel

²⁵⁴ Quaestio Memnonis (aut enim nihil diſcet, aut quae nouit) ait Ariſtoteles; contingerit, niſi quae diſcat modò quidem alio ſcire, alio autem neſcire. nec enim id abſurdum eſt, ut Scio generaliter, ſpecialiter Neſcio. omnino tamen uerum non eſt

²⁵⁵ Quinimmo Ariſtoteles magis Socratis remiſcentiam probare uidetur.

²⁵⁶ Quid! ſi Memnonis quaestio de infante iam nunc edito, moueatur; qui nullam noticiam rerum impreſſam animo, & inſculptam habeat, nec generalem, neque ſpecialem; an hoc modo Memnonis dilemma diſſolues!

Quid

a c. ult.
b c. i. di. i.

257 Quid! uniuersalia sunt principia scientiarum? At Aristoteles ipse uel contrarium dicit, tum in posterior.^a tum in philosophia^b cum Polo Lucano, nostro, a quo desumpsisse hoc, gloriatur.

258 Quamuis igitur in integrae artis informatione uerisimum sit, a generalibus ad specialia progressionem esse, tamen in singulis partibus id nequaquam uerum esse experimur, ut nec definitio definito, nec partes toto, nec antecedens demonstrationis absolutae consequente generalius est, quin singula haec conuertuntur Aristoteli.

259 Falli interpretes, tenemus, qui ex Aristotele, tenent, axiomata ingenerata omnibus hominibus. id enim repugnat Aristotelis philosophiae.

260 Quod si teneas ingenerari nobiscum, Platoni te adhaerere, dicemus: ac Platonica cum Aristotelicis permiscebis.

261 Demonstrationem esse subiectum genus, analyticorum posteriorum interpretes abunde intelligunt, & profitentur. falso itaque demonstrationem disputat Aristoteles.^b

b 1. po. c.
3. 15. 16.
17. 18. 19.

262 Cur hoc? Quia nulla ars subiectum sibi, & propositum genus disputare debet. ponendum igitur est, demonstrationem esse; nec id dubitandum, aut disputandum: licet Latinis omnibus, praecipue uero Linconienfi Grossatestae, non desint responsiones.

263 Graeci interpretes, ut Themistius, & Philoponus, eosque secuti ferè omnes, secundo modo dicendi per se, accidentia propria adhibuerunt; quorum in definitionibus subiecta ponuntur, ut simitas nasi, &c. falsò.

264 Themistius, & Philop. & deinceps reliqui, duos modos per se primos ab Aristotele retineri, duos postremos abiici: falsum.

265 Dialectice; ait Aristoteles; non est definiti generis. non enim interrogaret: falsum.

266 Artifex, ait, certi generis, ut metaphysicus, uel demonstrator, non interrogat: falsum.

Ecquid

267. Ecquid vetat Aristoteles, interrogationibus artes, & scientias omnes, & dialogo aliquo constitui.
268. Platonis philosophia fortè erit dialectica. At quid, si huius contrarium alibi dixerit Aristoteles.¹
269. Quaestionum tot sint; ait Aristoteles; quot rerum, quae sciuntur, genera.
270. At non Aristoteli, scientia definitur ex causa prima necessaria, & uniuersali? Ita: Attamen multa quaeruntur, & fortuita, & sensilia, quorum tamen nulla talis est scientia.
271. Quaestionem An est, apodicticam esse non putamus: si modo subiectum simpliciter tantum quaerat. subiectum enim tamquam principium ponitur in artibus.
272. Quaestio uerò Quid est, erit ne apodictica? Minimè, eadem ratione, si non quaerit accidens de subiecto.
273. At quaestionem Quia est, apodicticam aestimant: falsum. cum Aristot. sine causis, eam quid explicare posse docuerit: unde differat ab ea, quae Propter quid scientiam pollicetur: praesertim uerò cum illa, utrum accidens insit, tantum quaeratur.
274. Quaestionem Propter quid, aiunt quaerere, propter quid accidens inest subiecto: falsum. potest enim quaeri Propter quid, aliud non accidens, ut genus de specie: ut propter quid homo animal; & alia, &c.
275. Tot esse quaestionum, quot sunt rerum, quae sciuntur, genera; & non nisi quattuor, An est, Quid est, Quia est, Propter quid est, tantum definiri, si quaelibet quaestionum genera partiri uoluit Aristoteles, & interpretes etiam fatentur: falsum.
276. Omne problema, seu quaestio indicat; ait Aristoteles; aut genus, aut accidens proprium, aut definitionem: falsum.
277. Si enim quaeram, utrum sit Babylon ad tyrannidem principum aedificata, an non? Quid horum quattuor quaeritur? nullum profectò, nisi finis. & hoc utrum natura, constat ex materia,

2 r. po. c. 9

- teria, & forma, an non? De partibus tantum, non de genere.
- 278 Cur de specie in topi. non praecipitur? Quia a disciplina reiicitur; & singularia praecepta nulla, in arte esse debent: falsum.
- 279 An igitur praeceptum uniuersale de rebus singularibus nullum esse potest!
- 280 Sed quid, si Aristoteles de specie specialissima praeceptum tradit!
- 281 Rationes; ait Aristoteles; quibus magnam argumentorum
,, copiam comparabimus, sunt quattuor: quarum una est in pro
,, positionibus eligendis, altera in distinguendo, quot modis quid
,, que dicatur; tertia in differentiis inueniendis; quarta in simili
,, tudinis cognitione, & scientia: falsó.
- 282 Plurima enim genera argumentorum, sunt instrumenta in uentionis dialecticae.
- 283 Sed non ne absurdum est, propositionem; quae syllogismi pars est, & argumenti dispositio; inter argumentorum speciem numerare!
- 284 Tres; ait Aristoteles; partes esse dialectici, & topici, inuentionem, dispositionem, & elocutionem: falsó. elocutio enim Rhetorices pars est, non Dialectices.
- 285 Modi reprehensionis; ait Aristoteles; alii sunt circa dictionem, alii uero extra dictionem: falsum.
- 286 Non enim haec partitio logica esse uidetur. nam partem capit a Grammatica, & Rhetorice. Grammatica enim, ut Rhetorice, doctrina dictionis est, Logice autem rationis.
- 287 Itaque elenchi dictionis non logica uitia? Non utique, sed grammatica, aut rhetorica.
- 288 Insolentiam, putat Aristoteles, uitium, & elenchum ad Logicam pertinentem: falsó. grammatici est.
- 289 Ergo homonymia non erit logicum uitium? Minimè: grammaticum est. cum enim de perspicuitate orationis praecipitur a Cicerone, de uitanda ambiguitate uerbi, sermonisq. praecipitur.


Meta-

290 Metaphoram enumerat Aristoteles inter uitia dialectica: falsō. potius enim rhetoricum uitium est, quàm logicum.

291 Amphiboliam uitium dialecticum, ponit Aristoteles. grammaticum est, & grammaticae syntaxeos uitium.

ANTONII PERSII POSITIONES

PRO DIALECTICA FACULTATE.

292  I Dialectices artis magistros primos requiramus, non Aristotelem profectō fuisse censendum est; sed multō antea, quamplurimos existisse, manifestum est; uel cum Platone Prometheum, ueluti Deorum interpretem existimabimus, quem in sacris litteris Noēm docti existimant; uel cum aliquot doctis, Moſis sacrū illum sacerdotis ornatum, & uestitum Exhodi expressum.

293 Itaque Logices exercitatio apud Hebraeorum liberos singularis fuit, non in sophisticis de arte ipsa contentionibus, sed in explicatione historiarum, in canticorum, & poëmatum compositione, inq. aenigmatum enodatione, doctis uiris attestantibus.

294 Sed ne referas ad tā antiquos: neges etiam, Pythagoracos fuisse logicos (quod tamen falsum, inde deprehenditur, cū mathematicis artibus; quae sine Logice tractari non possunt; ita accuratē studuerint) Zeno tamen Eleates, ex Platone, & Laërtio, inuentor efficitur, quod & ad Parmenidem nostrum Lucanum Galenus^a extendit.

295 Clinomachus Thurius, noster cōterraneus, primus de axiomatis seu enunciatis conscripsit, si Laërtio credimus. quod si uerum est, principiū doctrine huius ei philosopho debeat; quae deindē translata sit ab Arist. in librū de interpretatione

D 2 Non

^a De hip.
& Plat.
plac. li. 9.

- 296 Non itaque Democritum Dialectices inuentionis, & dispositionis ignarum, ut nec Protagoram elenchorum; ut ex Platone patet; principem negare possumus.
- 297 Quin neque Platonem ipsum cum Socrate a Dialectices perfectae cognitione secludimus; de cuius schola Academicorum, & Peripateticorum sectae manarunt.
- 298 Dialecticen igitur, facultatem, seu uirtutem bene differendi tenemus, hoc est disputandi, disceptandi, ratiocinandi.
- 299 Quoties itaque ratione utimur, toties dialectico munere fungimur? Quid ni!
- 300 Naturalis ergo Logice? Facultas.
- 301 Ut enim uisus, & auditus facultas est naturalis, uidendi, audiendiq.; ita Logicen hanc, esse facultatem, omnia disputandi, intelligendiq.
- 302 Rectè itaque Aristoteles, omnes idiotas quodammodo uti Dialectice, confirmauit.
- 303 Duplex itaque; quinimmo haec, ueluti illius magistra, constituitur; cum omnis disciplinae principium sit experientia, observatio, & inductio.
- 304 Dialectice itaque communis omnibus rebus, ratione tractandis, ueluti prudentia quaedam communis omnibus artificibus, qui cum differunt, non sua quadam, & propria, sed communi dialecticorum facultate, differunt.
- 305 Si, ut ait Aristoteles, finis a disciplina habetur, quando praestatur quod artis uiribus continetur, Dialectices finis erit, bene differere.
- 306 Subiectum uerò Dialectices ponimus, res omnes. quod uel Aristotele teste confirmamus.
- 307 Quid etiam si Non ens, subiectum Dialectices ponamus? ut omnino quidlibet seu uerum, seu falsum quid tractari, ac ratione disputari, & explicari possit.
- 308 Dialectices uerò partes duas esse tenemus, inuentionem, & iudicium: quas Adrastus Simplicii testimonio, peripateticus nobilissimus, adprobauit, ad aures fuisse Aristotelis;
- item-

itemq. Cic., & Quintilianus.

- 309 Quamuis itaque opus aliquod artis huius, enunciatum scilicet, necessarium, uerisimile, captiosum dari potest; non ob id enunciati Logice partim necessaria, partim uerisimilis, partim captiosa esse debet; sed tota necessaria.
- 310 Genus illud uerè esse dicimus, totum partibus essentialibus.
- 311 Vnde Hominem genus esse Catonis, & Ciceronis; Catonè uerò, & Ciceronem speciem esse Hominis.
- 312 Cum uerò satiùs putemus, ueri, & proprii sermonis usum a iurisperitis, & reipublicae principibus, quàm a scholis interitum philosophorum petere; melius quae duo indiuidua, uulgo dicunt, & unam speciem, illi duas species, & unum genus dixisse uideri debent.
- 313 Sed si deridebunt consultos, non ridebunt Platonem, neque Aristotelem.
- 314 Differentiam, quam Porphyrius declarare adgredebatur, uel ad formam, & causam, uel ad comparatorum locum, & ad inuentionem rectius adscriberem.
- 315 Accidentium nomine rectius facta adiuncta, & rerum inter se comparationes intelligi.
- 316 Genus item, & speciem ad locum de toto, & partibus rectè ablegamus.
- 317 Categorias etiam ad inuentionem dialecticam sternere uiam, melius est ut concludamus.
- 318 Paronyma ad coniugata reuerti debere aestimamus.
- 319 Locum adnumeramus in subiectis, & tempus in adiunctis.
- 320 Quae uerò cum aliquo conferantur, ad speciem oppositorum referamus.
- 321 Animi sensum, uel intelligentiam, rerum similitudinem esse uoluit Aristoteles: quae uerò sint in uoce, notas, & signa sensum mentis esse: ut ea, quae scribuntur, eorum, quae sint in uoce; sensa illa apud omnes eadem esse; symbola, & signa non eadem, deprehendamus.

Quo

- 322 Quo fit, ut Dialectices, & Grammatices lata differentia contineatur, cum illa tota sit animi, eademq. apud omnes gentes: haec tota symbolica, in uoce, & scriptura.
- 323 Logice itaque sine symbolis interpretationis potest in animo consistere.
- 324 Rectè igitur in analyticis nullam Aristoteles interpretatio- nis mentionem, sed syllogismi genesis, & analyfin, tribus ter- minis, & propositionibus conclusit, & terminauit. non enim ad externum sermonem dirigi uoluit, sed ad internum.
- 325 Aliquis homo currit, Aliquis homo non currit, nullum co- tradictionis nomen meretur.
- 326 Homo albus est, Homo non albus, tantundem.
- 327 Omnis homo albus, Quidam homo albus, & contrà; quae sub alternae dicuntur, multò iustiore ratione tollantur: quia sunt ambae affirmantes, uel ambae negantes.
- 328 Quales sunt antecedentes causae, talem euentus uerita- tem esse tenemus. Ex causis itaque necessariis futurum neces- sarium, ex liberis liberum, ex physicis physicum esse tue- mur.
- 329 Nos Logicen compositorum enunciatorum, & per se, & in syllogismis maximè necessariam putamus.
- 330 Quod & Graeci Aristotelis interpretes profitentur, inuen- tionem illam Theophrasti, & Eudemi propriam esse. Cui & Boëth. de suo multa addidisse etiam, testatur, sed utrum om- nia rectè, aliàs dictum.
- 331 Datur igitur enunciatum, compositum, seu coniunctum, praeter simplex, quod multas sententias coniunctas habet.
- 332 Cuius & sunt suae species, ut copulatum, disiunctum, con- nexum, & relatum, &c.
- 333 Attamen in disiunctione illud tenemus, ut omnis disiun- ctio absolutè uera, sit etiam necessaria, tametsi in partibus se- paratim nulla sit necessitas.
- 334 Nam disiunctionis necessitatem pendere e partium non ue- ritate, sed dissentione, palàm est.

Prac-

- 335 Praenotionem duplicem esse dicimus; uerborum alteram,
rerum uerò alteram.
- 336 Et uerborum illam dicimus, quae in omnibus definitionis,
& definiti; totius, & partium; demonstrationis, & demonstrati;
omnisq. explicationis, & eius terminorum uocabulis omnino
requiritur.
- 337 Rerum uerò, quae debet esse in definitione, ad explican-
dum quod definitur; in distributione, ad explicandum quod
distribuitur; in demonstratione, & quauis expositione, ad de-
monstrandum & ad exponendum quod quaeritur; alioqui ni-
hil explicaret.
- 338 Itaque syllogismi Maior, & Minor hanc praenotionem ha-
berent? Quid nō!
- 339 Immo eandem de terminis medijs, & extremis, ut consta-
ret esse res iis significatas.
- 340 Conclusio ergo, & problema, quod concluderetur, hanc
duplicem haberet praecognitionem? Non: acciperet autem,
dum concluderetur ab antecedente.
- 341 Quid si hoc idem dixerit Aristoteles? a c. 2. & 3
- 342 Rerum autem praecognitiones, & anticipationes genera-
les & uniuersales esse, unde speciales illis comparatae proti-
nus concipiantur, & concludantur.
- 343 At uerò id praecipue in informatione artis integrae uerissi-
mum esse putamus, ut a generalibus ad specialia progressio
sit.
- 344 Definitiones, & partitiones esse principia omnium, ferè an-
tium, uel inde sumptas quasdam maximas.
- 345 Principia uerò non tantum prius nota, sed esse notiora, ait
Aristoteles; immo uerò ita clara, ut contraria quoque inde
sint manifestissima.
- 346 Cum autem quae in scientia sunt, per se sint oportet, sit,
cum quid alicui aderit, uel simpliciter, uel quodāmodo erit:
unde modi Per se emanant.
- 347 Et primum illum tenemus, quando attributum est in essen-
tia

- ria subiecti, & in eius definitione adhibetur.
- 348 Secundus modus Per se est primo contrarius: (Per se est, quod est in essentia, & definitione attributi) qui modus distributioni generis in species, aut differentias conuenit, ut primus definitioni: quod uel exempla Arist. palam faciunt.
- 349 Accedit quartus modus; per se inest, quod causa sit certa, & non fortuita. generalis ergo hic modus Per se, quoties scilicet causae de suis effectibus dicuntur.
- 350 Propriorum accidentium erit ne ullus? Tertius hic enim modus affectiones, & accidentia cognata quodammodo complectitur.
- 351 At quo pacto ex Aristot. littera? Ex dissenteo: Ideoq. non uo sensu, Aristotelis contextum declaratum iri.
- 352 Omnes itaque modos Per se; ab Aristotele retineri tenemus, nec abiici duos reliquos.
- 353 Vnde fit, ut consequentes artes antecedentibus subalternae sint, ubi aliquid docent, superiorum decretis explicabile.
- 354 Ergo sic Dialectice omnes subalternae sint in genere rationis uel inueniendae, uel indicandae.
- 355 Omnem disciplinam fieri aut per demonstrationem, aut per definitionem, concedimus. quod & Aristoteles recte confirmauit.
- 356 Ac per definitionem, & distributionem, accuratiorem scientiam confici, quam per demonstrationem, tenemus.
- 357 Quare non sequitur, Scio ex causa, propter quam res est. quoniam illius est causa; nec aliter habere potest. ergo, Scio per syllogisticam demonstrationem.
- 358 De definitione uero tam multa, quae differuntur in lib. Posteriorum, e Platone ferè sumpta esse, qui uis animaduertere poterit. Plato enim ad instituendas artes, definitionem, & distributionem proposuit, syllogisticae demonstrationis, qualem Aristoteles commentus est, non meminit.
- 359 Tunc enim artes bene disputare, docere, demonstrare poterit t

terit quis, cum logicam inuentionem in ipsarum natura, qualitateq. tota, ex causis, effectis, subiectis, adiunctis, ceterisq. argumentis peruidenda; cum dispositionem, in eadem, uel ^{uoluntatis} enunciati, uel syllogistico conclusionis iudicio aestimanda, & iudicanda, uniuersa tandem ordinanda, ab initio per media ad extrema exercuerit. & hoc pacto noster Telesius est progressus in sua philosophia conscribenda.

ANTONII PERSII

IN ETHICIS
CONTRA ETHICOS.

ARISTOTELEM
CICERONEM
BOETHVM.
AVERROEM, ETC.

- 360 **I** Ametsi in scientia, & disputatione de moribus non esse omnium praeceptorum demonstrationem requirendam, rectè fortassis affirmet Aristot., tamen illud falsò, quòd ad percipiendam hanc disciplinam de moribus, praecepit, ut paedia in auditore praecedat.
- 361 Quòd autem ne adolescentes quidem percipiendis moribus, esse idoneos uoluit Aristot. falsò.
- 362 Certè pueros quosdam uidimus diuinitate quadam mentis praeditos, ut in quibusdam, multorum uirorum iudicia exsuperarent.
- 363 Quid, quòd docti uiri nullam aetatem tam infirmam experti, confirmarunt, quae non protinus quid rectum, prauumq. sit, discat! quin cum Chrysippo putarunt, & ante triennium illos

a 3. po. c. 1

los optimis imbui posse moribus.

364 Cum ciuitas concretum quiddam sit, Aristoteli, ^aquemadmodum aliud quid totum, constetq. ex multis partibus, quaeritur ab ipso merito, quis sit ciuis.

365 Et ciuis uero, qui omnino ciuis est, alia re nulla ei definitur, quam iudicii, magistratusq. communione: adeo ut cui etiam concessa sit sententiae dicendae, uel iuris dicundi potestas, eum ciuem huius, uel illius ciuitatis esse, uelit: falsum.

366 Qui itaque ab honoribus, iudiciis, & consilio publico prohibentur, in ciuitate sua exsules erunt, & peregrini.

b l. in or
be. ff. de
stat. hom.
& nou. 78

367 Non recte igitur imp. n. Antonius Pius ^bconstituit, in orbe Romano qui sunt, ciues ut essent Romani.

368 Nec etiam in urbe VENETIARVM praeclearissima, praeter nobiles, essent ciues: nili cum quibusdam errare uelimus.

369 Sed uide: Arist. popularis status definiuit ciuem; Non ergo uniuersorum est definitio.

370 Sed quid, si nec populari haec conueniat ciui? Siquidem Athenis; ubi resp. maxime omnium popularis fuisse dicitur; quarta classis infimorum tenuium, id est, populi pars longe maxima, lege Solonis, ab honoribus, a senatu, a magistratuum fortitione arcebatur.

c Plutar.

d 4. polit.

371 Magistratus uero, Aristoteli praesertim, & sequacibus potissimum, appellati sunt, quibus dicendae sententiae, iurisdictionis, & imperii permessa est potestas: falsum.

372 Quisnam igitur in rep. magistratus ista ratione dici poterit, cum tanta magistratuum paucitas ad consilium admittatur!

373 Sed Arist. nonne multa genera magistratuum nos docet, qui nec imperium, nec iudicium, nec consilii capiendi ius ullum habent? Ita. Quod etiam alia ratione falsum esse, alias dicitur.

374 Et sententiae quidem dicendae ius, priuatis concedi, & iurisdictione etiam minimis quibusque, nemo est, qui ignorat. unde priuati iudicare, ac decernere quidem, non imperare possunt. quid igitur ad imperium!

Sed

375 Sed heus, senatum magistratum fateris? Quid tum! Quia eius decreta, principis egent sanctione; nec aliter uim haberent, quàm si princeps ipse iuberet.

376 Vnde hoc? Quia Senatus nullum imperium, nullam habere iurisdictionem uidetur, nisi principis, aut populi patientia; qui acta senatus probare, quae non improbat, uideri debet.

377 Hinc enim illa, SENATUS DECREUIT, POPULVS IVSSIT. Quae igitur senatui, uel magistratibus tribuuntur, rationem habent a summo imperio diuisam: unde quae senatus decernit, non prius uim habitura sunt, quàm a populo, uel optimatibus, uel principe sanciantur.

378 Illud itaque maximè in omni rep. intuendum esse uidetur, quis imperium magistratibus dare, & adimere, quis leges iubere, aut abrogare possit; utrū unus, an minor, seu maior pars ciuium.

379 Ceterum quòd inter alios Cic. remp. definit, hominum multitudinem, bene uiuendi causa, sociatam.

380 Effet enim hoc pacto Pythagoraeorū coetus resp.; quin & eorū omnium, qui, bene uiuendi causa simul coeunt. Indicatus est hac definitione finis quidē reip. optimus; ut eruditi animaduertunt; at non uis, & natura.

381 Fortè melius Cice. alibi remp. definiuit, coetum multitudinis, iuris consensu, & utilitatis communione sociatum. falsum & hoc.

382 Ac si eodem imperio, nisi & legibus iisdem deuinciantur, ciues dici non possint; atque resp. non sat sit, ut sub eodem imperio definiatur.

383 Praeterquam, si pressius, istos remp. pro ciuitate, & urbe, de finisse defendamus.

384 Quaedam *συναλλήλως*; ait Arist.; spontanea sunt, ut emptio, uenditio: quaedam uerò, quia sine consensu partium fiunt, inuoluntaria appellantur.

385 Et haec, quae contra uoluntatem obuenire solent, aut ex

E 2 igno-

ignoratione, aut ui quadam inferuntur.

386 Ex ignorance, ut furtum, ut adulterium, ut ueneficium; ui autem uerbera, &c. falsó.

387 Si commerciorum rationem seruare uelis, ut sint rei cum re commutatio, quid, obsecro, is, qui uerbera, aut etiam mortem perpeffus est, pro damno recipit? Si ita accipies *συνάλλαγμα* nomen, non euades.

388 Arithmetica proportionem in iustitia commutatiua, seu emendatiua maximum locum habere, uult Arist., ubi res rebus, lucra damnis conferuntur.

389 Nihilq. interesse uult, utrum bonus uir scelestum spoliauerit, an bonum improbus; sed lex, damni solum spectat dissimilitudinem: falsó.

390 Ac si legislatores non personarum, sed tantum damni, & lucri, simpliciterq. excessuum rationem haberent.

391 Cur itaque, obsecro, ex bene constitutis legibus grauius punitur is, qui uirum, magistratum gerentem percussit, quam qui ciuem; uel qui principem, quam plebeium?

392 Quid si Arist. hoc ipsum aliàs dixerit!

393 Fortè, ut alii respondent, Arist. ad id, quod ut plurimum modò euenire solet, respexisse: falsó.

394 Vel ille locus, ut alii, de priuatis accipi debet, non autem si personam publicam laeserit: falsó.

395 Auerroës autem, ideo grauius puniri putat eum, qui magistratum, uel principem percussit, quòd talis iniuria, quae principi infertur, ab intensiori; ait ipse; malitia proficiscatur: falsó.

a. c. 4.

396 Fortè, ut alii, quia Arist.² de pecuniario nocumèto, non personali loquebatur: falsó.

397 Quid si, ut alii, quoniam iniuria dupliciter existimari posset, uel ut interest reipublicae; & sic ad ius distributiuum; uel ut priuati alicuius; & ita loquitur Arist. falsó.

398 Nulla enim harum, uerba Arist. pugnancia conciliat.

399 Sed illud etiam non parui refert, quòd Prudentibus nostris

stris repugnant.

400 Melius itaque nostri Consulti, Vlpianus, ^a Macer, ^b Callistratus, ^c & Claudius Saturninus, ^d quàm Aristoteles.

401 Ius; ait Arist.; perpeffionis mutuae non congruit, neque iuri
» legitimo, idest distributiuo, neque ciuili: dico autem ciuile,
» quod in communione uersatur: falsó.

402 Nónne uirtus quaelibet iure legitimo contineri debet? Ita
iustitia mutuae perpeffionis uirtus est.

403 Sed quid! nónne idem Arist. probat, hoc eodem iure; mu-
tuae scilicet perpeffionis; seruari ciuitates, & societates!

404 At scio; eradent homines docti a libris Arist. uerba haec.

405 Pythagoraeorum de iustitia opinionem argumentis multis
reprehendit Arist. falsó.

406 Quid! Pythagorici ius ipsum simpliciter, mutuam, ac re-
ciprocam passionem definiebant, nónne? Ita.

407 Rectè itaque Arist. non placet; cùm nullo modo id ius esse
uideatur, ut singuli eadem patiãtur, quae ipsi fecerint, ut dens
pro dente auellatur, aut oculus eruatur pro oculo.

408 Verùm ego non hanc Pythagoraeorum sententiam fuisse
existimo.

409 Simpliciter nimis, & crassè Arist. uisa est poena talionis Py-
thagoraeorum, pro reciproca nimirum, & mutua passione.

410 Sed haec reprehendendi ratio Arist. ualde peculiaris, solet
esse liberior, & iniquior; & ad speciem quandoque, non re ue-
ra, dum magistris contradicit.

411 Pro tali comparatione melius est, ut intelligas, in qua inue-
niuntur utrinque & antecedentes, & consequentes rationes.

412 Quí semel iustè fecit, ait Boëthus, eum non esse iustum, ne-
que qui semel adulterium cominifit, eum esse adulterum; sed
cùm ista uoluntas, cogitatioq. permanferit: falsó.

413 An qui caedem fecit, non erit homicida!


a l. mori
§. poena-
rum. ff. de
poen.
b l. 10. 14.
co.
c l. 28. §. 3.
6. co.
d l. 16. co.

A N-

ANTONII PERSII

POSITIONES

PRO ETHICA FACULTATE.

- 414  Vemadmodum homines e corpore, & animo constant, ita duas ad res nati, & ad agendum, & ad intelligendum uideri debent.
- 415 Inde cunctae res, quarum usum in terris habemus, studiaq. nostra, cuiuscumque modi illa sunt, corporis alia, alia animi naturam, rationemq. sequuntur.
- 416 Quare duae similiter uitae partes, possunt constitui; & ad corporis quidem conuenientes effectus, & actiones, prudentia; ad animi uero excellentes cogitationes, atque intelligentias, sapientia.
- 417 Sed inter artes omnes, quas humana ratio deprehendit, nulla praestantior est, quam haec de causis uirtutum, deq. ciuilibus officiis doctrina: ex hac leges rerump., ex hac humanitas omnis, quae propria sic uocatur, orta & propagata est.
- 418 Hac itaque doctrina, illi ipsi scriptores legum, quibus hodie utimur, instituti fuerunt; & res ipsa loquitur, publici iuris elementa, & semina in his philosophorum disputationibus contineri.
- 419 Atque huiusmodi inquisitionem de fine bonorum, ad scientiam hanc, ac ciuitatum regendarum pertinere.
- 420 Cum autem uirtutes circa affectus, actionesq. uersari existimauerint, in iis excessum peccare, defectum uituperari, medium uero & laudem, & rectam executionem consequi dixerunt.
- 421 Ex uno autem actu summum uitium, ex uno etiam actu summam uirtutem esse posse tuemur.
- 422 Neque ob id tamen infitiamur, confirmari, roborariq. uirtutem,

tutem, ac uitium.

423 Aliud igitur erit, adquiri uirtutem, & aliud, confirmari: & aliud est, adquiri scientiam, & aliud, confirmari.

424 Ceterum uno quidem die ex tenacissimo, fieri largissimus possum, nonne? Ita.

425 At uno die, si sum indoctus, non possum fieri doctissimus.

426 Doctrinae igitur per gradus certos paulatim adquiruntur, & ueluti ascendunt; uirtutes uero etiam sine gradibus, & ueluti impetu quodam adiri possunt.

427 Per hos uero gradus a scientia retro ad ignorantiam, descendimus, à uirtutibus etiam non gradatim in inum corruere possumus.

428 Cur hoc? Quia non ita infestatur scientia ab inscitia, ut uirtus a uitio. quoniam uirtus austera est, uitium plerumque blandum, & supparasitans.

429 Duplex prudentia a doctis nominata est, ut alia absoluta, alia relata; nisi mauis priuatam illam dicere, hanc communem.

430 Et priuatam quidem dicimus, quae cuique priuato homini bona, malaue; utilia, & inutilia; commoda, & incommoda uitae cognoscendi, diiudicandi, adipiscendi, fugiendiq. uiam commonstrat.

431 Relata uero, & communis prudentia tum ad familiam refertur, tum ad ciuitatem, & rempublicam.

432 Prior autem Oeconomica, posterior Ciuilis prudentia appellatur.

433 Familiaris igitur rei, & oeconomica prudentia est, quae in re familiari, ac domesticis negotiis cernitur, in administratione familiae, ipsiusq. partium mutua quadam, & concordia societate inter se conspirantium utilitatem, uersans.

434 Componitur autem primaria quidem ratione, domus ex duabus, iisq. minimis, & simplicissimis partibus, possessore, ac possessione; quemadmodum & reliquae omnes societates, quae

quae in terra consistunt, dum quodam imperio, certaq. quadā administratione cōercentur, cōseruanturq.

435 Itaque prudentiae rei familiaris uis primo omnium spectatur inter uirum, & uxorem. haec enim prima, & maxima secundum naturam est societas.

436 Si quidem communis animantium omnium est, coniunctio nis appetitus, procreandi causa, ac simile sibi producendi; per quod quasi perpetuò uiuere expetunt: quod sine maris, & seminae commistione fieri non potest.

437 Quae quidem non solum ut legitime facta, sed temperantia, & pietate simul operante, habita esse uideatur, non uoluptatis, sed procreandae sobolis causa, mulieribus admisceantur homines, animaduertendum; multò antea, solius naturae praeceptis admonitus noster Ocellus ostendit.

438 Altera uerò societas, & secunda prudentiae pars, in liberis consistit; ex quorum diuersa ad parentes habitudine, diuersa quoque prudentiae documenta oriuntur. horum enim alia ad parentes, alia ad liberos spectant.

439 Parentes educationem, & institutionem liberis, ceteraq. necessaria uitae praesidia debent; qui spectant in eos solos, nec aliud ullum possunt habere profugium.

440 Liberi contra, parentibus, quorum beneficiis maximè obligati sunt, officium, animiq. gratitudinem.

2. S. ule in
sti. de her.
quali.

441 Illi, inquam, qui, ut Imperator ait; *uiuo quoque patre quodammodo domini existimantur.*

442 Vltima, & postrema societas est quae ad rem possessam pertinet. quae quia tamen paret, iccirco ex alterius praescripto uiuit, nulla, uel sanè exigua prudentiae particula indigens.

443 Inanimata enim res, & muta possessio, quae ratione, & mente uacat, itemq. animata, sed quae ratione caret; brutorum animantium; nullis omnino prudentiae praeceptis reguntur.

444 At serui? Soli, hīq., qui non laboribus, sed curandae familiariae

liae destinati sunt, quoad tenus eius munere donantur, ut do-
minorum praecepta capebant, ipsorumque uoluntatibus ob-
temperant.

a 1. polit.

445 Porro autem animatae possessionis ad bruta animantia per-
tinentis uaria reperiuntur discrimina.

446 Quaedam sunt ferae, & agrestia, ueluti quae in aquis, aëre,
& terra capiuntur; quaedam mansueta.

447 Mansueta tantum ad usum, ut ad uecturam equi, uenatio-
nem canes, culturam terrae, boues.

448 Tum etiam ad fructum, quem ea praebent, quae lac, la-
nam, & pelles ad corpora uestienda, reliquaque similia suppe-
ditant, ut oues.

449 Quorum etiam animalium magna ex parte uictu, & cibo
utimur.

450 Inanimata quoque possessio non est uniformis, & simplex;
sed alia quidem secundum naturam, alia praeter, alia me-
dium locum obtinere conspicitur.

451 Quae praeter naturam est, ea proprie ad acquisitionem nu-
morum, & nummulariam pertinet; quae mercaturam, caupo-
nariam, fenerationem, & mercenariam continet.

452 Sed enim illa possessio omnium optima est, quae naturali-
bus usibus succurrit; & ad comparisonem rerum in uita neces-
sariarum, quibus omnis societas continetur, est idonea. talis
uideretur esse ipsa agricultura.

453 Illarum uero rerum quaestus, quae ex terra perueniunt,
ceu metallorum; ut auri, & argenti fodiendi, & lapicidinae, &
siluae ceduae; ueluti medius est.

454 Hae enim quamquam praeter naturam omnino non sunt,
tamen non ita humaniter fiunt, atque agricultura.

455 Cur hoc? Quia in metallis fodiendis, terrae uelut parenti,
ac rerum omnium genitrici, inferantur manus, eius uiscera fo-
diendo.

456 Nonne hoc ipsum fit in agricultura? At benignius: quippe
cum iusta, nec iniuriosa sit huiusmodi fossio; neque uiolenta;

F sed

sed mitis, & pia; quae neque inhumaniter; neque ab inuitis extorqueatur.

457 Ciuilis uerò prudentia, quamquam in maiori uersatur societate, eaq. perfecta, & nullo indiga; quam Ciuitatem appellamus; ex iisdem tamen propemodum principiis, iisdemq. ferè membris constat, quibus domus.

458 Est autem & ipsa quidem, propter uarias & diuersas partes, uaria & multiplex.

459 Nec infitiamur, alios esse interpositos gradus inter primam illam societatem, & antiquissimam, quae uiri, & uxoris est; & ultimam, quae ciuitatis, & reipublicae.

460 Nam post liberorum coniunctionem, quae paullulum a prima discedit, fratrum sequitur inter ipsos; post agnatorum, & gentilium. qui cum iisdem testis capi non possint, in alias domos migrant, quib. sunt res, rationesq. distinctae.

461 Sequuntur affinitates, & noua connubia, ex quibus plures propinqui ab agnatis, gentilitate disiuncti. cum uerò ab affinitatis coniunctione discefferis, proxima est, amicorum uirute parta societas: tum uicinorum, qui propagata sobole in plures uicinas, coniunctis aedificiis coalescunt.

462 Sed aucta uicorum multitudine, quò tutiores essent a peregrinis, fossa primùm seipsos cinxerunt, opibusq. muniuerunt: unde Opidi nomen.

463 Cum autem non satis esset in fossa praesidii, uarris primùm (unde Valli fortè nomen) deinde moenibus opida sepserunt: quae Vrbes a Latinis dictae sunt.

464 Iam uerò cum ciuium numerus augeretur, pomeria proferri oportuit, uel colonias aliò mitti: quae, quòd iisdem moribus à priores uterentur, una & eadem Ciuitas dici coepit.

465 Sic igitur paullatim amicitia, societatis humanae uinculū, ab una domo in plures diuisa familias, uicos, urbes, ciuitates, nationes, eò usque propagata est, quoad omne genus humanum complexa tueretur.

466 Quandoquidem respublica aut legibus, aut recta rerum gerenda-

rendarum administratione, necessario conseruatur.

467 Recta autem administratio in deliberando, & consultando, ac etiam iudicando posita est.

468 Priorem, legalem, alteram deliberatiuam, tertiam iudicalem uocemus.

469 Ea legalis est, quae legibus praest. cuius officium in condendis optimis, atque utilissimis ciuitati legibus, quae tū ad mores ciuium, tum ad urbis situm accommodatae sint, cernitur.

470 Quae cum omnibus inferioribus artibus, & scientiis, quae ad conseruandam societatem hanc pertinent, imperet, recte ab Aristotele Architectonica uocatur.

471 Est igitur legislatrix facultas Architectonica, & princeps; ciuilis uero ministra, & famula eiusdem.

472 At haec Politica etiam ab Aristotele uocatur. Esto: at nomine generis.

473 Atque haec quidem prudentiae pars, magistratus, eorumque qui res administrant, est propria; unde etiam custodes legum appellantur.

474 Exsequuntur itaque hi praecepta legum aut deliberando & consultando, aut iudicando.

475 At Iuris prudentia neque legalis, neque politica esse uideri potest prudentia.

476 Quid itaque? Media inter utramque, atque utriusque particeps esse uidetur.

477 Legislatores enim, & iurisconsulti idem habent genus subiectum.


478 Legislator itaque optimus condendarum legum auctor, ac princeps.

479 Iurisconsultus earundem peritus interpret.

480 Magistratus uero diligentissimus praedictarum exsecutor.

481 Verum id quoque inter iurisconsultum, & legislatorem non parum interesse existimandum est, quod legislator rationem omnium legum nouit ueram, & immediatam, & proximam.

- 482 Iurifconsultus non proximam, & necessariam, sed potius
probabilem; & coniecturis uerisimilibus constantem.
483 Quod & ipsius nomen attestari uidetur: Iurisperiti enim a
peritia nominantur.



ANTONII

[Faint, mostly illegible text in a single column, likely a Latin passage from a philosophical or legal work.]

[Faint text at the bottom of the page, possibly a signature or a reference.]

A

484

485

486

487

ANTONII PERSII

IN IVRE CIVILI

CONTRA

IMPERATORES
 DIOCLETIANVM
 IVSTINIANVM
 MAXIMIANVM
 IVRISC. VETERES
 AQVILLVM GALLVM
 ARISTOTELEM
 CAIVM
 CELSVM
 CICERONEM
 HERMOGENIANVM
 IVLIANVM
 NERVAM
 PAPINIANVM
 PAVLLVM
 PEDIVM
 PROCVLVM
 SERVIVM
 TRIBONIANVM

VLPIANVM
 RECENTIORES
 ACCVRSIVM
 ANGELVM
 AZONEM
 BALDVM
 BARTOLVM
 CYNVM
 GOVEANVM
 IOANNEM INTERPR.
 LONGOVALLIVM
 ODOFREDVM
 PAVLLVM CASTRENSEM
 PLACENTINVM
 ROFFREDVM
 SOCCINVM
 SOLOMONIVM
 SPECVLATOREM
 ZASIVM, ETC.

- 484 **P**LERIQUE Ius civile non uia quadam, & certa methodo tradi arbitrati sunt; quinimmo experientia quadam tantummodo cognosci: falsò.
- 485 Quid! Quòd ceteras artes, ac disciplinas; quae multis numeris Iure civili, dignitate sunt inferiores; ordine tractari posse fatentur, in sola Iuris prudentia principe artium negare audent!
- 486 Plerique enim Iuris prudentiae studiū ita a philosophiae cognitione detrahunt, ut nihil commune, aut simile esse opinentur: falsò, & imperitè.
- 487 *Summa diuisio;* ait Imperator; *de iure personarum haec est, quòd omnes homines aut liberi sunt, aut serui. deinde alibi; sequitur;* ait, *de iure personarum alia diuisio: nam quaedam personae sui iuris sunt, quaedam alieno iuri subiectae sunt:* falsò.
- Non

a §. 1. in-
stit. de iur.
pers.

- 488 Non uides, priorem illam diuisionem differentias longè
diffitas, seu mediatas accipere, & non proximas, atque oppo-
sitas ! quod peccatum cauendum est in diuisionibus.
- 489 Non uideo, si libertas tam antiquissimi iuris est. Cuius ?
Naturalis. At falsó.
- 490 Seruitus ergo cuius erit? Iuris gentium. Rectè. At patria po-
testas? Iuris ciuilis tantúm.
- 491 Sed qui patriam potestatem, Iuris ciuilis esse existimant, fal-
sò existimant.
- 492 Igitur diuisio hominum in seruos, & liberos, de iure gen-
tium intelligenda est? Vtique.
- 493 Neque enim alii serui, alii liberi iure naturali sunt, sed libe-
ri omnes, serui autem nulli.
- 494 At Aristoteles docet, seruos, & liberos natura reperiri. At
nihil ad Iurisprudentiam.
- 495 Libertas igitur duplex erit, altera a natura inuenta, & orta;
quae non ut differentia, opposita erit seruituti, sed ut habitus
priuationi; altera uerò iuris gètium, quae uerè ut differentia,
seruituti opponitur, & ex aduerso respondet.
- 496 Latius enim patet haec diuisio, altera illa; atque iccirco prae-
cedere debebat priorem.
- 497 At respondent uiri doctissimi, quòd potius sit subdiuisio,
& pars illius summae diuisionis, hoc modo: Liberorum enim
hominum alii sunt sui, alii alieni iuris.
- 498 Sed lege uerba Imperatoris, in secunda illa diuisione.
*Rursus; ait, earum, quae alieno iuri subiectae sunt, aliae sunt
in potestate parentum, aliae in potestate dominorum.*
- 499 *Transcramus nunc; ait Imperator; ad aliam diuisionem perso-
narum: nam ex his personis, quae in potestate non sunt, quae-
dam uel in tutela sunt, quaedam in curatione, quaedam neu-
tro iure tenentur: falsó.*
- 500 Quam ob rem? Quia si ius personarum, est status, uel condi-
cio singulorum hominum; quo quisque eorum sibi ius uel li-
bertatis

bertatis, uel seruitutis uindicat; non includeretur in hac tractatione pupillus, aut adultus.

- 501 Nec si statum appellas primum illum a natura, & iure naturali tributum; quo nulli censentur priuati esse, praeter quam serui, & filii familias; ut bene notat Accursius alibi; rectè includerentur. Quid! maior factus, est alius? At non differt persona, ab eo, qui ipse erat pupillus, aut adolescens.
- 502 Quod non ab re dialectici confirmare uidentur, cum non concedant differre Catonem senem a se puero.
- 503 Ceterum personarum multiplex est uarietas: nam miles a pagano differt, senator a plebeio, magistratus a priuato, tutor a pupillo, pupillus a maiore xxv. ann. nec tamen de omnibus his agit Imperator.
- 504 Sed non ne amplius magistratus, aut senatoris, aut tutoris persona extrinsecus assumitur! nec enim propterea mutatur status personae.
- 505 Hic autem de statu personarum agitur, qui non ad dignitatem, aut aliam uitae condicionem adtinet. hinc Statuliberi, & quaestio status in iure.
- 506 Seruitutis uerò, aut patriae potestatis qualitas inclusa est in ipsis nobis, & diuersitatem iuris constituit.
- 507 Rectius itaque pandectarum auctores cum de statu hominum tractare uellent, nihil de magistratibus, aut tutoribus attulerunt, ne quid infereretur, quod esset prorsus alienum.
- 508 *Ex hoc iure gentium*; ait Imperator; *omnes paene contractus introducti sunt: ut emptio, uenditio, locatio, conductio, societas, depositum, mutuum, &c.: falso.*
- 509 Quid! non ne iure gentium conuentiones omnes introductae, exceptis quibusdam, quae iure ciuili introductae sunt? Minimè gentium.
- 510 Hoc tamen dixit Hermogenianus libro primo epitomarum. Quid si id numquam Hermogenianus!
- 511 Ac si ius gentium ullum umquam, conuentionum aut finem, aut modum expresserit: temere igitur illis & finem, & modum aude-

audemus nos statuere.

512 Pubertatem; ait Imperator; *ueteres quidem non solum ex an-
nis, sed ex habitu corporis in masculis aestimari uolebant. no-
stra autem maiestas dignum esse castitate nostrorum temporum
bene putauit, quod in feminis etiam antiquis impudicum esse
uisum est; id est inspectionem habitudinis corporis; hoc etiam in
masculos extendere: falso.*

a l. ult. C.
quand. tu.
uel cur.

513 Falsum erit etiam & illud, quod & Iust.^a Mennae PP. rescri-
psit, indecoram obseruationem, inquirens, in examinanda ma-
rium pubertate rescentes, iubemus, quemadmodum feminae
post impletos duodecim annos, omnimodo puberes iudicantur;
ita, & mares post excessum quattuordecim annorum, puberes
existimentur, indagatione corporis inhonesta cessante.

514 Audisti n' unquam ueteres, quotquot sint, qui puberes defi-
niuerunt, huiusmodi impubertatis meminisse!

515 Legimus tamen, puberes uel ex corporis habitu, uel ex cer-
to annorum numero, uel ex utroque iudicandos.

516 Verum non per habitum corporis, inhonestam aliquam in-
spectionem; ut sibi, & alphabeto Iustiniano persuasit Tribon-
ianus; sed cum Cicerone, & Liuius, uniuersi corporis for-
mam, figuram, ac dispositionem, siue aliquam corporis totius
ad liberorum procreationem, naturae prorsus idoneam, com-
moditatem intelligemus.

b l. 32. ff.
de mino.

517 Falsus ergo Accursius, qui pro Iustiniani, & sua opinione,
Paullum^b citat fautorem? Falsus.

518 *Minores; ait Imperator; xxv. ann. olim quidem excusaban-
tur: nostra autem constitutione prohibentur, ad tutelam, uel
curam adspirare; adeo, ut nec excusatione opus sit: falso.*

c §. 2. in-
sti. qui re-
sta. tut. da.

519 Quid! quod uel ipsemet sibi contrarius est; dum minorem
testamento datum, non prius, quam uiginti quinque annis ma-
ior factus fuerit, fore tutorem, uoluit.

520 Non excusabantur itaque minores, apud antiquos; sed il-
lud

Iud idem, quod sibi tribuit Iustinianus, apud eos constitutum erat, quod uel ex Paulo facile quivis intelligere potest. Frustra itaque Iustiniani^a constitutio de hoc cauit.

521 Minus, ait Imperator, iuris est in usu, quàm in usufructu. namque is, qui fundi nudum habet usum, nihil ulterius habere intelligitur, quàm ut holeribus, pomis, floribus, fœno, stramentis, lignis ad usum quotidianum utatur: falsò.

a l. ult. C.
de leg. tu.

522 Ceterum Vlpianus^b contra, sed Sabinus, & Cassius, ait, & Labeo, & Proculus, hoc ampliùs etiam ex his, quae in fundo nascuntur, quod ad uictum sibi, suis sufficiat, sumptuum, & ex his, quae Nerua negavit. uides!

b l. 12 de
usu. & ha
bit.

523 Quid! rem ridiculam, Imperatorem, eo loci, Nerae sententiam nobis tradere, quam a Sabino, Cassio, Labeone, Proculo, Vlpiano, & Paulo repudiatam, atque explosam testatur in pandectis.

524 Iustiniani lege, donatio ante nuptias Propter nuptias, appellata est; & constante matrimonio fieri, & augeri potest. at si fiat post nuptias, itidem Propter nuptias, a Iustiniano appellatur, Graece autem ἀντιγάμια, propterea quòd a marito uicissim in gratiam dotis tribuitur; ueluti quoddam dotis genus ab ipso inuentum: ineptè, & absurdè.

c l. ult. C.
de do. an.
nupt.

525 Cur ita? Ecquid enim in hoc nouo dotis uirilis genere utilitatis adinuenit!

526 At Iustinianus uult, ut propter nuptiarum affectionem facta sit.

527 At hoc disertè uetitum est antiquorum iurisperitorum responsis, & Iustiniani sanctione firmatum, ut donationes inter uirum, & uxorem prohibeantur quaecumque sint illae.

528 Renocatae itaque in usum, Iustiniani constitutionibus donationes conjugales, & tamen una ex parte dumtaxat.

529 Fortè illud dici posset, antidotem a Iustiniano propter dotis securitatem institutam fuisse. Neque illud uerum.

G Anti-

a l. 24. fo.
matrim.

530 Antiquo enim iure^a mulieri licebat dotem constante matrimonio exigere, si modò animaduerneret, ita mariti facultates diffinere, ut seruare dotem non posset.

b l. ubi ad
huc.

531 Parùm itaque opus habemus remedio, in hac re, alterius cōstitutionis Iustiniani; quam A. Mennae P. P. scripsit^b, De iure dotium. Esto.

c nouell.
61.

532 Sed nōne esset aliquis antidotis effectus? Quis? Vt post uiri mortem, &, soluto matrimonio, actio mulieri concedatur.^c

d l. 32. de
dona. int.
ui & uxō.

533 At olim istoc pacto conjugales donationes post mortem, ualebant.^d

534 Sed quid! maritis ne oneri est uxori, aut uxor onera matrimonii sustinere dici umquam potest!

535 Quòd olim soli ex uirili sexu nepotes, neptēsue Suorum in ordinem admittebantur; ex muliebri uerò in ordinem cognatorum, atque post agnatorum lineam uocabantur, tam in aui, uel proaui materni, quàm in auiae, uel proauiae siue paternae, siue maternae successionem, diui principes; ait Iustinianus; non passi sunt talem contra naturam iniuriam: falsi illi cum ipso.

536 Nulla enim uidetur istis iniuria ab antiquo iure facta: habent enim hi nepotes familiam.

537 Ac si gentium, & familiarum dignitati, & propagationi consulere, sit contra naturam.

e nu. 27.

538 Quid de diuinis legibus^e respondebunt! quas tam accuratè de ea cauisse, ex Mosais legibus intelligi potest.

539 Rationes itaque habuisse leges antiquas, non fuitiles, teneamus.

f l. cū q. s. C
de nat. lib.

540 Is; ait Iustinianus^f; qui a muliere libera procreatus, cuius matrimonium minimè legibus interdictum fuerat, ex nostra cōstitutione, dotalibus instrumentis compositis, in patris potestate fit, legitimusq.

541 Immo & sine dotalibus instrumentis, sine dote, sine donatione

tione propter nuptias, si modò apud acta profiteatur uelle se
cam sibi uxorem esse, aut filios, quos ex ea fortè suscepit, sibi
esse suos.^a

542 Quin hoc non solum apud eos magistratus singulari priui-
legio fieri potest, qui actorum conficiendorum potestatem ha-
bent, sed etiam apud utrumque, uel alterum fisci patronum,
qui aerarii causas agit in foro praef. praetorio, ex constitutio-
ne inserta in C. eiusdem Iustiniani; ut doctissimi quique ani-
maduertunt.

543 Si unius pluriúque patronorum plures liberi diuersis gra-
dibus sint, qui proximior est, praefertur, hereditasq. in capita
ut diuideretur, Iustinianus iacet se, nouum hoc ius instituisse:
falsó.

544 Nihil enim noui iuris, quod ad hanc rem adinet, Iustinia-
nus instituisse uidetur, cum Iulianus,^b & Vlpianus^c hoc idē an-
tea scripssent.

545 Quod Iustinianus^d imperator Iuliano rescripsit de uenditio-
ne, ut nulla sit emptio sine certo, constitutoq. pretio: quod si
in alterius arbitrium conferatur, sua ipsius lege tum ualebit,
cum ille pretium definierit: falsó.

546 Nam hoc ipsum ante Iustinianum Caius^e respondit, si modò
Caii esse uelitis, responsum.

547 Pretium consistere, nisi in numerata pecunia; tum a iuriscō-
sultis^f, tum ab imperatoribus^g constitutum est.

548 Vnde Sabini, & Cassii sententiam reprobarunt qui alia in
re pretium, quàm in pecunia numerata, constituebant:
Neruaeq., & Proculi tum Paullus, tum Diocletianus, & Ma-
ximianus cum nostro Iustiniano sententiam approbarunt:
falsó.

549 Ac si emptio, & uenditio ante nummos excogitados nō fuif-
set! Esto; at hominum consensu nummis repertis, in ipsis tan-
tū pretium constitutum est.

550 Sed quid prohibet, quò minùs, etiam post eosdem reper-
tos, sine iis consistat!

a l. lauda-
bi'e C. de
aduoc. di-
uer. iud.
Nou. 117.

b l. 23. §.
1. de bon.
lib.
c Insti. c.
27.
d lult. C.
de contr.
empt.

e l. 25. loc.

f l. 1. de cō-
tra. empt.

g l. pe. C.
de rer. per
mu.

a l. ii. C.
de contra
empt.

551 Stipulationes his conceptae uerbis, *Pridie quàm moriār*, aut, *Pridie quàm morieris*; quae olim inutiles habebantur, si cut illae, quae post mortem; Iustiniani instituto comprobatae sunt; ineptē.

552 Modò stipulationes institutae sint adquirendi causa inter uiuos, non autem post mortem; cuius tantum causa, instituta testamenta sint.

553 At quid? nōne pacisci licet, ut post mortem detur actio?

554 At haec pactio, mortis causa donatio appellanda.

555 Sed audi, An fieri potest, quemquam post mortem suam dare, aut cuiquam post mortem suam dari!

556 Ceterum, si Vlpiani, rationem inuentae stipulationis non adspernaberis, ut scilicet sibi adquirat, quod sua interest esse inuentas huiusmodi obligationes.

557 Stipulationes, quae obligationem ante condicionis euentum constituebant, praeposterae, inutilesque habebantur; Iustiniani imperio in usum deductae, receptae sunt: ineptē.

558 Haec itaque stipulatio Iustiniano ualebit, *Si nautis cras uenerit, hodie dare spondes?* & tamen repugnantia continet.

559 Contractus emptionis, quem per scripturam fieri conuenit, nisi per scripto ritē instrumento, fieri non possit, Iustiniani uelut nouo instituto cauetur: falsō.

560 Nihil igitur noui statuit Iustinianus? Nihil, praeterquam quod ad nonnulla conficiendi instrumenti solemnia pertinet. Quod ut nunc, sic etiam iam tum ueteri illo iure obtinuisse non dubito.

561 Sed quo auctore hoc putas? Cicerone, & Vlpiano. Quo loci? Vbi dicit, *Sine pretio nulla uenditio est. non autem pretij numeratio, sed conuentio perficit, sine scriptis habitā emptionē.* nisi postrema uerba non Vlpiani esse putemus, sed Tribonian, ut doctis quibusdam placuit.

562 *Si nihil;* ait Imperator, *de partibus lucri, & damni nominatim,*

*tim conuenerit, aequales scilicet partes, & in lucro, & in dam-
no spectantur.*

563 Nos, si de omni impendio haec accipiat, errare tuemur.
nam si impar expensi ratio fuit, imparem quoque accepti ra-
tionem, cum Aristotele putamus.

564 Diocletianus, & Maximianus rescripserunt, ea, quae per in-
fitionem in lite, crescunt, ab ignorante etiam indebita solu-
ta repeti non posse: inique.

2 l. 4. C.
de cond.
ind.

565 Eius rei rationem, cum quibusdam doctis, obscurā esse aio,
nec quae communiter datur, quidquam facere.

566 Iniquum enim uidetur, ut qui legatum, dare nūquam dam-
natus, uel damnum numquam dedit, si eo nomine indebitē
soluisset, iccirco eum perdere solutum.

567 Nisi regulam illam non ita generaliter accipere uelis, ut
eruditi quidam.

568 Imperator ait, *dubitatum fuisse apud ueteres, si ex parte
soluendo sit is, qui rem utendam accepit; ut possit non in to-
tum, sed particularem solutionem ei facere; an habeat furti ac-
tionem, an non: falso.*

b l. ult. C.
de furt.

569 Non enim putamus ullum dubium fuisse apud antiquos.
quod nobis palam facit unus ex illis Iabolenus.^c

c l. 114. de
uerb. sig.

570 Quod scripsit Imperator, *apud antiquos fuisse quaesitum,
& paene fuisse concessum, ut re commodata surrepta, commo-
datario, qui soluendo esset, non autem domino, furti actionem
dandam: falsum putamus.*

571 Non enim hoc fuisse dubitatum inter ueteres; immo pro
confesso, & explorato in pandectis tradi: nisi emendanda sit
Iustiniani littera, ut quibusdam eruditis uidetur.

572 *Certum est, ait Imperator; non posse actorem suam rem ita
ab aliquo petere, SI PARET EVM DARE OPORTERE: quia
quod actoris est, id ei dari non oportet.*

Nos

a C. de
for. subl.

573 Nos uerò contrà, immo si ita dare oportere dicat, caussam non amittet, ex lege ipsius Iustiniani.^a

574 Cur hoc? Quia pinguius loquens quis Latinè, Dare, pro Restituere, poterit usurpare.

575 *Noxa*; ait Imperator; *est corpus, quod nocuit, id est, seruus: Noxia ipsum maleficiū: falsó.*

576 Nugatorium enim hoc, & confictum ab Latinae linguae imperito. Noxia enim non reperitur; & in *Noxae* uerbo, nomine, intelligi debet.

577 *Aequè*; ait Imperator; *si debitor creditore deferente, iurauerit, nihil se dare oportere, adhuc obligatus permanet. sed quia iniquum est de periurio queri, defenditur per exceptionem iniurandi: falsó.*

b l. 7. de
iureiu.
c l. 9. eo.

578 Actionem enim per iurandum, ipso iure concidisse, ac penitus interiisse, tenemus. quod & edicti^b uerba, & Vlpiani responsum comprobare probabimus.

579 Nisi dicas, ut quibusdam uidetur; praetorem non cogniturum; sed actionem cum exceptione daturum, si is, scilicet, aduersus quem iudicium petitur, apud praetorem obiiciat, se iurasse: tunc enim de eo praetor non cognoscet.

580 *Summa*; ait Imperator; *diuisio interdictorum haec est, quòd aut prohibitoria sunt, aut restitutoria, aut exhibitoria: falsó.*

581 Non enim haec summa est, nec prima, nec essentialis, cum tantum interdictorum accidentia attingat, nimirum uerborum formam.

582 Melius itaque Vlpiani diuisio, & quae substantiam, materiam, scilicet, & uim interdictorum tradidit; cum alia de rebus diuinis, alia de publicis, alia de possessionibus interponi ait.

583 *Publica iudicia*; ait Imperator; *dicta sunt, quòd cuius e populo executio eorum plerumque datur: falsó.*

584 Non enim ideo Publicum dici existimamus, quia cuius e populo datur; sed contrà, quòd non propriè ad ullum ciuem pertinet,

pertinet, sed aequè uniuersè ad omnes, Publicū esse dicimus.

585 Quid esset Iuris prudentia, primi, & ueteres iurisconsulti in uarias sententias, & sectas deducti, mihi esse uisi sunt: alii enim ius esse quandam artem, opinati sunt: falsó.

586 At huius sententiae Celsum, Marcum Tullium Cicero- nem, Vlpianum, & ceteros ferè omnes iurisconsultos fuisse constare; nonne? Scio.

587 At alii crediderunt, Iuris prudentiam esse scientiam: falsó.

588 Hui, Vlpianus eam scientiam esse putauit, ac per eam defini- uit; & Imper. sectatus est eius opinionem; qui eam Diuinarum, & humanarum rerum notitiam, iusti, & iniusti scientiam de- scripsit: negas? Haudquaquam.

589 Non erit propria cognitio Iuris prudentia? Minimè gen- tium.

590 Ecquid enim cognitio aliud est, quàm separatio, & discre- tio ueri a falso? Iuris prudentia uerò non distinguit uerum a falso.

591 Erit ne scientia? Neque id ipsum.

592 Quid Iuris prudentia? & circa quae? Circa contingentes res, corruptioni, generationi q. quae in nostra potestate sitae sunt, obnoxias

593 Erit ne Intellectus? Intellectus! immo prudentia, & intel- lectus sunt duo habitus rerum contrariarum, & oppositarum.

594 Erit fortè sapientia, ut opinatus est Celsus? Mihi certè num- quam.

595 Cur ita? Quia sapientia est habitus, ex scientia, & intellectu compositus.

596 Erit saltem opinio? Neque etiam opinio. quia opinio est re- rum tum earum, quae a natura; tum earum, quae a nobis effi- ciuntur; itémq. earum, quae sunt, uel non sunt.

597 At habeo. cum Vlpiano, & Cicerone sentis, Ius esse artem. Neque ars esse potest. uel ex nomine certior fieri poteris.

598 Sed quid, si omnes idem sensisse defendamus; ac potius istaec omnia, placita otiosorum philosophorum, praesertim

Ari-

Aristotelis commenta, probemus I

599 *Ius naturale*; ait Vlpianus; *est, quod natura omnia animalia docuit: falsò.*

a l. 1. de
iust. & iu.
b l. 5. eo.

600 Non enim ius belluas habere fas est.

601 *Ex hoc iure gentium*; ait Hermogen.; *introducenda bella, discretæ gentes. quem & Imperator secutus est: falsò.*

602 Bella enim iuri naturæ potiùs quàm gentium, accepta ferimus.

603 Falsò ergo Iustinianus, dum seruitutes, & captiuitates etià illi iuri acceptas refert? Falsus.

c l. 2. illo
tit.

604 *Iulianus libro septimodecimo digestorum, tres esse species mortis causa donationum ait; ut refert Vlp.; Vnam, cum quis nullo præsentis periculi metu conterritus, sed sola cogitatione mortalitatis, donat, &c.*

605 Item Paullus, *mortis causa donatio fit multis modis, aliàs extra suspicionem ullius periculi; a sano, & in bona valetudine posito, & cui ex humana sorte mortis cogitatio est: omnes falsò.*

606 Non enim hanc, mortis causa donationem, esse putamus. potiùs enim, inter viuos donatio, nobis videri potest.

607 Et quando causa mortalitatis euanesceat, cuius quidem, periculum est causa efficiens! uumquam itaque: donatio eiusmodi peribit, quæ, extincto tantùm periculo, euanesceat solet.

608 Vnde non erit uerum quod uulgo dicitur, donantem se malle habere, quàm eum, cui donat.

d l. 27. eo.

609 Rectiùs itaque Martianus, *ubi ita donatur mortis causa, ut nullo casu reuocetur, causa donandi magis est, quàm mortis causa donatio. & ideo perinde haberi debet atque alia quacuis inter uiuos donatio.*

610 *Riparius ait Caius; quoque usus publicus est iure gentium, si-*
cut

cut ipsius fluminis; sed proprietates earum, illorum est, quorum
praedij. haerent: falso.

611 At Imperator postea idem confirmavit.

612 Scio & Celsum filium hoc idem prius scripisse, ut Pompo-
nius a refert.

a l. 30. de
acq. re. do.

613 Omnes igitur hi falsi? Falsi.

614 Quid pro te habes? Rei naturam.

615 Sed nullum iuriconsultum, ac auctoritatem; quibus leges
regi solent; habes? Habeo & consultum.

616 Quem? Paullum^b, qui Labeoni hac ipsa in quaestione refra-
gatur.

b l. 61. co.

617 Arbor itaque in ripa fluminis nata, vicini non erit? Li-
cet.

618 Hoc uero dixerunt Caius, & Celsus. Assentior.

619 Cur itaque contra ipsos tenes? Sed non quia solum priua-
tum est, sed alia ratione.

620 Quod per alluvionem; ait Caius; agro nostro flumen adijcit
iure gentium nobis acquiritur: falso.

621 Nam alluvionem non gentium, sed Iure civili (ut a iurisco-
sultis usucapionem) institutam dicemus; disputatione uideli-
cet iuriconsultorum, qui dominorum negligentiam coercere
uoluerunt.

622 Vnde haec prodixit? Ex Aggeni Urbici, De limitibus agro-
rum, libro, & Cassii Longini, prudentissimi Iuris auctoris, uer-
bis patet.

623 *Dolum malum* Seruius quidem ita definit; ait Vlpianus;
machinationem quandam, alterius decipiendi causa, cum aliud
agitur, & aliud simulatur.

c l. 1. de
do. mal.

624 Verum haec definitio proba esse, non uisa est. Antistio La-
beoni; quod tam simulatio absque dolo, quam dolus malus
absque simulatione esse possit.

625 Ergo eadem ratione minus proba illa C. Aquillii Galli, qui
aliquando interrogatus a Cicerone, quid Dolus malus esset,

H respon-

respondisse fertur, *cum aliud agitur, aliud simulatur.*

li. i. sen.

626 Eodem pacto illa Paulli ^a iisdem perscripta uerbis.

627 At strictior illa Pedii, qui, *dolo, ait, fieri, quoties circumscribendi alterius causa, aliud agitur atque agi simulatur.* nec hac reprehendit Vlpianus alibi.

628 At haec non differt ab illa Serui Sulpicii? Ais.

629 Cur itaque approbat illam Labeonis? Quam?

630 Labeo autem, scribit Vlpianus, *ipse sic definit dolum malum, Esse omnem calliditatem, fallaciam, machinationem ad circumueniendum, fallendum, decipiendum alterum adhibitam.* Labeonis definitio uera est, ait Vlpianus.

631 Falsa itaque illa Sulpicii? Non video.

632 At approbat Labeonem reprehendentem Sulpicium. Sed alibi similem non reprobat definitionem, Sulpicii definitioni.

633 Quid, si Labeonis definitionem parum differre ab illa Sulpicii, doli definitione, teneamus! Quo pacto?

634 Quid aliud est, esse machinationem quandam, alterius decipiendi causa, cum aliud simulatur, & aliud agitur, ut Sulpicius; quam omnem calliditatem, fallaciam, machinationem, ad circumueniendum, fallendum, decipiendum alterum, adhibitam, ut Labeo putat!

635 Falsò itaque reprehenditur Sulpicius? Si non capteretur eius definitio, sed ex aequo, & bono aestimetur.

636 Hoc pacto uersum illum, cum quibusdam eruditissimis, nò esse Vlpiani, ex Sulpicio, teneamus oportet, *machinationem quandam, alterius decipiendi causa?* Tunc rectior esset Labeonis reprehensio.

637 Falsò itaque Tu defenderis Labeonis reprehensionem, contra Sulpicium, in adnotat. ad legem i. De dolo malo? Minime.

638 Nam si exactius definitio expendatur, priora uerba Sulpicii

cii sat erant; superflue autem haec, cum aliud agitur, &c. quae, fallaciae propriè conueniunt.

639 Modò ergo dolus sine fallacia sit, & aliis artibus, machinis, ac tendiculis probetur, tum uerior est illa Labconis, ut doctissimi animaduertunt.

640 *Mutuum*; ait Paullus; *ex eo dictum, quòd ex meo tuum fiat.*

641 Veriorem fortè trademus, doctissimorum iudicio, originationem Mutui, quàm quae Paulli est.

642 *Est autem tutela; ut Seruius^a definiuit, tuis, at potestas in capite libero, ad tuendum eum, qui per aetatem sua sponte se defendere nequit; iure ciuili data, ac permissa: falsò.*

643 Cur hoc? Modò sit uerum, quod alibi Vlpianus^b dixit: *tutores, ait, constituuntur tam masculis, quàm feminis: sed masculis quidem impuberibus dumtaxat, propter aetatis infirmitatem: feminis autem tam impuberibus, quàm puberibus, & propter sexus infirmitatem, & propter forensium rerum ignorantiam.*

644 Quid, si Seruius definierit solam marium tutelam? At non propterea excusaretur Imperator, uel Tribonianus, qui feminarum nullam docuit.

645 Addenda fortè haec uerba, ut Cicero dicit, *aut infirmitatem consilij.*

646 Ait Vlpianus, de Atiliano^c tutore loquens, *diuus Seuerus, & imperator Noster huiusmodi consulum, uel praesidium decreta quasi ambitiosa esse interpretati sunt: falsò.*

647 Nam si Capitolino^d credimus; dū, praetorem, inquit, tutelam primus fecit, cum antea tutores a consulibus poscerentur, ut diligentius de tutoribus tractaretur; non rectè ad Seueri tempora tutelaria consulum decreta traxit Vlpianus. quia nulla cura consulibus, imperante Seuerò, sed omnis praetori

a l. l. de tu.

b inst. tit. 11.

c l. c. de min.

d De Antonino imp. loquenti.

tutelari pupillorum, minorumq. cura incumbibat; eoque iure ante Seuerum populus Romanus, annos prope triginta, usus erat: nisi in uerbo *Consulum*, mendum esse, cum quibusdam doctis putemus.

648 *Testamenti factio*; ait Papinianus; *non priuati, sed publici iuris est*: falsó.

649 Cur ita? Quia tametsi prius calatis comitiis, ante translatam in principem potestatem, populi Romani opus haberet auctoritate, attamen sublato iure publico, calatisq. comitiis, testamenta condi desierunt.

650 Quid tum? Priuato tum iure per aes, & libram condebantur, ut nec principalis quidem in iis interponeretur auctoritas: & hoc pacto, Papiniani tempore fiebant.

651 Nonne ius faciendorum testamentorum, iure publico, & legibus tribuitur? Quid tum?

652 Recte ergo Papinianus. At non hoc quaeritur apud Papinianum, sed cuius iuris sit testamenti factio.

653 Differt itaque, quo iure tribuatur, & quo iure fiat. Quid!

654 Omnium actionum; ait Vlpianus; summa diuisio in duas genera, nera diuiditur; aut enim in rem sunt, aut in personam. quod & itidem secutus postea Imperator: falsó.

a §. 18. de
act.
b l. 22. fa.
ercil.

655 Dantur enim mistae, quae tum in rem, tum in personam, ut & Imperator^a, & iurisconsulti^b dixerunt.

656 Haec uerba ait Proculus li. 2. Epist. *Ille, aut ille, non solum disiunctivae, sed etiam subdisiunctivae orationis sunt. disiunctio uidetur esse, cum dicimus, Aut dies est, aut nox est: quorum posito altero, necesse est tolli alterum; item sublato altero, alterum poni*: falsum.

657 Orationem disiunctiuam definit per syllogismum disiunctum; ubi de disiunctis duobus assumitur, ut reliquum in complexione tollatur; aut tollitur, ut statuatur.

Quid,

658 Quid, si non in omni disiuncto uerum esse istud, comperiamus; ut sit reperire ueram disiunctionem, attamen assumpto, & posito altero, non tollatur reliquum, ut ei contrarium concludatur: ut Aut decem possunt, aut unus non potest. at, Unus non potest, non tollatur ob id, ergo Decem non possunt: & tamen esset secundum regulam Proculi.

659 Sequitur Proculus, *Subdisiunctiui genera duo sunt, unum, cum ex propositis finibus ita non potest uterque esse, ut possit neuter esse; ueluti cum dicimus, Aut sedet, aut ambulat. nam ut nemo potest utrumque simul facere, ita aliquis potest neutrum, ueluti is, qui accumbit: alterius generis est, cum ex propositis finibus ita non potest neuter esse, ut possit utrumque esse; ueluti cum dicimus, Omne animal aut facit, aut patitur. nulum est enim, quod nec faciat, nec patiat; at potest simul & facere, & pati: falsó.*

660 Aquam profluentem; quam communem esse Iustin. scribit; Accursius pluuiam esse putat, & quae de caelo; ait ipse; cadit: falsó.

661 Pluuia itaque quo nomine intelligitur? Aëris quidem nomine comprehenditur.

662 At illius, si Profluens alia intelligatur, non esset communis usus, sed proprius. Nego.

663 Rescripserunt Alexander, & Claudius, posse prohiberi. Homonymia te fallit.

664 DE IURISDICTIONE OMNIUM IUDICUM in pandectis sic legi, falsum.

665 Iusdicentem esse, qui habet merum, & mistum imperium, Interpreter, & alii putant: falsum.

666 *Qui magistratum; ait edictum; potestatemue habebit, si quid in aliquem noui iuris statuerit, ipse quandoque, aduersario postulante, eodem iure uti debet.*

667 Accursius uerò, & Bartolus ad statuta ciuitatum, ad rescripta

a l. i. quod
quisq. iur.

- pta principum, ad priuilegia referentes, falsum scripserunt.
- 668 Quasi alia ratione statutum, uelut lex communis municipii, non teneat omnes, uel princeps non possit indulgere priuilegium, quod personam non egrediatur, uel rescriptum.
- 669 *Nouum ius statuerit*, Accursius, & Bartolus, & ceteri, pro statuto, & lege municipali intelligunt: falsó.
- 670 Statutum pro Lege municipali, uerbum inauditum fuit praetori, & consultis Latinis.
- 671 *Ipsē quandoque, aduersario postulante, eodē iure uti debet.* Accursius, Bartolus, & plerique omnes putarunt non pertinere poenam ad eos, contra quos non fuit impetratum nouum ius: falsó.
- 672 Non enim hic, eo postulante, in quem dixit, sed *aduersario postulante*, praetor ait; idest, quicumque postea, aduersarius futurus est magistratui ipsi.
- 673 Ergo quòd poenam edicti, QVOD QVISQVE IVRIS non extendi, Accursius, & Bartolus putarunt, ad omnes aduersarios, sed ad eum tantum, aduersus quem obtinuit: falsó.
- 674 Quin peruertunt hi sententiam edicti.
- 675 Duumuiros Accursius confundit cum municipalibus magistratibus, & defensoribus ciuitatum: falsó.
- 676 Melior itaque eorum est sententia, qui duumuiros, duos ex ipsis decurionibus fuisse existimant.
- 677 At Angelus maximum fuisse duumvirum magistratum existimat. At maximè labitur.
- 678 Fuerunt tamen duumuires Capitales, qui capitalibus quaestionibus praefuissent. Verum de his non intelligit Vlpianus.
- 679 *Is uidetur, ius dicenti non obtemperasse, qui quod extremum in iurisdictione est, non fecit.* Extremum, ait Accursius, idest, Minimum, uel Vilissimum: falsó.
- 680 Quae uerò tertio Accursius comminiscitur ex Ioann. ut extremum intelligat pro Primo, & Ultimo iurisdictionis; exemplo

plo maioris, & minoris extremi syllogismorum; ridiculum putatum est a multis, attamen defendi posse remur.

681 Bulgarus uerò Extremum, id est, Vltimum, & Executionem sententiae, exposuit. cuius interpretationem Interpres oppugnat: falsó.

682 Accursius Interpretationem Bulgari, ad actorem accommodari non posse existimat, quòd Vlpiano repugnat: falsó.

683 Quin etiam si actor in iudicio reali uictus, ad expensas, & sumptus condemnatur; recuset autem id, quod extremum iurisdictionis est, nempe executionem fieri, nõnne ad actorem extenderetur!

684 In iudicio, SI QVIS IUDICENTI, non meram poenam contineri, doctores putant: falsó.

685 Quid! ait Vlpianus, *Et cum meram poenam contineat, neque post annum, &c.*

686 Propinquorum hereditatem, in stirpem, non in capita diuidendam esse, Accursius, & plerique alii putant: falsó.

687 Ac si ex parentum persona, & successione, in ipsorum gradum, & non iure proprio; quia scilicet agnati, hereditatem peterent.

688 Quin & Vlpianum habent, in hac re, contrarium eis, docentem.

689 Iudicentem, & Iudicem, idem esse putant Bartolus, & alii: falsum.

690 *Iudicentis officium latissimum*, quòd dixit Vlpianus, de omni iudice locutus uidetur Bartolo: falsum.

691 Iudicem, necessitate cogi ad ius dicendum, probari ex lege Munerum. S. Iudicandi, D. De mun. & hon. putat Bartolus: falsum.

692 Officium Iudicis, prout non cohaeret personae, idem quod Iurisdictionis, transposito tantum significatu, significare uidetur Bartolo: falsum.

693 Bartolo uidetur Iurisdictionis inesse personae: falsum.

Et

- 694 Et qui eodem pacto diceret inesse territoria: falsum.
- 695 Quod Interpres, & Bartolus dicunt, Ab Vlpiano non afferri, neque esse, definitionem meri imperii, quae scribitur ad L. Imperium, De iurisdictione: falsum.
- 696 Iurisdictionem dici a Iuris, & Ditione, Interpres, Bartolus, & alii: falsum.
- 697 Bartolus dicit, de misto imperio; cui & iurisdictione inest; sicut genus inest speciei suae: falsum.
- 698 Imperium Bartolo est Iurisdictione, quae officio iudicis nobili expeditur: falsum.
- 699 Merum imperium inde dicitur Bartolo, quasi Liberum; hoc est, quia collatum in principem imperium, libere, nulli necessitati subiectum: falsum.
- 700 Deinde Merum, idest Liberum, non Seruum: falsum.
- 701 Iurisdictione; ait Bartolus; accipitur in genere generalissimo: falsum.
- 702 Ac si supra Iurisdictionem non esset aliud genus, Potestas, vel Qualitas.
- 703 In primo gradu, Bartolus, meri imperii, legis condendi potestatem ponit: falsum.
- 704 Quid enim commune habet legislator cum iudicante, & praetore!
- 705 Bartolus item putat, iisdem magistratibus competere mistum, quibus merum defertur: falsum.
- 706 Ecquis enim dubitat, praetoribus, aliis sortem de criminibus, & rebus capitalibus, aliis vero iuris dicendi de re priuata, obtigisse!
- 707 Merum imperium est iurisdictione, quae officio iudicis nobili expeditur, publicam utilitatem respiciens principaliter: falsum.
- 708 Quin Bartolus parum sibi constat, cui iurisdictione non diuiditur in Imperium merum.
- 709 Sed quid iurisdictione expeditur ne? Si prius ligata fuit.

At

710. At haec finitio obscurior est profectò suo definito.
711. Sed an alii magistratus, alia iurisdictionis specie utentes, publicam non respiciunt utilitatem!
712. Officio, ait, nobili, quia per se stat: falsò.
713. Ergo si per accusationem quis quemquam puniat, efficitur mercenarium.
714. Mistum imperium; ait Bartolus; est iurisdictionis, quae iudicis officio nobili expeditur, priuatam utilitatem respiciens: falsò.
715. Per id, quod dixi; ait Bartolus; iudicis officio nobili, differt a iurisdictione: falsò.
716. Ad petitionem enim fideicommissi non solum competit actio, sed etiam officium iudicis.
717. Iurisdictionis; ait Bartolus; est, quae officio iudicis mercenario expeditur; priuatam utilitatem respiciens: falsò.
718. Sed Bartole, dare iudicem, estne iurisdictionis? Ita ait Vlpianus.
719. Mercenario itaque officio dabitur iudex.
720. Bartolus ait, causas liberales, & status, esse maximi gradus iurisdictionis: falsò.
721. Modò definitionem a se datam defendere paratus sit: non enim haec officio mercenario expeditur, sed nobili.
722. Quod Salomonius, Longouallius, & Goueanus dixerunt, merum imperium posse definiri, ut sit, Cui grauior, & atrox competit coërcio: falsò, & obscurè.
723. Mistum sit modica coërcio, cui iurisdictionis inest: falsò.
724. Ecquid enim coërcio cum aliquo istorum!
725. Definitiones itidem, quas affert Speculator, falsas, ac obscuras, ut ceteras, sustinemus.
726. Et ne singula, quae infinita sunt, persequi uideamur, omnia,
I . . . quae

quae Bartolus ipse dixit de iurisdictione, falsa esse tenemus.

727 Quod interpretes aiunt, solam furti nec manifesti actionem, aduersus raptos dari: falsó.

728 At Paullus scribit, aduersus manifestarium ereptorem nec-manifesti furti actionem dari. Licet.

729 Quid! ergo ista tantum teneri docet!

730 Falsus Accursius, & ceteri, qui definitione actionis omnem in Iure actionem complecti putant.

731 Actionem omnem uel in personam, uel in rem esse; quam diuisionem doctissimi quidam a fine petitam tenent: falsó.

732 Nos uerò, a materia potius sumptam.

733 In constituto quamuis, si ciuilis fuit obligatio, magna utilitas non perspicitur, attamen si mutetur; ueluti si sub condicione, uel in diem debitum iure constituatur; quaesitum uideo, an priori actione uti non liceret.

734 Licet quidam, non licere dicant; nos contra, non modò nò extingui priorem obligationem, uerum etiam quamuis actum sit constituticia; non facta tamen solutione, agi ex ea posse.

735 Omnes actiones; ait Iustinianus; aut ipso iure competere, aut a praetore dari: inde doctores putant, actiones alias Natiuas, alias Datiuas dici actiones: falsó.

736 Nullae enim sunt Datiuae actiones, quamuis quasdam actiones, praetoris edicto esse constitutas, numquam negauerim.

737 Nec quis dubitet, omnes actiones a praetore esse impetrandas.

738 Testamentum ob serui testimonium, qui & liber habebatur, nec status controuersiam patiebatur, non uitiari, dixit Iustinianus.^a

a l. i. C.
de tut.

739 Cuius rationem putant esse uulgò, quòd communis error facit ius: falsó.

Ri-

- 740 Ridiculum enim est, quod imperium, potestásq. summa Caesarum peperit, communem errorem auctorem facere.
- 741 Quod Accursius, Bartolus, & alii doctores dicunt, mutuum duplex esse, scilicet naturale, & civile; quod scilicet ex chirographo debetur: falsó.
- 742 Nec enim Paullum umquam de hoc mutuo mentionem fecisse apparet; & cui etymon mutui contradicat.
- 743 Omnia igitur, quae de natura, cooperante mutuo civili, congruunt doctores; falsó? Immo mera somnia.
- 744 Quod autem Bartolus de testibus concordandis dicat, scilicet si unus dicat, negotium factum esse ante nuptias, alius vero post nuptias; ut intelligendum sit, ante nuptias scilicet finitas, & post nuptias scilicet contractas: falsó.
- 745 Ergo merito deridet eum Baldus alibi.
- 746 Quod Accursius, Bartolus, & ceteri doctores Longobardi tenent, duas esse certi conditiones distinctas, & separatas, unam, quae generalis dicitur, alteram, quae certi conditio specialis ex mutuo: falsó.
- 747 Stipulationem etiam sine causa invalidam esse censet Roffredus, Zasius, & alii: falsó.
- 748 *Eum ait Vlpianus; qui sine causa stipulatus, litem contestatur, doli exceptione repelli.* nata est igitur obligatio ipso iure.
- 749 Quod ait Vlpianus, *euidetur est Stichus: Iulianus, in factum actionem a praetore dandam: Ille ait, civilem incertam actionem,* &c. Bartolus, & ceteri, actiones alias esse nativas, alias dativas dixere: falsó.
- 750 Nulla enim actio dari a praetore, non recte dicitur.
- 751 In ea stipulatione, qua quis stipulatur debitum in tribus terminis, seu intra tres terminos proximos, & nihil nominet amplius; utiliter stipulatum. At intra tres annos pecuniam solvendam Bartolus respondit, ex l. 3. De ann. legat. falsó, & puerili

rer, ex ignoratione bonarum litterarum errauit: Quo nomine
cuiusmodi paene infiniti eius errores leguntur.

752 Rectius ergo Raphaël Cumanus opinatus est, qui, arbitrio
iudicis, terminos declarari scripsit.

753 Quod in definitione legati, a Iustiniano adiectum uiderunt
doctores; ut scilicet *fit donatio, a defuncto relicta, ab herede
praestanda*; haec uerba postrema non adiicienda tenemus;
ideoq. falsò doctores putant.

754 Nam legatum sine facto heredis, recta uia in legatariū tran-
sit, ex Papiniano.^a

755 Falsò itaque illi, qui in testamenti definitione comprehen-
di legatum dixerunt.

756 Non ergo erit pars essentialis testamenti, ut quidā dicunt?
Minimè.

757 Neque, ut alii, quantitatiua? Immo neque subiectiua.

758 Excludis itaque omnino legatum a testamento? Excludam!

759 Licet non esse partem, profitemur.

760 Quidam, bonorum possessionem esse aliquid, defendunt:
falsò.

761 Sed quid, si aliquid esse, nos concedamus!

762 Duplicem faciunt bonorum possessionem; alteram edicta-
lem, quae competit ex edicto praetoris mortui, & respicit ius
quaerendum; alteram decretalem, quae decernitur per prae-
torem uiuum, in qua de iure iam quaesito: falsò.

763 Et hi sunt Accursius, Cynus, Bartolus, & Baldus, & Paul-
Castr. & communiter doctores. Et communiter falsa obtru-
dunt.

764 Quidam praetorem, heredem posse facere, contendunt:
falsò.

765 Quaerunt doctores cur, cum ex Paullo, domini principii
& causa fuerit ipsa possessio, de dominio adquirendo Com-
positores P. prius docuerunt, quàm de possessione. & Petri Bel-
laperticensis impugnata opinione, uel suppleta, respondit
Soccinus, a dominio, ut a magis confuso, ad tractatum
de

de possessione, ueluti distinctum magis, transisse: falsó.

766 Et si ordinem in his centonibus non religiosè quaerendum tenemus; tamen, si naturam spectes, dominio priorem ponamus; at non, si dignitatem, ac perfectionem, iurisq. auctoritatem: nam ita posterior est possessio.

767 Sola traditione dominium adquiri, Placentinus, Ioannes, atque Azo scripserunt; uacuam possessionem abnegantes: solamq. asininam, ut uocantis: satis esse admittentes: falsó.

768 Quin idem Accursius, Odofredus, Bartolus, atque Baldus, ceteriq. falsum falso addiderunt: ac l. Si fundum, De fundo do tali, declaratum iri.

769 Bartolus, & ceteri, possessionem discernunt in naturalem, corporalem, & ciuilem; & quaedam fingunt: omnia falsó.

770 Tam est enim ridiculum putare, quemquam solo corpore possidere, quàm si diceres, mortui hominis cadauer possidere fundum, ubi iacet.

771 At solo animo possessio haberi potest? Licet.

772 Solo autem corpore, nisi uoluntas adsit, non potest.

ANTONII

nine.

itrio

erunt

erede

mus;

tran

hen-

tune?

dam!

dunt:

dicta-

cit ius

prae-

Paul.

obtru-

dunt:

ncipiū

Com

tri Bel

pondit

statum

e

ANTONII PERSII

POSITIONES

PRO IVRE CIVILI.

773 **I**Ametsi quid esset Iuris prudentia, in uarias sententias deducti fuerint; eorum tamen, meo quidem iudicio, ceteris probabilior uisa est sententia, qui Iuris civilis cognitionem neque ad artem, neque ad scientiam, referri posse, sed esse potius quandam prudentiae partem, sicuti ferendarum legum peritiam, existimauerunt.

774 Haec enim a Iuris prudentia, sola ratione, non re, & subiecto, differre uidetur.

^{a li. de Re p. & leg.} 775 Huius opinionis & Plato, ^a & Aristoteles, non uno in loco, fuisse perhibentur.

776 Quamquam existimo, penitus nullam, aut certè perexiguam tantum uerborum controuersiam huic disceptationi inesse.

777 Idcirco Ciceronem, Iustinianum, Celsum, Ulpianum, ceterosque omnes diuersis notis, atque descriptionibus eandem rem significare exprimerèq. uoluisse.

778 Iuris prudentiam itaque non esse habitum cognoscendi, aut efficiendi, tenemus; sed agendi, & prudentiae partem.

779 Non enim ars ipsa Iuris prudentia erit, cum quaelibet ars proprium habeat, & particularem aliquem finem, cuius gratia est profectio: iurisconsultus uerò non uoluptates, non priuata corporis, aut fortunae, sed totius humanae societatis bona cōsectatur.

780 Versatur enim in ciuili societate; in qua felicitatem; cuius gratia omnis societas constituta est; nititur conseruare custodirèq.

781 Tuetur enim iurisconsultus iustitiam politicam, uirtutem
om-

omnium praestantissimam, & nobilissimam, quae suo ambitu ceteras omnes continet, complectiturq.

782 Iuris prudentiam quoque ceteras artes, & scientias omnes, quae in actione cernuntur, finis, ac subiecti generis nobilitate, superare atque excellere tenemus.

783 Nobilitate ne Medicinam Iuris prudentia, ceterasq. disciplinas anteuertit? Nulli dubium esto. Quod & ante nos Aristoteles rectè perstrinxit.

784 Fine equidem ceteris artibus praestat, propterea quod Iuris prudentiae finis est ipsum bonum simplex, summum, & extremum; quod per se tantum expetitur, & ad quod cetera omnia tamquam ad perfectissimum, & ultimum aliquid referuntur.

785 Huius porro finis est ipsa felicitas, quae in societate humana spectatur.

786 Iam uerò genere subiecto, alias artes a Iuris prudentia longè superari, quis non uidet!

787 Non uideo. Videbis, si earum subiecta cum subiecto Iuris prudentiae comparaueris. ad cuius quidem respectum uiliora erunt illa.

788 Iuris prudentia uerò longè diuinius quoddam considerat.

789 Bonum, & aequum fortè? Non utique.

790 Iustitiam ergo? Tantundem.

791 Bona animi? Ne id quidem.

792 Scio, actiones hominum, qua legitimae sunt: quod & alias tutatus es, & ab eruditissimis comprobatur. Nescis.

793 Quid itaque? Homo, inquam, quatenus ratione praeditus est, eaq. in societate hac, & ciuili communione utitur; quem iurisconsultus omnibus uirtutum generibus, maximè uerò ea, quae ad iustitiam pertinet, instructum, ornatumq. efficere conatur.

794 Iuris autem ciuilis, disciplinae cognitionem sine Politices, Oeconomices, & Ethices notitia haberi minimè posse, tenemus

mus; tum quia hae disciplinae sunt partes, & principia Iuris prudentiae, tum quia suppeditant rationes, & causas actionū, & honestatis fontes aperiunt.

795 Iuris civilis ergo studium, ultimum inter has artes sibi vindicare locum; tumq. rectè, & magno cum fructu doceri ac tradi, si priores illae scientiae tamquam prima eius principia & elementa praecedant.

796 Iuris prudentiae finem aliter alii concipiunt, atque alii. quidam enim Iuris prudentiae finem, tranquillitatem reipublicae.

797 Alii, iustitiae, seu (ut Cicero dicit) *legitimae, & usitatae in rebus causisq. civium aequalitatis conseruationem.*

798 Nonnulli autem, in legibus interpretandis, & aequitate populo explicanda, constituerunt.

799 Nos uerò in humana quadam societate summum bonum, quod per se, & propter se, atque etiam primò expetitur, esse ipsius aequalitatis legitimae conseruationem; quae Iustitia appellatur, tenemus.

800 Alios uerò summi istius boni gratia esse, ac propter illud.

801 Iustitiam uerò duplicem ponimus, particularem, & uniuersalem.

802 Particularem uerò iustitiam uel in distributione, & recta, & legitima diuisione, uel in commerciis hominum emendandis consistere.

803 Distributionem uerò in quadam comparatione consistere, tum personarum, tum rerum inter se, quae personis tribuntur, notum est.

804 Haec, quae a mathematicis analogia geometrica uocata est; quae propriè in eo spectatur, ut aequalibus aequalia, inaequalibus, secundum comparationem, inaequalia tribuantur.

805 Altera uerò, quae contractus commerciaq. hominum inter se, dirigit, atque ad aequalitatis normam reducit, bipartita,

ita est, ut & ipsi contractus seu commercia:

806 Quaedam enim commercia, quae consensum ex utraque parte exhibent, spontanea atque voluntaria dicuntur.

807 Quaedam uero, quia sine consensu partium fiunt, inuoluntaria dicta sunt ab Aristotele.

808 Et quae contra uoluntatem euenire solent, aut ex ignorantia, ne nobis contingunt; ut furta, adulteria, ueneficia, lenocinia, seruorum seductiones, dolo & fraude perpetrata homicidia, falsorum testimonium productiones, & his affinia.

809 Aut ui, qua patimur uincula, mortem, raptus, membrorum mutilationem, contumelias atque conuicia.

810 Siue igitur clandestina haec mala sint, siue ui illata, ubi deprehensa fuerint, ab emendatrice iustitia corriguntur atque emendantur.

811 Quemadmodum ergo prior iustitiae priuatae species in proportionem, seu comparationem geometricam, ita haec posterior in arithmetica.

812 Non tantum personarum differentias; scilicet ut si quis magistratum laedat, grauius puniri eum, quam si priuatum laeserit; in iure spectari, sed etiam an nobilis sit aliquis, an ignobilis; seruus, an liber; pater, uel extraneus; & in ceteris eorum discriminibus eodem modo.

813 In iis itaque *τις ἀντιθέσει*, quae personam respiciunt, & contra uoluntatem aut ui, aut exigua ratione, nobis obueniunt; in quibus poena, & supplicium locum habent; non tam iustitia emendatiua, quae primo, ac per se, quam distributiua cernitur.

814 Altera uero uniuersalis appellatur, quae non in debita, & aequali honorum, uel praemiorum distributione, aut etiam contractuum, & commerciorum aequalitate, atque fide spectatur, sed quae omnis uirtutis est quoddam receptaculum.

815 Hancq. duplicem faciunt, alteram absolutam, quae omnium animae uirtutum comprehensio est, & totius animae quaedam rectitudo.

K Alte-

816 Alteram, quae relata est, quatenus ad alium refertur, hoc est, quatenus societatis in consuetudine hominum, uinculum est, ac omnibus reipublicae partibus, ut in anima uiribus, debitum suum reddit.

817 Et haec politica, seu legitima, & uniuersalis quoque appellatur.

818 Haecq. praestantissima; optima, pulcherrima, & difficillima dicitur.

819 Rectè itaque Polus Pythagoricus Lucanus noster, iustitiâ hanc, matrem, & nutricem ceterarum uirtutum appellauit. nam sine illa nec temperantem, neque fortem, neque prudentem esse quemquam constat.

820 Haec utilitatem in multitudinem, & uniuersas rerum comprehensiones praestat: si quidem in mundo principatum omnem obtinens, prouidentia uocatur, & harmonia, & cōstitutio generis eiusdem deorum, qui ipsam ita disposuerunt.

821 In ciuitate autem pax, & aequitas meritò nominatur.

822 In domo autem haec est, uiri, & uxoris concordia mutua.

823 Item famulorum in heros beneuolentia.

824 Dominorum autem erga famulos benigna curatio.

825 In corpore sanitas, & perfectio membrorum.

826 Ceterum in anima est sapientia, quae per scientiam, & iustitiam hominibus comparatur.

827 Haec itaque & legislatoris, & iurisconsulti, & magistratuum, qui illarum custodes, & conditores sunt: haec eadem uirtus ultimum & extremum, ad quod & consilia, & deliberationes, & responsa referantur uniuersa, sit propositum.

828 Obligationes iure gentium ortas esse, exceptis quibusdam, quae iure ciuili introductae sunt, tenemus.

829 Omnes conuentiones, iuris gentium esse tenemus.

830 At Vlpianus² conuentionis tres species facit, & legitimam unam.

831 Vlpiani responsum uero sensu declaratum iri.

Non

- 832 Non igitur uerum, conuentionem priuatam in legitimam,
& iuris gentium diuidi? Minime.
- 833 Omnes enim conuentiones siue publicae, siue priuatae, siue
denique legitimae sint, iuris continuò gentium sunt.
- 834 Nihil ergo prohibet, quin publica quoque conuentio iu-
ris gentium sit: & haec quidem definitur ab Vlpiano.
- 835 Verba igitur, quae sunt in Vlpiani diuisione, *aut iuris gen-
tium*, quid explicant? Nisi Triboniani, aut scioli alicuius sint,
nihil omnino. Quin particulam, *priuata*, ut expan. Fl. animad-
uertitur, temere repetitam.
- 836 Quod si ita est, erit igitur conueniens; ut eruditi quidam ad-
ferunt; eundem, qui tres esse dixit conuentionum species, tres
esse iuris gentium conuentionum species, affirmare.
- 837 Nec quidem iuris dumtaxat gentium conuentio publica
est, sed etiam ut legitima esse possit, nihil uetat.
- 838 Itaque fit ut legitimae conuentiones sint iuris gentium? No-
uum fortasse!
- 839 Rectè itaque Paullus, *legitima conuentio est, quae lege ali-
qua confirmatur*. Sed antequam confirmaretur, erāt ne conue-
tio? Nisi stipes, uel caudex, nullus negabit.
- 840 Priuatae etiam conuentiones, cuiusmodi est stipulatio, iu-
ris tam gentium erunt, quàm civilis.
- 841 Cicero mulieres, contendit, perpetua tutela teneri.
- 842 At Imperator, & consulti contrà duodecimo quidem anno
eas a tutela liberari tradiderunt.
- 843 Ceterùm quid, si utrumque uerissimum esse defendamus!
- 844 Caius rationem reddere uidetur, de illa institutione lo-
quens; *quos Titius uoluerit*; ideo uitiosam esse affirmans,
quòd alieno permissa est arbitrio.
- 845 Verum est: at Pomponius respondit, *si quis Sempronium he-
redem instituerit sub hac condicione, si Titius in Capitolium
ascenderit, utilem esse institutionem*; quamuis hoc ipsum

K 2 fit

fit in alterius uoluntate positum.

846 Hae (ut cum aliquot doctis uiris ingenuè fatear) Iuris ciuili subtilitates plus habent artis, & ostentationis, quàm aequitatis, & solidae doctrinae.

847 Haec ergo institutio, *si uolet Titius*, uitiosa est iuriconsultis; illa uerò, *Si Capitolium ascenderit*, utilis; tametsi in utraque dominetur Titii uoluntas, & in eo sitū sit, Sēpronius sit heres, an nō

848 Vtriusque tamen rationem dabimus, quoad illorum doctrina sustineri possit.

849 Aquam profluentem nihil aliud esse, quàm aquam fluminis nemo ambigat.

850 Nec refert si ex priuatis fontibus fluat, an ex publicis fluminibus.

851 Pupillarem tantum propriè substitutionem esse tenemus, aliàs uerò abusiue.

852 Substitutionum genera duo esse tenemus.

853 Quid si tria !

854 Agnatorum hereditatem non in stirpem, ut ceteri, sed in capita diuidendam tenemus.

855 Rectè itaque Nos ad legem 1. Si pars her. pet., adnotauimus interpretum errorem. & ob iuriconsultorum auctoritatem, & alias rationes, in causis forensibus, obtinuimus in facti specie.

856 *Omnes Stipulationes*; rescripsit Leo imperator; ^a *etiam si non solemnibus, uel directis, sed quibuscumque uerbis, consensu contrahentium constitutae sunt, uel legibus cōpositae, suā habeant firmitatem.*

^a C. de cōtrah. stip.

857 Quod cum Iustinianus confirmarit, nulli dubium esse puto, a ueterum iuriconsultorum instituto ualde alienum esse.

858 Olim enim certa stipulationum uerba formulaeq. usurpabantur, ut Pomponius declarauit.

859 Quod cum ita sit, in eam opinionem facilè deducor, ut nullum ferè aliud sit contractus genus, quàm stipulationis,

seu

seu nullam esse differentiam inter pacta conuenta, & stipulationem.

860 Pretium alia in re, quàm in pecunia numerata, constitui posse, cum Sabinianis tenemus. idq. comprobatum iri tenebimus ex aliquot Imperatorum rescriptis.

861 In quo itaque differt permutatio ab emptione? In aliquo; in simili fortè, uel dissimili animo.

862 Itaque si post pretium iam constitutum res aliqua uel pro pretio toto, uel pro eius parte soluatur, emptionem contrahi tuemur,

863 Contrà uerò si post permutationem constitutam, pecunia uel in totum, uel ex parte in locum rei succedat, permutatio uidetur iccirco.

a l. 52. §.
13. illo.

864 *Furtum sine contrectatione non fit*, ait Vlpianus.^a

865 In re igitur incorporali furtum fieri non posse tenemus.

866 At si rei incorporalis furtum fieri admittimus, nobis non contradicimus.

867 Actionis definitionem non omnes actiones complecti tenemus.

868 Remouentur enim tum publicae, tum populares.

869 Omnem obligationem, uel quae metu, aut dolo, aut errore contracta sit, iustam esse actionis causam, tenemus.

870 Quid si eandem iniquam esse teueamus!

871 Iusdicens, & Iudex; item Iusdicere ac Iudicare, ut idem sint, non admittimus.

872 At fuit iamdiu, ut idem significarent. Admitto.

873 Est etiam, ut hodie idem significant. Dubium uerò id est!

874 Ergo Iusdicentem, & Iudicem idem esse dices. Pulchrè uerò!

875 Dicam tamen, nec mihi repugnabo. Phy!

876 L. munerum §. Iudicandi uerum sensum declaratum iri.

877 Iurisdictionem non personae inesse dicemus.

878 Inest itaque territorio? Inesto.

At

- 879 At cur sine territorio iurisdictio esse potest? Nec tamen nego quin & magistratui insit.
- 880 Vtrique igitur inest, & simul.
- 881 Quod quisque iuris in alium statuerit, non de lege municipalis intelligimus; ut ceteri; sed statuere nouum ius, uel constituere in aliquem, tunc magistratum, intelligimus, cum contra leges, uel qua in re desiderantur, aduersus mores aliquid decernit, & ius dicit.
- 882 At hoc, Statutum, idest Lex municipalis, dici non potest.
- 883 Ex edicto, QVOD QVISQVE IVRIS, neminem cogitationis poenam pati tenemus.
- 884 Rectè itaque l. cogitationis poenam, De poenis, ad hoc edictum, QVOD QVISQVE IVRIS, pertinere tenemus, cum ex eodem libro Vlpiani sit.
- 885 Rectè etiam Nos in scholiis ad Pan. adnotauimus, ex eiusmodi edicto neminem cogitationis poenam pati, in aliis uerò; & si non tantum effectus, sed etiam uoluntas puniatur; nihil uetare.
- 886 *Is uidetur, iusdicenti non obtemperasse, qui quod extremum est in iurisdictione, non fecit: si extremum, idest Vltimum, accipiamus; ut antiqui interpretes acceperunt; non errabimus.*
- 887 Nec illud iudicium ad interesse litigantium respicere uidetur. *non enim ad id; ait Vlpianus; quod interest, sed quanti ea res est.*
- 888 Rei itaque persecutoria non est, sed merè poenalis.
- 889 Vnam esse certi conditionem, tenemus, generalem tamen, quae sub semultas habeat species, & speciales actiones.
- 890 Tamen si in mutui contractu, consensus contrahentium requiratur; tamen ideo re contrahi dici putamus in mutuo, quòd praecipua huius, & similium contractuum, causa efficiens

ciens Res est, sine cuius praestatione omnino perfici nequeunt.

891 Appellatam, ait Paullus, mutui dationem ab eo, quòd de meo tuum fiat. Quid uerò, si de tuo meum fiat! Verum ita ludere iurisconsultis placuit in quorundam uerborum notatione, ut in Testamentum, Sacellum. Iurisconsulti enim nostri (ut rectè eruditi etiam uiri testantur) imbuti sunt a Stoicis, qui licentiores in ducendis nominum originibus notare saepe solent.

892 Mutuum reciprocum est, & ad illum pertinet, & in eius persona propriè est, qui aliquid reddit.

893 Itaque debitor propriè mutuum reddere dicitur.

894 Sed in hoc contractu quia mutuationi initium facit creditor, is quoque mutuo dare dicitur.

895 Quem contractum iuris gentium esse tenemus, atque in arithmetica proportionem uersari, ac aequalitatem scilicet eorum, quae data sunt, exigere; unde stricti iuris.

896 Obligationem primùm rei corporalis Circumligationem dictam esse: unde iurisconsulti ab eiusmodi rebus, quae sunt, ad eas, quae intelliguntur, transferentes, Obligatum hominem dixerunt, qui ob maleficio, uel contractum quasi ligatus aliis paret, & ad faciendum patiendumue quidpiam, tamquam districtus aliquo iure, adigi potest.

897 Sed & hanc significationem duplicem esse tenemus, naturalem, & civilem.

898 Illa quidem siue beneficio accepto, siue pacto etiam nudo, & uoluntate obstrictus quis sit, obligationem demonstrat; quam & apud omnes gentes, priusquam ciuilia iura prodita essent (si modò Latine locutae sint) demonstrauit: ut uerba eiusdem sensus apud aliarum linguarum peritos.

899 Haec uerò, postquam ciuile ius conditum est, eam modò obligationem significare coepit, qua, necessitate lege imposita, cogimur quid praestare alteri.

900 Obligatio autem, auctore Iustiniano, est iuris vinculum.

quo

quo necessitate adstringimur alicuius rei soluendae secundum nostrae ciuitatis iura.

901. Vinculum autem magis quam uinctionem, obligationem esse, uoluit; ut non actum obligandi, & contractum, sed equum quiddam perpetuò durans intelligamus, dum ab eo nexu absoluiamur certis modis.

902. Sed ubinam existit hoc aequum, quod in Iure lex tam frequenter consistere ait? in nobis ne, an in rebus ipsis? In nobis, si obstringimur.

903. Contra uerò eiusmodi ius in corpore esse, atque in re, quae sublata & ipsum euanescit, Lex alibi ait.

904. *Legatum;* ait Florentinus; *est delibatio hereditatis, quia testator ex eo, quod uniuersum heredis foret, alicui quid collatum uelit.*

905. Modestinus uerò, esse *donationem testamento relictam.*

906. Sed hae definitiones non satis distinguere uidentur legata a fideicommissis.

907. Rectè itaque forsan Ulpianus, qui in Institution. *legatum quod legis modo, id est, imperatiuè, & directis uerbis testamento, relinquatur* putauit.

908. Vnde causa efficiens legati, benigna uoluntas testatoris esse uidetur.

909. Legatum uerò si Iuris ciuilis, & philosophiae subtilitatem consideremus, non esse uerè donationem, tenemus.

910. Quis enim ignorat, donationem, liberalitatis esse speciem! at illa circa pecuniam, & proximius circa dationem, & receptionem uersatur.

911. At in legato potest esse paenitentia.

912. Donatio uerò ab eruditis definitur, Esse largitio, quae reddi non debet.

913. Ideòq. si donatio quaedam definitur a Iustiniano, non improbandum.

914. Cum autem praetorem dupliciter sui copiam fecisse traditum

tum sit, pro tribunali, scilicet, eburnea curuli sella sedens; & extra tribunal, ac de plano: inde bonorum possessionem duplicem fuisse animadvertimus, Decretalem scilicet, & Edictalem.

- 915 Decretales itaque, causae cognitionem requirebant, qualis Carboniana, uentris in possessionem missio, eius, qui captiui, furiosusue nomine mittendus, &c. aliae uero edictales.
- 916 Efficiens itaque bonorum possessionis est praetor, qui eam defert: at non sola, quia & uoluntas eius cui defertur.
- 917 Ut materiam omnes res, dicimus, ac omnia commoda, & in commoda hereditaria.
- 918 At quorsum? Ut is, qui Iure civili contra aequitatem naturalem, hereditate excluderetur, benignitate iuris praetorii, successionem sibi debitam adquirat.
- 919 Qui Dominium definierunt, esse Ius, de re corporea liberè disponendi, ut ab effectu haec definitio petatur, non reprehendendi.
- 920 Rerum itaque incorporealium non erit dominium? Nec possessio.
- 921 Possessio autem, ex Theophilo, est Rei corporalis detentio. additur tamen a doctis, ex Theophili locis, Cui affectus tenendi, & opinio dominii, uel proprio nomine, uel alieno, inest.

L MA-

I.

922 MARINA Venetiarum urbs ideo minimè alicuius imperio parere uisa est nō nullis, quod exstet ea de re priuilegiū, cuius ope, quasi uindicta, in libertatē adserta uideatur. Aliter aliis, qui putant, si priuilegiū a se Veneti amiserint, nihilominus liberam urbem remanere; propterea quòd altero naturae priuilegio, MARINAE scilicet aquae, (quòd in mari est sita) longè antiquiora libertatis iura tueatur.

923 MARINA igitur aqua caput ē, ut liberi Veneti, nulliusq. iurisdictioni, dictōe sint umquā audiētes futuri; aīn'tu? Nēpē.

924 Quin ex inueterata cōsuetudine, uectigalia imponentes Veneti, portoriaq. sine auctoritate principis, non iniustè fecisse inculandi erunt.

I I.

925 IVSTINIANA uerò constitutio, quae feminas masculis aequauit, non omnino ratione caruisse uideri potest.

926 Vnde, cū natura muliebrem sexum, aequè ac uirilem, humano generi conseruando necessarium ostendat, utrumque pari in hereditatibus adeundis iure esse uoluit.

I I I.

927 PAVLLIANA autem actio rectè creditoribus, quorum in fraudem res alienatae sunt, conceditur; qua coërceatur is, qui sciens debitorem in fraudem creditoris hoc facere, suscipit quod in fraudem eorum fiebat.

928 Et cū hac actione res traditae, perinde quasi traditae numquam fuissent, postulantur; hanc contra Ius ciuile dari putamus: quippe cū id rescindatur, quòd Iure ciuili ratum erat.

I V.

929 CORNELIA uerò lege meritò damnatur, qui testamentū amouerit, celauerit, eripuerit, deleuerit, interleuerit, subiecerit, resignauerit.

930 Quiue nummos aureos, argenteos, adulterauerit, lauerit, conflauerit, rasērit, corruperit, uitiauerit, uultūue principum signatam monetam, praeter adulterinam, reprobauerit.


83

ANTONII PERSII

IN IVRE CANONICO CONTRA CANONICOS,

ET PRAGMATICOS.

ANTONIUM DE BUTRIO
ARISTOTELEM
FRANCISCUM DVARENVM
FRANCISCUM CONNANVM
GRATIANVM
HOSTIENSEM
INTERPRETEM
SCOTVM, ET C.

- 931  Vòd Hostiensis, atque alii materiam Iuris pontificii modò Praecepta patrum, seu Decretales epistolas, modò Fidem catholicam dicunt esse: falsó.
- 932 Omnia, iure naturae, communia esse, Gratianus scribit: falsó.
- 933 Dominium itaque, & rerum diuisio de iure naturae.
- 934 Ferarum uenationem quidam pro turpi & illicito exercitio habent, ex Augustino ^a comprobare nitentes: falsó.
- 935 Quod igitur Hostiensis, Anto. de Butrio, & alii contédunt, principem illud ius auferre posse, & prohibere: falsum.
- 936 Multi dubitant, an principum prohibitiones, praesertim poenales, contra uenantes ualeant. & qui principum auribus in susurrare adsolent, atque blandiri, etiam tales poenas ad mortem extendi posse contendunt: falsó.
- 937 At iniuriarum tenetur, qui contra prohibitionem ingressus est? Tamen iniuriae poena tanta esse non debet, praesertim cum tunc in principem ut principem, & ad uiolandam eius personam, maiestatemq. non delinquatur.
- 938 Quid! ac si uenationes ad regalia pertineant, quidquid in
- L 2 regno

^a c. qui uenatoribus d. 36.
^b c. nō est De deci.

regno Neapolitano usurpetur.

939 Graduum mentionem facientes canonici, deinde Arborē, & folia ei appingentes: falsò, & ridiculè: ac si gradus essent arborum, & non scalarum proprii.

940 *Ascendentium*; ait uulgaris regula cognationis; & *descendentium quot sunt personae, de quibus quaeritur; computatis inter medijs, una dempta; tot sunt gradus inter eos; falsò.*

941 Non enim inferior linea ascendit, neque superior contrà descendit; quippe cū in linea superiori sint ascendentes, in inferiori descendentes; idest, Titium tantū ad parentes ascendere, descendere autem ad liberos.

942 Ridicula igitur est larua illa, quam modò Petrucium, modò Lorientum appellant, uel Ioachimū; ut Hostiensis.

943 *Quot sunt personae, tot sunt gradus*, aiunt: falsò, ac perperā intellexerunt regulam sacratissimi Consulti.^a

a §. 6. inf.
dr gra.

944 Quam? quae dicit, *Semper generata persona gradum adiicit*. non enim *persona* dicitur, sed *generata*.

945 Duae igitur personae requiruntur ad gradum faciendum.

946 Putāt doctores, cognatos, qui a latere sunt sinistro, cognatos illis dici, qui a latere dextro sunt, & utrosque inter se referendos: falsò.

947 Ad solum enim Titium referendi sunt.

948 Quòd gradibus collateralibus etiam in ascensu utantur doctores, falsò, & praeposterè.

949 Nesciunt, descensus tantū causa descriptos esse omnes collaterales.

950 Quod ēt dicitur, i iure ciuili ob nihil aliud graduū mentionē factam esse, nisi ob hereditates; in Canonib. uerò, ut apertè mōstretur, usque ad quotā generat., cōsanguineorū nuptiis sit abstinentiū; cōtrariū certè inueniet, qui Ius ciuile perleget.

951 Ac si successio, & sumptio posset esse sine eo, qui eam reliquit, & ad quam illa rediret.

952 Vnde falsius illud, iuriscōultos in singulis personis singulos perfecisse gradus, Canones uerò, quia nuptiae nō possunt esse sine

sine duab. personis, ideo duas numerare personas. quem in errore incidisse uidetur etiam Franciscus Duarenus, F. Connanus, & alii doctissimi uiri.

953 Quod praecipitur, cum de duarum personarum matrimonio quaeritur, omnibus praetermissis intermediis personis, continuo ad originem, siue ad stipitem cognationis esse deuolandum: & ab ea distractum circum bipartitum, ad utrumque fratrem, & sororem sensim producendum; aut ab ipsis, relicto stipite, unum gradum numerando: secundum ad duos filios, tertium ad nepotes, & ad eos usque, quorum de nuptiis quaeritur; ridiculum, & superfluum.

954 Nam amputandi essent omnes maiores, ac posteriores, qui in arbore describuntur, cum inter hos prohibita omnino, & nullius sint usus, nuptiae.

955 Deinde nonne uides, quod non nisi patris nomen est necessarium, unde origo generationis eis constituitur!

956 Neque ergo in eorum Arbore habebunt locum patruus, auunculus, magni, maiores, maximi.

957 Cur hoc? Quia hi sine auo, proauo, atque abauo, quorum hi liberi sunt, non possunt habere locum.

958 Deinde? Quia canonici non nisi a patre sumunt cognationis exordium.

959 Ac si inferiores tantum generationes in cognatione describenda, & non superiores, praecipue uero communio sanguinis, describendae essent.

960 Sed quid, si praeter profanos auctores, Deum et ipsum iuriconsultorum more, gradus numerasse probabimus!

961 Quoto gradu; aiunt; remotior distat a stipite, eodem gradu inter se: falsum.

962 Si uis scire, inquit Interpres; in quo gradu aliquae duae personae diuersarum linearum sibi adtineant, recurre ad communem stipitem sibi parentem, a quo descenderunt; & descende, aequaliter computando per ambas lineas, quousque altera illarum primo occurrat: falsum.

a c. ult. de
consa.

Non

963 Non uides quàm incerta, atque obscura ratio computandi
ineatur! uix enim fiet, quin pro auo, aut proauo, abauum ple
rumque, aut tritauum accersamus.

964 Contrà uerò, si gradatim per singulos gradus ad eum, qui
nobis communis sanguinis proxima cāssa fuit, ascendamus,
nullo fermè errore rem omnem assequi poterimus.

965 Vidist' unquam, fratrem referri posse ad patrem!

966 Sed quomodo fratres erunt in primo, si inter eos non sit uni
ca generatio! nec iidem ad patrem referri possunt.

967 Quinimmo c. ad sedem, duas requirit personas in gradu fa
ciundo. quid si unam sufficere commostrem, in altera linea, ex
alio capite!

968 Falsissimè itaque! solum canonici descensum imperant, ascē
sum uerò prohibent: cūm communis stipes inueniri, nisi ascen
dendo, non possit.

969 Abneprem fratris, uel sororis, canonici^a permittunt uxo
rem ducere.

^a gloss. ex
d. c. ult.

970 At iurisconsulti non admittunt, cūm liberorum loco sint:
utri melius?

^b 35. q. 3.
c. 1.

971 Nec fortè, quae de inueniendo numero a filiis duorum fra
trum, Gratiā^b commemorat, ex Isidoro, uera esse affirmabi
mus: quin, cūm in Isidori libris ea extare non legerim, su
specta esse existimabimus.

972 Vsuram definiunt doctores, Quod supra sortem redditur:
falsò.

973 Quid, si quis ex societatis commodo, supra sortē percipit,
uel ex poena!

974 Alii uerò, Vsuram esse lucrum supra sortem exactum tan
tūm propter officium mutuationis: falsò.

975 Ac si ad unam mutuationis causam restringi debeat Vsurā,
& ad fenus tantūm.

976 Falsò itaque Romanas leges ob eam causam damnandas
esse censent quidam, quòd usuras permiserint.

Quin

977 Quin rectè Iustin.^a concilii Nicaeni canones, qui eiusmodi usuras reprobavit, approbasse uideri.

978 Quid ita? Quia cur non improbant eas leges etiam, quas nemo improbat!

979 Nónne emptori permittitur actio in id, quod illius interfuit, moram esse a uenditore commissam in re uendita tradenda!

980 Idem itaque uenditori aduersùs emptorem concedendum.

981 Quid tum? Quia Vsurā nihil aliud est, quàm compensatio eius, quod creditoris interest, alium uti eius pecunia.

982 Ex re sterili igitur capies fructum contra naturam? Tantum abest. Fortè uerò Aristotelis negotiationis huius uituperatio sine ulla distinctione suscepta alios impulit ad eam damnandam, & a rep. penitus relegandam; falsò tamen, & imprudenter nimium; cum saepe utile, ac necesse sit etiam, alterum alterius pecunia uti, siue ad rem propriam tuendam, augendamue, siue quaestum honestum exercendum. qua in re cum eo inuito debitor usus sit pecunia, ideòq. eius interfit, usu carere suae pecuniae; iustitiae consonum ualde uisum est legumlatoribus nostris, compensationem aliquam eius damni petere.

983 An qui tantum de damno uitando certat, eius damni aliquam compensationem petere potest! Quod theologi nostri longè indulgentius permiserunt, ut subtilissimus Scotus,^b & alii.

984 Si a mercatore ad nundinas proficiscente, quis pecuniam, quam eò deferrebat, mutuam accepit, permittens ei certa die soluere, unà cum tanto lucro, quantum uerisimile esset creditorem, si usus esset suis nummis, in iis nundinis facturum; Hostiensis, & alii eum secuti, aequam, & probandam conuentionem, responderunt: falsò.

985 Ridiculum fermè est, ut aequiores nostri sint iurisconsulti, quàm hi, qui iurisconsultos carpunt, & reprehendunt iniquitatis nomine.

^a epist. inter claras.
C. de sum. tr. & Nou. 131.

^b 4. sent. d. 15. q. 2.

e c. salubriter de usu.

Non

a l. Iulia.
nus 13. de
act. empt.

986 Non uidetis, iniquum esse, a nudam pecuniam tantum ad-
ferre emolumentum, quantum industriam cum pecunia coniun-
ctam!

987 Non enim quidquid consequi creditor potest, Vsuram com-
prehendere, sed tantum partem.

988 Quod autem aliqui putant, litis contestationem, affirman-
do fieri posse: falsum.

989 Nam Imperator per contradictionem uult eam constitui,
nisi affirmata responsio contradicat actioni propositae, uel pro
ea habeatur.

990 Quod autem hodie usurpatur, ut dilationes saepe quinquē
nno, uel sexennio durent, litisq. ueram contestationem moren-
tur: falsum, & contra formam Iuris.

991 Vterque enim tam actor, quam reus de iure suo certus esse
debet, antequam ad agendum procedat; nec in conflictu dila-
tionem petere debet. iura sane in republica constituta sunt, ut
ortas lites secundum ea decidamus, non ut prorogemus.

992 Pro litis contestatione, utuntur pragmatici hac formula,
ANIMO LITEM CONTESTANDI, NEGO NARRATA PROVT NAR-
RANTVR: falsum.

993 Nonne iudex post huiusmodi litis contestationem, acque
incertus est in quo lis contestatur, ac fuit antequam!

994 Vt hodie fit per articulatos libellos, & ad singulos articu-
los responsiones, quibus utuntur, fieri litis contestationem, te-
nent: falsum.

995 Non enim per positiones, & responsiones; ait Pontifex; ad
eos, sed per petitionem in Iure propositam, & responsionem secu-
tam litis contestatio fit.



996 Non ergo uera in iudiciis hodie litis contestatio est, ac re-
peritur.

ANTONII

ANTONII PERSII

POSITIONES

PRO IVRE CANONICO.

- 997  V'M duplex ius sit, alterū naturale, positium al-
terum, hoc ut in triplex scindatur, nihil prohibet,
in Ciuile scilicet, Canonicum, & Diuinum.
- 998 ccirco iurisperito, seu canonistae praefendus
est theologus omnimodo (parcent mihi Hostiensis, ^a & Panor-
mitanus) siue haerese pullulauerint, siue non.
- 999 Subiectum Iuris canonici aliquibus posset uideri Actiones
canonicae, ut in Iure ciuili legitimae.
- 1000 At melius fortasse, si Homo, qua canonicè agat; id est, iux-
ta decreta pontificum, ac sanctorum patrum, ponatur.
- 1001 Scripturam non esse de essentia Legis; quod & Abbas, &
Decius, & alii scripserunt: rectè.
- 1002 Licet uenationem, piscationem, & aucupium de iure na-
turali tenere possumus, ^b tamen piscatio ab his separari solet,
tamquam ius magis licitum: eòq. piscatio ecclesiasticis perso-
nis permissa est, uenatio non item.
- 1003 Nam, quò cruentius est ius uenationis, eò uidetur magis
ab humanitate esse alienum, minùsq. ecclesiasticis conuenire
personis. ^d
- 1004 Licet itaque uenatio ab aliquibus improbetur, tamen ue-
rior est Panormitani, ^c & aliorum sententia, ut abusus, nō usus
sit in turpibus habendus.
- 1005 Iure itaque diuino, seu naturae, & gentium, uenationis u-
sum nobis esse concessum, tenemus, etiam & ciuili.
- 1006 Gradum nihil esse aliud, quàm generationem, tene-
mus.

^a c. 1. de af-
fi. & con-
sang.

^b l. 1. 3. de
adq. do.

^c c. 1. 2. d.
34 c. 1. 2.
de cle. ué.
c. 1. ne cie.
d. Esau. d.
86.
^e d. c. 1.

M Co-

1007 Cognationem uerò ius quoddam inter certas personas institutum, quae natura, uel legis fictione inter se cognatae sunt.

a l. 10. de
grad.

1008 In graduum igitur enumeratione hanc regulam in uniuersum obseruare quis debet, *Quoties^a quaeritur, quoto gradu quaeque persona sit, ab eo est incipiendum, de cuius cognatione quaeritur; & si ex inferioribus, uel superioribus gradibus est, recta linea sursum uersum, uel deorsum tendendo, facile inueniemus gradus, si per singulos gradus proximum quemque numeremus.*

1009 Totidem ergo gradibus remotus aliquis a Titio dicatur, quot ab ipsis generationibus distat.

1010 Cognatio autem cum non ex generatione, sed etiam ex communione sanguinis per generationem contrahatur, quando idem, & quasi commune nascendi initium diuersis personis contingat, ipsa ob hanc causam non in descendendo tantum, sed etiam in ascendendo etiam, considerari debet.

b l. 10. de
grad. l. 4.
eo.

1011 Rectè itaque Paullus^b, *cognitionem a Graeca uoce ^{γεννησις} derivari, cognatosq. dici, quòd quasi unà communiter ue nati, uel ab eodem orti progentiue sint.*

1012 Rectè igitur is, cuius de cognatione quaeritur, ut a iurifconsultis dicitur (quem Titium^c, uel aliū quemque uocemus) in medio ponatur; qui ueluti uniuersa cognationis causa nobis appareat, supra quem, originem ac generationem generantem cernamus; infra uerò eiusdem progeniem, & generationē ab eo generatam; dextra uerò, & sinistra neutrum quoddam generationis genus, earum scilicet personarum, quae neque Titium generarunt, nec a Titio generantur.

1013 Omnes igitur lineae collaterales, descensus tantum causa sunt descriptae, cum omnes personae in his comprehensae, originem ab his duxerunt, quas linea directa sursum uergens complectitur.

1014 Communem uerò stipitem; a quo nos distantiam, & interualla.

ualla metiri, Pontifices iubent, reperiri, nisi ascendendo, non posse, quidquid Interpret^a dixerit.

a c. ult. de
confa.

1015 Tametsi Vsurā pro Vsu ab auctoribus, rectē usurpetur, at-
tamen nos pro usurae mercede; quomodo iurisconsultos usur
passe liquet in tractatu De usuris; dici tenemus.

1016 Eius uerō duas species posse reperiri profiteamur, alteram,
quae distinctum a suo genere nomen habeat; quae uocatur Fe-
nus; alteram uerō, quae in generis sui appellatione consistat.

1017 Et Fenus^b quidem ab eo dictum, quod quasi fetura quae-
dam pecuniae sit.

b Fest. &
Gell.

1018 Vnde propriē etiā quiuis intelligere potest, lucrū illud,
quod quis capiat ex nuda pecunia, ut mensarii, Fenus dici.

1019 Sed Vsurā, cum ab Vsu appellata sit, aliam uim, atque si-
gnificationem ab hac notatione retinuit.

1020 Alter itaque de lucro captando, alter uerō de damno ui-
tando contendit.

1021 Rectē itaque Paullus, *c Vsurā non propter lucrum peten-
tium, sed propter moram non soluentium infliguntur.*

c l. cū qui
dam 17. §.
1. hoc tit.

1022 At non incongruum erit, ut pro fenore Vsurā sumatur? Si
nomen generis obtinet.

1023 Vsurā uerō speciatim sumpta, rectē ita ab eruditis defini-
ta esto, ut sit Merces usus consumptae fortis cum damno cre-
ditoris.

1024 Ceterū usuram ad earum tantū usum rerum pertine-
re censem, quae usu ipso pereunt, atque consumuntur.

d §. plus
inst. de ac.

1025 Rectē itaque Iustinianus, *d eum, qui praematurē, & ante
diem petit, plus petere uideri, uelut qui tardius soluit, quā
soluere deberet, minus soluere intelligi.*

1026 Ceterū illud tenendum est, usurarum, non propter mo-
ram, sed tantū propter id, quod interest, rationem haberi.

1027 Ergo & sine ullo morae respectu eas deberi, quoties credi-
toris intererit, usu carere suae pecuniae.

1028 Aestimandam igitur illam differentiam, decernimus, in-

M 2 ter

ter eos, qui animo fenerandi, occasionem mutui dandi quaerunt; & eos, qui quodammodo inuiti, & repugnantes, amici precibus, aut beneuolentia in eum ad credendum inducuntur.

1029 Nec, si usuram nihil aliud esse diximus, quàm id, quod uerè, & non simulatè interest, ideo nihil alterum ab altero differre putandum est.

1030 In quo ergo differt? Quia illud nullis finibus circūscriptū est, cum usura ad certum modum redacta, & restricta sit.

1031 Non ergo quidquid creditor consequi potuisset, usuram comprehendere, sed tantum partem. quod uerum putem esse, & cum aequitate, rationeq. cōueniens. qua quidem in re quid ueri alii senserint, aliàs dicetur.

1032 Rectè itaque a Iustiniano modus constitutus est, & praescriptus eius scilicet, quod interest.

1033 At uerò quod quaesitum est a quàm plurimis, utrum scilicet feneratoris negotiatio in republica toleranda sit; nulli dubiū esse puto, & naturae, & ciuili, ne dicam diuino iure, esse ipsam prohibitam: neque me pugnancia protulisse.

a 5. de leg. 1034 Rectè itaque Plato^a, rectè itidem Aristoteles, ille hos in re publica adeò damnandos esse censet, ut ei, cui fenerata pecunia est, permittat & sortē, & usurā retinere; hic uerò eam contra naturam existimat, quòd fructus ex re sterili exigatur.

b l. 2. de usufr. 1035 Rectè etiam iurisconsulti, ^b qui pecuniam, & alias res, quae in abusu consistunt, neque naturali, neque ciuili ratione usum fructum recipere: ac proprietatem earum ab usufructu nullo modo separari posse, responderunt.

c Luc. 6. 1036 Verba illa, *mutuum dantes, nihil inde sperantes*, alio sensu quàm uulgò accipiuntur, declaratum iri.

d Deu. 20. 1037 Cur itidem Iudaeis permissum fenus a Deo sit, probabilior ratio, quàm quae uulgò datur, afferetur.

e Chryso. super Mat. th. 1038 Rectissimè & nostri ecclesiae patres, & cōcilia (quib. fenus dānatur, ut cum ueneno, & morsui Aspidis cōparatur; quòd per omnia mēbra discurrit; aut modico fermēto, quòd ut totā cōspersionem

spersionem corrumpit: sic fenus totam substantiã, & facultatē hominis absumit, & perrodit) illud reprobant.

1039 Rectè itaque Bartolus usuras iure et civili peti non posse ut usuras, sed ut interesse, & melius Baldo, Qui Imperatorē scripsit loqui in l. cunctos populos, de fide catholica, respectu trinitatis, non aliorū capitū, quae requiruntur ad salutem animae.

1040 Cum uerò omnis actio, omnis itē exceptio ex iure simul, & facto constet, nec quaestio oriri, neque litis contestatio perfici potest, nisi uel ius, uel factum, uel utrumque negetur.

1041 At uerò omnis caussa, ex qua uel agitur, uel excipitur, nihil est aliud, quàm argumentatio.

1042 Ideòq. de his certius iudicari non potest quàm, si in formā syllogismi, uel enthymematis redigatur.

1043 Quamuis uerò Speculator, libelli partes aliter disponat, nos uerò, si syllogismum practicum, & iudicalem cū Bartolomaeo nominabimus, non alucinabimur.

1044 Nec species duas libelli reiicimus, conuentionalē scilicet illam, seu civilem, & criminalem.

1045 Libelli uerò propria esse haec, tenemus, ut sit rotundus, dilucidus, concludens, non obscurus, non incertus, neque generalis, aut alternatiuus.

1046 Libelli uerò causam efficientem, legem, ponimus.

1047 Ac in omnib. causis libellum offerendū ponimus, de quib. iudicium constituitur, & inter plures lis est.

1048 Tametsi in causis summaris requiri nō semper tenemus.

1049 Huius uerò finem esse dicimus, agentis desiderium proponere, iudicem, ac aduersariū de specie futurae litis instruere.

1050 Vnde cū iudicii partes praecipuē sint, litis cōtestatio, & sententia, uariis tamē modis apud antiquos facta esse uidetur; spōfione scilicet uel sacramēto, uel nuda testatione coram testib.

1051 Litis uerò cōtestationē rectè Imperator docuisse uidetur; *Lis ait, tum contestata uidetur, cū in iudex per narrationem negotij, cuiusdam audire coeperit.*

1052 Huiusquādo lis uidetur cōtestari? factis actis? Tūc profectò, cūm

a C. de sū
ma tria.

cum acta referuntur iudici in eam dicturo sententiam.

1053 At Imperator alibi, *cum lis fuerit contestata per narrationem propositam, & contradictionem obiectam, &c.* Esto.

1054 Ergo, Litis contestatio est, principalis negotii apud competentem iudicem facta narratio, & ad eam secuta responsio; ut uulgò circumfertur; definitio uera? Maximè.

1055 At hoc ante acta facta expeditur: falsum ergo quod prius dictum est.

1056 Ceterum tripliciter ad id, quod propositum est, ab aduersario responderi posse tenemus, distinguendo, uel actionem differendo, uel denique negando.

1057 Verum nec distinguendo, aut litem transferendo, litem contestari dicimur, sed tantum negando.

1058 Rectè itaque: & ueluti idem rhetores uocant Intentionem, & Depulsionem, seu Caussarum conflictionem, ex qua status causae oritur, nos Litis contestationem uocamus.

1059 Idem igitur est litis contestatio, & status; qui rectè ab rhetoricis definitur, ut sit Quaestio, quae ex prima caussarum conflictione oriatur.

1060 Litis contestationem tam aduocatis in disputando, quam iudicibus in iudicando necessariam esse tenemus; quae cum hodie uix, ac ne uix in iudiciis reperiatur, immortales, ac infinitas lites in ciuitatibus, & populis uersari uidemus.

1061 In extraordinariis uerò cognitionibus, & caussis, quae magis officio iudicis, quam iure actionis expediuntur, litis contestationem necessariam non esse tenemus.

1062 Ex triplici ergo iudicandi ratione, (quam eruditi animaduertunt) prima scilicet quando iudex actionum exceptionum requisita, & singulorum requisitorum probationes respicit; & secunda, cum ipsius facti species, eiusque circumstantias considerat; tertiam probabiliorem putamus, scilicet si cum statu causae, & summam controuersiae iudex considerat.

1063 Iudex itaque non debet uagari nunc huc, nunc illuc, non ad infinitas probationes; nec tamen ad circumstantias causarum,

III

rum, sed in causae statum oculos figat.

1064 Tria denique in omni actione inquireat, primum quid petitum sit, ex qua causa, & quo iure: quae omnia, ut certius peragat, in formam syllogismi conicere debet.

1065 Ut iudicium iuxta Dei mandatum fiat, reddaturq. eius populo incorrupto; Cui sempiterna laus obtingat: nosq. cuncta bona nostra laturo accepta simus, tum uero nostrorum Et nati natorum, & qui nascentur ab illis.


1066 Quae contra canonicos, uel quoscumque dicta esse reperiuntur, ita intelligenda proponimus, ut nullo umquam pacto sanctissimi, ac beatissimi nostri Pontificis, atque catholicae, & Rom. ecclesiae auctoritatem conuellere uideantur; sed iuxta c. Haec est fides 24. q. 1. haec, & quaecumque a nobis edenda sunt, intelligenda esse profiteamur.

ANTONII

ANTONII PERSII

IN PHYSICIS
CONTRA PHYSICOS.

ALEXANDRVM APRHODISIENSEM
ARISTOTELEM
AVERROEM
AVICENNAM
GALENVM
HIPPOCRATEM
OCELLVM LVCANVM
PLATONEM
TIMAEVM, ETC.
PRAECIPVE AVTEM CONTRA VNVM ARI-
STOTELEM

- 1067  E solus Arist., ipsiusq. sectatores sibi solis sape-
re uideantur; quantum a uera philosophi, natu-
raeq. secreta indagare uolentis persona abfue-
rint, ex his, quae de mundo ipso, & singulis eius partibus,
ac structura, naturaeq. principiis scripta sunt ab eis, animad-
uertere licebit.
- 1068 Vniuersum hoc Arist. ueluti suo arbitratu effingens, ex
quattuor asserit esse compactum elementis, igne, aëre, aqua,
& terra: falsó.
- 1069 Quibus addit & quintum corpus ab his diuersae, alie-
naeq. naturae: falsó.
- 1070 Ac falsum ideo asserere tenemus, quòd nec aër, nec mare
magnae mundi partes uideri possunt.
- 1071 Peripatetici tenent, nec materiam, nec formam generari,
sed tantum compositum: falsó.
- 1072 Arist. quae generantur, ex contrariis fieri affirmauit: Nos
uerò falsum id esse tenemus, cum generationem omnem a si-
mili fieri, sit uerum.
- 1073 Lucem agere in tenebras, quas discutit; aiunt Peripateti-
ci; quod falsum tenemus.

Va-

- 1074 Vapores in terrae concavis retentos, & gelatos, in lapides concrefcere, falſum eſſe dicimus: quia prius in fluores, quàm in lapides inuerti neceſſe eſt.
- 1075 Ariſt. e uaporib. aquã generat; & nõ omnib., ſed ex iis, qui ex aquis terrae incluſis educuntur: falſum eſſe; quia ex terra potiùs, ni uelit Tartarũ, quem Platoni negauit, admittere.
- 1076 Aquã Ariſtoteles nõ e terra, neque e uaporib. e terra educiſ generat; quòd arida, ſiccãq. illa, materiam ad humidac rei conſtitutionẽ emittere inepta uidetur: falſum eſſe totum id,
- 1077 Ariſt. quaecumque generantur, a ſole generari omnia, ſolò quidem, quae ſponte, nullòq. ſemine fiunt: at quae e ſemine oriuntur, a calore ampliùs ſemini incluſo: falſum Ariſt. uiſum eſſe tenemus.
- 1078 Sed, Ariſtoteles, quae ranae ad ſolem ſimilitudo, & proxima ea, qualis nobis inquiritur, ſit! non proſectò explicas, neque explicare umquã queas.
- 1079 Quo fit, ut neque ſuis placuerit omnibus; tametſi alii, & longè quidem clariffimi, hominis poſitionibus ad quietem nequeunt, uniuerſalem, atque unicam mundo indidere animam, quae ſeipſam materiae indat cuiuſ.
- 1080 Quidam intelligentiam commenti ſunt; cuius id eſſet munus, formas nimirum rebus indere, ut Auicenna, & plurimi ex Latinis, qui eum ſecuti ſunt.
- 1081 Sed utroſque hos mirari liceat, qui quae fiunt omnia, a calore conſtitui intuentes; & ipſum inſuper, quem uenerantur, audientes, Ariſtotelem, a calore conſtitui omnia enunciantem; calore omiſſo, aliam indagaffe ſubſtantiam, uoluerunt.
- 1082 Quo circa antiquorum, ut uidetur, nullus, quae ſponte fiunt, a ſimili fieri, ſatis explicaffe uideri debet.
- 1083 At neque fortè quae e ſemine conſtituuntur, eos explicaffe.
- 1084 Ariſt., & ſequaces, plãtis, & ſimilib. aliis entib., calori itẽ, & frigori negãt ſenſũ eẽ: illũmq. tãtũ ad eſſe animali ponũt: nõ

a 2. de ge.
ani. c. 3. &
4. c. 6.

N autem

autem falsum esse totum hoc, tenemus.

1085 Oculos, nares, aures instrumenta esse sensuum, Arist. fate-
tur, ac Peripatetici: falsum.

1086 Caelum caloris expers, ac incapax tenet Aristoteles: fal-
sum.

1087 Solam materiae appetentiam, quae scilicet una sit, & com-
munis omnibus, corruptionis causam esse Peripateticis uide-
tur; ideóq. sublunaria etiam omnia corrumpi contendunt om-
nes: falsum hoc esse tuemur.

1088 Inexistere quod Peripatetici autumant materiae uniuersae, & cuilibet materiae portioni formas omnes qualitatesq.;
non omnes tamen actu, sed unicam tantum, reliquas uero po-
tentia: falsum existimamus.

a Anen.
diff. 2. fol.
5. dub.

1089 Quod item Peripatetici^a dicunt, actionem agentis nil al-
liud esse, quam extrahere rem de potentia ad actum: & quod
materiam ipsam inexistens formis, & in ea delitescen-
tibus externae similes concinnant, & aptam illis faciunt,
propriamq., quo tacto elucet illae, & in opus exeunt: fal-
sú.

b 1. cac.
c. 2.

1090 Quod neque Peripateticis^b ignis motus is, quo cum cae-
lo circumuolui apparet, sed qui sursum est, Aristot. uidetur:
falsum.

1091 Demum rationes, quibus Arist. caelum caloris expers, &
incapax probare contendit, nullius esse momenti tenemus:
ideóq. falsas.

1092 Terram Arist. moueri asserit: falsum.

1093 Vni substantiae, & corpori unus tantum dandus est Ari-
stoteli motus: falsum.

1094 Motui sursum, contrarium esse motum, qui deorsum est,
Arist.: falsum.

1095 Vnde falsi omnino uideri Aristotelici debent, ignis uni-
uersitati non proprium, naturalemq. attribuentes motum, at
& ipsi immobilitatem, ueluti & terrae.

1096 Nequaquam igitur, & terram ipsam, & corpora omnia na-
turalia,

turalia, omnino mobilia poni debuerunt, ipsi Aristoteli.

1097 Quem presentis gratia positionis, non & sensus, & priorum etiam decretorum obliuisci oportebat; sed in iis, quae, sensum, naturamque secuto semel posita fuerant, perpetuò standum, & natura perpetuò sectanda, & propriae positiones illi accomodandae.

1098 At neque quae in proprio loco natura quiescere, & immobilia esse uidentur, sponte etiam sua ad illum deferri, uisa, proprio, & naturali motu deferri uideri debent.

1099 Nec quòd terrae partes a proprio loco abstractae, sponte delabantur sua, eòque uelociùs, quò maiores, & quò proprio loco propinquiore factae, is naturalis, uel terrae ipsius, uel eius partium motus.

1100 Ideo uerò summè terrae partes immobiles esse uideri debent, quòd in sublimi sustinere sese minimè queant.

1101 Contrà ergo quae sese sustinendi facultatem habent, mobilitatis indicium, principiumque praefereunt.

1102 Quae ui mouentur Arist. ubi longius ab eo, quod uim intulit, distant, tardius; ubi uerò propinquiora sunt locis suis, celerius feruntur; eò quia motus proprius magis assiduè cōcitet, uiolentus ille contrà languescat: falsum.

1103 Cur autem grauium ad inferna motus assiduè magis concitetur, propterea quidā Peripatetici inquiunt, quia e sublimi decidit lapis extremum, & terrae contiguum spatium uelociùs conficit; quòd simili, cognataeq. terrae proximior factus, propriae naturae, & propriae etiam grauitati, quibus ab alieno loco, & a contrariis ueluti exutus fuerat, restituitur: falsum putamus.

1104 Falsum & illud, quod quidam alii, quòd minor scilicet subfit aër, & qui itaque faciliùs findi possit.

1105 At quòd alii, quia assiduè a maiore aëris copia propellatur, deiiciaturque, uanum id esse, & falso innixum fundamento.

1106 Eandem uel sui ipsius, uel materiae quantitatem calori,

a 1. cae. c.

8.

b 3. cae. c.

5.

c 1. Met. c.

frigoriq. tributam esse Arist. putauit: falsum.

1107 Stellarum, quae currere uidentur, uelocitas, & solis albedo non igneum esse caelum Arist. indicare uisa sunt: falsum.

1108 Quinimmo signa, quibus orbes, stellásq. ab igne diuersas esse, Aristoteles putauit, contrarium ostendere; & orbes, & solem, stellásq. igneas esse declarant.

1109 Ne ipsi quidem igni ut propria substantia, inexistit calor (aiunt Peripatetici) omnibus tamen, ut inexistenti formae minister, organúmq. potius inest: falsum.

a 5. phy. 1110 Quod Peripateticorum nonnulli a nequaquam substantiae cuiuslibet substantiam quamlibet opponi negarunt, non si quidem simplici simplicem; quas nimirum apertè sibi ipsis opponi enunciarit Arist.; sed compositae compositam: haud rectè eos dixisse opinamur.

1111 Minus itaque malè, & fortè rectius alii, qui nō formae formam contrariam; sed aliam substantiam, negant:

1112 Substantiam ergo quod dixit Arist. nec magis, nec minus suscipere: falsum.

1113 Quod Peripatetici substantias adserunt; sensu non percipi: falsum.

1114 Rectè tamen aliam a calore substantiam entibus Peripatetici indant, si illorum quaedam uel agant quid, uel operentur; quòd calor agere aut operari non possit.

1115 Nimis itaque praesentium positionum ubique tenaces Peripatetici, qui eas modò ne deferant, nihil moliri, nihil effingere, nihil etiam propriis decretis repugnare uerentur: qui nimirum summè cum eas modò indendas esse entibus substantias, concedant, quarum uel actio quae piã, uel operatio appareat; quae nihil agere, nihil operari uidetur, summè eas indere prohibeant: nihilq. in igne cum intueatur, quòd calor quiuis per se, nulliq. igni inhaerens, & nullius igitur ignis formae organum agere, operariq. possit; aliam a calore substantiam igni indant.

Te-

- 1116 Temerè itaque, & paene desidem illam inertemq.
- 1117 In animalibus uerò, & eò magis assidue, quò oportet aduo-
lans, & actionis immutans modum, animae organum iure Pe-
ripateticis ponatur.
- 1118 Verum quo pacto uel anima ipsa quò opus est, illum mit-
tit, uel unde opus est, illum auocat; uel quomodo eius uires,
actionesq. uel intendit, uel remittit, uel ipse per se calor stu-
pidus Peripateticis uisus, animae uoluntatem percipit, &
cur illi obsequi; & morem gerere uult, ex qua ratio-
ne, actionis modum immutat, Peripatetici declarent.
- 1119 Id iam non praestiterunt, nec praestabunt umquam.
- 1120 Quid itaque? Quod ne igitur animae organum, sed ipsa
animae substantia, uideri debet.
- 1121 At neque simplicia constituens Aristoteles, aliam usquã
praeter calorem, affert substantiam, a qua constituta illa, aut
illorum quid, uideri possit.
- 1122 Itidem neque mista componens; quae omnia ex elemen-
torum componit differentiis, non quidem integris, sed mutuo
passis, imminutisq.
- 1123 Quin & animalium etiam animae, ubi eorum genera-
tionem proximius inuenerit, a calore constitui, Aristotelis ui-
dentur.
- 1124 Nec uerendum uel Peripateticis ipsis, substantias quò-
minus ponant sibi ipsis etiam contrarias. nam uel rerum
principia; quae rerum formae, & rerum substantiae sunt, & a
quibus res constituuntur; inquirens Aristoteles, contraria illa
ponit.
- 1125 Magis itaque, & minus suscipient? Quid ni!
- 1126 Minimeq. omnium id Aristoteles negare poterit, cui ni-
mirum simplicia omnia mistis inesse placet, remissa illa, at-
que imminuta: remittuntur itaque.
- 1127 Quinimmo, & entia quaeuis, & ipsa etiam eius-
dem speciei animalia longè diuersissimis propriis predita
uiden-

a 2. de ge.
c. 1.

b 3. de ge.
a ui.

uidentur uiribus, longeq. diuersissimè proprium conficere opus, quòd diuersae sint ipsius formae, uigentes scilicet, languentèsq.

1128 Valeat organi ineptiae caussatio.

1129 Valeat itidem materiae seorsum malignitatis incussatio.

1130 Arist. quae priora sunt contraria, & quae continent magis, & magis secundum rationem nota existunt, principia ponenda existimauit; qualia Par, & impar, Magnum, & paruū, & excessus omnino uidetur, defectusq.

1131 Quae uerò continentur, posterioraq. sunt, & secundum sensum notiora; qualia calidum, frigidumq., & humidum, sic cumq., & densum uidentur, rarumq.; minimè recepit: Quin immo haec ponentes, hoc ipso damnat, & illa afferentes, hoc ipso admittit, probatq. sed falsò.

1132 Porro esto, haud perperam principia, quae alia continet, minimèq. ab aliis ipsa continentur, ponenda esse Aristoteli uisa sint. At non eousque producenda est res, ut ne ea ponamus, quae ab aliis contineri uideri possunt; ea sensibilibus rerum agentia principia ponamus, quae neque sensu ullo comprehendere queant, neque agere, constituerèue quid; quin ne existere quidem ipsa, at a nobis imaginata, efficiatq. continere illa uidentur.

1133 Nec clam me est, Aristot. ad rerum generationem, quandam eius priuationem, ut non ens, adduxisse.

1134 Hoc uerò modo, *Nullo pacto, priuationem unum ex principijs esse, ut credam adduci possum.* Quod cum aliàs tutatus sim, nonnulliq. id oppugnare nequidquam aggressi sint, cum tamen expugnasse uideri uellent, si talem exitum sortietur illorum irruptio, qualem tum sortita fuit, quid obstat, quò minus integram causam, factamq. tectam adhuc retineam!

a 1. de ge. 1135 Sensibilis corporis principia inquirenti Arist. 3, & etiamnū sensi-

fenfibiles indagatae sunt contrarietates, & quae maximè existerent communes, & omnibus inessent sensibilibus corporibus, tactiles uidelicet, & quae primae essent.

1136 Huiusmodi autem uisae sunt, caliditas, frigiditasq., tum humiditas, & siccitas: falsum.

1137 At omnibus inest Arist. quòd a nullis ipsae manāt, neque a seipsis mutuò.

1138 Quin & qualitates reliquae, ab his manare uidentur.

1139 A contrariis porro principiis, & mutuò in sese agentibus, mutuòq. patientibus constituta prima corpora, mutuò in sese inuerti, immutariq. omnia: falsum.

1140 At multò illa faciliùs, promptiùsq. quae alterum principium commune habent; in quibus nimirum modò inuertendum sit, immutadumq. falsum: licèt Aristotelis furtum in his omnibus patefiat.

1141 Quin si duorum mutuò in se agentium altera in utroque inuertatur qualitas, harum itidem migrationem facilem esse: falsum.

1142 Quod itaque ad primorum corporum constitutionem, duplici utitur Arist. oppositione: falsum.

1143 Item quòd altera utitur, quae & nihil agere, & manare ab altera, ipsi uidetur: falsum.

1144 Si una; inquit; fit contrarietas, iuxta quam corpora mutationem subeant, duo sint prima corpora necesse est: materia enim medium est, insensibilis ipsa, inseparabilisq. Cum igitur plura uideantur prima corpora, duae ad minimum contrarietates erunt: falsum.

1145 Duae autem cum sint, tria corpora esse non possunt, sed quattuor, quot uidentur: falsum.

1146 Non igitur, quod facere uisus est, agentia priùs principia indagasse uidetur Arist., & iuxta principiorum numerum, corporum numerum posuisse; sed ipsorum corporum numerum priùs intuitus, tot attulisse agentia principia, quot ad illum explendum, satis uideri poterant, uidetur; errore quidem

a a. de ge.

dem lapsus non vulgari.

1147 At illud mirari hominem liceat, quod omnia e terra a sole constitui intuitus, & praedicans etiam terrae itaque Matris nomen, Patris caelo attribuens, non primum alterum corpus terram, caelum alterum ponit.

1148 Quinimmo, caelo ipso omisso, & aquam, & aërem, qui nos ambit, & qui caelo subiacet, caeli loco prima statuit.

1149 Nec obstat quidquam nobis, si Hippocratis rationes obiciamus, a quo (ut Galenus a quoque falso existimauit) Aristoteles desumpsisse uidetur, quattuor esse elementa.

a 1, Mech.

1150 Quin fortè nec, quod magis refert; obstat Ocelli Lucani Bernardini Telefii uiri doctissimi, & nostri conterranei, doctrina: quam edoctus prius Hippocrates fuit; deinde uero Aristoteles eam totam ita excoluit, ut non solum de quattuor elementis doctrinam, sed de mundi aeternitate, totam, & eius singulas rationes longioribus uerbis transcripserit. Quae, & cetera furta, doctrina uir eximia deteget F. Patricius.

1151 Is enim Pythagorae auditor, sexagesima Olympiade docuit, multò quam Hippocrates, antiquior; qui & Socrate, anno tantum, senior fuit.

1152 Nec ullis rationibus uel esse prima corpora, uel quae illa sint, colligendum uidetur, sed a sensu ea habenda.

1153 At si rationibus ullis, quae sint ea, declarandum, non huiusmodi afferendae sint, quae non remotae tantum, sed quod quaeritur, fortè sumere uidentur.

1154 Vnde quod dixit Hippocrates, si unum existat homo, nullo unquam tempore dolere posset: falsum.

1155 Rectè itaque ex hominis morbis, plures esse naturas agentes, ratiocinatus Hippocrates, non rectè humiditati itidem, siccitatiq. agendi uim attribuit.

1156 Quod uero ait Hippocrates, nisi calidum cum frigido, & siccum cum humido mediocritatem, & aequalitatem mutuam inter se habeant; sed alterum quam alterum multò excellat, & uichementius quam infirmum, generatio fieri minimè poterit:

rit: falsum.

1157 Calorem item omnem, remissus qui existit, propterea remissum esse, imminutumq. quod frigore commistus sit, & ex aduerso: & humiditas, quae non summa est, talem omnino esse siccitatis commistione: falsum.

1158 Caloris itaque remissionem (id quod Arist. postea uisum etiam est) & contrarii omnino imminutionem, contrarii alterius commistione fieri, supponere uisus Hipp. falsum.

1159 Quod amplius, ait Hippocrates, necesse esse, hominis corpore intereunte, unumquodque ad sui ipsius naturam secedere, & humidum ad humidum, & siccum ad siccum, & calidum ad calidum, & frigidum ad frigidum; qualis natura tum animantium, tum aliorum omnium: falsum.

1160 Quod porro dicta quattuor corpora, prima esse, rerumq. aliarum omnium, atque animalium elementa innuens, quia eorum corporibus quattuor humores insint, quorum singuli illorum singulis, proportionem quadam, respondere, & similes esse uideantur: falsum.

1161 Quod item terrae similem uult Hipp. atram bilem, flauam uero igni, aquae pituitam, ac aëri sanguinem; quod totum semper Galenus testatus est deinde: falsum.

1162 At esto; detur hoc Hippocrati, nequaquam scilicet ab una natura agente constituta esse entia, sed a pluribus; at non propterea humiditas itidem, siccitasq. agentes rerum esse, ueluti & calor, frigusq. uideri possunt.

1163 Nec enim quae immutant (ut dictum est) propria ui ulla, aut agendi facultate, aut actione omnino ulla, immutant; sed mole & quantitate, qua aucta, uel imminuta, & partes ipsae a propria dimouentur dispositione.

1164 Quippe qui ipsis inexistit spiritus, quod summè ei molestum est, dolorificumq., in angustius agitur constringiturq.

1165 Neque enim ibi animal dolet, ubi uniuersum, & acque singulis partibus, cibus in propriam singularum actis substantiam, excrescit, maioremq. occupat locum, sed ubi pars quae-

O piam

28. de
Plac. Hip.

piam seorsum ab aliis, uel omnes simul ab alienis intumescunt humoribus. Quod & Galenus non negat.

1166 Quare non rectè Hippocrati collectum uidetur ad animalium, rerumq. aliarum constitutionem, quattuor illis principiis sibi ipsi commistis opus esse, cum unum satis sit, calor commodam nactus naturam.

1167 Et rectè quae corrumpuntur, in ea resolui oportere, e quibus composita sunt, decernens; non rectè ex iis, in quae resolui uidentur; e terra, aqua, aëre, & igne, simul inexsistentibus; composita esse ratiocinatur.

1168 Quod igitur inde dicta quattuor corpora prima esse, uidentur, quod rebus, animaliumq. corporibus quattuor humores insint: falsum esse constat.

a 2. de
gen.

1169 Quod itè Arist. ^a ait, ex igne aër fit, siccitate depulsa; & terra ex aqua, eius humiditate deucta, deiectaq.; ut humiditas in siccitatem agat, & e contrà: falsum: licet ab Ocello furatus.

1170 Nec uerò in simplicium constitutione, humiditate, siccitateq., ut materia, & subiecto, usum dixeris Aristotelem: quod utique alibi innuere uidetur, pati illas, atque in mistorum compositione, passui principii uicem subire.

1171 Quando apertissimè idem (ut dictum est) ad primorum corporum constitutionem nequaquam duo satis esse agentia, constituentiaq. principia, quod quattuor illa sint, enunciat.

1172 Et prima etiam corpora non solum constituenti, sed inuertenti etiam illa, & commiscenti, humiditas, & siccitas agentes uidentur Aristoteli, nihilóq. quàm calor, & frigus, minus.

b 4. Me-
teo. c. 1.

1173 Sed quid, si alibi eadè eidem Aristoteli, b quae prius agēs uisa est oppositio, agere nihil, & pati tantum, & constitui ab altera, uisa est!

1174 Nec itaque in eo tantum prima corpora constituens, accusan-

cusandus uideri potest, quod generatilem substantiam duplici oppositione, & aequè utraque prima, & agente, informat; sed quod illam adiecit, quae ipsi itidem agere nihil videtur, at pati tantum, sibi primum contrarius.

1175 Nec uerò; quod facerent in mistorum modò compositione, passiuas illas uisas fuisse Aristoteli, Peripatetici dicant, & non in simplicium itidem constitutione.

1176 Non enim ibi tantum pati humiditas, siccitasq. Aristoteli videtur, ubi sibi ipsis commiscetur, sed utraque illarum per se, & seorsum existens.

1177 Vt non iisdem in commentariis, sed uerbis paene in iisdem, secum ipse pugnare Aristoteles uideatur.

1178 Rerum certè naturam suo arbitratu immutare Peripatetici uidentur, dum simplicibus inexistentem humiditatem, siccitatemq. agendi vi donant: ubi uerò sibi ipsis immiscetur, ea illas spoliant.

1179 At quid! non secum ipse pugnare modò Aristoteles uidetur, humiditati, siccitatiq. agendi uim praebens, sed cum natura ipsa, & ipso etiam cum sensu.

1180 Nullam enim umquam uel humiditatem intueri licet, uel siccitatē, quae in oppositam eo agat pacto, quo qualitates, formaeq. agentes omnino naturae, agere, Aristoteli uidentur.

1181 Itaque nihil terra umquā quod non exhauriat, imbibatq., exsiccat, nec aqua humefacit, quae non subit, quibusve se non indit. si hoc, humefacere est, & exsiccare illud, perpendito.

1182 At simplicium etiam edocens constitutionem, a calorem modò, & frigus agere docet; humiditatem, & siccitatem pati tantum. Quid ais! non ne iisdem paene in uerbis secum ipse pugnat Aristoteles!

1183 Quae a calore concreuere, a frigore dissoluenda esse, eoque humido b: falsum.

a 2. de
gen. c. 8.

b 4 Met.

1184 Caliditas siccitati immista, ignem Arist. constituit; frigiditas uerò humiditati, aquam: haec uniens, non modò cum sensu, & natura, sed secum etiam ipse pugnare uideri debet.

1185 Terram sicci magis, quàm frigidi; aquam frigidi magis, quàm humidi; aërem humidi magis, quàm calidi; ignem calidi magis, quàm sicci (quae omnia ex Ocello ad uerbum, non ex se litteris mandauit hic *επιμίστατος* Arist.) falsum.

1186 Nec uerò eo solo incommodo premi Aristoteles uidetur, quòd duplici ad elementa utitur oppositione, sed alio itidem, & nihilo fortasse minore, quòd scilicet singula duplici donet natura, seu forma, oportet. Quod & Galenus^a secutus ubique uidetur.

^a Li. de
elem.

1187 Neque enim si ab altero tantum oppositionis utriusque contrario singula constituta sint, in omnia inuerti queant immutariq. omnia: at in contraria tantum singula.

1188 At quoniam in omnia immutari uidentur omnia, quatuor ponenti prima corpora, a duplici oppositione omnia, & ab altero oppositionis utriusque contrario constituenda fuisse singula, ut singula, quibus non utroque altero saltem opposita principio in reliqua immutari queant omnia.

1189 Rectè quidem modum uenatus Aristoteles, quo corpora a duplici constituta oppositione, in sese mutuò transmutentur omnia.

1190 At is etiam inueniendus ei erat, quo, a duplici constituta illa principio, & duplici donata natura, unum ea esse, non duo singula, probaret.

1191 Nec illud emplastrum nobis placet, quod alii superimponere tentarunt, ut scilicet non qualitas utraque, formae uicem obtineat, sed materiae altera.

1192 Neque illud, quod alii inquirunt, quòd e qualitatibus duae agere, pati duae, & singula prima corpora pati, & agere uidentur; singulis actiuarum alteram, qua agere, & passiuarum itidem alteram, qua pati possent, assignari oportet. absurdum enim & hoc.

Nisi

1193 Nisi & illud dicatur, quod altera qualitas uerè formae uicem obtinet, altera uerò materiam disponit, aptamq. reddit: quae igitur prius insit oportet, & dispositionis subeat uicem. hoc autem non siccitas magis, atque humiditas, quam calor praestat, & frigus.

1194 Dicta quidem incommoda uitantes fortè, & Aristotelis sententiae haerentes magis, (qui hoc ueritus; ut uideatur; haud aequè a qualitate utraque singula prima corpora detineri pronunciat, sed unumquodque elementum unius magis esse) nequaquam illis minora subeunt mala.

1195 At neque seorsum singula intuenti, qualia Peripateticis ponuntur, uideri possunt.

1196 Primum enim quod in aquae loco existens mare, aquae uniuersitas Aristoteli uidetur, & uideri omnino debet.

1197 At calidum, siccumq. eidem uidetur, & uideatur necesse est, falsum existens, crassumq.

1198 Nec propria illud natura frigidum, & dulce, humidumq. adferat, & tenue; at tenuium, dulciumq. partium abscessu, & calidae, siccaeque exhalationis commistione a delabentibus delatae pluuiis, in contrariam actum esse naturam.

1199 Salsedinis causa inspecta dicta de mari dubitationem soluet, reiicietq., & efficiet ut primam de mari existimationem, qua mare, aquae elementum statuebant, rectè, & necessario ponamus mare, aquae elementum: falsum.

1200 Aërem in ignem inuertens Arist. sola immutata humiditate, & e terra, atque aëre ignem constituens, a calore summo ipsum constitui declarat: falsum.

1201 Siquidem a calore summo, & ab eodem omnino, a quo ignis, aërem constitui ipse apertissime declarat Aristoteles, in ignem ipsum inuertens, sola immutata humiditate, & e terra, atque aëre ignem constituens, huius calore, illius remanente siccitate.

1202 A calore igitur summo constitutus aër, ueluti, & ignis per se ipse caleat semper, nulla externa, ut calidus fiat, ope indigēs

Frigi-

- 1203 Frigidus certè nūquam fit; at is ubi a reflexa solis luce non calefit, non modò non calidus, sed etiam frigidus fit. qualis esse quandoque etiam Gale. uisus est.
- 1204 Et aquae igitur summum frigus, & summum aëri calorem tribuēs Aristoteles, nihil eorum naturas, nihil proprias etiam positiones alibi positas, at praesentes modò intuitus uideri potest.
- 1205 Aristoteles, inquam, qui uix dum humidi, sicciq. rationibus, & iis, quae utrique eueniunt, & quae utriusque propria uideri possunt, expositis; cum eorum, quae sicci sunt, nullum, quae uerò humidi sunt, igni omnia inesse appareat, & nihil omnino terrae simile habere is uideatur, summam igni attribuit siccitatem, & ex dimidio terrae eundem facit.
- 1206 Peripatetici etiam, terrae interdum albedinem tribuunt, falsò.
- 1207 At falsò terrae, atque igni commune praebens Aristoteles principium, rectè utrique principatum tribuere uideri potest.
- 1208 Aëri itidem, atque aquae principatum tribuens, aequè ac terrae falsum.
- 1209 Si itaque elementa, ac corpora talia sunt, qualia Arist. ponuntur, tunc si eorum alterum, altera sui natura, alterum exsuperet, & ab eodem exsuperetur altera; altera itaque utriusque natura, materiam omnem occupante, id ex utroque fiat, quod a remanentibus, exsuperantibusq. naturis fieri uidetur. Ex igne nimirum, & aqua, si illius siccitas huius humiditatem, huius uerò frigus, illius calorem deturbet. ignis itaque siccitas, & aquae frigus utrumque uniuersum occupet; terra ex utroque constituatur, cuius naturae sunt naturae, quae remansere.
- 1210 Ex aëre uerò, & terra, si illius calor, huius frigus, & huius siccitas, illius humiditatem deiiciat; aëris itaque calor, & terrae siccitas utrumque omne occupet; ignis fiat, qui a naturis illis constitui positus est: falsum. Et fortè Arist. tot furis hanc symbolam de suo contulit.

1211 At

1211 At uel propriae positiones Aristoteli, aërem ex illis potius, ex his uero aquam, uel aquae multò quàm igni proximius ens, & magis simile fieri declarare poterant.

1212 Ipsi enim si ex primis corporibus neutrum exsuperat alterum, id tertium omnino constitui uidetur, quod utriusque medium uideri possit.

1213 Potius igitur ex igne, & aqua aër, ac ex terra, & aëre aqua fieri uidetur.

1214 Vbi prima corpora in sese mutuò agunt, nec eorum ullius natura reliquas exsuperat, deturbatq. & sola ipsa subiectum occupat; sed ueluti ex aequatis agētes uiribus, se se omnes mutuò tantum debilitant, atque imminuunt; nulla itaque penitus corrupta, remanent quidem omnes, at mutua actione refractae, remissa eue, & imminutae: hoc ubi fit, nequaquam in illorum ullum accretio fit; nec simplex omnino constituitur, sed ex omnibus mistum, compositumq.

1215 Huiusmodi autem innumera paene sunt; nec enim indiuisibiles primorum corporum uires, & quae se unico excedant pacto; sed carnes, & ossa.

1216 Multò autem ea perfectiora esse, nobilioraq. quàm prima sunt, simpliciaq., quae nimirum ad illa materiae uicem obtineant.

1217 Necessario item mistorum singulis prima omnia simul inexistere.

1218 Neque enim fieri potest, ut rebus in proprio terrae loco confectis non ipsa insit terra: falsum.

1219 At nisi aqua etiam adsit, quae terrae infusa, ceu gluten quoddam, ipsam contineat, terminetq., per se consistere impotens defluat terra, dilabaturq., nec corpus ex ea componatur ullum: falsum.

1220 Terra porro inexistente, & aqua, & aër itidem insit oportet, atque ignis.

1221 Eorū itidē substantiā, formāq. nullā esse e quattuor dictis naturis, nec purā, uigētēq. nec alteri commistam; sed aliam omnino

a2. de
gen.

omnino a qualitatibus, & longè ipsis praestantior, nobiliorémq. falsum.

1222 Præuè porro prima corpora constituens Aristoteles, peius etiam ex eorum omnium mutua commistione reliqua componit.

1223 Qui nimirum ab eorum unius uel altera, uel, si uisum foret, utraque natura, at imminuta ea debilitatâq., singula constituere, & singulis oppositionis utriusque alteram modò naturam, at propriam substantiam indere cum posset, singulis priorum corporum, omnium naturas omnes simul indidit summè inter se contrarias oppositâsq.

1224 Et credendum omnino illis, si & commisceri inter se prima corpora, quo illis placet pacto, possint.

1225 Quid! non possunt prima corpora inter se commisceri, ut Aristot. aliisq., uisum est?

1226 Quo pacto? Vt scilicet adeò sibi ipsis uniantur, ut nihil illorum ullius perse, & seorsum ab aliis fiat; sed uerè unum omnino atque idem omnia fiant, eorum nullo abolito, interemptoq., sed omnibus in propria natura seruatis? Ita. Nusquamgentium.

1227 Quin prima corpora, nec corpora omnino ulla, quo Aristot. placet modo, sibi ipsis commisceri posse, uel ex iis, quae Aristot. dubitat, manifestum uidetur.

1228 Mistio, inquit, fieri non posse multis uidetur; siquidem eorum, quae miscentur, nullum perit, sed singula quantum uis in minuta redacta, in propria seruantur natura; uel si summè in minuta ea sint, refractâq., nihil nunc, quàm prius, sibi ipsis commista sunt, sed apposita potius. altero autem corrupto, eorum mistio facta non est, sed alterum perit, superest alterum: mistio autem eorum est, quae seruata sunt. eodem autem modo, cum utrumque confunditur, ac temperatur, & utrumque consumitur, atque interit.

1229 Sed deberes eiusdem Aristot. ad haec solutionem lectitalise. Nam tamen per obscura res sit, & quae naturae ipsi repugnare

gnare uideatur, tamen magnae agenda sunt gratiae Aristot. qui nos ex iis angustiis liberare uisus est.

- 1230 Quin rē hanc, si, ut oportet, Arist. explicet, non modò quē amemus, laudemusq., sed quē admiremur, ueneremurq., dignus sit. sin cōtrā? Summè, ut opinor, inculpandus, atque odio etiam habendus uideri possit; qui nimirum rerum naturam, naturaeq. operationes docere nos professus, iis posthabitis, reiectisq. etiam, suas nobis tradit opiniones, & summè eas naturae aduersas, repugnantēsq.
- 1231 Solus credo, & oscitanter Arist. responsum legisti. nūc uerò diligenter eam audias. Audiam.
- 1232 Entiū, inquit, haec quidem actu, alia uerò potestate sunt:
 ,, contingit itaque quae commista sunt, quodāmodo esse, & quod
 ,, dāmodo non esse. quod ex ipsis effectū est, actu quidē aliud
 ,, ab iis, e quibus effectū est, existit, potentia autem ea omnia,
 ,, quae prius, quā commiscebantur, erant, nec abolita.
- 1233 Videntur enim quae commista sunt, e separatis prius coisf
 ,, se, & posse separari: neque igitur actu permanēt, ueluti corpus,
 ,, & album: neque corrupta sunt, neque alterum, neque utrum-
 ,, que: seruat enim utriusque potētia. habēsne Arist. solutionem? Habeo, sed falsam.
- 1234 Magnas mehercule Arist., ut ingenuè fateretur ipse, actus, potentiaeue distinctioni gratias debet; cuius nimirum ope ex angustiis quibusuis euadere nihil desperat.
- 1235 Et prima igitur corpora in aliā omnia acta rē, & unam eam eandēmq. omnia, & penitus ab ipsis diuersam; uerè tamē qualia erant, remanere singula, affirmare nihil ueretur Aristot.
- 1236 Quoniā enim sensui expositae res, & quatenus sensibiles sunt, tractātur, sensui utique exponendae manifestandaeq. sūt omnes, & eae diligentius, quae sensui aduersari uidentur.
- 1237 At non distinctionibus, & inanibus omnino uerbis quae fieri non possunt, falsae apparent; sed rebus ipsis, & quae fieri possunt, & uera esse ostendat; qui rerum naturam explicat, oportet.

P At

- 1238 At ne hoc quidem Aristoteles facit, cum secundorum corporum partes singulas in ea prima corpora reliquis promptius inuerti non declarauit, e quibus constitutae ipsae sunt, quando quoduis e quouis fiat, non magis secundis prima inesse, quam e primis secunda constituta uideri possunt.
- 1239 Quare nec iis prima corpora omnia inesse, nec abolita ea, & in aliam acta rem eidem declaratum est.
- 1240 Vnde minimè iam e primis corporibus sibi ipsis penitus commistis, & mutua actione in aliam, & in eandem omnibus actis rem, secunda corpora ponat.
- 1241 At e quibus? ex appositis igitur illis, & in debilitata ea quidem refractaq., at in propria singulis seruatis natura.
- 1242 Secunda itaque corpora Aristoteli erunt prima omnia sibi ipsis apposita? Ita.
- 1243 Id uerò minimè omnium concedet Aristoteles uerum.
- 1244 Non enim ei mistio est, ubi eorū, quae miscentur, nullum perit, sed singula uel in minutissima redacta, & uel eorum uiribus summo opere imminutis, seruantur tamen; ubi nimirum in id, quod efficitur non aequè agantur omnia.
- 1245 Itaque neque si coire queant simplicia corpora, quo infint mistis pacto, satis explicent Peripatetici umquam. oportet autem hoc, mistorum constitutionem a simpliciorum generatione differre uolentibus, quòd in hac simplicium alterum corrumpatur, & generetur alterum; nullum in illa generetur, & corrumpatur item nullum: Infint itaque omnia, at non integris uiribus mutuo a se ipsis passa, imminutaq. Quod quo fieri queat pacto, longè obscurissimum. in diuersa itaque feruntur, neque ullus alteri placet.
- 1246 Non itaque ex omnibus primis corporibus, sed ex unica re constituta entia, eaq. in res corrumpi possunt, quae illis singulis similes uideri queant.
- 1247 Quin ut terra, e qua praecipuè mista fieri uidentur, se se contineat, ne concidat, diffluatq., aqua opus est, quae illam, ueluti

ueluti gluten, contineat: falsum.

1248 Si siccum eidem est, quod proprio termino continetur, optimè.

1249 Nec itidem aqua inesse etiam ulla, aut alia omnino humiditas compositis uidetur multis.

1250 Et neque indenda est, ut sese illa contineant.

1251 Neque enim terra, a qua praecipuè componi uidentur mista, aut siccum omnino quod est, delabatur defluatq. nō ab humiditate aliqua retentū, coercitūmq., ut Aristoteli uidetur.

1252 Neque Aristoteli ipsi hoc ipsum uideri potest; si positionē suam agnoscere uelit; quod sicco attulit.

1253 Quin quod exsiccatur quid magis, eō etiam Aristoteli consistit magis, magisq. densatur, & unum fit.

1254 Ferrum itaque saepius fustum ne liquefcere quidē, & fundi amplius Aristoteli uidetur.

1255 Humidum contrā, quod se ipsum continere minimè potest, sed diffluit, dilabiturq.

1256 Nihil igitur contra proprias positiones, propriāq. decreta dicere Aristoteles magis queat, siccum scilicet ut consistat, a re maximè diffuente continendum.

1257 At sicca, ut existimare licet; solidāq., & densa, quadam humiditate a praepotente calore emuncta concidere Aristoteli uisa. quae igitur ab humiditate contineri uideri poterant, e propria hominem deiecere positione, & compulere, inuitum reor, ut siccū ne concidat, humido habere opus, assereret.

1258 Mirari licet: nam & multa intueri potuit, nulla penitus superflite humiditate, sese ualentissimè continentia, longēq. facta duriora, densatāq. magis.

1259 Non temere igitur propria positio deferenda erat, quae praesertim sensui consentiret, sed aliud prius considerandū.

1260 Quid itaque! num scilicet quae humiditate elabente dissoluuntur, propterea dissoluantur, quod humiditas, a qua, ueluti a glutine quodam continebatur, elapsa est omnis, an alia magis de causa!

- 1261 Nec enim quae aqua infusa contineri uidentur, ab ea, ut ab humidissima, & summè diffuente, summèq. tenui continetur re, qualis misionem effugiat, praeterlabaturq. omnem.
- 1262 Quare si uera sit Aristotelis ratio, aër terram contineat maximè, cui propria esse humiditas, Aristoteli prima componenti corpora, uidetur.
- 1263 Neque aëris modò, modò aquae humiditatem propriam esse asserere liceat. quod & Aristoteli uisum quoque, rerum naturam suo arbitratu immutanti. Quod, ut dictum, a Galeno partim amplexatum animaduertimus.
- 1264 Nec uerò propriam utriusque humiditatem asserat quis, ut Peripateticorum nonnullis placet.
- 1265 Vtrumque enim, quod humidi proprium uidetur, multò aër, quàm aqua habet magis.
- 1266 Aëris igitur perpetuò propria humiditas Peripateticis uideri debet.
- 1267 Et qui terram contineat, si ab humido cōtinēda est ullo.
- 1268 Nec uerò siccum ut contineatur, humido quidem opus habere, non aërio, aliqua possunt dicere ratione.
- 1269 Terra igitur ipsa sese, & propriis uiribus continere uidetur.
- 1270 Nequaquam itaque ad secundorum corporum compositionem opus habet aqua Aristoteles.
- 1271 At multò etiam minùs ad mistorum compositionem aër erat Aristoteli afferendus.
- 1272 Neque itidem ignis.
- 1273 Non enim quid aër in terram agat, uel quomodo cū igne ad illam delabatur, docere nos potest.
- 1274 Vt enim detur ei, aliquas ignis partes a caeli motu commotas, deturbatasq. deuolui, ac deiici, non quidem ut ad terram usque delabantur, dari potest.
- 1275 Et non ad terram usque delabi illas oportet, sed ad maris fundum, & ad profundiores terrae partes.
- 1276 Cur ita? Quia in his mista sūt longè plurima, & sūmo praedita

dita calore, salsa, nitrosa, sulphurea, bituminosaq.

1277 Nec quidem eoufque a caeli motu deiiciatur ignis aut stellarum ui & uirtute, ut Peripateticorum nonnullis placeat.

1278 Longè minùs, illarum etiam uoluntate.

1279 Nec illorum commentum admittendum, qui dicunt, mistorum, quae assidue fiunt, nequaquam e simplicibus constitui ullum, sed a praëxistentibus mistis omnia.

1280 Nec uerò si modum Peripatetici inueniant, quo ad mistorum compositionem, & aërem deferant, & ipsum etiam ignem, in tuto iam apertòq. sint.

1281 Cur ita? Quia & aliae illos excipiunt angustiae, & quas fortè longè euadant aegriùs, quòd scilicet propriis positionibus, & ipsi rerum naturae maximè aduersari, repugnareq. uidentur.

1282 Quid id est? Dicam. naturae uidelicet summè inter se contrariae iungendae, & in uno eodémq. locandae subiecto.

1283 Quid ampliùs? Nec contrariae agentes naturae coniungendae modò, sed inter se conciliandae insuper, earumq. actiones sistendae omnes, coërcendaeq.

1284 Minùs haec nos laedunt Peripateticos. remanent quidè, at mutua actione refractae, remissaeue & iminutae; unde fit mistum ex omnibus, compositumq.

1285 At illud, quòd maximè opus est, non explicat Aristoteles, nec uos etiam.

1286 Quod nam illud?

1287 Cur, inquam, in sese agere cessant naturae agentes? nū actionem pertaesae, ac pugnam?

1288 Non tantum hoc fortè, sed quòd sibi ipsis mistae, sese mutuo oppugnare desistunt.

1289 Intellico; uelut foedere inito, aut indutiis factis, in eodè regnant subiecto. nonne ridicula capita!

1290 Qui igitur in eodem exsistentes subiecto, quiescant illae, cum in separatis exsistentes, agere tamen semper in oppositas

tas ipsis in primis, uidentur Peripateticis!

1291 Huc illuc ferantur Peripatetici, rationem tamen numquam inibunt, qua inter se contrarias agentes naturas simul iungant, & in unum agant.

1292 Illud insuper certissimo indicio est, nequaquam secundis corporibus prima omnia, omnesque eorum naturas mutua actione passas, imminutasque inesse, & aquam primum corpus non esse, quod succi longè plurimi longè illa sint frigidiores.

1293 Nec uerò succis ullis non aquae modò, sed terrae itidem frigus inesse dixerint, quod siccitati iunctum robustius effectum sit.

1294 Calorem itaque exacuere uisa siccitas, frigus obtundere uideti debet.

1295 Incusandus praeterea Aristoteles, si frigus exacuit siccitas, quod sumnum illud humiditati copulauit, non siccitati.

1296 Igitur quod aiunt, siccitatem non caloris modò, sed frigoris limam esse: falsum.

1297 Non contentus porro Aristoteles, primorum corporum principia attulisse, quae materiae, & quae formae rationem habent, efficientia itidem inquirenda proponit.

1298 Superuacaneè; ut uidetur. quoniam enim efficientes causae iis, quae formae, & iis itidem, quae finis sunt, uel Aristoteli eidem in naturalibus uidentur.

a 2. de
gen.

1299 Qui ignem ponunt, praeterquam, quod rem pro principio agente ponunt, quae non agere modò, sed; quod efficienti causae minimè conuenit; pati etiam uidetur: falsum.

1300 Simile quid faciunt, ut si quis ferrae, & organis singulis, effectorum causam attribuat: serra namque existat, si secatur, necesse est; non tamen serra secat: sic ignis, & peius etiam, quoniam instrumenta non mota, nihil mouent.

1301 At calor, & frigus, nisi ab utente ipsis moderentur regan-

ganturue, subiectum corrumpunt.

- 1302 Aliud itaque pati ipsum impotens, & qualitatum fortè,
 „ ut organorum, opera usum; & ipsas perficit, & nobiliores sub-
 „ stantias constituit.
- 1303 Caelum uidelicet ipsum, & caeli motus, obliquus praeser-
 „ tim, qui generatiuum adducens, abducensq. solem, generatio-
 „ nem facit, & ipsi contrariam corruptionem: falsum. sed cur nō
 „ dixti Arist. a quo haec sumebas ad uerbum!
- 1304 Calor, & lux a stellis fit, aëre ab illarum latione contrito:
 „ falsum.
- 1305 Motus enim ligna, & lapides, & ferrum ignire aptus
 „ est. rationabilius igitur id, quod igni propinquius est. propin-
 „ quior autem est aër, ueluti & in iis, quae feruntur sagittis: hae
 „ enim & ipsae sic igniuntur, ut plumbei earum mucrones colli-
 „ quescant: falsum.
- 1306 Et quoniā hae igniuntur, necesse est eum, qui in ipsarū cir-
 „ cuitu est, aërem hoc idē pati. hae igitur ipsae incallescunt, quia
 „ in aëre feruntur, qui ob plagam motu ignis fit: falsum.
- 1307 Eorum autem, quae sursum sunt, unumquodque in sphae-
 „ ra fertur, ut ipsa quidem non igniatur: aërem autem, cū sub
 „ corporis circulariter moti sphaera existat, necesse est, cū
 „ illa fertur, incallescere, & hac maximè, qua sol exstat in-
 „ fixus.
- 1308 Quapropter exoriente ipso, & appropinquante, & supra
 „ nos existente, generatur calor: falsum.
- 1309 Motionem, discernendi, incendendiq. aëris facultate prae-
 „ ditam uidemus: itaque una solis motio calori, teporūq. afferē-
 „ do est satis: incitatum enim esse oportet, & procul non distare:
 „ falsum.
- 1310 Ac quae quidem stellarum est, uelox sane est, sed procul
 „ abest; quae uerò lunae, inferior quidem est, sed tarda: solis au-
 „ tem motio satis utrumque habet.
- 1311 Porro calorem unā cum sole excitari, rationi
 „ con-

„ consonum esse intelligimus, ex iis, quae apud nos sunt, similitudine sumpta.

1312 At & ipsum, eorum, quae apud nos sunt, similitudine, penitus falsum uidetur.

1313 Nā & hic si quaedam ui ferantur, proximus aër primùm
„ incalescit: id quod recta euenit ratione, quandoquidem rei solidae motus, aërem maximè secernit: falsum.

1314 Partim itaque hanc ob causam ad hunc locum calor perducitur, partim quòd ignis aërem ambiens, motione saepius
„ diuellatur, & ui deorsum feratur: falsum.

1315 Nihil itaque ignem contingens sol, & circulo ipse delatus, qui ignem deorsum deiaculetur, imaginari minimè licet.

1316 Vt nimius propriarum positionum amator Aristoteles uideri possit, qui modò ne caelum igneum fateatur, calorem, qui a sole fit, modo, rationeq. fieri ponat, quae non modò manifestè falsa sit, sed quae nulla concipi queat imaginatione.

1317 Nec eo modo, ut Aphrodisiensis placuit, eaq. ratione sublunarem aërem, nihil cum contingens, sol conterat, quia Torpedo in retibus deprehensa, piscatorum manibus torporem infert, nulla re tali retia ipsa afficiens. falsum enim uideri potest.

1318 Quin ipsemet Aphrodisiensis neque Torpedinis exemplo contentus, neque iis, quae ab Aristotele acceperat, adquiescere ualens, rei omnino cessit difficultati.

1319 Vnde fortè non impatibile diuinum corpus, neque enim inalterabile ipsum demonstraſſe Aristoteles, eidem Aphrodisiensis uisus est.

1320 Quare minimè uidetur Aphrodisiensis reformidare, caelum caleſieri a motu, fateri, sed illud abhorrere, ne scilicet etiā ipsum corrumpi, fateri cogatur.

1321 Summè certè inculandus Aphrodisiensis, qui calorem a caelo ipso manare intuitus, proprium ei dare reformidarit, alienum

alienum dederit libens, a quo nihil, quàm a proprio corrumpatur, minùs.

1322 Fortè & magis.

1323 Auerroës uerò licèt nihil a non contingente, locali motu moueri possè, intermedio corpore non commoto, praedicet, ne tamen; quod summum scelus Peripatetici putant; Aristotelis positionum desertor uideatur, malum scilicet & ipse malo mederi uidetur.

1324 Minimè enim ipse adseruit, solem ipsum aërem contere, at uires tamen, & quasi robur suppositae orbium parti subministrare, & ueluti densitatem communicare. quod nihil aliud est, nisi figmenta figmentis fulcire.

1325 Quae igitur non propria tantum ui, & extranea sui parte, qua aërem contingit, agens, sed cum uniuerso supposito caelo, & cum maximo, & densissimo sole robustius agat, & ui aërem conterat maiore, ueluti Solis densitatis facta particeps.

1326 Caloris quidem discrimina, quorum ratio reddenda est, uel nulli ignota, ante oculos tamen ea ponere philosophi ne dedignentur.

1327 Quàm longissimè Peripatetici absunt, praestare id ut possint.

1328 Cum enim eadem perpetuò sol circumuoluatur uelocitate, nequaquam uel crassio, repugnantem itaque magis, quàm tenuiorem conterit.

1329 Vel in meridionalibus magis illum terris, quàm in borealibus, uel aestiuus ipse magis, quàm hibernus; uel medium caeli tenens magis, quàm eius extrema, robustius conterere uideri potest.

1330 At neque terris illum planis, humilibusq. adiacentem magis, quàm adcliuibus, editisq., sed secus omnino.

1331 Lux itidem in aëre fit; Arist. ait; a Solis motu contrito, ueluti & calor: falsum.

1332 Nequaquam etiam igneum esse solem, lucere etiam uisum, & luce calefacere: falsum.

Q 1333 Neque

- 1333 Neque etiam Solis propriam esse lucem, sed & ipsam, ueluti & calorem, a Solis motu fieri: falsum.
- 1334 Quoniam uerò iuniores Peripatetici aequè aërem uniuersum terris contiguum ceteri intelligentes, at quae a luce illustrantur loca, longè quàm quae non illustrantur, calidiora, & ipsam omnino lucem calidam sentientes; ab ipsa itaque admoniti re, non motu tantum, sed luce itidem, calorem a sole fieri dixerunt: & ita Arist. uisum placitumq. adserunt: falsum.
- 1335 Nec si propterea non iuxta terram, sed in sublimiore loco nubes congregari, & frigidior omnino esse illum, què, iuxta ipsius positiones, multò calidior omnino esse oportebat, propterea id euenire dixerit, quòd a reflexis radiis minùs calefit; propterea solem lucè calèfacere, placuisse illi, uideri potest.
- 1336 Neque igitur, si uel iuxta hominū uulgus loquutus Arist. uel ab ipsa coactus re, noctes, ubi luna uniuersa a sole illustratur, tepidiores percipiens, propterea tales esse affirmet, quòd lux ab ea copiosior resilit.
- 1337 Nec item quòd rationem reddat Arist. cur in lunae defectibus, terrae motus fiant, quòd Solis lumine priuata, lucem, caloremq. non ampliùs accipiat, aëriq. illum communicare nequeat, lucè solem agere, eum uoluisse tenendum.
- 1338 Nam lunam, quòdq. inter ipsam, solémq. est, corpus calorem suscipere ullum, summè est ab Arist. dogmate alienum.
- 1339 Luce quidem agere solem nullus ibi umquam dixit Arist. ubi oportebat maximè.
- 1340 Nec antiquorum Peripateticorum ullus, quomodo calor a sole iuxta Arist. fiat, inquirens, lucis meminit umquam.
- 1341 Quorsum itaque Aphrodisiensis tam anxie inquirat causam, cur non aequè calefiant quae sol non collustrat, ac quae collustrat!
- 1342 Reformidatum itaque Arist. fuit, lucè agere uideri solem, longè itidem absurdissima Alexandri uideri potest inquisitio.

1343 Iunio-

- 1343 Iunioribus postea Peripateticis, & ipsi in primis Auerrois, ut qui in ipsis, quae ab Alexandro allata fuerant, ad quiescere, minimè posset, nec rationem ipse inuenire, ullam, quae loca a sole non conspecta, minùs calerent, luce itidem agere is uisus est.
- 1344 At quae a sole emanans non calido, minimè calida sit: falsum.
- 1345 Neque igitur per se, & a propria calefaciat substantia, Auerrois, sed ueluti, inquit, calorem generat motus non calidus ipse, sed calidi corporis conseruatio, & perfectio.
- 1346 Si quidem modò eodem & lux, & motus, ignem perficiat, caloremq, falsò.
- 1347 Nam quàm longissimè abesse uidetur Auerroës, ut motus exemplo, a non calida luce calorem fieri posse declararet.
- 1348 At quid uel ipse Auerroës in motus exemplo minimè ad quiescens, a re coactus tandem ipse, stellas igneae adserit naturae.
- 1349 Et lucem itidem calidam? Ita.
- 1350 At Arist. iuramento obstrictus, nequaquam libero, apertòq, id proferre audet ore, sed ueluti mulsitans.
- 1351 At qui irritari a reflexione lucem, & irritatam, calefaciendi uires adsumere adserunt, deterius etiam Auerroës.
- 1352 Nihil iis melius, qui aërem calore a luce donari, quòd tenuitate, proprio caloris subiecto, donetur, contendunt.
- 1353 Eodem laborant morbo & alii, ac grauioribus etiam premuntur malis, qui licet a luce tenuiorem aërem fieri affirmet, ac propterea etiam incalescere, non tamen quòd ingenitae tenuitati calor accedat, sed quòd aër amplior factus undeque uniuersus simul diffunditur, uariisq, commouetur modis, & propterea incalescit.
- 1354 Omnium certè pessimi, qui huiusmodi adserunt esse lucis naturam, ut minimè ipsa calida cum sit, calefaciendi uires a reflexione adsumat.

Q 2

Sum-

- 1355 Summè certè etiam Timaeus Telestii conterraneus, (cum quo & Plato inculpandus est) qui nihil cum in sole, quod solidum ipsum, renitentemq. magis, quam flammam quasuis declaret, intuerentur, ueluti contracto eo, & summè duro inuento, non soliditatem modò, & renitentiam ei tribuere, sed terram insuper indidere, a qua scilicet illas haberet.
- 1356 Propriorum & ipsi dogmatum; ut uidetur; parum memores.
- 1357 Et si circulari caelum mouetur motu, non ut intellectum imitetur, qui si unum, ut, Peripateticis placet, atque idem perpetuò intelligit, non circulo; cuius similes quidem, at innumerae sunt partes; sed puncto potius, centròq. intelligere uideatur.
- 1358 Falsò itaque abstracti, separatiq. atque immoti motores indagati sunt, quos intelligēs, appetēsq. & quibus simile fieri studens caelum motu circumuoluatur aeternò.
- 1359 Res non summè modò obscura, & quantam ne cogitatione quidem adsequi ualeas, sed quae fundamento Arist. innititur tota longè infirmissimo.
- 1360 Quid si & insuper cum positionibus alibi positis stare minime uelit!
- 1361 Rectè quidem quae praeter naturam mouentur, ab alio separato ab ipsis, distinctòq. moueri uideri debent.
- 1362 At nequaquam horum exemplo, quae sponte sua, & natura moueri uidentur, non a seipsis, sed ab alio, & ipso ab ipsis separato, distinctòq. moueri declarandum uidetur.
- 1363 At si rectè & animalia ab anima, ut à distincta separatq. re moueri uidentur, minime id tamen Arist. ponere licuit, qui nimirum id ponentes, summè alibi damnat.
- 1364 Falsum itaque Arist. ut diuersum animalia habeant mouens a moto; ut ueluti in nauibus, & in iis, quae minime natura constant, sed artes, sic & in animalibus diuersum esse mouens a moto.
- 1365 Licet & ipsa; ut dictum est; rectè fortè ab anima, ut a distincta

stincta re, nequa de diuerso modò corpori insidente, quàm nauta nauì, moueri uideri possunt.

1366 Falsò itaque animalium totorum motus exemplo, simplia quae sunt, ab alio ab ipsis distinctò separatòq. moueri declarare licet.

1367 Cur item animatorum modò, & uiuentium animalium mirum proprius uideri debet motus, non & eorum omnium, quae a seipsis moueri assidue, & seruari uidentur motu!

1368 Quin & consistendi uim inesse ipsis oporteret, ut ignis nò ascendere tantum, sed & descendere, & motum sistere etiam posset, si per se, ut animalia, moueatur: falsum, & absurdissimum.

1369 Summè item inculpandus Arist., qui uni, eidemq. enti, & mouendi, & à motu cessandi, principium indit.

1370 Et si rectè quidem quae motus principium in seipsis habent, omnibus ea motibus moueri posse uideantur, at sui ipsius oblito.

1371 At non propterea non & ignis propria natura mobilis, & a seipso moueri uideri debet, ueluti & spiritus, uel recto solo, Arist. moueri uisus.

1372 Non igitur non a seipso moueri uideri debet ignis, uelut & animalia, quòd non multis & ipse, sed unico Arist. moueri uidetur motu.

1373 At multò etiam minùs, quòd continuus existit, & unus omnino, idemq. uniuersus.

1374 Falsò itaque motus proprius, ut passio, uideri possit.

1375 Licèt multis diuisionibus, ac multo apparatu, nequaquam tamen non à seipsis, & a propria natura, sed ab alio separatò ab ipsis, distinctòq., quae natura mouentur, moueri declararet Aristoteles.

1376 Sed lignum, quod ignis potentia est, ignis motu moueri non posse, nisi actu ignis fiat, & ignis naturam adsumat, uiresq.

1377 Neque enim id inquiritur mouens, quod lignum uertit. Sed

- 1378 Sed a quo actu existens ignis eo modo ad proprium impellitur motum, quo lapides a proiciente; & animalium corpora ab anima.
- 1379 Nusquam igitur locali illa motu a generante, aut alio ullo moveri declarat Arist.
- 1380 At ea donari natura, eaq. forma, cuius is proprius existit motus.
- 1381 Nusquam igitur satis hominē mirari queas, qui cū eorū, quae natura moventur ab alio ab ipsis separato, distinctoq. nullum omnino in iis moveri declarat, at fieri tantum ab alio; ex iis illa omnia ab alio moveri, enunciare nihil veritus sit.
- 1382 Et propterea etiam mobilia quae sunt entia, nequaquam efficiens motus sui; nec faciendi omnino in seipsis principium habere, sed patiendi tantum; quod falsum omnino est.
- 1383 Caelo itaque, horum exemplo, aliud a propria natura mouens adiacere falsū possit Arist.
- 1384 Per se mobile ut sit omnino, cuius pars altera moueatur, moueat altera, non autem moueatur: falsum.
- 1385 Quod autem totum seipsum moueat totum, contingere non posse demonstratur: quomodo enim uel effingi possit, eodem motu deferre aliquid, & deferri! alterare, & alterari! Eandem igitur rationem idem docebit, & discet: eandem sanitatem curabit, & curabitur: falsum.
- 1386 Rectē quidem Arist. idem secundum idem calefacere, & caleferi; agere, & pati; immutare omnino, immutariq. nō posse, positum uideri debet.
- 1387 At horum exemplo quae a seipsis moueri uidentur, similia praesertim quae sunt, & tota simul motu eodem moueri non a seipsis, sed ab alio quopiam separato, uel a quopiam eorum per se; eaq. immota moueri ponere Aristot. minime licuit.
- 1388 Vel si uocum aut inopia, aut ambiguitas, uel propriae ipsius positiones, id ut poneret, suadere debebant.
- 1389 Neque enim uel uocibus temere interdum inditis, uel pro-

propriis etiam positionibus sensus posthabendus est.

1390 Quid! ac si alterationis, immutationisq. propria ratio motui umquam conuenire posset.

1391 Mouere itaque, & moueri, penitus idem uideri potest.

1392 Nec si propterea quae mouentur, locum omnia immutare Arist. uisa sunt, & actu ibi a motu fieri, ubi potentia erant prius; quae natura, & a seipsis totis tota moueri uidentur; non a seipsis totis moueri uideantur, quod id si fiat, idem & potentia, & actu ad idem sit: nam falsum.

1393 Quid! ac si quae in proprio circumuoluuntur loco, locum mutarent.

1394 Quod igitur Arist. uidetur, ut per se mobile id esse dicatur, cuius pars mouet tantum, pars tantum mouetur; & quae mouet, ut sit ipsa penitus immobilis; quae mouetur, moueat interdum aliquid extrinsecus, interdum moueatur tantum: falsum.

1395 Ac si omnia ex diuersis partibus, & nulla similiaria essent.

1396 Videtur hoc; inquit; in animalibus apertissime.

1397 At mihi quidem nihil aeque obscurum, non modò si ex anima, corporeq. ut e forma, & materia compositum sit animal, ut alibi Arist., sed si anima corpori insit, ut nauta nauis, ut aliàs eisdem placere uidetur.

1398 Et placeat necesse est, separatim distinctumq. enuncianti mouens a moto.

1399 Quin & quod ait, rationabile immotum oportere esse,

quod mouet; quoniam est quod mouetur tantum, & est quod

mouetur, & mouet, & id ibidem esse, rationi congruum est,

quod mouet tantum, & non mouetur: falsum esse.

1400 Liceret enim ex illis colligere tertium, quod scilicet gestare tantum possit impelleré, quomodo dici omnino uideri debet, at minimè id immotum tamen. Tamen si nos aliàs demonstrauerimus, rerum ordinem exposcere, quartum, quod scilicet nec moueatur, nec moueat. quod Arist. ignorauit.

Quin

- 1401 Quin quod quaeritur sumere uidetur Arist.
- 1402 Ac si diuersa sint mouere, & moueri in iis, quae natura mouentur, & a seipsis.
- 1403 Quoniam igitur alia ex anima, corporéq. ut e distinctis, separatisq. Arist. suisq. ponuntur, & motus ab anima sola fieri, eiusq. solius proprius esse, nequaquam animatum uideri illis debuit caelum.
- 1404 At neque si sua natura immobile sit caelum, ueluti animalium corpora, modum effingere Arist. queat, quo a separata, immotâq. substantia moueri ipsum possit.
- 1405 At eo moueri caelum, ne ipsi quidê Arist. placere potest, spiritu nimirum ab anima appetente quid, uel auersante calefacto, frigefactôq.
- 1406 Nec praeterea quaecumque existat, ob externi cuiuspiâ appetitum moueatur.
- 1407 Rationes itaque Alexandri, & aliorum ualeant.
- 1408 Nec, si Dei optimi maximi uoluntate dicant moueri caelû, cuius motu his inferioribus preueniat bonum, non erit necessarius, salutarisq. ei motus.
- 1409 Horum itaque gratia numquam moueatur caelum, nisi necessarius, salutarisq. & longè etiam iucundissimus sit ipsi motus, quôue ut propria oblectetur, serueturq. operatione, ut alibi, a ueritate coactus, edoctusq., ipse itidem affirmat Aristoteles.

A. N. T. O.

ANTONII PERSII POSITIONES

IN PHYSICIS


CVM PRAETER ARISTOTELICAE PERIPATETICAE VE PHILOSOPHIAE, TVM AVTEM PRAETER OMNIVM QVOTQVOT HACTENVSV

FVERVNT, PHILOSOPHORVM,

HOC EST IVXTA BERNARDINI TELESII
CONSENTINI DOGMATA.



VNIVERSI NATVRA.

1410  VM a Deo creati optimo maximo, atque in hoc mundo tamquam in amplissimo quodam theatro collocati fuerimus, qui, primum ut spectatores humanarum actionū, vicissitudinūq., secundo loco ut actores, iudicesq. factos nos dixerit, verè pronunciarit.

1411 Non enim possumus, si oculos habemus, non spectare res naturales: quas & orbium caelestium assidua conuersio, & hic telluris globus immobilis quotidie spectandas contuendasq. nobis uel inuitis offert, admirabili quidē uarietate differētes, sed constanti tamen & perpetua vicissitudine recurrentes.

1412 Non ab re itaque harum rerum causa natos homines, magni philosophi dixerunt.

1413 At uerò *συναγωγή* haec, quae & historia naturalis appellari potest, huius theatri admirabilem modò structuram, amplitudinē, & (ut uno uerbo dicam) Mundū, siue *κόσμος* ostēdit.

R Qua

- 1414 Qua quidem in re contemplanda non uersabimur eorum more, qui nimis fortè sibi ipsis confisi, nequaquam, quod oportebat, res ipsas, earumque uires intuiti, id rebus ingeniū, easque facultates, quibus donatare uidetur, indidere: sed ueluti cum Deo de sapientia contendentes, decertantesque, Mundi ipsius principia, & causas ratione paene sola inquirere ausi, & quae non inuenerant, inuenta ea sibi esse existimantes, uolentesque, ueluti suo arbitratu Mundum effinxere, & corporibus, e quibus constare is uidetur, non eam magnitudinem, eamque dignitatem, & uires, quibus praedita uidentur, sed quibus donari oportere propria ratio distauit, largiti sunt.
- 1415 Nos uerò non adeò nobis confisi, & tardiore ingenio, & animo donati remissiore, & humanae omnino sapientiae amatores, cultoresque. (quae quidem uel ad summum peruenisse uideri debet, si quae sensus patefecerit, & quae e rerum sensu perceptarum similitudine haberi possunt, inspexerit) Mundum ipsum, & singulas eius partes, & partium, rerumque in eo contentarum passionēs, actionesque atque operationes intueri proposuimus.
- 1416 Ex illis enim rectè perspectis propriam singulis magnitudinem, ac speciem, ex his uerò ingenium, uiresque, & naturam cognita habebimus: ut si nihil diuinum, nihil admiratione dignum, nihil etiam ualde acutum nostris inesse uisum fuerit, at nihil ea tamen uel rebus, uel sibi ipsis repugnent umquā; sensum uidelicet nos, & naturam, aliud praeterea nihil, sequuti sumus, quae sibi ipsi concors, idem semper, & eodem agit modo.
- 1417 Tametsi Mundus uniuersus, primo aspectu intuenti, e Caelo, Terraque, & mari, tum ex aëre; qui, quod in Caeli, Terraeque, & maris medio spatium est, occupat uniuersum; constare uidetur.
- 1418 Attamen diligentius intuenti, nec aërem, nec mare magnas mundi partes esse, uideri debet, sed solum Caelum, & Terram solam.

Superio-

- 1419 Superiorem etiam aëris partem, & eum fortè, qui supra montium uertices continetur, Caelo apponendum esse tenemus, cum eoq. circumuolui.
- 1420 Qui porro reliquus sit (qui cum illo circumuolui nō uisus, penitus illi idem uideri non potest) ut ille, qui infra montium cacumina, nobis adflare uidetur, minùs est.
- 1421 Mare itidem, ut aër, quàm longissimè abest, ut magna Mundi pars poni possit. Nam ut nihil minùs Terra latum, minùsq. amplum sit mare, breuissimum certè est uniuersum, ut caeruleus in uniuersum eius color declarat.
- 1422 Quid! Terra mundi pars magna, ut ex aequo, Caelo comparari, aliquo modo possit? Quid ni!
- 1423 Non itaque ab aqua, & magis ab aëre exsuperatur? Minime. Quinimmo omnes has, uel simul iunctas longè excedit.
- 1424 Tandem cum Caelo ne comparanda quidem? Apage. Quid si, materiae quantitate, acieius pondere animaduerso, haud fortè immensum quid ab hoc illam exsuperari demonstramus!
- 1425 Caelum, & Terram non modò magnas mundi partes esse tenemus, sed primas, præcipuásq., non scilicet magnitudine tantum reliquas exsuperare, sed robore etiam, uiribusq.
- 1426 Caelum porro, & Terra, non modò ab aliorum nullo neque haec, neque illud constitui, sed ne immutari quidem quid uidetur.
- 1427 Terram tamen ipsam a sole solo immutari fatemur.
- 1428 At non uniuersam ipsam, sed suprema tantum superficie.
- 1429 Caelum itidem nihil ab alio ullo umquam immutari, uideri debet.
- 1430 At eius modò opera, uel quae ualde ei similia facta sunt, proximáq., a terra sola immutari, tuemur.

R 2 At

1431 At uerò aër ipse, & mare, aquaëue omnes, & cetera omnia, quae in Caeli, Terraeq. medio sunt, & quae in profundioribus Terrae partibus a Terrae naturâ dimota, assiduè immutari, corrumpiq., & assiduè generari, uel cuilibet uideri potest.

1432 Quod ab uniuerso utrumque Caelo, a longè praesertim robustissimo effici sole, & a Terra etiam ipsa, in propriam cuiusque agi naturam, affirmamus.

1433 Caelum itidem, & Terram, non modò robore uiribusque partes mundi esse deprehendemus; sed dignitate quoque ipsas ceteras exsuperare.

MATERIA:

NATVRAE AGENTES, CALOR, FRIGVS.

1434 Omnia e duplici natura composita esse affirmamus, e remanente nimirum altera, ex altera pereunte.

1435 Non itaque totum corrumpetur, quod generatum est? maximè.

1436 Rides Peripatetice! sed audi alia: nec enim totum generari compositum, tenemus, nec idem totum corrumpi. Ringeris!

1437 Non datur igitur nec generatio, neque corruptio? Quid ni!

1438 At si eam dari concedamus, pugnantia non dicimus.

1439 Hanc autem naturam, quae accedit, receditq., nequaquam unam esse, & uerè simplicem, tenemus, sed multiplicem, & ueluti in multas distinctam species.

1440 Quoniam autem speciem, atque ingenium generari, itidem eadem corrumpi significauimus, hanc eandem naturam accedentem, recedentemq. agendi vi; alias nimirum e propriis sedibus eiiciendi, interimendiq., & sese in illis generandi

randi, ac entia omnino constituendi ui praeditam
mamus.

1441 Quam eandem, eadem remanente mole ac materia, in ex-
sistente natura eiecta, sese indere, uade corruptio sequuta fuit,
adferimus.

1442 Hanc eandem naturam, quae accedit, receditq., in corpo-
ream esse tenemus.

1443 Naturam autem, quae remanet, vnā omnino esse, atque
eandem, tenemus.

1444 Quae itidem nullam agentem auerfetur, neque odio ha-
beat, sed aequè omnibus communis, propriāq., & quae illis
omnibus aequè libens coeat congruatq.

1445 Ex hac itaque una eadēq. in omnibus existente, tam
longè diuersissima constituuntur entia?

1446 Quinimmo ni ita esset, non quodlibet constitueretur ex
quouis ente.

1447 Hancq. eandem nulla agendi, aut operandi ui praeditam
esse tenemus, sed penitus inertem, desidēq. ac ueluti demor-
tuam.

1448 Quo fit, vt nulla actio, neque ulla operatio, quae ab ente
ullo edi videtur, huius sit, sed illius omnis, quae accedit, rece-
ditq. naturae.

1449 Molem tantū praestabit haec, ac corpus, & ueluti domi-
cilium agentibus naturis, cui haereant, & in quo seruentur.
Qua in re nobiscum etiam conuenit cum Ocello Lucano, ce-
teroqui in aliis aduersae tabellae.

1450 Naturas agentes perpetuò inter se decertare tenemus, nec
id temere, ac nulla occasione.

1451 Quibus omnibus tametsi aequè communem, propriāq.
fecimus alteram praexistentem, tamen non quouis disposi-
tam pacto, quibuslibet conuenire naturis, sed propria sit,
aptāq. oportet.

1452 Quod autem id totum agat, nihil aliud est, nisi natura acce-
dens, materiam scilicet disponens.

Quae

- 1453 Quae se ipsam producens, proprio ingenio propriaeq. aptum facit subiectum operationi.
- 1454 Quae cum sola potita fuerit, depelletur omnino altera, atque interimetur, impatiens societatis.
- 1455 Contrariae porro cum inter se existant formae, mutuòq. in se ipsas agant, & mutuò a se ipsis patiatur, intendantur oportet, remittanturq.
- 1456 Magis itaque, & minus suscipient? Quid ni!
- 1457 At neque uerè existentes, & materiae immerfas formas sub sensum cadere, & sensu percipi, uel Peripateticis negare licet.
- 1458 Calorem itaque, & frigus non modò in sese mutuò agere, & mutuò sese deturbare, atque interimere, & alterum alterius sedem occupare adserimus, sed & ab ipsis quaeprim fieri experimur.
- 1459 Tenuitatem itaque manifestè a calore fieri, & calorem insequi, & caloris propriam esse, uidere quiuis poterit.
- 1460 Quinimmo crassissima quaeuis, durissimâq. lapides, ferrum, & etiam Terra a calore summo in aquas, uaporésq. agi uideri a quouis potest.
- 1461 Vnde quaecumque occupat frigus, (uel tenuissimi uapores) crassescere, gelari compingiq. duriora omnino fieri crassiorave omnino uidentur.
- 1462 Crassitiem itaque ponimus frigoris opus, ut caloris propriam tenuitatem.
- 1463 Sed quid! nonne a calore itidem durescere quaedam, & crassescere uidentur multa? Videntur.
- 1464 Non itaque propria frigoris crassities? Nego.
- 1465 Lucem itidem caloris propriam, & manifestè calorem insequi, & a calore fieri tenemus.
- 1466 At non a quouis summam ipsam, & vigentem, puramue, sed a summo tantum, & in tenui existente re.
- 1467 Lucis itaque naturae penitus repugnans frigus aduersum penitusq. contrarium esse, sensus ipse declarat.

Equi-

- 1468 E quibus & albedo a calore constitui, uideri debet.
- 1469 Tum tenuitatis summè propriam, & perpetuò tenuitatem insequi, & ueluti a tenuitate emanare albedinem, confirmamus.
- 1470 Motum postremò & ipsum caloris summè proprium, & caloris opus, adferimus.
- 1471 Immobilitatem uerò contrà, frigoris propriam esse, & frigoris omnino opus, mobilia quae sunt, & quae immobilia, declarant omnia.
- 1472 Soli itaque calori, & frigori soli, agendi operandiq. uis tribuenda omnis uidetur.
- 1473 Cum uerò motus a re, cuius est, & a qua fit, diuersus manifestè appareat, cogiteturq., quod non ita de calore fatendum est, ueluti caloris operatio quaedam erit, & sequela.
- 1474 Quare calorem motum natura, & dignitate praecedere, confitemur.
- 1475 Quid si etiam tempore eidem praecire confirmemus!
- 1476 Ob id itaque motum, caloris propriam esse operationem, dicemus; si quidem calorem perpetuò sectari, & ibi esse tantum, ubi & calor, & a calore omnino, & solo eo edi uidetur.
- 1477 Propterea igitur calor adtenuare uidetur, quòd motu gaudens ipse subiectum sibi, quod subleuare, atque euehere possit, concinnat, tenue nimirum, leuèq.
- 1478 Quem eundem a materiae copia opprimi, moueri q. prohiberi, fatemur.
- 1479 Frigus contrà, crassa, quae occupat, facit; quòd immobilitate gaudens subiectum sibi quàm potest, ad motum ineptissimum constituit.
- 1480 Quare tenuitatem, ut propriam perfecti caloris sedis dispositionem, lucem uerò ut propriam perfecti caloris speciè, ac motum, ut caloris operationem, tuemur.
- 1481 Eodèmq. pacto his opposita frigoris omnia.
- 1482 Ad uersò porro calore, & ab eodem etiam, & non semper agente, sed agere interdum cessante, uel e materia eadem, & e diuer-

ANT. PERSII POSITIONES.

diuersa materia, uel difformi, a calore eodem, & eodē usque-
quaque agente modo diuersa constitui entia, tenemus.

1483 Quibus itaque diuersus inest calor, diuersa sunt entia?
Diuersa: immo quibus idem quidem, eiusdēmq. ordinis, & uel
copiosior, uel magis exiguus ipse inexistit.

1484 Igitur quae modica existens materia, quantumuis adte-
nueretur, amplifcetúrq. & maiorem omnino occupet locum,
naturam tamen agentem copiosiore minimē suscipit, quā
ipsamet summē in angustam acta, & in minimam redacta
molem.

1485 Multum itaque, in se ipsum nimirum collectum, calorem
a se ipso exiguo, nihil fortē differre minús, tenemus, quā ab
integro, robustoq. imminutum, languidumq.

1486 Neque enim eum, qui sibi ipsi colligitur, calorem ma-
gis agere tenemus, quōd maiores, atque alias adsumat uires,
sed easdem omnino.

1487 Diuersa etiam ipsa natura agente inexistente, uel eadem
specie conspecta, diuersa & contraria inde entia esse necesse,
ponimus.

1488 Eō itaque ampliús entia, & specie, & dispositione diuersa,
a diuersa natura agente donata.

1489 Illud magis miraberis, eandem rem, & a calore insuper eo-
dem, & non usquequaque agente, sed agere interdum cessan-
te, in alia atque alia agi.

1490 Si igitur qui agere coepit calor, agere interdum cesset, mi-
nimē, ubi iterum agere incipit, quam fecerat, nactus disposi-
tionem, sed uel ab alio calore, uel etiam frigore longē ab ea
factam diuersam, non idem ampliús subit, nec eodē ampliús
adtenuat modo, neque idem constituit ens, sed longē ab ince-
pto diuersum.

1491 Quaedam itaque uidere quiuis potest, quae ueluti ab u-
traque contraria natura per uices agente, constituta uideri
possint.

Vtraq-

- 1492 Vtrasque ergo naturas in ente quopiam erit uidere? Minime gentium.
- 1493 Non itaque quod utriusque simile ingenium, & utriusque uis, & natura omnino utraque ente in ullo, simile quod sit, & uerè unum, spectetur, aut inesse omnino possit.
- 1494 Si tamen in multis, utriusque spectari actionem, dixerimus, pugnantia non loquemur.
- 1495 Neque negamus, frigus a calore, & calorem a frigore, nullo temporis momento, deturbari, & quod exsuperat, deiectione interemptiq. locum subire, occupareq.
- 1496 Negamus uerò, calorem, crassum quod est, tenue facere; uel constringere frigus, & crassum, quod est tenue facere illi; sed & calor, & frigus diu agant oportet.
- 1497 Qui porro calor, quantusue; quod nimirum caloris robur, & quae eius copia; quam Terram, & quae entia in qualia inuertat, minime inquirendum uideri.
- 1498 Quo fit ut caloris uires, seu calorem ipsum ueluti in gradus partiri, neminem distinctè posse existimemus.
- 1499 At qui, quantusq. calor, quae entia, qua donet dispositio ne, intueri licebit.
- 1500 Et quod de singulis caloris differentiis, roboris, atque copiae dicimus, idem de materiae conspissationis diuersitate dicendum erit.
- 1501 Itaque crassitiei, tenuitatisq. discrimina omnia innotescere non posse, tenemus.
- 1502 Vtriusque tamen propriam esse latitudinem, qua ueluti terminis quibusdam diuidatur, non negamus.
- 1503 Quoniam materia ipsa per se non alio a se ipsa differre potest, quam quod sibi ipsi uel magis unita existit, magisue in se ipsam conspissata, & in angustum acta, uel minus; crassitiei tenuitatemq. molis materiae, & materiae omnino dispositionem esse, tenemus.
- 1504 Et crassitiem quidem, summam materiae conspissationem

Sic Existe-

existere, tenemus.

- 1505 Tenuitatem uerò contrà, summam materiae explicationē
extensionemq. atq. ue amplificationem.
- 1506 Materia ergo tunc uerè crassa facta esse uidetur, cum adeò
in se ipsam conspissata est, atque in angustum acta, ut amplius
conspissari, inq. angustius agi minimè possit.
- 1507 Et quae item nihil contingenti, prementiq. locum prae-
beat, & nihil umquam omnino cedat.
- 1508 Quae itidem si superpositae opprimentisq. molis pondus
sustinere, aut impulsus ferientis reicere non possit, disrum-
pitur.
- 1509 Haec eadem ne luci quidem aditum praebet.
- 1510 Tenuis uerò contrà, moles uidetur, ueluti in corporea fa-
cta, nihil contingenti reniti, & ne percepta quidem illi ce-
dere.
- 1511 Haec eadem luci, quantacumque illa sit, transitum prae-
bet; nihil eam uel retardans, uel robur imminuens, aut colo-
rem foedans.
- 1512 Quare quod in seipsum quid cogi posse uidetur, magisq.
conspissari, id crassum in tenue agi, & tenuitatis omnino adsu-
mere ingenium, tenemus.
- 1513 Vnde quod flectitur, non omnino crassum esse tenemus.
- 1514 Neque itidem quod extenditur, dilataturq.
- 1515 Neque propterea ullam crassitiem nobis facere licet.
- 1516 At quaeque in angustius a nobis tamen agi uidentur; in-
existentis tenuitatis expressione, uel alia causa.
- 1517 Frigus enim uero solum crassitiem moliri potest.
- 1518 Neque igitur tenuitas ulla in crassitiem agi uideri debet.
- 1519 Quid! nonne aqua, quae tenuis, cum gelatur, crassa fit?
Minus.
- 1520 Limites itaque ac termini, quibus crassities ad tenuitatem
proficiscatur, philosopho sunt noscendi: & is primus uideri po-
test, quo lentor, flexibilitasq. contineri uidetur.
- 1521 At gradus, quibus a crassitie ad tenuitatem itur, innume-

ros, & longè illos minutissimos intueri, explicariue impotentibus, lentor omnis, omnisq. flexibilitas, uel ualde a se ipsa differens, una poni potest.

1522 Flexibilia uerò, lentâq. omnia sint, quae aegrè quidem, at flexi tamen, & in se ipsa cogi, & comprimenti cedere apparêt.

1523 Secundo uerò spatio, a lentore diuersa, mollities omnino ponenda uideri potest.

1524 In tertio uiscositas atque *ῥαρηρότης*.

1525 Viscositati fluor succedit, & multò quàm uiscositas, promptius contingenti cedens, & luci peruius transpicuûsq.

1526 Quintum uerò, atque extremum spatium, tenuitatem occupare tenemus.

1527 At uerò si quid naturae agentes commune habent, in eorum entia itidem ab illis constituta, conuenire inter se congruerèq. oportet.

1528 Ceterum si seruandae sint naturae, non summum modò illis conseruationis appetitum, summumq. propriae destructionis odium indi oportuit, sed cognata insuper similiâq., & contraria dissimiliâq. dignoscendi uim.

1529 Calori igitur, & frigori, propriae conseruationis, & propriae destructionis sensum traditum esse tenemus.

1530 Eo etiam omnia entia donata esse meritò, tuemur.

1531 Quod inde facillè intelligere licet, quòd propriae interdum naturae uim inferre entia uideamus; mouentur nimirum, quae immobilia sunt, & mobilia; si quidem naturali, insueto certè motu.

1532 Agentia rerum principia contraria oportere esse, necessariò ipsi itidem Aristoteli uisa esse tenemus.

1533 Quin & ipsi itidem, oppositio unica satis esse uisa est, neque alia addenda esse.

1534 Non enim aliorum entium, uel sinobilia ea sint, amplioraq., sed eorum omnino principia, quorum constitutione, & constituentes omnino naturas quaerimus, afferenda sunt.

1535 Rerum itaque naturâ constantium, hoc est, sensibilium agentia

S 2 princi-

principia inquirentibus, si quidem plura ea uisa sint, & quarū alia aliis ampliora sint, & contineant; angustiora uerò alia, & quae contineantur prima omnino, & quae magis continēt, principia ponere debemus, ut Aristoteles.

1536 At sensibilia omnino, agentiaq. afferenda sunt; a quibus nimirum, res, quarum principia inquirimus, cōstituuntur; quae lia non posuit Aristoteles.

1537 Nec uerò uerendum est quidquam, ne, iis positis, ullum nos excipiat incommodum, uel ne omnium, quae eis eueniunt, causas pulcherrimè reddere liceat.

1538 Vniuersalissima igitur arbitratus Aristoteles oportere esse contraria, quae principia ponuntur, & a nullis contenta, at ipsa cetera continentia, formam ipse attulit, & priuationem, quae contraria omnia continere Aristoteli uidentur, nobiliora illa quidem, praestantioraq., ignobiliora haec, & deteriora.

1539 Nequaquam igitur ut non ens posita Aristoteli priuatio uidetur, sed ut natura quaedam, & ipsa deteriora contraria continens, & omnino ut deterius contrarium.

1540 Quod etiam antè Aphrodisiensis animaduertisse uidetur.

1541 Nec uerò illud obstat quidquam quòd pauldò post priuatione, ut non ente, ad rerum generationem uti uidetur Aristoteles.

1542 At ut horum etiam quid reiiciant, illud certè nemo non admittat, probetq., & Aristoteli placitum non fateatur, a duobus scilicet primis contrariis substantiam, in qua generationes, & corruptiones fiunt, detineri.

1543 Id porro uel Ocelli, uel Hippocratis, uel Aristotelis, uel cuiusuis testimonio non aliud esse potest, nisi summum propriae naturae robur, puritasq., quibus perpetuò, qualia sunt ipsa, seruetur, nihil ab aliis ullis passa umquam, aut immutata quid, nisi a se ipsis mutuò, & ibi id modò, ubi eorum alterum mole exsuperet, quantitatè uel alterum.

Eorum

- 1544 Eorum nullum omnino ab alio constituatur, at singula se ipsa constituent, generentq., alia omnia ab ipsis patiantur, immutenturq., & corrumpantur, inq. alia agantur.
- 1545 Nec quod Hippocrates ratiocinatus est, si unum existat homo, dicens, nullo umquam tempore dolere posset, nobis obesse uideri potest.
- 1546 Ens enim quoduis uel summè unum, summèq. simile, uel a natura eadem, a qua constitutum est, innumeris paene modis pati potest, immutariq.
- 1547 Nec negamus quin dolor a propria natura sit recessus, uel eius potius sensus.
- 1548 Quid! nonne quattuor humores insunt nostris corporibus? Minimè, sed innumeri paene.
- 1549 Plures ergo biles, plures & pituitae, & specie, naturaq. inter se differentes.
- 1550 Quinimmo nec eorum ullus, dictorum corporum ulli, si talia sint, qualia Hippocrati ponuntur, similis uideri potest.
- 1551 Atra siquidem bilis, uno colore excepto, summè in reliquis a Terra dissidet, calida omnino, fluidaq.
- 1552 Et pituita item, quae praesertim corpori commoda est, summè aquae dissimilis Hippocrati uideri debet; nisi aqua frigida iis non sit.
- 1553 At neque uel igni flaua bilis, uel aëri sanguis similis uideri potest.
- 1554 Quinimmo proprias positiones intuenti Aristoteli, duo tantum prima corpora uideri debuisse, nemò infitiri poterit.
- 1555 Quo pacto? Hoc quidem.
- 1556 Nonne prima contraria, in natura quauis, quam longissimè a seipsis posita esse affirmat, in medio eadem quidem, at imminuta, & sibi ipsis commista? Ita sanè.
1557. Ceterum tenuitatem ui agendi ulla praeditam esse, minus admittemus.

Qui-

- 1558 Quinimmo nihil in sese agere tenuitas, crassitiésq. contra-
ria uisa, nec se ipsas constituere uideri debent.
- 1559 Nec, si tenuitatem albedo in sequi uidetur, illius haec, sed
eius omnino, cuius & tenuitas, opus uideri debet.
- 1560 Nec, si quae summè sunt tenuia, prompta illa ad motum
uidentur, motum a tenuitate manare confitebimur.
- 1561 Quinimmo eius naturae opus tenuitas esse uideri debet,
cuius proprius existit motus.
- 1562 At lux saltem in tenebras atque obscuritatem agere uide-
tur; aërem nimirum per se inuisibilem, obscurumq., uisibilem
facere, atque illustrare.
- 1563 Nos uerò lucem id agere negamus.
- 1564 Et quoniam nil aliud lux esse uidetur, nisi uiua, & uigens,
& per se uisibilis albedo.
- 1565 Sic albedinem, per se non uisibilem, imminutam, & languen-
tem lucem esse affirmamus.
- 1566 Albedo itaque non agit in nigredinē? Immo nigris quan-
tumuis apposita alba, nihil in illa agere, immutaretq.
- 1567 Idem motum in immobilitatem ullo pacto agere, uel con-
trà, omnino negamus.
- 1568 Humiditas item certè nulla, quantumuis infusa, & immo-
rata quantumuis, rem nullam in uapores, aut in aquā, tenuius
quid, humidiusq., inuertit umquam.
- 1569 Nulla igitur humiditas humiditatem generabit summā,
quouis agens modo, at solus illam facit calor.
- 1570 Manifestè enim quaecumque exsuperat calor, tenuia facit
omnia, & in uapores, fumumq. inuertit.
- 1571 Liquefacit saltē, emollitq. quae non penitus superat, quae
humoris propria esse omnia, ipsi in primis Aristoteli uidetur.
- 1572 Vbique igitur humiditatem, tenuitatemq. facere uidetur
calor, & crassitiem auersari.
- 1573 Frigus cōtrà, crassitiē, siccitatemq. inferre ubique, & tenui-
tatem, humiditatemq. undique deturbare.
- 1574 Et hoc nō a sēsu magis, quàm ab ipso habemus Aristotele,
dum

dum alienorum disgregatium, similium congregatium calorem adserit, frigus contrà, omnium congregatium.

1575 Neque tamen omnia a calore secernuntur; non si quidem pix a cera, sed illi immiscetur magis.

1576 Nusquam tamen, ubi calor non adest, esse posse humiditas Arist. uidetur, & ibi nulla esse penitus, ubi nullus adest calor.

IGNIS, CAELVM, SOL, STELLAE, LVX: TERRA.

1577 Entia omnia, si eorū constitutionem animaduertere uelimus, a sole ipso, atque e Terra constitui omnia, sentimus.

1578 Summū Soli calorē, summāq. albedinem, & lucem, & summam sese mouendi inesse uim, uidemus.

1579 Terrae contrà, summum frigus, summāq. obscuritatem, & summam sese mouendi impotentiam adesse, animaduertere debemus.

1580 Vnde fit, ut entibus reliquis nō alia res ulla, sed calor omnibus, uel frigus, & lux, aut obscuritas, & sese mouendi uel facultas insit, uel impotentia.

1581 Quibus omnibus, Solis inquam, Terraeq. naturas, species, & facultates, non & ipsas summas, integrasq. inesse pronūciamus, sed remissas omnes, imminutasq.

1582 Nullum itaque aequè Soli calidum erit, nec lucidum, nec mobile? Nullum.

1583 Nullum itidem aequè Terrae frigidū, nec obscurum, nec immobile affirmare audebis? Nullum.

1584 Quid, si corpus summè lucidū, summè calidum, at mobile tibi praebeam? Modò unum excipito, nullum inuenies.

1585 Vt quod dictū est, Caelū, & Terrā ipsā ceteras anteire dignitate, easdem ueluti tempore omnibus praecellere, dicere non uereamur, qua quidem in re sacrae nostrae, & diuinae litterae nobis fauere uidentur.

1586 Caelum, & ipsum praesertim robustissimum solem, Terram ipsam immutare assiduè cū uideamus, in res longè minus quàm ipsa est, inuertit.

Hoc

- 1587 Hoc est minùs frigidus, minùsq. crassus, minùs nigras, obscurasq. atq. minùs immobiles.
- 1588 Itidem & in ualde etiam similes cognatasq. Caelum inuertit eandem; in tenuissimos nimirum, albissimosq., & bene calidos, & bene mobiles uapores.
- 1589 Quid! & in ipsum quandoque etiam ignem.
- 1590 Terra contra, tametsi, ob generationem, minor facta, & minoribus donata sit uiribus, tametsi non in Caelum ipsum omnino, in Caeli tamē opera omnia, uel quae summē Caelo, Soliq. similia effecta sunt, proximāq., deperditas omnino sui partes, & in Caeli naturam agi coeptas, recuperat assiduē, sibiq. ipsi restituit uniuersas.
- 1591 Caelum itaque, & Terra in sese mutuò agendi ui praeditū uideri debet.
- 1592 Caelum itaque nō est simplex, neque minùs Terra? Quin immo nec ipse sol, aut ens aliud omnino ullum, uel summē simulare, summēq. simplex, atque unum conspectum, uerē simplex, uerēq. unum esse tenemus.
- 1593 Palām itaque esse teneamus, solem ipsum, & Terram agere, & non mole, & corpore, sed illis naturis, quae generari, ac corrumpi uidentur.
- 1594 Caelo uerò, Soliq. tenuitatem, albedinem, lucem, mobilitatēq. inesse, nemo sit qui dubitet.
- 1595 Quae itidem, & in entibus, quae generantur, corrumpunturq., generari, corrumpiq. apparent.
- 1596 Nihil igitur uel summē mobile Caelum, & perpetuo, perenni q. circa Terram circumuolutum motu, eandem mobilem facit umquam? Nihil, nec ipsa aërem immobilem.
- 1597 Non itaque agit Terra? Immo quā maximē. Rides!
- 1598 Cū nihil penitus Caelo inesse, nec agere aut operari Caelum uidetur, nisi quae caloris propria sunt, & nihil Terra habere, neque agere aut operari, nisi quae frigoris propria sunt, & quae agit operaturq. frigus; a calore Caelum, &
- Ter-

Terra a frigore constituta uideri debent.

1599 Itidem nullam aliam nec Terrae, nec Caelo inesse agētē, aut operantē in naturam, tenemus.

1600 Caelum itaque non loco magis, quā specie, agendūq., & operandi uī, a Terra dissidere tenemus.

1601 Quinimmo summē omnino terrae contrarium, oppositūmq., a contraria omnino Terrae natura constitutum uideri debet.

1602 Reliqua uerō entia nihil omnino habere, quod eorum alteri non inest, quod eorum alterius non sit; sed uel Caelo omnia, uel Terrae similia, uel talia omnino, quae utriusque media, & ab eorum omnino altero, at non penitus exsuperante, neque integro, sed ab altero imminuto, passōq. effecta uideri possint.

1603 Vnde fit, ut neque ente in ullo natura alia agens agere, aut inesse omnino uideri possit, nisi ea modō, a qua effectum id est, constitutumq.

1604 Item nec ab alia ea pati uideatur, nisi uel a contraria, uel a simili.

1605 Natura itaque agens quaeuis, quae agere numquam cessat, similes, cognatasq. oppugnat, deturbatq. Modō nūquam proprii ingenii obliuiscatur.

1606 Cum ergo Caelum in Terram agat, in propriam illam inuertat naturam, longē interea plurima, longēq. diuersissima constitui entia, tenemus.

1607 Caeli itaque, ac Terrae naturae nequaquam indiuisibilibus praeditae sunt uiribus.

1608 Nec caloris, nec frigoris summi, integrīq. uires statim uel integras constitui, uel penitus perire, sed paulatim generari, & paulatim imminui tenemus.

1609 Quo fit, ut uerē dictum sit illud, naturae cuiusque agentis progressus, non saltus, sed quasi fluxus quidam existat.

1610 Prius itaque quā in Caeli, Solisq. speciem Terra agatur,

T tur,

tur, multas interea species, naturasq. adsumat multas, & in entia inuertatur longè plurima necesse est.

1611 Quoniam sol Terram paullatim a propria dimouet substantia, eamq. paullatim sui ipsius natura, ac dispositione, specieue donat; quae ab illa minùs distant, priùs ex illa constitui, & haec postea in ea agi, quae Soli, Caeloq. proximiora, ac similia magis sunt, tenemus.

1612 Malè itaque antiquiores, in ipsos primùm uapores eam inuerti aestimauerunt, e quibus qui egressum nacti sunt, sublu- narem constituerent aërem, reliqui uerò in Terrae concavis retenti, & a Terrae frigore gelati, in lapides concre- scerent.

1613 Paullatim, itaque meliùs est ut dicatur, propriis Terra spoliata dispositionibus, & iis uiribus, iisq. donata speciebus, quae inter Terrae, Caeliq. naturam, speciemq. mediae sunt, multa omnino alia interea facta in ipsum postremò agi aë- rem.

1614 Nec uapores in metalla cogi priùs oportere, non in medi- as priùs res actos, non conspissatos ipsos, in fluores nimirum.

1615 Neque e uaporibus, & non omnibus; ut Aristoteli placuit; sed ex iis modò, qui ex aquis Terrae inclusis educuntur, aquas generari, uerum est.

1616 Porro diuersa, & longè plurima generata a sole entia, in Terram agente, non solùm quòd a sole longissimè dimota, lon- gèq. dissidente sit ingenio; sed ampliùs fortè, quia nò ueluti or- dine quodam, & quadam serie, in tenuiora assiduè, sed ueluti retro agi quaedam, & crassiora, uel etiam frigidiora fieri ui- dentur.

1617 Inde etiam fit, ut haec ita fieri existimemus, quòd summè uario, summèq. difformi calore agat sol in Terram, uariè ab ipso iam passam, uarièq. immutatam.

1618 Quapropter ex Solis actione Terram non summè modò sibi ipsi dissimilem factam tenemus, sed bene etiam diffor- mem.

Sol

- 1619 Sol itaque non in eandem assidue agit, sed agere interdum cessat.
- 1620 Cedit igitur locum Terrae sol? Cedunt sibi inuicem. Rides!
- 1621 Ob idq. si eius opera non destruat, corrumpatq., at retardet, atque impediat, & ueluti retro, aut in diuersa agat.
- 1622 Sol igitur huc, atque illuc actus, & pro directo obliquus factus, uiribus agit longè diuersissimis.
- 1623 Solem itidem non tantum proprio, atque ex ipso emanante calore, sed eo etiam, & nihil fortè minus, quem terris indies indit, & iamdiu indidit, agere tenemus.
- 1624 Quem quoque, non solum in Terrae partes profundiores, & quae a supremis occultantur, non iisdem uiribus agere, sed neque in eius superficiem omnem, aut in proximiores etiam, & contiguas eius partes uniformiter agere censendum.
- 1625 Sanè nobis, uel ipsa (ni fallor) luce clariùs, quae fiunt, a simili fieri intueri licet; & uel ex iis, quae dicta sunt, satis reor conspectum id esse.
- 1626 Quo fit ut omnia a simili fieri, rectius nobis, quàm antiquioribus uisum sit, uideri possit.
- 1627 Quinimmo non ea tantum a simili constituta uideri debent, quae eandem constituentibus, externam speciem nata sunt, sed ea itidem, quae specie quidem diuersa, dissimiliq.
- 1628 Summè itaque calidus sol, at in frigidissimam, crassissimamq. agens Terram, & nequaquam, quas inuertit Terrae partes, in solem inuertit omnes, at omnes a Terra dimouet; calore uidelicet quodam omnes, & quadam donat tenuitate; propriae nimirum substantiae, & propriae speciei participes facit.
- 1629 Quid! est & quas bene etiam calidas, & bene tenues facit; ut quas uel in calidissimos, tenuissimósq. agit uapores.

T 2 est

- est & cùm uel in ipsas animalium animas: non superius est
 1630 Primorum porro corporum alterum in altero contineri
 non ab re oportuit.
 1631 Sphaericum itaque Mundum fieri uniuersum, non in lon-
 gum extendi, directumq., at in altera ipsius parte Caelum
 locari, Terram in altera: Quod noua ratione factum esse
 explicabimus.
 1632 Itidem non ab re Caelum ipsum non iisdem uniuersum,
 nec magnis donatum uiribus, ponimus.
 1633 Ob id stellis reliquis, & ipso longè maximo, longeq. luci-
 disimo, atque unico distinguendum fuit solè, a quo illustren-
 tur omnia, & omnia etiam uiuificantur.
 1634 Quibus omnibus, & Soli ante omnes, duplex adsignatus es-
 se motus non incongruè uideri potest, licet sensu nō probetur;
 cùm Astrologis tamen aliàs speculabimur.
 1635 Qua ratione factum est, ut neque sibi ipsi copulatum, uni-
 tumq., & unum omnino esse oportuerit Caelum, sed ueluti
 in plures diuisum distinctumq. orbes.
 1636 Aeternum uerò utrumque agens principium, atque utrū-
 que primum corpus esse, iam facile apparere poterit, si alterū
 ab altero, summè etiam contrario, oppositòq., corrumpi non
 uideamus.
 1637 At uerò quae propriè generant, non extrahunt de poten-
 tia in actum inexsistentes formas in materia prius, sed uerè il-
 las generant, praeexistentes nihil, ac se ipsas amplificat, multi-
 plicantq., & proxima propria afficiunt natura.
 1638 Rectè quidem Aristoteles ignotam Caeli substantiam ab
 operatione uenatur, & Caeli ad sublunaria differentiam, ab
 eorum ad illius operationem, discrimine. unius siquidem sub-
 stantiae, ut eidem uidetur, unica est operatio, & substantia quae
 libet suam propriam habet.
 1639 Rectè itidem & illud; factus, inquit, ignis statim mo-
 uetur; propriam nimirum operatur operationem, & dum ex-
 sistit ignis, moueri numquam cessat, & moueri prohibitus;
 pro-

propria uidelicet prohibitus operatione; nihil extinguitur se-
gniùs, quàm si propria priuetur natura.

1640 Propriam uerò operationem eam uideri debere, quam
entium uniueritates in proprio loco, propriâq. existentes na-
tura, & quam perpetuò, atque incessanter operantur, & qua
oblectantur, seruanturq.

1641 Non omnino propria, quam uel entium partes a propria
abstractae uniueritate, uel uniueritates etiam ipsae, at a pro-
prio loco, propriâq. operentur dimota natura.

1642 Aliena omnino sit, contrariâq., qua corrumpi uidentur
entia.

1643 Ceterum rectè diuersa a sublunarium Caeli substantia
Aristoteli posita sit, si Caeli motus; Caeli nimirum operatio a
sublunarium operatione diuersa appareat.

1644 Quid si in iisdem itidem uniuerfis, nihilq. passis, ut in Cae-
lo factum est, non in partibus a propria uniueritate abstra-
ctis, conspecta uisa sit!

1645 At sublunarium Terra immobilis, atque immota semper,
& seruari immobilitate, corrumpiq. a motu apparet.

1646 Terra igitur penitus Caelo contraria, ipsi in primis Aristo-
teli uideri debet.

1647 Eidem uerò quàm simillimus sublunaris aër, Terrae con-
tiguus haud penitus dissimilis.

1648 Nec uerò is tantum, ut Aristoteli placuit, proprius ignis
uideatur motus, quo rectâ ad proprium locum, & ad propria
fertur uniuerstatem, & non circularis itidem.

1649 Substantiae itaque uni, & corpori uni nequaquam unus
modò dandus est motus, sed eius, quod mobile est, aequè pro-
prii sunt omnes. quòd uel animalium spiritus corpori inclu-
sus, motus omnis auctor existens, nobis ostendit.

1650 Quid! ignis non aequè omnibus seruari, & uiuificari, ac-
cendiq. uidetur omnibus!

1651 At rectus tantum, & ad superna proprius est, naturalisq.;
reliqui ergo alieni, contrariiq., aut diuersi.

Qui-

- 1652 Quinimmo non scilicet motui ulli ullus uel contrarius est, uel diuersus motus.
- 1653 Quid igitur contrariū motui? Immobilitas, immotiōq. si dicere liceat, uel Aristoteli ipsi.
- 1654 Non ergo proprium esse ignis motum, quo momentaneo minima, & uix sensibilis ipsius particula, alieno genita in loco, ad proprium locum, & ad propriam fertur uersitatem, & non illum, quo perpetuo perenniq. uniuersus ipse in se ipso, & in proprio circumuoluitur loco.
- 1655 Qua in re Pletho nobiscum facit.
- 1656 Nec uerò uerendum est quidquam, ne tanta mole exsuperans calor, frigus e materia omni deturbet, & eam ipse occupet omnem.
- 1657 Ignis uerò ipse humidus rectè cuilibet uideri debet; & non solum humidus, sed aëris etiam ipsius, & rei cuiusque humidissimus. Rideat Peripateticus; at non irrideat, quia ita Aristoteli uideatur etiam, est necesse.
- 1658 Licet non quidem humiditatis, siccitatisq. rationem exponenti Aristoteli, quae illis eueniunt, & quae illae pati aptae sunt, afferenda erant, sed quid ipsae omnino sunt, earumq. substantia; a qua & constituuntur, & ut quae pati uidentur, pati possunt, & ab iis, quae pati non possunt, immunes sint; ponenda.
- 1659 Tamen si paullo attentius intuitus illas foret, dubio procul, quae nobis uidentur, Aristoteli itidem conspectae forent.
- 1660 Nec enim alia ratione a se ipsa diuersè materia disponi potest, nisi quod uel summè in se ipsam conspissatur, uel summè expanditur, extenuaturq., uel medio quodammodo afficitur, unde mollities, uiscositásq.
- 1661 Quod si magis illas aperire, placitum foret, poterat utique humiditatis loco tenuitatem ponere, & pro siccitate crassitiem.

At

1662 At esto; dentur haec Aristoteli; si iuxta ea, quae humido attribuit, siccòq., consideret quis, humidum igne pronū ciet, necesse est.

1663 Aristoteli in primis sublunarium omnium ignis, purus praesertim ille, syncerusq., qui Caelo subiacet, sublunarium omnium mollissimus, maximèq. cedens, humi diffimus uideri debet, non aliis modò omnibus, sed aëre etiam ipso tenuior ipsi uisus, eaq. ratione aërem tenuitate excedere, qua aër aquam, & aqua Terram.

1664 Nec, si propria certè figura igni danda est, Pyramidalis ea sit, sed sphaerica omnino.

1665 Terrae porro summè oppositum, summèq. contrarium esse ignem, quae utrique insunt omnia, & ipsa in primis utriusque manifestat operatio, quibus omnibus summè a Terra dissidere uidetur ignis, & nihilo paene quàm Caelum minùs, Caelo similis, cognatusq.

1666 Itaque ut summè crassa existit Terra, summè opaca, summè nigra, obscuraq., & summè denique immobilis sit oportet.

1667 Ignis contrà, summè sit tenuis, transpicuus; nihil itaque caelestium adspèctum adimat, uel immutet omnino, summè albus purus ipse, nulliq. commistus fumo, summè lucidus, in se ipsum conspissatus collectusq., & summè denique mobilis.

1668 Iis porro, quae dicta sunt, Terrae ignem opponi, ipse manifestat sensus.

1669 At neque ipsi in reliquis fortè; sed in eo tantum Peripatetici dissentiant, quòd & Terrae interdū albedinè tribuūt. quid si quandoque nigredinem!

1670 Quinimmo non iuxta leuitatem, & grauitatem, & iuxta contrarios tantum motus, Terra igni opponi, Aristoteli uidetur, at iuxta motum itidem, quo perenni gaudere uidetur ignis, atque immobilitatem, in qua perpetuò quiescit Terra; quae maior oppositio uidetur.

Quo-

- 1671 Quoniam igitur id omnino a primis corporibus secunda differunt, quod haec non ab integris, purisq., ut illa, constituta naturis; sed imminutis, languentibusq. uiribus praedita sunt; quid illorum singula in reliqua agerent, & quid a reliquis paterentur, uidendum Aristoteli erat.
- 1672 Ignis uerò, & Terrae non actio tantum, summas eis inesse uires, sed passio itidem, seu potius ad patiendum ineptia manifestat.
- 1673 Quoniam igitur alia inuertunt omnia, ab aliis ipsa nullis inuertuntur, rectè proxima corpora Aristoteli posita uideri possunt.
- 1674 Idq. tantum in iis Homini peccatum, quod aquam nullo negotio, Terram uerò longè aegerrimè ab igne inuerti intuitus; hanc ab altero igni communi principio, illam ab utroque opposito constitui, statuerit. quod etiam Galenum in errorem deduxit.
- 1675 Quod item ex igne, & aqua Aristoteli Terra, ac ex aëre, & Terra ignis fiat, neque Aristoteles, reor, nec suorum ullus, eorum alterum factum conspexit umquam.
- 1676 Et si (quod rerum naturam inquirentibus faciendum omnino est) proprias positiones tantisper missas faciant, & res ipsas, earumq. naturas, & actiones, passionésq. inspiciant, fieri omnino non posse, manifestum & ipsis fiet.
- 1677 Quoniam non aliud omnino uideri ignis potest, nisi tenuitas summo calore praedita; Terra item & ipsa non aliud, nisi crassities uideri potest, cui summum inest frigus.
- 1678 Vnde si quid agere ignis, & non calore, & si quae, non frigore, Terra Peripateticis uidetur, ille tenuitate id agere, haec autem crassitie, uideatur necesse est, & uidetur omnino.
- 1697 At uerò, ut ex igne & aqua Terra, atque ex aëre & Terra ignis fiat, numquam reor Peripateticorum ulli uideri poterit.
- 1680 Corpora igitur quaedam prima esse, & ex iis reliqua omnia fieri, rectè antiquioribus omnibus, & ipsi itidem Aristoteli positum uidetur.

1682 At

- 1681 At illud uidendum, num quomodo nobis positum est, rectius, an ut antiquioribus uisum est.
- 1682 Nobis enim a primorum altero exsuperante, secunda constituuntur.
- 1683 Quae igitur singula natura unica, ueluti & prima, constituta sint, idq. a primis differant tantum, quod non integra, uigentq. natura, sed imminuta, remmissaq. sunt.
- 1684 Primorum igitur corporum formis, & constituentibus etiam naturis ab Arist. inuentis, & illorum, & rerum omnium, efficientia itidem principia inuenta esse uideri debuerunt.
- 1685 Esto; & si ita uis, proprium aëris calorem perficiat Caeli motus; ut Peripateticis placet; & prima corpora omnia; calor certè in aëre factus, motum modò a Caelo suscipiente aliud nihil, aëris proprius, non ab eo diuersus, nec eo erit praestantior.
- 1686 Rectè quidem Aristoteli, quae ratione in agendo nulla, nullaq. arte uti, & quae pati & ipsa potest, ea uerè efficiens rerum causa esse posse uisa non esset.
- 1687 At contrà, quaecumque constituta sunt, corrumpi uisa, interirèq., pati ipsum manifestant.
- 1688 Non itaque ex se ipso ratione uti, mensuràq. uideri debet.
- 1689 Ecquid enim agentis substantiae ingenio conueniat minus, quàm agendi uim, propriam scilicet naturam reprimere, cohiberèuè, & se ipsam amplificandi studium deponere, atque appetitum!
- 1690 Quod igitur si aeternum apparet, nihil passum umquam, uel Mundi constructione immutata quidquam, uel rerum quarumuis generatione, constitutioneq. nil obstat.
- 1691 Et si mensura, & ratione agere uidetur, summa omnibus ratione affectis, mensuràq., non ab ipsis fit contrariis agentibus principiis.
- 1692 A quo igitur? Ab illorum moderatore, & uerè omnium principio, nèquaquam tamen illorum immutante naturam, &

uices reprimente, cohibentéq. umquam, sed alia longè diuiniore ratione, & modo.

1693 Vt licèt effusis uiribus, & quantum possunt agant, sese tamen cohibere & ueluti mensura uti uideantur.

1694 Neque igitur sese mutuò perdant, aut imminuāt omnino quid; at longè plurima constituent, longéq. pulcherrima, & eadem semper ratione omnia.

1695 Huiusmodi, DEVS ipse optimus maximus, non obliqua Solis latio, uideatur.

1696 Illa igitur delatus sol, terras illustrat, fouétq. omnes, & omnes animantibus omnibus, & humano etiam generi commodas praebet sedes.

1697 At neque utrumque agens principium obliquae lationi attribui potest.

1698 Quae igitur, quoniam interire, corrumpiq. uidentur omnia, Soli oppositum inueniendum erat Aristoteli, cōtrariūmq. ens, quod a contrario constitutum principio, & contraria praeditum natura, contrariis omnino agens uiribus, quae a sole cōstituta sunt genitāq., perdat, corrumpāq.

1699 Illud item, in quod agens, constituat illa sol.

1700 Ridiculum igitur, accedenti, directōq., solem recedentē, obliquūmq. facere contrarium.

1701 Falsum est itaque, solem accedentem, generationis; recedentem uerò, corruptionis causam, dicere.

1702 Quid, si quò magis recedit sol, cō etiam generare magis teneamus!

1703 Vbi itaque diu directus imminet sol, nullus ibi, aut perrarus emanat fons, planta nulla exoritur, quae passim in temperatis sunt regionibus, & in humidioribus ampliùs, mollioribusq.

1704 Nec uerò huiusmodi aequinoctialis appareat regio, ut scilicet torreat sole directo, quinimmo tēperata, & beata aequinoctialis plaga.

1705 Rectè quidem Aristoteles eorum, quae apud nos fiunt, similitudi-

militudine sumpta, quomodo aër a sole incalescat, inquir-
rit.

1706 At non quidem huiusmodi aër, nec eo a sole pati modo,
qualia quae conteruntur, ac quo pati a cōterente illa uisa sint.

1707 Nullo igitur pacto calorem aëri indere uideri potest sol,
quod illum conterat, diuerberetq.

1708 Nec minùs ignis partes detrudat, nec minùs ad nos usque
illas deiaculetur, & hoc pacto aërem accendat.

1709 Solis itidem color, uel Aristoteli ipsi, igneum illum decla-
rare potuit.

1710 Caelum itaque igneum esse, non solùm sensu, sed etiam
ratione probari, nobis palàm est.

1711 Caelum enim, uel Aristotelis testimonio, longè uelocissi-
mo, & numquam cessante motu circumagi, ideo calidum ei-
dem uideri debuisse.

1712 Corpori itidem nobilissimo cùm nobilissima qualitas de-
beatur, sit, ut Caelum, calidum existimemus, & cò etiam ma-
gis, quod non qualitates modò, sed illae Caelo inesse uiden-
tur, quae caloris maximè propriae sunt, & quae a calore consti-
tuuntur.

1713 Nec Peripateticorùm rationes, quibus calorem, & frigus
substantias non esse putant, quemquam mouere debent.

1714 Et quae igitur in Mundo uniuerso summè a se ipsis distant,
ea tantùm a contrariis primis, summisq., & puris detineri, &
prima omnino esse simpliciaq.

1715 Quae uerò in horum medio spectantur, secunda omnia, mi-
staq., ab iisdem quidem contrariis, & sibi ipsis commissis, &
mutuò a se ipsis passis, effecta uideri debuere. Itaque uisam
Aristoteli? Quid tum!

1716 Nil aliud, nisi in Caelo, & Terra sola summas, & summè
inter se contrarias inesse uires, easdem, at languentes, debi-
lesq. iis omnibus, quae in eorum sunt medio, propterea q. haec
duo esse principia, uel ipsi Aristoteli sua agnoscenti, uideri de-
buisse.

V 2 Quo-

- 1717 Quoniam itaque modus reperiri nullus potest, quo aërem conterat sol, nihil amplius declarandum uideri potest, solem non propterea calorem facere, quòd aërem cōterat; sed quod uerè calidus ipse, atque igneus sit.
- 1718 At si magis etiam id manifestandum uideatur, ex iis, quae calori eueniunt, e caloris nimirum diuersitate, quae quidem summa est; manifestari optimè potest.
- 1719 Cuius quidem discriminum omnium causa manifesta est, si luce agat sol, quorum nullius nulla reddi potest, si calor eius motui, aërisq. adsignetur contritioni.
- 1720 Calor enim in meridionalibus terris longè, quàm in borealibus, & per aestatem, quàm per hiemem, & sole medium Caelum tenente, quàm uel exoriente, uel occidente.
- 1721 Et in aëre itidem crassiore, quàm in tenuiore.
- 1722 Et in planis, atque humilibus terris quàm in adcliuibus, editisq.
- 1723 Et in concauis, quàm in planis.
- 1724 Et in solidis, densisq., quàm in apertis, laxisq.
- 1725 Et in aequabili, tranquillóq. mari magis, quàm in fluctuante coagitatoq.
- 1726 Magnus itidem in lacubus, stagnisq.
- 1727 Et summus, ubi densum quid, & quod lux permeare minimè possit, luci opponitur; eóq. amplius si id leue sit, tersumq., & concauum.
- 1728 Et nihilo fortè minùs, ubi solida quaedam, rotundaq. pertransit.
- 1729 Discriminum horum omnium, & aliorum mille causa omnibus philosophis reddenda omnino iuxta proprias positiones.
- 1730 Peripateticis quidem, quoniam calor a sole aërem conterente fieri uidetur, ibi magis aër conteri, ubi maior fit calor.
- 1731 Nobis uerò, quibus lux illum facere uidetur, ibi robustior illa esse, uel copiosior.
- 1732 Solis, atque ignis; rerum uidelicet, quibus & summus, & per-

perfectus inest calor; propria lux. Quae calida, uel ab illis separata, percipitur, non modò caloris summi, perfectiq. species, sed calor ipse, ea uideri potest.

1733 At ut species modò existat, ubi multa in unum ipsa colligitur, calor itidem; cuius species ipsa est, & quo calefacit; multus & ipse fiat necesse est.

1734 Copiosior porro ibi sit lux, ueluti & calor, ubi tenuitati inditur uel crassiusculae, uel in se ipsam conglobatae.

1735 Sese enim generandi, multiplicandiq. facultate, praedita lux, ueluti & calor, tanta & ipsa in materia quauis sit, quantum ea illam capit. Et manifestè, quò in crassiore, accensa est re, eò & calidior, & splendidior fieri uidetur. Nec in infinitum id tamen, sed dum crassitiem, cui inditur, sustinet, exsuperatq.

1736 Et quae ualde tenui rei inditur, ea nec calefacere, nec ui sum mouere uidetur. At summa in tenuitate, plurima colligi potest lux.

1737 Nec tamen, agentium more naturarum, quamuis rem subit, ei ut propriae materiae haerere, tantaq. in ea fieri, quantum capere ea potest, uidetur lux.

1738 Nusquam igitur, uera quae existit lux, summáq. nisi in solo conspecta igne. Itaque si Solis propria uisa sit, liquidò calidum ipsum, atque igneum manifestet.

1739 Motum manifestè non caloris partem ullam; sed eius operationem esse, summè illam quidem caloris propriam, & a caloris omnino substantia, ingenioq. fluentem, & sine qua seruari nequeat calor.

1740 Sed aliam omnino a caloris substantia, & a calore ipso, & quam a calore, seiunctam, separatamq. intueri, & frigidis etiã indere liceat rebus.

1741 Nulla porro ignis, aut caloris ullius existens pars motus, nec etiam illi inhaerens, minimè illum perficere uideri potest.

At

1742 At quibus motus datur, caloris itidem iis; a quo solo provenit, motus; substantia, ingeniumq. indatur necesse fit. Ergo imaginari liceat, calorem a non calido motu fieri posse.

1743 Lux contrà, igni, perfecto nimirum calori, penitus inhaeret, penitusq. infixa est, & ab eo separari, uel alia in re fieri modo nullo potest.

1744 Quin & ipsa perpetuò caloris consequitur casum, cum eo scilicet exoritur, uigétq., & languet cum eo, & cum eo etiam interit.

1745 Itaque si non calor ipse, eius cerrè, ut dictum est, species, & uelut adpectus uideri possit.

1746 Et eius itaque perfectio esse, nō quòd ab ipsa, ueluti a motu, a calore distincta, bonum quidpiam ei eueniat; sed quòd ibi tantum colori accedit, ubi perfectus is fit.

1747 Tamen non lucido modò corpori, calorq. inhaerens, sed quàm longissimè ab eo profusa, calida sentitur tamen. Non itaque pacto ullo imaginari liceat, non calidam ipsam esse.

1748 Auerroës itaque falsò talem quandoque putauit. At si idè calidam enunciauit, inuitus quidem, & a re coactus tandem, & ab ipsa admonitus ueritate.

1749 Neque enim natura agens ulla, materiae dispositionem & sequitur; ibi nimirum fit, ubi eius ingenio concinna illa facta est, propriaq., sed ipsa agens natura se ipsam materiae, tum co dispositionem etiam, qua gaudet, indit.

1750 Vt si calor a luce, & tenuitas indi uideretur, calor omnino illi inesse, & summus is uideri debeat; cuius scilicet propriū subiectum tenuitas est.

1751 Quoniam itaque lux non, quocumque modo reflectatur, aequè calefacit, sed eò assidue magis, quò magis in seipsam reflectitur; sibi ipsi nimirum unitur magis, & ignis ibi instar exurere, ubi directà in se ipsam refilit.

Apro-

- 1752 A propria ergo omnino substantia, & propriis uiribus, nō a reflexione adsumptis, calefacere uidetur.
- 1753 Neque enim aliud magis a reflexione recta, quā ab obliqua luci aduenire uideri potest; nisi quōd in illa, ueluti duplex facta, propriis itidem uiribus duplicatis donata est; secus omnino, ubi summē obliqua reflexio fit.
- 1754 Quoniam igitur nō motu, sed luce calefacere uidetur sol, & lux calida uisa est, & Solis propria, ab ipsoq. emanare sole; necessariō & sol ipse calidus uideri debet. Stellae itidem reliquae, orbēsque uniuersi.
- 1755 Si quidē & sol ipse, & stellae omnes orbibus, in quibus continentur, & quibus cum circumuoluuntur, eiusdem omnino naturae, substantiaeque uideri debent.
- 1756 Stellas in corpore illas, & nequaquam a propria substantia dissimilis contineri.
- 1757 Item & quod Caelo subest spatium, corpore itidē repletū esse Caelo simili, cognatōque, ratiocinari licet.
- 1758 Caelum itaque ipsum eiusdem illis esse substantiae, statuēdum esse censemus. Nec, ut illas, calefacere, nec lucere, nec uisile omnino esse, ratione tuebimur noua. Quod & ipsum summa donatum esse tenuitate, ratiocinabimur.
- 1759 Caelum itaque iisdē omnino uiribus, eadēque stellis specie donatum esse uideri potest.
- 1760 Nec propterea uel Stellae reliquae, uel sol ipse uel uerē solidus, renitēsq., uel in crassitiem omnino ullam actus uideri potest; quam scilicet summē auersatur calor, & quae uel perexigua lucem foedat, & pro alba puniceam facit, flauāque.
- 1761 Candidus itaque conspectus sol, e tenuitate omnino cōstitutus uideri debet, at ita in seipsam conspissata conglobatāque, ut summus in eo calor, purissimāque uigeat lux, qua & illustret, & uiuificet omnia. Neque est cur summus eius calor explicare illam uelit.

Non

- 1762 Non itaque alia subiecti dispositione aequè gaudere uide-
ri potest calor, quàm quae Soli tributa est; pura nimirum, syn-
ceràq. tenuitate, at in se ipsam eò usque conglobata, dum ni-
hil calorem suffocet, uel lucem etiam foedet.
- 1763 Ergo si parum quid magis conspiceretur, si calor non suffo-
cetur, lux certè obscuretur quid. Si magis explicetur, & calor
languet, & lux.
- 1764 At licèt densus appareat sol, non tamen non ex solo com-
poni uideri debet igne, sed e Terra etiam, a qua soliditatem
habeat, ut Timaeo, philosophi eminentissimi Telefii conterra-
neo, Platoniq. placet.
- 1765 At ut solem & calidum omnino ipsum, atque igneum sta-
tuamus, non sensus modò, & humana ratio omnis manifestat,
sed sacrae etiam diuinae litterae testantur.
- 1766 Nónne Dei optimi maximi ministros, igneos appellant!
Quin quod supremum est Caelum, empyriū uocant. & Deus
ipse, ex ignea columna Moysen allocutus.
- 1767 Propterea igitur mouetur Caelum, quòd calidum igne-
umq. est. Circulari porro mouetur motu, non tantum quia hic
motus aliis perfectior, sed alia non uulgari ratione.
- 1768 Minimè tamen, sciatis, illud umquam profiteamur, caele-
stia uidelicet omnia, aut pleraque, aut multa esse nobis nota,
diuinà constituta sapientia, longissimèq. a sensu remota: Cae-
li nos naturam, substantiamq. in sole inspexisse contenti; quae
se se ipsa nobis manifestauit, sentiendamq. praeuit apertissi-
mè; & ipsam operationem, & ipsam sensu perceptam, & pro-
priae conformem naturae, & pauca quaedam talia.
- 1769 Cetera, quae longè supersunt plurima, & longè scitu di-
gnissima, ne inquirenda quidem uideri debent, ut quae homi-
ni innotescere nullo queant pacto.
- 1770 Nec ob id eorum, quae diximus, rationem reddi non pos-
se negamus.
- 1771 Quod cum ita sit, sciscitor, si propterea mouetur Caelum,
quòd calidum est, & motus propria est caloris operatio, quae
cali-

calidiora sunt, nonne uelociore ea motu opus habent? Ratio-
ni sanè congruum.

1772 Calidissimis itaque orbium partibus celerrimum cōueni-
re motum; Soli nimirum, stellisq.

1773 At uel longè fortè orbibus calidior uisus sol, non fortè ue-
lociùs moueri opus habet.

1774 Quid si idem omnino Solis, qui orbium, fortè est ca-
lor!

1775 At si copiosior in sole factus, robustior etiam factus est ca-
lor, uelociore igitur indigebit motu. Esto; & iam multò quàm
orbis uelociùs moueri uidetur sol.

1776 Nō itaque ab illo sol modò circūducitur, sed ipse per se, &
longè quidem rapidissimo circumuoluitur motu.

1777 At non circumuoluitur luna. Ita uerum esse non diffite-
mur.

1778 Stellae reliquae, si non & ipsae Solis lucent luce, & pro-
priis orbibus calidiores, uelociùs moueri appetunt. Circum-
uoluuntur igitur & ipsae, ueluti sol.

1779 Polis proximae partes non usquequaque immobiles,
non proprio tantum, sed a primo etiam delatae, circūactaeq.
omnes.

1780 Quin non reliquae modò orbiū partes moueri uideātur,
sed ipsi etiam reliquorum orbium poli.

1781 At neque primi fortè immobiles & etiam ipsi huc illuc a-
guntur.

1782 Quid enim non & primo is etiā, uel ei similis cōueniat mo-
tus, qui nuper in stellato deprehēsus est Caelo, trepidationis,
ab eius inuentoribus dictus!

1783 Sphaerico certè existēte Caelo, & circulari circumuoluto
motu, quale esse, & quo moueri oportuit pacto, nec aequè om-
nes ipsius moueri quēar partes, nec fortè necesse sit; quae scili-
cet a proximarum partium motu, ac calore seruari, foueri q.
possunt; omnibus certè illum, quo opus habent, tributum esse
dubitare minimè licet.

X Quo-

- 1784 Quoniam igitur propria natura mobile uidetur Caelū, & a propria moueri substantia; nequaquam abstracti, seperatīq., atque immoti motores indagandi sunt. Quos intelligens, appetēsq., & quibus simile fieri studens Caelum, motu circumuoluatur aeterno.
- 1785 Quod autem dubitatum est ab aliis, a quo nam moueantur quae natura mouentur, non animata corpora: &, neque a seipsis, decretum est, Quia uitale & animatorum proprium, ridiculum apparet.
- 1786 Quin horum, ignis uidelicet, & multo etiam quā anima lium, magis proprius uideri debet.
- 1787 Omnibus enim moueri apta, mobilia entia, eo solo assidue mouentur, quo moueri opus habent, & quo optimè moueri, maximèq. oblectari possunt.
- 1788 Illud etenim quam longissimè abesse uideri debet; motus scilicet ut passio uideri possit, proprius qui existit, naturalisq.
- 1789 At si motum quandam passionem, teneamus, pugnantia non loquemur. At neque in aliud actio uideri potest motus.
- 1790 Verū motus ipse operatio est; Et sola fortè nobilissima certè, maximèq. suprema, & rectè ab Aristotele ipsi assignata Caelo.
- 1791 Et quando nec Aristoteli quidē, quae mouentur natura, uerè ab alio moueri uidentur, sed fieri modò, aut ab impedimento liberari; quae natura mouentur, omnia a seipsis moueri ponamus.
- 1792 Et multò Caelum ampliùs, quòd neque ab alio Aristoteli generatur, & cuius motus a nullo retardari, aut impediri potest.
- 1793 Neque enim quae natura, & a seipsis mouentur, quae num rota a seipsis moueantur, inquiritur, & cuiusmodi ignis quiuis sublunaris praesertim, & Caelum ipsum apparet, ab alio ullo deferri sed moueri, & uerè, dicitur id ipsum.

Non

- 1794 Non amplius itaque, & quae ex seipsis, & natura mouetur, & quae itidem natura ipsa immobilia ab aliena agitantur ui moueri utraque eodem dicantur pacto.
- 1795 Quid nonne idem secundum idem impelli, & impellere, penitus uideatur impossibile! Neque enim quae in proprio loco, & in se ipsis circumuoluuntur, ea locum mutare uideri possunt.
- 1796 Non solae scilicet uoces; si rerum naturam inspicere propositum est; audiendae sunt; quae temere interdum posita, uel perperam perceptae, in multos nos iniiciunt errores; neque certè solae ipsae aperire illam satis possunt; sed multò prius, multòq. amplius res ipsae, earumq. operationes, facultatesq. inspiciendae, & tales utraeque ponendae, quales esse uisae sint.
- 1797 Rerum itaque aliae mobiles sui natura, aliae uerò immobiles; & has ab illis gestari interdum, impellue, illarum contra, motum cohiberi ab his interdum, retineriue statuendum.
- 1798 Immotum uerò quod est, alia impellere, aut sese mouendi facultatem aliis praebere, efficiens omnino motus causa esse, quae ab Aristotele inquirebatur, minimè unquam, ut quod minimè unquam uisum est, nec fieri posse, imaginari licet.
- 1799 Mouens igitur non sui desiderio, aut odio mouens, quale hic, non inquitur, & quod immobile esse, animatumq. nihil prohibet; sed quod efficiens sit motus, immotum nullum. Quae uerò a seipsis mouentur tota, a se ipsis totis mouentur.
- 1800 Nec uerò corporum, finitumq. Caelum, quò seper moueatur, incorporeo opus habet, immotumq. motore, a quo longè robustissimo, penitusq. immutabili senescens, aut ueluti dehiscens refarciatur. aut ab assiduo motu debilitato robur subministretur, aut dirigatur motus.
- 1801 Nam ipsi in primis Aristoteli numquā aegrotare, senescere numquam uidetur Caelum.

- 1802 Non igitur ut aeterno, atque infinito tempore aliquid sit, & tempore ut infinito iuxta propriam operetur naturam, humana quidem ratione incorporeum id, uel infinitum esse oportet, uel alio huiusmodi opus habere.
- 1803 Sed quantulumcumque existat, a contrario modò nihil patiatur, immutetur nihil, per se aeternum sit illud, & numquam a propria cesset operatione; nullius ad eam edendâ opera indigens aut ope.
- 1804 Quoniam igitur numquam a motu cessare, uel defatigari uidetur Caelum, non e duplici & ipsum substantia, & ex immobili altera, ueluti animalia, compositum uideri debet.
- 1805 Vniuersum itaque ipsum mobile, & spiritus substantiae quàm simillimum.
- 1806 Sed quid si motus etiam ipsi Aristoteli, Caeli est opus, & propter motum insuper sit Caelum!
- 1807 Neque igitur perperam Auerroës, caelestes orbes a motoribus moueri adserit, & sui ipsorum gratia, & formarum insuper materialium.
- 1808 Terrae uerò partes nequaquam sponte sua, propriòq. deorsum moueri ingenio, sed decidere magis, & pati quodâmodo, sustinere sese impotentes.
- 1809 Quòdque non a frigore fortè magis, quàm a crassitie; a materiae nimirum copia, habere uideantur.
- 1810 Ergo terrae partium descensus, non motus, atque operatio? Quid ni! Potius casus delapsusue, & passio quaedam uideri debet.
- 1811 Quod uel ab igne ipso, & ab ipsis etiam flammis in crassiusculis accensis rebus, deorsum delabentibus, nobis palàm fieri potest.
- 1812 At Terra nōne in sublimi sustineri uidetur? Ita. Mouetur itaque? Non sequitur: ad contrariū ne declinabit!
- 1813 At neque qui motus assiduè magis cōcitur, naturalis is, pro-

propriusq., sed praeter naturam omnino uideri debet.

1814 Nec si quidem in eo a naturali uiolentius differet, quod hic assidue magis languescat, ille uero assidue ueluti robur sumat, & magis concitetur.

1815 Sed quod perpetuo idem est, nihilq. uel remittitur, uel concitatur umquam.

1816 Causam uero cur grauium delapsus non uniformis sit, sed magis assidue concitetur, summe illam anxie inquirentes Peripatetici omnes, nullam, ut uidetur, hucusque reddere poterunt. At uero illa eadem iuxta ea, quae a nobis exposita sunt, manifestissima esse uidetur.

1817 Quoniam uero neque quod inalteratur, immutaturq., ab immutante quid recipiat, agenteq., quod eius proprium non sit, nobilius praefertim, praestantiusq.; quae prima habent corpora, & ex ipsis constituta, compositaq., quouis constituentur modo, uel caloris uideri debent, uel frigoris propria.

FLVORES, ENTIA.

1818 Tametsi tot gradus ex crassitie ad tenuitatem esse significauimus, Lentorem tamen, & mollitiem, uiscositatēmq. uel puras, syncerasq. esse, uel crassitiei, fluorisq. commistione factas.

1819 Ergo crassities, tenuitasq. coire iungiq., & simul esse poterunt? Quid ni! Et tamen calor, & frigus nunquam simul? Numquam.

1820 Et puras quidem, syncerasq. a calore quouis, uel summis praedito uiribus, fieri posse tenemus. At bene uniformis sit calor oportet.

1821 At a calore quouis fieri cum possint, commodius a languidiore fieri uidentur.

1822 Et puro omnino lentore donata quae sunt, & mollitiae, uiscositatēq., cuiusmodi aurum uidetur, a calore huiusmodi, languen-

languente nimirum, lentóq., & bene uniformi, facta uidentur.

1823 Vnde aurum ab igne liquefactum, nihil, aut insensibile quid imminui uidetur.

1824 Haec tamen pura fieri a calore quouis, at commodius a languidiore, dum e bene similari re fieri dignoscas.

1825 At impurae quae sunt, crassitiei, fluorisq. commistione factae, e re omnino dissimilari, & a calore quocumque etiam.

1826 Ceterum contrario ordine fieri uideri debent, ut languidior lentorem primùm, si copiosior tenuiorq., mollitiem, postremò, & uiscositatem faciat.

1827 Vehemens, contrà, fluorem in uiscositatem, & uiscositatē in mollitiem, & mollitiem in lentorem, & lentorem in crassitiem agit calor.

1828 Huiusmodi, porro, & debioris, & robustioris caloris indissimilari actiones, & tales dictas esse dispositiones, uel oua, quae elixantur, uel quae assantur carnes declarant.

1829 Porro si in tenuitatem crassities agatur, in medias dispositiones agenda est omnes.

1830 At tamen non omnia, quae e crassis tenuia sunt, in medias dispositiones agi uidentur.

1831 Viscositas etiam, quae praesertim e dissimilari fit re, languentis, magis quàm uehementis caloris opus uideri debet.

1832 Quinimmo & quae a uehementi fieri uidetur, a languente omnino fieri tenemus.

1833 Languentem itidem calorem ad crassitiem, uel summam, in fluores inuertendam satis esse, ipsi satis declarant fluores in profundioribus Terrae partibus enascentes, & metalla paulò minús,

1834 At bene diuturnus sit calor oportet, & qui non diu modò, sed assidue agat, & multum se omnino rebus, in quas agit, indat, hoc est sui copia exsuperet.

Et si

- 1835 Et si (ut dictum est) caloris cuiusvis opus fluore, & a uehementiore promptius faciliusq. fiat; at non a summo tamen fieri affirmamus.
- 1836 Quod de fluore diximus, idem de tenuitate dicendum esse tenemus.
- 1837 Vt tenuitas postremo, quae uera, & summa uideri potest; quae scilicet non cedit modo, sed latet etiam tactum, & non in se ipsam conspissata, uisum fugit, uel a languente etiam calore effici posse uidetur.
- 1838 At uel summus, integerrq., & penitus crassitiam exsuperans, ubi in dissimulare agit ens, non puram illam facere; sed minutissimis quidem rebus, & longè illis crassissimis commistam, quae fuligines dicuntur, uidetur. & eò etiam plures, quò uehementior sit calor, ingenerari uidemus.
- 1839 At contra, ubi non tantis uiribus agit calor. & ubi insuper non diu agit, cineres etiam facit, minutos quidem & ipsos, at bene crassos.
- 1840 Cinis itaque crassities est, quae ab igne inalterari quidè, at non inuerti potuerit.
- 1841 Calor igitur unius opifex tenuitatis, crassitiei itidem opifex uideri potest.
- 1842 Quoniam de uniuerso calore, ac materia diximus, illud tamen sciri uolumus, quòd nec materiae, rerumq. similitudo, nec caloris aequabilitas uera, exquisitaue ente in ullo, aut ulla in entis cuiusvis constitutione haberi potest.
- 1843 Sol igitur non erit idem? Immo nullo temporis momento idem permanet.
- 1844 Nulla itaque similis existit uerè res, & calor nullus uerè uniformis!
- 1845 Quae igitur erit similis res? Ea profectò, isq. uniformis calor uideri potest, quae dissimilis, & qui difformis non apparet.
- 1846 Quae ergo ab hoc solo, atque uniformi calore, & e simili
ri in-

- ri insuper materia constituta uideri possunt? Quae & sibi ipsis similia uidentur uniuersa, & quae dispositionem nata sunt, caloris actioni propriam.
- 1847 Quae haec sint, clariùs explica. Quae tenuia sunt, uel fluida, uel lenta, uel alba, tenuitatis omnino, & eorum, quae tenuitatis propria sunt, participia.
- 1848 A quae itaque tantum erunt hae?
- 1849 A quae nimirum omnes, & omnes omnino fluores, & quae e fluoribus, a calore diutius agente conspissatis, compacta sunt, si non a uerè uniformi calore, at ab eo omnino, qui parum ab uniformi differat; & si non e uerè simili re, at quae ad similitudinem proximè accedat.
- 1850 Qui uerò fluores calore, tenuitatēq., & iis omnibus, quae tenuitatis sunt, exsuperant, ii & a robustiore calore, & e Terra magis inuerti se sinente, effecti sint oportet.
- 1851 Crassiores uerò contrā, frigidioresq. a calore debiliore, & e magis repugnante Terra effecti uideri debent.
- 1852 Quid! non ne dari possunt, qui calore quidem exsuperet, tenuitate uerò exsuperentur? Possunt.
- 1853 Et id quidem, quod marinis ad fontanas aquas euenire apparet.
- 1854 Crassiores itaque multò, multò etiā calidiores aquae marinae, fontanae contrā.
- 1855 Eorum uerò, quae e fluoribus efficiuntur, multò alia tenuiora, at non alba tamen, ut gemmae multae, quae transpicae quidem, puniceae, uiridesq. sunt. Alia uerò e contrā, alba quidem, at non perspicua, cuiusmodi lapides multi.
- 1856 At uerò e fluoribus a calore conspissatis ea omnia compacta uideri debent, quibus ea insunt, quae maioris tenuitatis propria sunt, quā qua praedita sunt ipsa.
- 1857 Ossa igitur animalium hoc pacto effecta uideri debent, & ea omnia, quibus solidis inesse apparet albedo, e tenuitate, inquam, in se ipsam conspissata compacta sunt.
- 1858 E semine enim, dubio procul, ossa constituta esse tenemus, & non

& non ex eo a frigore gelato.

- 1859 Sal itaque (& quae sali similia sunt) eodem pacto concretū uideri debet.
- 1860 Argentum uerò cum non modò album, sed candidum, nitidūq. sit? E fluore.
- 1861 Neque candor, nitōrque, qui argento inesse apparet, crassiori, quàm fluor est, rei indi posse uidetur.
- 1862 Et metalla igitur, nec ea tantum, quae argenti similia sūt, sed reliqua etiam omnia, non si quidem alio, quàm quo argentum fit, fieri reliqua, existimare licet.
- 1863 Quae uerò bene quidem calida, ac minimè alba, minimèq. transpauitatis, ac ne lentoris quidem participia apparent, a robusto quidem calore, & e fluoribus facta uideri debēt summe dissimilaribus.
- 1864 Sunt uerò & quae calida quidem, & dura, densaq., & nequaquam tenuitatis defectu, sed eius ueluti nodo, cuiusmodi quae a frigore gelantur, talia a calore quidem constituta uideri debent.
- 1865 A calore, inquam, si quidem calida, at non solo, sed a frigore etiam uel ueluti per uices agente, uel caloris actionem excipiente, & fluorem a calore factum ueluti ligante, compingentēq.; inexistente calore, minimè inde ciecto, & nihil omnino uel modicum quid passo.
- 1866 Talia porro uideri possunt & quae bene aequabilia, & bene leuia apparent: nam quae a calore duritiem adsumunt, inaequabilia, durioraq. fieri uidentur.
- 1867 Quae uerò transspicua sunt, densaq., & frigida; cuiusmodi & gemmae, & lapides etiam nonnulli; caloris quidē actione tenuia primū, fluidaq., mox, calore extincto, a frigore gelata, occupatq. uideri debent.
- 1868 Et talia, quae sunt, dicto modo constitui, glacies declarat, crystallūmq., quod e glacie confectum uideri potest.

Y Aquas

AQUA.

- 1869 Aquas porro nullas a frigore constitutas esse, & nullas omnino esse frigidas, aquarum omnium generatio, constitutioq., & earum actio, passioq., & ipsa amplius manifestare poterit operatio.
- 1870 Quae siquidem e nubibus fiunt e uaporibus, e calida omnino re omnes Aristoteli etiam fiunt, in se ipsam coacta, spissataq., aliud passa nihil.
- 1871 Nullae itaque pluuiae, dum non in unum coeunt uapores; at ibi semper, ubi in se ipsas coactae sunt nubes, & in se ipsos spissati uapores; seu id, loci angustia, seu uentorum ui, quicumque demum fiat occasione, uel in summe etiam calido ambiente.
- 1872 Nec certe si ad aquarum generationem conspissatio sola satis non sit, & frigore etiam opus sit.
- 1873 Tum ad uapores, in aquas cogendos, conspissationem satis esse, nullius ope indigentem frigoris, uel ipsis intueri licet oculis.
- 1874 Vbicunque uidelicet quacumque occasione in se ipsos spissantur, in ualde etiam calidis rebus, nec uapores modo reliqui, sed fumus etiam ipse in aquas crassescit.
- 1875 Neque enim aliud uideri aqua potest, nisi uapor in se ipsum conspissatus. Veluti neque uapor aliud, nisi adtenuata aqua.
- 1876 Aquarum item constitutio omnis, minime frigidas aquas declarat: nam si Terram ipsam, ut nobis placet, in aquam inuertit sol, nulli dubitandum sit quidquam, nec summe frigidam, nec frigidam omnino esse aquam.
- 1877 Non itaque frigus in his sit summum, quale aquas Aristoteli constituit.
- 1878 *Aquam omnino, calidam, ponimus; eaq. frigidiorum esse Terram, pro certo habemus*: Id quod annis superioribus tutatum sumus. Quod quoniam nouum, uelutiq. a me ortum uidebatur, mirum, quos cachinnos excitarimus cuidam asino non solum ad nostram hanc, uerum etiam ad Aristotelis Peripateticam

cam lyram. qui cū eorum uerborum sensum percipere non posset; at se tenere probè, opinaretur; me, omnino calidam aquam pronunciantem, calidissimam, hariolatus est, eam declarauisse. Quaesio, iterum in litterarii ludi puluere se exerceat.

1879 At neque actio ulla, quae nimirum, uel liberalissimè epota, nullum animalibus malum infert.

1880 Nec uerò linguam constringit quidquam. Nam Galeno; & rectè; sapor, si quid aliud, rei cuiusuis naturam manifestare uidetur.

1881 Nec solum nulla aquae actio magnum ei inesse frigus, declarat, at neque passio ulla; quae nimirum feruens facta, & magno donata calore, tantum abest, ut corrumpatur, uel aqua cesset, ut magis aqua fiat.

1882 Propria itidem operatio, non modò non frigidam declarat aquam, sed calidam omnino; quae cū motu seruari uisa, calida omnino uideri debet.

1883 Aqua deinde ignem quidem, licet extinguere uideatur copiosa in eum iniecta, at in aquam agere; frigus uidelicet illi indere, & crassiusculum facere, uisa certè est numquam.

1884 At oportebat passim ubi mole exsuperat, uel nihil illi commista, nihilq. illum contingens, nihilq. segniùs, quàm ab igne ipsa, nihil ab eo contacta, uel in igni proximam rem, uel in ignem omnino, diuturniorem eius morata actionem, agi uidetur.

1885 Minus etiam terram aqua inuertit: at ab igne tamen in aquam terra inuerti apparet.

1886 Non igitur e lignis modò accensis, sed e saxis effluere illa passim uidetur: ut dubitare nihil liceat, Terrae, atque ignis mediam esse aquam, & secundum omnino corpus.

1887 Quinimmo neque aërem inuertendi potens aqua uideri potest.

1888 Solus itaque Ignis, & Terra sola, prima corpora.

AER.

1889 At non & aëri itidem, atque aquae commune possumus

Y 2 prae-

praebere principium, ut Aristoteles; si quidē ignis nullus ab aëre inuerti uisus est umquam.

1890 Terra itidem nihil omnino ab aëre pati uidetur, sed quantaluis eius glaeba in aëre quantouis perpetuò seruari.

1891 At neque aquam, uel succum omnino ullum in propriam agere naturam uidetur aër, nisi uel a sole, uel a Terra, cōtrario sit affectus modo.

ANIMALIA.

1892 Ergo quae e diuersis partibus manifestè composita sunt; cuiusmodi & animalia, & plantae uidentur; e materia omnino ualde dissimilari confecta esse uideri debent.

1893 Quo uerò a calore? Ab uniformi, & perblando.

1894 Quam enim tenuitatem calor ipse, & quem ingenerat spiritum, uel e non durare minimè illum educit.

1895 Non igitur mirandum, quod diximus, solem ipsum sūmè calidum, in frigidissimam agentem Terram, Terrae partes inuertere, & calore quodam omnes, & quadam donare tenuitate. quin & quas etiam benè calidas, & benè tenues facit, in calidissimos, tenuissimósque agit uapores, & in ipsas animalium animas.

1896 Nec uerò de humana etiam anima id dictum existimet quis, quam a Deo ipso in singula hominum corpora infusam esse, non sacrae tantum diuinæ litterae; sed; ut aliàs, Deo ipso fauente, disputabitur; humana etiam ratio nos docet: at de ea modò, quae e semine educitur, & quae agentis naturae opus uideri potest.

1897 Ecquid enim aliud sunt animalia (ut aliàs latiùs, Deo dūce, disputabitur) quàm spiritus proprio integumento, proprioque inclusus organo?

1898 Quae itidem a semine fiunt, uel non e singulis corporis partibus eo proueniente, & nequaquam iis praedito partibus,

bus, quibus quae ex eo constituuntur, animalia donata uidentur; a simili tamen fieri, manifestè nobis uidentur.

1899 Vteri ergo calor; qui (ut aliàs dicemus) praecipuè in animalium constitutione, opificis uicem subire uidetur; & semen ipsum, & femineum sanguinem, & spiritum in semine confecto attractum bene, utrumque uarium, uariè immutat, uarias utrique substantias, & uarias species, variâsq. indit dispositiones.

1900 Quin & ignis; qui motu, & duorum corporum adritu fit; & ipse a simili fieri uidetur.

1901 Quem eundem a motu factum, a propria caloris factum operatione, ac substantia, existimamus.

1902 Tametsi propriae conseruationis, & proprii boni sensum naturis agentibus datum confitemur, at non eundem tamen utrisque, sed longè calori exquisitiorem, ut spiritus, animalium corpori inclusus declarat.

1903 Quò igitur quis calidior, eò usque, sensu praeditus exquisitiore, eòq. stupidior, quò frigidiori, seu natura tales sint, siue etiam morbo, aut occasione alia quauis.

1904 Rectè ergo Galenus, furentes, & iracundos, caloris abundantia; graues, & pigros, temperaturae frigiditate fieri.

1905 Nil itaque sensus aliud, quàm propriae passionis perceptio, uideri potest.

1906 Nec uerò quòd organa, quibus sentire animalia uidentur, reliquorum nulli data sunt, sola propterea animalia sentiendi facultate praedita uideantur; entia uerò reliqua eius expertia esse omnino.

1907 Non igitur quòd organorum est munus, operandi, sentiendiq. facultatem, aut etiam facilitatem, sentienti animae sensoria praebere uidentur.

1908 Praestant tamen illud, ut scilicet sensilium actiones admittant, uel non ualenter repellant.

1909 Non itaque organa esse, sine quibus aut nihil omnino, aut aegriùs sentiat quid?

Sunt

- 1910 Sunt tamen uiae omnino, atque aditus, quibus exterarum rerum actio, & res ipsae ad inexistentem, & uerè sentientem deferantur spiritum.
- 1911 Vt enim sensus animali fiat, ad spiritum ipsum sensilis actio perueniat, & in ipsum agat spiritum necesse est.
- 1912 Quo fit ut ibi omnino sentire animal uideatur, ubi ipse patitur spiritus, alibi nusquam.
- 1913 Quare qui in animali fit sensus, non uniuersi est corporis, sed neruosi modò generis; quin neque huius omnis, sed spiritus, qui illi inexistit.
- 1914 Ceterum ualidas, & uigentes caloris, frigorisque uires quauis corporis parte animal percipere tenemus, atque ibi exquisitiùs, ubi copiosior adest, & minùs obtegatur spiritus.
- 1915 Languentes uerò easdem, & ueluti stertentes, demortuasque, quales quae cibus in existunt, apparent, uix in una.
- 1916 In spiritum, modò mollissima contactus sit re, uel languidissimae illae agere uideri debent.
- 1917 Neque igitur in spiritum odores, aëris nimirum affectiones, uel lux agere poterunt? Nimirum.
- 1918 Ad ipsum itaque oportet ferantur spiritum, nullis contactum neruis, cute nulla, & ipsi omnino immisceantur spiritui.
- 1919 Quare non aliud uel narium meatus, uel summè transspicuae oculorum tunicae praestare uidentur, quàm subeunti modò aëri patentes illi, & luci hae peruiiae, ingredientibus ipsis praebere iter.
- 1920 At neque aures aliud quidquam, sed aërem modò ad ipsas delatum excipere, & seruare unitum, diffundi disparique illum, & qui in illo factus est, motum prohibentes, qui, spiritui communicatus, sonus apparet.
- 1921 Entia uerò reliqua nullo donata tegumento, sed quod uidentur, exsistentia, proprias ut percipiant passiones, nullis habent opus tegumenti foraminibus.

DEVS

DEVS OPTIMVS MAXIMVS.

I

DEVM porro esse, & rerum omnium conditorem, non Caeli motus, appetitusq., sed is eius motus, eaq. eiusdem a Terra, manifestet, distantia; quibus prouisum uidetur, vt longè etiā exsuperans Terram sol, nullam tamen eius partem exurat, & nullam non illustret, viuificetq., nulli demum sua non largiatur bona: & admirabilis Caeli ipsius constructio; tum reliquorum entium, animalium praesertim paullò minùs.

II

Hanc certè constructionem intuitus qui fuerit, quantumuis ferus, impius, caudex, stipes, plumbeus, ac stupidus etiam fuerit, nequaquam fortuitò, aut casu factam esse, suspicari aut queat, aut uelit; sed verè DEI ipsius consilio.

III


Eius substantiam, aut alias inquirere operationes, non arrogans magis, quàm stultum uideri potest; ut quae homini innotescere nullo modo possint. Quae de se sciri uoluit, ea nobis ipse manifestauit DEVS. Iis contenti, nequaquam nostris alia uiribus, aut humanis inquirere audeamus rationibus: quae scilicet longè animi nostri aciem exsuperent, longèq. sint lucidiora, quàm quae humanus intueri queat oculus. Ibi spero inspicenda omnia, ubi corpore exsolutus animus, ad ipsum, unde profectus est, euolarit DEVM: Cui sempiterna laus, & gloria a nobis debetur in secula seculorum.

ANTO-

ANTONII PERSII

POSITIONES

PRO ARISTOTELE.

- 1922  Eenerationem omnē a simili esse, quique sapien-
tes; quia omnia quaecumque fieri uidentur,
a simili facta dignorunt; protulerunt.
- 1923 Naturas uerò, a quibus talia cōstitui, antiquio-
ribus uisa sunt, minùs declaratas esse comperimus.
- 1924 Et Plato quidem; nihil hic intuitus, cui plantarum, anima-
liumq. sponte sua enascentium constitutionem adsignare pos-
set; rerum omnium ideas, similitudines nimirum, & agentes
eas constituentēsq. esse opinatus, e quibus singulis singula con-
stituentur entia.
- 1925 Remotissimam attamen, obscurissimamq. rem, & fortè
minimè Naturali afferendam; cuius cognitio omnis a sensu
pendet. Iure igitur passim ab Aristotele reiectam explo-
samq.
- 1926 Longè itaque ipse proximius, apertiusq., & quod ipsis pae-
ne intueri licet oculis, a sole nimirum generari omnia; tametsi
ranae ad solem similitudinem declarare minùs possit, cum sol
Aristoteli, caloris expers sit, ac ueluti conterens aërem, calorē
tantum generet.
- 1927 Rectè Aristoteli uisum, Terram immobilem esse.
- 1928 Itidem frigori, a quo in primis constitui uidetur Terra, im-
mobilitas tributa est.
- 1929 Rectè, summè mobile uisum Arist. Caelum.
- 1930 Rectè itidem motum, leuitatēq. calori tribuit.
- 1931 Rectè principium primūq. materia est, inseparabilis
,, quidem, sed contrariis subiecta. nec enim calor frigori, nec
,, illi hoc; sed quod utrique subiicitur, materia est. quare pri-
mò,

„ mō, quōd potentiā sensibile corpus principium est, tum con-
 „ trarietates ipsae, ceu calor, & frigus, &c. uidelicet ex Ocello
 „ Lucano omnia. simplicium tamen substantia, calor est Aristo-
 „ teli.

1932 Rectè calidum, & frigidum, & humidum, & siccum princi-
 „ pia apparent; quae nimirum & agere uidentur, & pati, & pri-
 „ ma esse, qualia primorum corporum; & quae in sese mutuo
 „ transmutantur, principia esse oportet.

1933 Rectè, sola materia, & prima contrarietas ad primorū cor-
 „ porum constitutionem, satis esse, Arist. uisa est.

1934 Rectè, tangibiles oportere esse tangibilium corporum spe-
 „ cificas differentias: corporis enim sensibilis, hoc est tāgibilis,
 „ principia quaerimus.

1935 Similares partes ex elementis constituuntur, seu uerius ex
 „ uiribus elementorum; non tamen omnibus, sed ex calido, fri-
 „ gido, humido, sicco.

1936 Rectè itidem & Peripateticorum optimi dixere, calorem
 „ substantiam esse, quoniam ignis forma.

1937 Elementa omnia contrarietatem habent, quoniam ipsorū
 „ differentiae contrariae sunt; differentiis porro, a quibus con-
 „ stituuntur, immutatis, & ipsa itidem immutantur: frigore igi-
 „ tur in calorem immutato, aqua in aërem transit, & aër fit: at si
 „ neutra differentia, neutram uicerit, mutuo autem in sei-
 „ psas agentes, & mutuo a seipsis patiētes, sese mutuo imminue-
 „ rint debilitauerintq., ut utriusque uis retusa appareat, ac re-
 „ fracta, utrumque immutatur; ac nec aqua amplius remanet,
 „ nec aër, neque aër constituitur, nec aqua; sed tertium quoddā
 „ ueluti ex utroque compositum. Mistorum ergo substantia A-
 „ ristoteli nulla est, praeter calorem, & frigus. quod cum ita sit,
 „ rectè sensit.

1938 Simplex, & naturalis generatio, transmutatio est, facta ab
 „ actiuis qualitatibus, a calore uidelicet, & frigore, e subiecta
 „ materia: rectè.

Z Gene-

1939 Generatur in Terra, humorēq. animalia, quoniam humor
 ,, in Terra, spiritus in humore, calor animalis in uniuerso est; ita
 ,, ut quodammodo omnia animae plena sint: quamobrem confi-
 ,, stant celeriter, cum calor ille comprehensus, siue exceptus est.
 ,, comprehenditur autem, & humoribus incallescens effici-
 ,, tur, ueluti bulla spumosa. Animalium itaque animae, ubi eo-
 rum generationem proximius intuitus est, a calore constitui,
 Arist. sunt uisae.

1940 Inest in omniū semine, quod calor uocatur; id autē nō ignis
 ,, nō talis aliqua facultas, sed spiritus, qui in semine, spumosūq.
 ,, corpore continetur, & natura, quae in eo est spiritu, proportio
 ,, ne respondens elemento stellarum. Quamobrē ignis nullum
 ,, animal generat, at Solis, & animalium generatiuus calor: ne-
 ,, que is modō, qui semine continetur, uerū etiam si quid ex-
 ,, crementi sit, quamuis a natura diuersum.

1941 Quoniā igitur non quodlibet agit in quodlibet, nec quod
 ,, libet a quolibet patitur; sed contrarium modō in contrarium
 ,, agit, & contrarium a contrario patitur; quae agunt princi-
 ,, pia, formae nimirum, substantiaeq., contraria esse opor-
 ,, tet.

1942 Tum praeterea, quoniam nec ab alio oriri oportet princi-
 ,, pia, nec a seipsis mutuo, & ab ipsis constitui omnia; propterea
 ,, contraria illa esse oportet. Et prima insuper contraria, integra
 ,, nimirum, nihilq. imminuta.

1943 Adeo manifestum est, agentia, formaliaq. principia con-
 ,, traria oportere poni, ut antiquiores ueluti ab ipsa coacti ue-
 ,, ritate, in hoc conuenerint ad unum omnes: omnes enim cōtra-
 ,, ria posuere.

1944 Rectē itidem & illud, quoniam contrarius est generatio-
 ,, ni interitus; contrariorum autem contrarias esse oportet caus-
 ,, sas agentes; quae agunt, efficiuntq., contraria sint, neces-
 ,, se est.

1945 Nos autem sensibilibus corporum materiam quandam ef-
 fe

» se dicimus; eam autem separari non posse, sed semper cum con-
 » trarietate esse: numquam scilicet ab altero contrario sciunctā,
 » sed ab altero perpetuò detentam.

1946 Materiam ponimus inseparabilem quidem, sed cōtrariis
 » subiectam, formis nimirum, substantiisq.

1947 Rectè itaque defendi posse remur, substantiam aliquā sub-
 » stantiae non esse contrariam.

1948 Nequaquam mistio fit, ubi eorum, quae miscentur, perit
 » alterum; sed in id, quod exsuperat, accessio: ueluti si gutta ui-
 » ni decies millenis aquae mensuris infundatur, non misce-
 » tur.

1949 Vbi verò aequis quodammodo uiribus praeditae sunt, ibi
 » utrumque e sua natura in id quidē, quod uincit, immutatur:
 » at non tamen alterum fit, sed ueluti inter utrumque mediū, ac
 » commune: rectè.

1950 Modica igitur aqua plurimo uino infusa, vinum fit; quia
 » perit aqua, uini formā nihil, aut insensile quid immutata.
 » quòd si aqua copiosior assidue infundatur, magis assidue patia
 » tur, debiliteturq., ac remittatur, & aqua etiam tandem fiat,
 » uel aquae similis res, postremò aqua omnino: rectè.

1951 Tangibili differentia tangibilia corpora, inter se differre
 » oportet.

1952 At neque principia ex se ipsis mutuò fiunt: nam contraria
 » sunt: ex iis autem omnia; iis enim materiae accedentibus, en-
 » tia constituuntur omnia.

1953 Generatio praeterea omnis iuxta mutationem fit, muta-
 » tio uerò in contraria omnis.

1954 Neque enim uel quodlibet agat in quodlibet, uel a quoli-
 » bet patiatur quodlibet; non scilicet album e musico, per se fiat;
 » sed e nigro omnino, aut purpureo, aut medio alio colore: Ne-
 » que in quodlibet corrumpitur quid, sed in contrarium modò;
 » non scilicet in musicum, album per se, sed in nigrum modò.

1955 Quodcumque igitur fit, & quodcumque corrumpitur, e

Z 2 contra-

contrariis fit, & in contraria corrumpitur, uel in media: quae
& ipsa a contrariis primis generantur.

1956 Omnino itaque enunciare licet, omnia natura constituta
„ uel contraria esse, uel e contrariis: contraria quidem, extrema,
„ e contrariis autem media.

1957 Simul fieri nequit, ut primae contrarietates sint plures: si-
„ quidem in natura una, & uno in genere, cuiusmodi substantia
„ existit, unica tantum prima est oppositio.

1958 Cuius differentiae, hoc aliquid; habitum uidelicet, for-
„ mamq.; significant, id magis substantia est; cuius contra, dif-
„ ferentiae, priuationem magis, id magis non ens est. his autem
„ differentiis, ignis, & Terra differunt. Contrarium itaque alte-
rum praestantius nobis liusq., forma, atque habitus Aristot. ui-
detur; priuatio alterum, deterius scilicet, & ignobilius.

1959 Prima itaque contrarietas, habitus est, & priuatio.

1960 Si generationes ex contrariis in natura sunt; e forma au-
„ tem, & formae habitu, aut ex aliqua formae priuatione sunt;
„ patet omnem quidem contrarietatem, priuationem quandam
„ esse: priuationem autem non omnem fortasse, contrarietatem
„ esse. patet etiam per inductionem: omnis enim contrarietas,
„ contrariorum priuationem habet.

1961 Quare per priuationem semper contrarium alterum dici
„ patet.

1962 Sed num eadem sint omnium principia? Sunt fortè, & non
„ sunt, ueluti corporum forsàn sensibilibus, calidum quidem est,
„ ut forma, frigidum verò alio modo priuatio est; & materies, id
„ quod haec est, potentia primum per se.

1963 Similitudine itaque rationis, omnium principia eadem di-
„ cere possumus, perinde atque si quispiam dixerit, tria esse prin-
„ cipia, formam, priuationem, atque materiam.

1964 Ceterum unumquodque istorum circa unumquodque ge-
„ nus, diuersum est: ut in colore album, nigrum, superficies; lu-
„ men, tenebrae, aër: ex his autem dies emergit, & nox.

1965 Qui itaque haec considerant, tria esse elementa considera-
re,

» re, cum ratione coniunctum, ut dictum est, uidetur.

1966 Quin nec plures contrarietates primae esse possunt: quan-
 » doquidem substantia unum quoddam genus est eius, quod
 » est. principia igitur eò solùm, quòd prius est, & posterius, non
 » genere inter se different: etenim uno in genere una semper
 » est contrarietas, & contrarietates omnes in unam semper redu-
 » ci uidentur.

1967 Substantia, in qua generationes fiunt, & corruptiones, ue-
 » luti natura quacuis alia, & aliud genus quoduis, a duobus tan-
 » tùm detineri potest primis contrariis: reliqua, quae inesse ui-
 » dentur, prima non sunt, neque alterius omnino generis, sed a
 » primis illis manant, & sub prima illa, reducenda omnino sunt;
 » illa eadem uidelicet, at non integra purae, sed imminuta, &
 » sibi ipsis commista.

1968 Prima item contraria in natura quauis, quàm longissimè
 » a seipsis posita sunt; in medio eadem quidem, at imminuta, &
 » & sibi ipsis commista.

1969 Calor, & frigus, efficiendi uim habent; siccitas uerò, & hu-
 » mor, patiendi; id quod inductione probatur. calor enim, & fri-
 » gus cum ea, quae eiusdem, tum quae diuersi generis sunt, de-
 » terminare, coniungere, immutare, humectare, exsiccare, dura
 » re, emollire, in omnibus uidentur: rectè, redde Ocello quadru-
 » plum, trifur.

1970 Humida uerò, & sicca tum etiam per se, tum quae commu-
 » niter ex utrisque concreta sunt, corpora terminari, & aliis,
 » quae dictae sunt, qualitatibus affici.

1971 Tenuitas, mollitièsq., & uiscositas principia non sunt:
 » nam sub humiditatem reducuntur, & humiditatis propriae
 » sunt; humiditas nimirum illarum quaelibet, at non pura sin-
 » ceràq.

1972 Durum est, quod concretum, gelatūmq. est: quod autem
 » concretum est, siccum est.

1973 Alienorum disgregatiuus est calor, similium congrega-
 » tiuus.

Frigus

- 1974 Frigus contrà, omnium congregatiuus.
- 4 Mete. 1975 Quaecumque exsiccantur, uel calefacta exsiccantur, uel
 „ frigefacta: at siue hoc, siue illo fiat modo, a calore exsiccantur
 „ omnia, uel externo, humiditatem eliciente, uel ab interno a
 „ frigore eiecto, extrusóq. humiditatem secum educente.
- 1976 Quae aquea sunt, unius caloris exitu concreescunt: soluun
 „ tur itaque, unius caloris ingressu; & non aquea tantum, sed
 „ quae ex aqua itidem sunt, & Terra.
- 1977 Quae ad Terrâ, & ad aquam, sed plus ad Terram adinēt,
 „ si ex eo, quod calor exierit, concreta sunt, calore, ubi rursus ad
 „ uenerit, liquantur; ueluti lutum, cum gelu adstrictum est.
- 1978 Quae refrigeratione, & caloris uniuerſi expiratione con
 „ creuere, ea non soluuntur, nisi caloris exsuperantia, sed mol-
 „ liuntur; ut ferrum, & cornu.
- 1979 Eo locari entia oportet modo, ut contenta continentibus
 „ similia sint cognatâq.
- 1980 Humidum id est, quod proprio termino indeterminabile
 „ est: alieno uerò bene determinabile: quod scilicet sese conti-
 „ nere, & in propriis terminis, propriâq. figura seruare minimè
 „ potest; & quod alienos terminos, alienâmq. figuram prom-
 „ ptè suscipit.
- 1981 Tenuitas, mollitiésq. humiditatis sunt, & illarum utraque
 „ humiditas quid passâ; crassities cōtrâ, & durities, siccitatis pro-
 „ priae, & utraque siccitas quid passâ: si quidem illarū utraque,
 „ quae humiditatis; haec contrâ, quae siccitatis sunt, habere, & fa-
 „ cere uidentur.
- 1982 Siccū contrâ, quod proprio quidem termino bene determi-
 „ nabile est: alieno uerò bene indeterminabile: quod scilicet se
 „ se cōtinet, & in propriis terminis, propriâq. seruat figura; & a-
 „ lienos terminos, alienâmq. figuram non suscipit.
- 1983 Humidum enim, quoniam proprio termino non contine-
 „ tur, & alienum facîle suscipit, & facîle se impelli sinit, reple-
 „ tiuum uidetur: id uerò, quod tenue est, praestat.
- 1984 Si quidem e partibus exiguis constat; tale autem quod
 est,

» est, quia totum ipsum, quibus apponitur, contingit tota; reple-
» tiuum omnino existit.

1985 Mollities uerò in sese refugit, ceditq., id quod humidi om-
» nino est, & humidum facere solet.

1986 Ad proprium locum ferri unumquodque, ad suū simile,
» & suam speciem est ferri; & sic utique quis existimabit id, quod
» antiqui dicebant, simile ad simile ferri.

1987 Quoniam id, quod omnibus substat, fertur ad mediū, neces-
» se est, quod omnibus supereminet, ferri ad extremū regionis,
» in qua faciunt motum: extremo enim medium contrarium est;
» quod autem substat, ei, quod supereminet. quapropter & ratio
» nabiliter graue, & leue duo sunt: etenim loca duo, medium, &
» extremum.

1988 Est igitur & inter haec medium, quod ad utrumque ipso-
» rum dicitur alterum: quod enim intermedium est, ut extremum, &
» medium amborum est; ob hoc est etiam aliud graue, & leue, ut
» aqua, & aer: nihil enim prohibet ut inter contraria sit unum,
» & plura, quemadmodum & in colorib. summè igitur contra-
» ria igni Terra, Aristoteli.

1989 Oportet ut firmum quid stabilēq. habeat Caelum, circa
» quod moueri queat; Terram esse immobilem, & in medio posi-
» tam. quod enim circulo mouetur, necessariò circa medium sta-
» bile mouetur.

1990 Terra autem existente, & ignem existere necesse est: si
» enim alterum contrariorum naturā, naturā & alterū: siquidē
» eadem contrariorum materia, & prior est affirmatio negatio-
» ne, ueluti calidum frigidum.

1991 Quies autem, & graue dicuntur iuxta leuitatis, & motus
» priuationem.

1992 Vbi extrema quaedam, prima praesertim quae sunt, in se
» se mutuò agunt, si neutrum exsuperat, alterumq. in propriā
» agit substantiam. id tertium cōstitui uidetur, quod utriusque
» medium uideri possit.

Aca-

1993 A calore, & frigore res omnes effici, corrumpiq. rectè Aristoteles.

1994 Caelum circulari mouetur motu. Est enim ipsi bonum motus, ueri, quàm manere, magis; quoniam operari magis, quàm non operari.

1995 Aeterno autem corpori conuenientissimus circularis motus, qui neque principium habet, neque finem: rectè.

1996 Moueri igitur Caelum, quoniam proprium est ipsius, opus.

1997 Neque hoc tantum, sed esse etiam propter motum.

1998 Singula, quorum opus est, esse operis gratia: Dei autem actio immortalitas; quia necesse est, diuino uitam exsistere sempiternam.

1999 Quoniam autem Caelum tale (diuinum enim corpus) propterea habet circolare corpus, quòd naturà circulo moueatur, semper.

2000 Moueri Caelum; ait; quoniam bonum appetit; id autè motu consequi, & propterea diuersos orbes, diuersis moueri motibus: non enim eisdem omnes bonum consequi posse. Qui locus ut Aristoteli uerè uisus est esse Deorum sedes, atque immortalium; sic nobis rectiùs, ueriùsq., unius & trini DEI, cum beata uirginè MARIA, sanctisq. omnibus immortale, sempiternumq. domicilium esse, creditum, exploratumq. factum est. quem ad locum coetumq. eorum, qui sanctè uixerunt, & corpore laxati, eum incolunt, nobis quoque eandem, eadem uitam uiuam insistentibus, aditus patefiat.

ANTO-

ANTONII PERSII


PROBLEMATA CCCLXXII.

QVORVM QVAESTIONES SOLVET,

ET AD INTERROGATA RESPONDEBIT

LIBRO QVI PROPEDIEM EDETVR.

IUXTA SVAE PHILOSOPHIAE DOGMATA.

- 1  VR vacuum, atque inane, summè auersari, & pati omnino non posse natura uidetur.
- 2 Cur Caelum eiusdem substantiae cum stellis, est ponendum.
- 3 Cur Caelum non, vt stellae, calefacit.
- 4 Cur nec lucet.
- 5 Cur nec omnino uisibile esse uidetur.
- 6 Cur Caelum iisdem omnino uiribus, eadèmq. stellis specie donatum esse uidetur.
- 7 Cur nec aër, nec mare magnae mundi partes uideri possunt.
- 8 Cur solum Caelum, & Terra sola, Mundi magnae partes.
- 9 Cur qui supra montium uertices continetur, aër, Caelo apponendus est.
- 10 Cur nō solum magnae Caelum, & Terra, Mundi partes, sed etiam primae, principēsq., hoc est, robore etiam uiribúsq.
- 11 Cur assiduè in aquas, grandinēsq., & niues crassescit aër.
- 12 Cur non solum Caelum, & Terra, uirium robore reliquis, sed dignitate, & tempore praecedunt.
- 13 Cur Caelum, & Terra in sese mutuò agendi; vtrumque uidelicet, alterum in propriam substantiam inuertendi; ut praedictum uideri debet.
- 14 Cur nihil uerè simplex, uerèq. unum esse uideri debet.
- 15 Cur e duplici natura composita omnia.
- 16 Cur non detur uera entis totius generatio, uel corruptio.

Aa Cur

- 17 Cur ea natura, quae accedit, receditq., nō una, sed multiplex.
18 Cur natura, quae accedit, receditq. agendi ui; alias scilicet e propriis sedibus eiiciendi, & sese in illis generandi, constituen diue entia; ui praedita uideri debet.
19 Cur incorporea sit.
20 Cur per se, nulliq. haerens corpori, subsistere, & esse omnino non potest.
21 Cur quae remanet natura, una esse omnino, atque eadem ui detur omnis.
22 Cur agentem nullam auersata, neque exosa.
23 Cur omnem suscipiat, seruetq.
24 Cur nulla agendi, aut operandi ui suscipiens natura, praedita apparet.
25 Cur perpetuò inter se decertant naturae agentes.
26 Cur non quaeuis sedes cuius conueniat naturae agenti.
27 Cur plures eidem inesse simul minimè possunt.
28 Cur tenuitas non agere uidetur.
29 Cur neque crassities.
30 Cur, si tenuitatem albedo insequi uidetur, tenuitatis opus albedo non est.
31 Cur, si quae summè sunt tenuia, prompta illa ad motum uidentur; motus tamen a tenuitate non emanat.
32 Cur lux non agit in tenebras, nec ex aduerso.
33 Cur nec motus agere uidetur, nec contrà, immobilitas.
34 Cur tenuitas a calore fieri, & calorem insequi, & caloris propria esse uideri debet.
35 Cur contrà, crassities a frigore ipso.
36 Cur, cū a calore itidem durescere quaedam, & crassescere uidentur, non utriusque opus crassities uideri debet.
37 Cur lux caloris propria, & ipsum ea insequi, & a calore fieri uidetur.
38 Cur non a quouis calore summa ipsa, & uigens purae; sed a summo tantum, & in tenui existente re.
39 Cur lucis naturae aduersum, contrariumq. frigus.
40 Cur caloris opus albedo item, & tenuitas.

Cur

- 41 Cur motus & ipse caloris summè proprius.
- 42 Cur immobilitas contrà, frigoris.
- 43 Cur motus a calore omnino, & solo eo, edi existimatur.
- 44 Cur calor motum natura, & dignitate praecedat.
- 45 Cur item & tempore calor motum praecire uideri possit.
- 46 Cur motus calorem facit.
- 47 Cur commotus ignis agitatúsque accendi, viuificarique, motu uero prohibitus extingui, corrumpique apparet.
- 48 Cur calor adtenuare, & frigus contrà, coactare, compingereue, & densare uidetur.
- 49 Cur calor, & frigus sese adeò exhorrent, auersanturque, & sese mutuo oppugnare, atque interimere uidentur.
- 50 Cur a calore Caelum, a frigore Terra constituta uideri possunt.
- 51 Cur nulla alia natura agens Terrae, nisi frigus, nec Caelo, nisi calor inesse uidetur.
- 52 Vtrum tale ens apud nos fieri posse uidetur, quale Caelum existit, in seipsum conglobatum, conspissatumque.
- 53 Cur natura quaeuis agens numquam agere cessat, sed uel similes, cognatasque oppugnat, deturbatque.
- 54 Cur ab uno Caelo, & ab una Terra, tot tantaque diuersissima, & plurima generari possunt entia.
- 55 Cur sol agens in Terram, in media prius entia, postremò uerò in aërem ipsum eam inuertat.
- 56 Cur in maximis squaloribus, fontes copiosiores facti interdum uisi sunt.
- 57 Cur recedente sole, penitus deficere uisae sint aquae, nec a solutis niuibus, neque a pluuiis auctae ullis, incrementum capere uisae.
- 58 Cur sol nec perpetuò, nec iisdem aequè agit uiribus, cum aequè a Terra distat.
- 59 Cur etià tuberculi, & inaequalitas paene insensibilis Terrae, nedum montes, possunt Solis lucem, atque actionem impedire, quò minùs aequè iis agat uiribus in eam.
- 60 Cur diuersa possunt constitui entia ab eodem calore, &

Aa 2 quibus

quibus idem robore inest calor.

- 61 Cur in accedente, rectaq. Solis luce adeò languet calor, ut uix calidam sentias, quae in se ipsam collecta, uel igne ipso, exurit robustius.
- 62 Cur eadem res, a calore eodem in alia, atque alia agatur.
- 63 Cur quaedam entia est uidere, quae ueluti ab utraque per uices agente natura, constituta uideri possint.
- 64 Cur deinde non utriusque simul ingenium, & utriusque uis, & natura omnino utraque ente in ullò, simile quod sit, & uerè unum, spectetur, aut inesse omnino possit.
- 65 Cur qui calor, quantusue, quod nimirum caloris robur, & quae eius copia, & quae entia, in qualia inuertat, minimè inquirendum.
- 66 Cur tenuitatis, crassitiei q. discrimina omnia innotescere non possunt.
- 67 Cur crassities, tenuitas q., molis est materiaeue, & materiae omnino dispositio.
- 68 Cur & quae materia uerè crassa, crassa dici potest.
- 69 Cur tenuitas colorem non foedat.
- 70 Cur quod flectitur, omnino crassum non est.
- 71 Cur item quod extenditur, dilataturue.
- 72 Cur, & unde extensio fiat, dilatatio q.
- 73 Cur crassities nulla, nostra ui fieri potest.
- 74 Cur aqua gelata, crassa facta uideri non debet.
- 75 Cur crassities, tenuitas q. optimè sibi ipsis coire possunt.
- 76 Cur, si lentor, mollities, uiscositat q. purae agenda sint, a calore quouis, uniformis sit calor oportet.
- 77 Cur haec commodius a languidiore fieri uideri debent.
- 78 Cur aurum ab igne liquefactum, nihil, aut in sensile quid imminui uidetur.
- 79 Cur languidior, & uehemens calor e re omnino dissimilari, contrario ordine lentorem, mollitiem, uiscositatem q. faciât.
- 80 Cur non omnia, quae e crassis tenuia sunt, in medias prius dispositiones agi non uidentur.

Cur

- 81 Cur uiscositas, quae praesertim e dissimilari re fit, languen-
tis magis, quàm uehementis caloris opus uideri debet.
- 82 Cur, cùm cuiusque caloris fluor sit oportet, & a uehementio-
repromptius fieri uideatur, a summo tamen fieri denegatur.
- 83 Cur aër, qui assiduè e terris educitur, eò is est tenuior, quò
e magis frigidis, magisq. obstrictis, gelatisq.
- 84 Cur quae a calore constituta sunt, corrumpuntur tandem
omnia.
- 85 Cur e mollibus, palustribusq. terris crassior perpetuò educi
aër uidetur.
- 86 Cur sal ex mari.
- 87 Cur fuligines ingenerentur.
- 88 Cur, ubi non tantis uiribus agit calor, nullae, aut multò pau-
ciores fuligines fiunt.
- 89 Cur cineres fiant.
- 90 Cur nec materiae, rerumq. similitudo, nec caloris acquabili-
tas uera, ente in ullo concedi, haberiue potest.
- 91 Cur marina aqua, si crassior fontanâ, calidior tamen apparet.
- 92 Cur, si omnes gemmae e fluoribus fiunt, tenuiores multò
sunt aliae, & perspicuae, at non albae tamen: contrà, alia alba,
& non perspicua.
- 93 Cur uuarum succi nihil ampliùs concocti, albi futuri; diutiùs
uerò cum propriis corticibus concocti, punicei fiunt.
- 94 Cur plantarum germina enascentia alba omnia, uiridia po-
stea fiant.
- 95 Cur radices eorum perpetuò albae remanent.
- 96 Cur, cùm a semine constituta ossa teneas, non gelato eo, a fri-
gore dura apparent.
- 97 Cur fluores, e quibus metalla fiunt, nequaquam a frigore,
sed a calore omnino concreuisse uideri debent.
- 98 Cur metalla, quantumuis soluta, per se rursus concrescunt.
- 99 Cur aqua gelata, a calore soluta, per se minimè concrescit.
- 100 Cur, quae a calore duritiem adsumunt, inaequabilia, durio-
ràq. fieri uidentur.

Cur

- 101 Cur animalia, & plantae ab uniformi, & perblando calore, & materia ualde dissimilari, composita uideri debent.
- 102 Cur quaecumque generantur, a simili generari, ratio ab Aristotele numquam adsignari posse uidetur.
- 103 Cur neque satis eorum, quae e semine constituuntur, ratio ab ullo antiquorum, praesertim Aristotele est explicata.
- 104 Cur non ea tantum a simili constituta uideri debent, quae eandem constituentibus externam speciem nacta sunt; sed ea itidem, quae specie quidem diuersa, dissimiliq.
- 105 Cur quae a sole constituta sunt, a simili facta uideri debent, & tamen penitus Soli similia, cognataq. non sunt.
- 106 Cur quae e semine fiunt, cum non e singulis corporis partibus id proueniat, & nequaquam iis praeditus sit partibus, quibus, quae ex eo constituuntur animalia, donata uidentur; a simili tamen facta, manifestè uideri possunt.
- 107 Cur ignis, qui motu, & durorum corporum adritu fit, a simili fieri uideri debet.
- 108 Cur quod a propria cuiusuis factum est operatione, ab eiusdem substantia factum uideri debet.
- 109 Cur primorum corporum alterum in altero contineri oportuit, & sphaericum Mundum factum, non in longum extendi, directumq., & in altera ipsius parte Caelum locari, Terram in altera.
- 110 Cur Caelum non iisdem uniuersum, nec magnis donari uiribus oportuit.
- 111 Cur Caelum certis tantum collectum, & robustius factum in locis.
- 112 Cur unico distinguendum fuit sole, & stellis reliquis.
- 113 Cur ab Astrologis duplex omnibus, & Soli ante omnes dandus fuit motus, uelocissimus alter, tardior pigriorq. alter.
- 114 Cur Caelum sibi ipsi copulatum, unitumq. & unum omnino esse non oportuit.
- 115 Cur naturae agentes proprii boni, & propriae conseruationis; & proprii mali propriaeq. destructionis sensum, & facultatem

- tem in super, studiūmq., quo auerfari hoc, sectari illud queant;
habere uideri debent.
- 116 Cur & ipse per se calor, & frigus ipsum per se, ubi robustius
aduenit alterum, sese intro recipere, & colligere, & uires pro-
pterea sumere.
- 117 Cur sensu donata sint entia oportet omnia.
- 118 Cur plurima quaedam aufugere, & deferri ad quaedam, &
recedentia in super sectari uideas.
- 119 Cur propriae interdum naturae quaedam entia uim infe-
rant oportet.
- 120 Cur calori exquisitior sensus, quàm frigori.
- 121 Cur furentes, & iracundi calidiores, graues uerò, & pigri cō-
trā, frigidiores.
- 122 Cur senilis spiritus, quae odoratu percipit, multò exquisi-
tius sentit.
- 123 Cur ualidas, & uigentes caloris, frigorisq. uires animal per-
cipere in quauis corporis parte, languentes uerò easdem, &
ueluti stertentes demortuasq. uix in una.
- 124 Cur odores, & lux in spiritum agere non possunt, sed ad i-
psum ferantur oportet.
- 125 Cur entia reliqua proprias ut percipiant passionēs, forami-
na eis non sunt tegumenti concessa.
- 126 Cur aeternum utrumque agens principium uideri potest.
- 127 Cur uniuersae materiae, & cuilibet eius portioni formas
omnes, qualitatēsq. inesse potentia, actu tamen semper unā.
ridiculum est, & rem dicere, quam nulla concipere queas
imaginatione.
- 128 Cur non omnino propria operatio entium censenda est,
quam uel entium partes a propria abstractae uniuersitate, uel
uniuersitates etiam ipsae, at a proprio loco, propriaq. operen-
tur dimota natura.
- 129 Cur ignis aequè omnibus se ruari, & uiuificari, accendiq. ui-
detur omnibus motibus.
- 130 Cur non, si rectus modò, & ad superna proprius sit, natura-
lisq.

lisq., reliqui uerò alieni, contrariiq. aut diuersi.

- 131 Cur omnibus, quod circumfertur corpus, motibus moueri aptum, solo circulari mouetur, & circulari solo moueri gaudet.
- 132 Cur, si ignis immobilitate, in proprio gauderet loco, minime tanto ordine, tantâq. a Caelo uolueretur uelocitate.
- 133 Cur Terra immobilis uideri debet.
- 134 Cur quod Terrae partes ui moueri uidentur, nec Terra ipsa, nec ipsae etiam partes natura moueri uideri debent.
- 135 Cur quae in proprio loco natura quiescere, & immobilia esse uidentur, sponte etiam sua ad illum deferri uisa, non proprio, & naturali motu deferri uideri debent.
- 136 Cur Terrae partes a proprio loco, & a propria abstractae uniuersitate, sponte delabuntur sua.
- 137 Cur eò uelocius, quò maiores, & quò proprio loco propinquiores factae.
- 138 Cur uel propria immobile natura ferrum, uel motu ad medium gaudens, nihilo quàm Terra, minus, ad superpositum magnetem, sponte sua ascendit.
- 139 Cur aqua, & terrestria quaeuis ferè & ipsa abstractû, ascendentinq. sectantur aërem.
- 140 Cur in sublimi mansio, & sustentatio quaedam motum omnem praecedere uidetur, at contrà, sese sustinendi impotentia, immobilitatem subsequi.
- 141 Cur ignis ipse, & ipsae etiam flammae in crassiusculis accensae rebus, deorsum delabuntur omnes.
- 142 Cur, cùm Terra ueluti in sublimi sustineatur, moueri posse non dicitur.
- 143 Cur naturalis ille existimandus tantum motus, propriusq., qui perpetuò idem, nihilq. uel remittitur, uel concitatur umquam.
- 144 Cur quae assidue illum motum concitant, non natura moueri uideri debent.
- 145 Cur quod quidam aiunt, grauium ad inferna motum, ideo
asfi-

asfiduè magis concitari, quòd simili, cognataeq. Terræ proximi-
mior factus lapis, propriae naturae, & propriae etiam grauita-
ti, quibus ab alieno loco ueluti exutus fuerat, restituitur; ab-
surdum esse putandum.

146 Cur quod alii dicunt; quòd scilicet minor subfit aër, & qui
ita que findi possit; falsum itidem.

147 Cur absurda itidem, & uana omnino eorum ratio est, qui la-
pidis delapsum asfiduè magis concitari ponunt, quòd asfiduè
a maiori aëris copia propellatur, deiiciaturq.

148 Cur non propterea orbes, stellásq. igneas ponendas non ef-
se, quòd, si tanta mole exsuperet ignis, reliqua omnia corrumpat,
occupetq.

149 Cur stellarum, quae currere uidentur, uelocitas, & Solis al-
bedo, non igneum Aristoteli Caelum ostendentia, potius i-
gneum ostendant.

150 Cur stellae, quae currere uidentur, nec perpetuò, nec sem-
per luceant.

151 Cur stellae ipsae semper luceant, & perpetuò.

152 Cur igneum esse Caelum, sensus manifestat.

153 Cur Caelum natura calidum.

154 Cur nulla alià a calore, uel frigore substantia entibus in-
denda.

155 Cur non ob id calorem substantiam non esse, quòd, acci-
dentium more, nonnullis accedit, & ab iis recedit nihil im-
mutatis.

156 Cur calorem, & frigus non propterea substantias non esse,
quòd mutuò sibi ipsis opponantur.

157 Cur formae intendantur oportet, ac remittantur uel Ari-
stoteli.

158 Cur eadem magis, & minus recipiant.

159 Cur eiusdem speciei animalia, suae formae intensiorem, re-
missionemq. accipere fatendum.

160 Cur organi ineptiam Peripatetici causari in hac re non pos-
sunt.

Bb Cur

- 161 Cur iidem, nec materiae seorsum incusare possunt malignitatem.
- 162 Cur uerè existentes, & materiae immerfas formas sub sensum cadere, & sensu percipi, Peripateticis negare non licet; non solum omnibus.
- 163 Cur unica satis uisa oppositio est, ad rerum generationem, neque alia addenda esse.
- 164 Cur nobilioris contrarii loco forma Aristoteli posita, ignobilioris priuatio.
- 165 Cur fieri non potest, ut uel rerum diuersitatis mutuae, ue omnium in omnia inuersionis, uel generationis omnino, atque interitus causam afferre possit, qui duplex non afferat contrarium, & ens utrumque.
- 166 Cur si, quattuor positis, duae erant contrarietates, utriusque separatim contrarietates naturam quandam mediam esse oportebit, superuacanea altera contrarietas erit.
- 167 Cur altera agentium oppositio, ad primorum corporum constitutionem Aristoteli allata est.
- 168 Cur cum sol plantas quasdam, & quaedam etiam animalia, non, nisi e Terra aquis madefacta educat, & animalia ut seruentur, & aquis, quas hauriant, & aëre quem inspicient, opus habeant, non propterea prima ea corpora ponenda sint.
- 169 Cur nec si siccis interdum humida apponens, affingensque, humidiora illa facit, propterea uel humiditas agere, uel siccitas, uideri debuit Hippocrati.
- 170 Cur nec calor, nec frigus propterea imminui uideri potest, quod alteri alterum commisceatur.
- 171 Cur neque & humiditas, & siccitas & calor, & frigoris, utraque utriusque materia uideri Aristoteli potuit.
- 172 Cur cum Terra quid exhauriendo, inbibendoque, exsiccat, & aqua quid subeundo, cuiue se indendo, humefacit; nec hoc tamen humefacere est, nec exsiccare illud.
- 173 Cur longè humidissimus aër Aristoteli nihil a sole calefactus, uel

- uel glaciē in non liquefacit, uel ipsam etiam niuem.
- 174 Cur aqua modò eaq̃ infusa, immistaq̃, nitrum uidelicet, & sal, & si quae talia existunt, liquefacit.
- 175 Cur mel in frigidam coniectum, & concretum, spissatūmq̃ ab illa uidetur.
- 176 Cur lateres fornacibus superpositos soluit tandem ualens, & diuturnus calor, & cineres itidem, lapidēsque liquefacit, & in uapores etiam adtenuat.
- 177 Cur alienorum disgregatiuus est calor, similium uerò congregatiuus.
- 178 Cur non omnia a calore secernuntur; non si quidē pix a cera, sed illi immiscetur magis.
- 179 Cur quibus humiditas multa, calor inest exiguus; cuiusmodi aqua est, & quae aquea sunt, non penitus Aristoteli exsiccantur, sed concresecunt tantū.
- 180 Cur nullo pacto prima corpora sibi ipsis contigua poni possunt.
- 181 Cur mare, aquae uniuersitas, & elementum Aristoteli uidetur, & uideri omnino debet.
- 182 Cur mare non propterea crassum, falsūmq̃. quòd tenuioribus, dulcioribūsq̃. sui partibus a sole spoliatum sit, & calida, siccāque exhalatione commistum.
- 183 Cur non, si ad aquarum generationem conspissatio sola satis non sit, frigore etiam opus sit.
- 184 Cur e floribus, herbisq̃. odoratae eliciuntur aquae.
- 185 Cur balneorum laquearia aqua maderē uideantur.
- 186 Cur uasa quaecumque, fumum emittentibus superposita rebus, maderē aqua uideas.
- 187 Cur, & e quibus, e naribus diffluens, humor componi uidetur.
- 188 Cur ubi montes oppositi, pluuius ibi aër, caliginosusq̃, & sub quo madescat semper.
- 189 Cur ad Arabiae mōtes, sub ardētissimo etiā, maximēque. sereno Caelo, repentinae, longēque. crassissimae fiant pluviae.

Bb 2 Cur

- 190 Cur non ros modò nequaquam in ualde sublimi fit loco;
sed pluuiæ multæ, æstiuæ præsertim, & quæ crassiores ui-
dentur Aristoteli, & repentinæ etiam, ac impetuosæ.
- 191 Cur, si e Terra, frigida quidem ipsa, aquarum constitutio
est, non dubitandum ne summè frigidæ, nec frigidæ omni-
no sint ipsæ.
- 192 Cur aqua linguam non constringit quidquam; sed uel dila-
tat, uel nihil immutat omnino.
- 193 Cur frigida non uideatur aqua, quòd contacta plerumque
talis sentitur.
- 194 Cur nec itidem, cum epota, immoderatum interdum in ani-
malium corporibus calorem reprimat, retundatq., & pro-
prium etiam imminuat.
- 195 Cur copiosa in ignem iniecta, ipsum suffocat.
- 196 Cur in bitumine accensæ flammæ, nequaquam ab infusa
aqua opprimi, sed nutriri potius uidentur.
- 197 Cur incendia summa nec ab infusis aquis ullis, sed a suppo-
sita sola extinguuntur Terra.
- 198 Cur aquam frigus in glaciem inuertit, crySTALLUMq.
- 199 Cur aqua motu seruari uidetur, & corrumpi ab immobili-
tate.
- 200 Cur aqua, ignis pabulum, Peripateticis dicitur.
- 201 Cur a calore summo, & ab eodem omnino, a quo ignis, æ-
rem Aristoteli constitui uideri debet.
- 202 Cur humiditatis loco magis appositè tenuitas, & pro siccita-
te crassities ponenda.
- 203 Cur non solum nobis; sed etiam Aristoteli ipsi, ignis om-
nium humidissimus uideri debet.
- 204 Cur ær aqua humidior Aristoteli etiam uidetur.
- 205 Cur cedere quaedam, & mollia esse, obniti alia, & dura ui-
deantur, & quæ causa.
- 206 Cur si quid humidum sit, quid siccum, tactu dignoscendum.
- 207 Cur ascendens noster ignis diffundi non uidetur.
- 208 Cur ueluti in Pyramidem coire.

Cur

- 209 Cur siccus ignis neutiquam uideri debet.
- 210 Cur humida magis fortè, quàm sicca sibi ipsis coeunt, & a se ipsis segregari exhorrent, auersanturq.
- 211 Cur igni figura Pyramidalis minimè sit danda; sed potius sphaerica.
- 212 Cur Terrae partibus magis Aristoteli proprius Terrae locus uidetur, quàm Terrae uniuersitas.
- 213 Cur falsò Terrae, atque igni commune praebens Aristoteles principium, rectè tamen utrique principatum tribuit.
- 214 Cur ignis nullus ab aëre inuerti uideri potest.
- 215 Cur Terra itidem nihil omnino ab aëre pati uidetur.
- 216 Cur neque aquam, uel succum omnino ullum in propriam agere naturam uidetur aër.
- 217 Cur ignem aqua in aquam agere, frigus nimirum illi indere, & crassiusculum facere uisa est numquam.
- 218 Cur minùs etiam Terram aqua inuertit.
- 219 Cur neque aërem inuertendi potens aqua uideri potest.
- 220 Cur nusquam ex igne, & aqua Terram uideas constitui, neque ex aëre, Terraq. ignem.
- 221 Cur ex igne, & aqua aër, & ex aëre, & Terra aqua potiùs.
- 222 Cur singulis aliis corporibus, primorum corporum omniù naturas omnes simul indere, falsum.
- 223 Cur non, quòd secundorum corporum partes singulae in singula prima corpora inuerti possunt; propterea haec illis inesse declaratum Aristoteli uideri potest.
- 224 Cur, si ex unica re constituta entia, & non e primis omnibus corporibus; in res tamen corrumpi possunt, quae illis singulis similes uideri queant.
- 225 Cur quaedam humore effluente disrumpi uidentur.
- 226 Cur eadem non a calore quouis concidunt, disabunturq. sed a robusto tantum, uehementérq. agente.
- 227 Cur eadem a moderato, & a magno etiam, at languidè primò agente, uel omni spoliata humiditate, nihil dissolui uidentur;

- tur, sed longè duriora.
- 228 Cur quibusdam admista, admiscetur, coitq. aqua illis, & unum illis facta, ueluti uiscus; & gluten quoddam sit.
- 229 Cur, & si aliquas ignis partes a Caeli motu commotas, deuolui, & deiici, detur Aristoteli; non tamen ut ad Terram delabantur, dari potest.
- 230 Cur nec a Caeli motu ad maris fundum, uel profundiores Terrae partes deiici ignis uideri debet.
- 231 Cur nec stellarum ui, ac uirtute.
- 232 Cur nec illarum uoluntate.
- 233 Cur siccitatem non frigoris modò, sed caloris itidem esse liam, falsum.
- 234 Cur efficientes causae iis, quae formae, & iis itidem, quae finis sunt, eadem in naturalibus uideri debent.
- 235 Cur, cum quaecumque constituta sunt, corrumpi, interireq. uideantur, pati ipsum principium agens, manifestant.
- 236 Cur utrumque principium agens obliquae lationi attribui non potest, ut Aristoteles.
- 237 Cur falsum, solem accedentem, generationis; recedentem uerò corruptionis causam, dicere.
- 238 Cur quò magis sol recedit, eò etiam generare magis uideri debet.
- 239 Cur ubi diu directus imminet sol, nullus ibi, aut perrarus emanat fons.
- 240 Cur item planta nulla exoritur, quae passim in temperatis fit regionibus.
- 241 Cur sole directo non areat aequinoctialis regio; quin temperata; & beata appareat plaga.
- 242 Cur alia plaga, quae non longe ab illa abest, & quae quasi media est, temperata.
- 243 Cur arcant omnia, squalcantq. ultra tropicum.
- 244 Cur quae apud nos contrita incallescunt, solida sint o-
Cur

portet.

245 Cur sublunaris aër a sole incalescere uideri non debet, quòd ab eo conteratur.

246 Cur aër, uel angusta inclusus in re, & quantumuis contusa ea, conuerberatq.; calorem tamen adsumere nullum uidetur.

247 Cur ut sol, ignis partes detrudat, & ad nos usque deiaculetur, & hoc pacto aërem accendat, falsum uideri debet.

248 Cur sagittae per aërem delatae, ab ipso prius calefacto incendi, liquariue non uideri debent.

249 Cur, & si caleferi queat a caelestium latione contritus aër, a luna calefiat tamen magis, quàm a sole.

250 Cur, ea ratione sublunarem aërem nil eum contingens sol conterat, qua Torpedo in retibus deprehensa, piscatorum manibus torporem infert, falsum uideri debet.

251 Cur, si nihil retia torpere uideantur, nil dubitandum, quin Torpedinis actio, qua piscatorum manus torpent, retibus prius communicata sit, atque infixata.

252 Cur si sol aërem minimè conterat; at uires tamen, & quasi robur suppositae orbium parti subministret, & ueluti densitatem communicet, figmentum uideri debet.

253 Cur calor in meridionalibus terris longè, quàm in borealibus, & per aestatem, quàm per hiemem, & sole medium Caelum tenente, quàm uel exoriente, uel occidente.

254 Cur itidem in aëre crassiore, quàm in tenuiore.

255 Cur in planis, atque humilioribus terris magis, quàm in adeliuib; editisq.

256 Cur & in concauis, quàm in planis.

257 Cur & in solidis, densisq.; quam in apertis, laxisq.

Cur

- 258 Cur & in aequabili, tranquillóq. mari magis quam in fluctuante eo, agitarbq.
- 259 Cur magnus itidem in lacubus, stagnisq.
260. Cur summus ubi densum quid, & quod lux permeare minime possit, luci opponitur.
- 261 Cur & eò amplius, si id leue sit, tersumq., & concavum.
262. Cur & nihilo fortè minus, ubi solida quaedam, rotundaq. pertransit lux.
- 263 Cur non propterea obliquus, directusq. dicitur, aut uideri potest sol, quòd alia e parte, recta agat, non recta ex alia.
- 264 Cur lux, quamuis rem subiens, non ei ut propriae haerere uideri debet.
- 265 Cur quae e speculis concavis refilit lux, adeò fit robusta.
- 266 Cur utrum, & aquam permeans lux, illa quidem debiliter calefaciat, at ualentissimè quae attingit, elapsa ex illis.
- 267 Cur non aequè calefiant, quae sol non collustrat, àc quae collustrat.
- 268 Cur si motus proprius caloris, & summè ignem oblectat, seruâtq. ei nec inhaerens, nec illum perficere uideri potest.
- 269 Cur si calor a non calido motu fieri potest, eius exemplo a non calida luce calorem fieri posse, non sit uerum.
- 270 Cur qui irritari a reflexione lucem, & irritatam, calefacienti uires adsumere adserunt, falsum.
- 271 Cur aërem calore a luce donari, quòd tenuitate, proprio caloris subiecto, donetur, adserere, falsum.
- 272 Cur lucem Solis propriam esse, ueluti & ignis.
- 273 Cur, si summus in sole calor uiget, lucem non explicet omnem.
- 274 Cur, si densus appareat sol, non ex solo componatur igne; sed e Terra etiam, a qua soliditatem habeat, ut Timaco,

maeo Platoniq. placuit, falsum est adserere.

275 Cur Caelum mouetur.

276 Cur idem circulari moueatur motu.

277 Cur longè fortè orbibus calidior uisus sol, minùs fortè uelocius moueri opus habet.

278 Cur idem Solis, qui orbium est, calor omnino uideri debet.

279 Cur & ubi sol ipse per se, & longè quidem rapidissimo circumuolui uidetur motu.

280 Cur luna non circumuoluitur.

281 Cur, animalium totorum motus exemplo, simplicia, ac similia quae sunt, ab alio ab ipsis distincto separatòq. moueri, declarare non licet.

282 Cur ignis, & multò etiam quàm animalium magis, proprius motus uideri debet.

283 Cur absurdissima, & peruersa insuper Aristotelis ratio, quapropterea ignem a se ipso moueri abnegat, quòd motum, subsistendi facultate praeditus non est.

284 Cur quaedam motum sistere uidentur, quaedam nunquam.

285 Cur falsus Aristoteles, qui uni & mouendi, & a motu cessandi principium indat.

286 Cur ignis hìc recto solo moueri uidetur.

287 Cur & omnibus ipse moueri posse, & omnibus gaudere, & ad cognata delatus, non recto ampliùs, sed circulari moueri uideri debet.

288 Cur animalium spiritus multis mouetur, uariisq. motibus.

289 Cur quàm longissimè abest, motus ut passio uideri possit, proprius qui existit, naturalisq.

290 Cur, & quis motus, passio ut sit, nihil uetat.

291 Cur & locus quae continet seruari uidetur.

292 Cur quodlibet, proprium locum appetere, ad eumq. promptè ferri uidetur.

Cc Cur


- 293 Cur non in aliud actio uideri potest motus.
- 294 Cur mobilia quae sunt entia, nequaquam efficiens motus sui, nec faciendi omnino in se ipsis principium habere, sed patiendi tantum, falsum.
- 295 Cur ratio alterationis, immutationisq. propria, minimè motui conuenire potest.
- 296 Cur, & in quibus mouere, & moueri idem; deferri uerò, & deferre non item.
- 297 Cur locus ad entium substantiam, perfectionemq. nequidquam conferre uideri debet, nec per se ab entibus expeti.
- 298 Cur non, si animal ab anima, & corpore, ut e forma, & materia compositum sit, non totum ipsum moueri; sed eius partes ab una quapiam, & inmota ea, declarare umquam possit Aristoteles.
- 299 Cur, nec, si anima corpori inest ut nauta naui, illud idem declarare umquam ualebit.
- 300 Cur, si finitum cum sit Caelum, infinito sit tempore, & a motu cesset numquam.
- 301 Cur falsò Aristoteli, sui sq. animatum uisum est Caelum.
- 302 Cur non e duplici substantia Caelum, & ex immobili altera, ueluti animalia, compositum uideri debet.
- 303 Cur Caelum spiritus substantiae quàm simillimum.
- 304 Cur eo moueri Caelum, quo animalium corpora mouentur a separata, immotâq. substantia, ne ipsi itidem Aristoteli placere potest.
- 305 Cur quaecumque existat Caelum, minimè tamen, animae ritu, ob ullius uel appetitum, uel odium moueri uideri potest.
- 306 Cur falsò Caeli motus causam efficientem, & finalem inquisierunt Peripatetici.
- 307 Cur non moueri Terram, quòd bonum consequi non possit, absurdum.

PRO-

203

PROBLEMAT A.

DE SOMNO.

- 308  VR homo, dum somno detinetur, ueluti demor-
tuus apparet, sensu omni, omniq. externo de-
stitutus motu.
- 309 Cur uel dum dormit, a paullo uehementiori con-
tactu, sonòq., & paucis omnino dormiens horis, per se exper-
gescit, & ueluti reuiuiscit, sensu restitutus, motuq.
- 310 Cur & qui dormientibus, internis in partibus fiunt motus;
pulsus nimirum; in somni quidem initio (si Galeno credimus)
minores fiunt, languidioresq. tum etiam & tardiores, raro-
resq.; postea uerò tarditatem pedetentim augent, & raritatē.
- 311 Cur praesertim a cibo, ac maiores fiunt, uehementioresq.
- 312 Cur deinde si diuturnior fiat somnus, ad remissionem, &
paruitatem redeunt, tarditatem, & raritatem retinent.
- 313 Cur ubi somnus cessat, euestigio magni, uehementes, cele-
res, crebriq. fiunt, & cum quadam etiam uibratione.
- 314 Cur mox mediocritatem adsequuntur.
- 315 Cur somni itidem initio externae corporis partes frigent
omnes.
- 316 Cur facies liuidiores, decolorēsq., & pallidiores fiunt.
- 317 Cur deinde somno progrediente & partes incalescunt, &
facies propriam speciem recipiunt.
- 318 Cur concoctiones omnes, digestionēsq. praestantiùs in som-
no, quàm in uigilia fiunt.
- 319 Cur & profundis quidem in somnis, insomnia aut non fiunt
omnino, aut ualde confusa, interruptaq. fiunt.
- 320 Cur in fine somni multa, benèq. distincta.
- 321 Cur sint qui, dum dormiunt, loquantur quidem, mouean-
túrq., & nullam dictorum, factorumq. memoriam retineant.
- 322 Cur labores uehementes, diuturniq. motus somnum face-
re uidentur.

Cc 2 Cur

- 323 Cur & ira.
 324 Cur laetitia.
 325 Cur spes.
 326 Cur uenus.
 327 Cur & inedia, uigiliâq.
 328 Cur & nimii, uel uaporosi flatus, lentiq. cibi.
 329 Cur potiones nimiae, uel exiguae, at flatulentae.
 330 Cur februm accessiones.
 331 Cur cogitatio.
 332 Cur item lectio.
 333 Cur tristitia, & timor.
 334 Cur quilibet lenis, iucundusq. sonus.
 335 Cur & lenes titillationes, contectationes, frictiones, le-
 uisq. agitatio, & motus denique lenis, blandusq. omnis, & cir-
 cularis itidem.
 336 Cur tenebrae.
 337 Cur silentium.
 338 Cur denique & ipsa etiam uoluntas.
 339 Cur cerebrum praeterea uel confusum, uel tumefactum,
 uel crassis, frigidisq. oppletum uaporibus, & magis etiam hu-
 moribus.
 340 Cur pluuiae, atque hiems.
 341 Cur somniculosi, qui frigidis laborant morbis, capitis praec-
 fertim, cerebriq.
 342 Cur & iidem, qui palustria incolant loca.
 343 Cur pueri.
 344 Cur feminae diu somno detinentur.
 345 Cur contra, insomnes calido homines corpore.
 346 Cur qui calidis laborant morbis.
 347 Cur & qui calidas, siccâsq. incolunt terras.
 348 Cur & senes.
 349 Cur animalum spiritus summè sentiens, summèq. mobilis,
 & summè motu oblectari uidetur.
 350 Cur animalis spiritus a sonis mirifica afficitur uoluptate.
 Cur

- 351 Cur qui, spiritus portioni ubiuis exsistenti datur motus, ad uniuerſum is ſpiritum, quacumque in parte exſiſtentem, deferri uideri debet.
- 352 Cur aëri per nares ad cerebri uentriculos patens facta eſt uia.
- 353 Cur itidem & uaporibus per oſophagum.
- 354 Cur animi deliquia fiant.
- 355 Cur externae corporis partes calēt in laetitia, rubēntq. oēs.
- 356 Cur & non oculi in laetitia modò grādioreſ, multòq. etiam ſplēdidioreſ, & magis uiui apparēt, ſed os etiā ipſū uniuerſum.
- 357 Cur in triſtitia contrā, timorēq. frigent, albēntq. externae partes, & oculi minimi, atque obſcuri, languidīq., & os itidem imminutum apparet, & ueluti demortuum.
- 358 Cur ſomnus animalibus tributus; & quare Ariſt. & Galeni ſententia reprobata.
- 359 Cur ſi ſpiritus ſui natura mobilis, & a motu robur ſumere uideri debet, motu ipſo defatigetur imminuatūq.
- 360 Cur pulſatio, ac reſpiratio animalibus tributa eſt; falſa tum Ariſtot. tū Galeni de pulſus, & reſpirationis uſu uiſa ſentētia.
- 361 Cur imperfēctēq., prauēq. ſomni cauſſas explicatas fuiſſe ab Ariſtotele uideri debet.
- 362 Cur ſomnū facultatis a cerebro emanātis, & caloris influētis abſceſſu fieri, ut Galeno, aliisq. placuit, falſum uideri debet.

H E B D O M A S.

- 363 Cur Ariſtoteles, ſi in numeris nihil eſt momenti, partus ſeptimo, ac nono menſe uiuunt, octauo numquam.
- 364 Cur ſeptem planetae, nouem orbes.
- 365 Cur illiorum ad hominis longitudinem ratio ſeptuplex.
- 366 Cur dies ſeptimus inedia necat.
- 367 Cur lunae mirabiles cōuerſiones ſeptenariis omnino cōſtāt.
- 368 Cur ſeptem neruorum paria.
- 369 Cur Philomela ſeptē dies, totidēmq. noctes aſſiduē nouem diſcrimina uocum ingeminat.
- 370 Cur ſapiētiffimus Moyſes, & prophetae omnia paene oracula

la septenariis concluderunt. Celebritates septimo die, septima hebdomada, septimo mense indictae: septimo anno agrorum quies, ac seruorum manumissio.

^a Leu. 27. 371 Cur post annum septies septimum a Deo optimo max. Patribus indictus est magnus Iubileus. ^a qui in hoc anno celebratur, sedente pontifice maximo, beatissimóq. Gregorio XIII.

372 Cur denique septenarius euripi fluxus, ac refluxus, ARISTOTELEM ad furorem, uel, ut alii, ad praecipitium adegit?

Quia non ceperat ARISTOTELES euripum
Euripus ARISTOTELEM dicitur cepisse.

otima
orum
Pa-
lebra
III.
RI-
itium

209

1. 7. 95

ORATIONES TRES.

TRIBVS ILLIS DIEBVS HABITAE

A GASPARE ZENVCHINO,

CVM HAS ANTONII PERSII

POSITIONES TVTARETVR.

ORATIO PRIMA.



AGNI interesse, semper existimaui (Auditores prae-
stantissimi) illum, qui suum animum ad aliquod studiũ
adiunxit, ut ad quem sibi statuit, sapientiae gradũ per-
ueniret, quò ingenio, quãue mente id faceret, omnium
optimè, primũq. cognoscere & contemplari. quod cùm is facere
neglexerit, quid in vita laudabile sit, quid item opus facto uideri
possit, ignorare se fateatur necesse erit. Sicuti enim permultos ex-
cellentes ingenio, ac doctrina viros, litterarum studia exercuisse,
litteras, quas uel ipsi, uel de ipsis alii, posteritatis memoriae consi-
gnarunt, abunde declarant: sic quoque illos partim ex uitae suae
cursu, partim autem ex ore, uel scriptis etiam suis, non unam ean-
dẽm ob causam ad humanarum, diuinarũq. rerum cognitio-
nem se contulisse, intelligimus. quosdam enim litteras coluisse ac-
cepimus, propter actionum, quae sine his frigent, paenẽq. exani-
mes degunt, operae pretium quoddam; eosdẽq. si, omissis iis, opi-
bus, amicis, honoribus, imperiisq. florere se posse nouissent, ne sum-
mis quidem eas digitis contactũros fuisse: Alios item cum multis
versatos, ne amusi haberentur; auctorum peruoluisse scripta, libros
contriuisse, dicta illorum, memoriae madauisse, quò, dum uiuerẽt,
haud inferiores aliis doctrina, dum ad exitum declinarent, uoti sui
compotes decessuri sibi uiderentur; omnia se consecutos existimã-
tes; quae quidem in homine bona dici possunt, cùm aliorum scri-
pta quid sibi uellent, intellexerint, uerane, an falsa essent, nihil alio
qui curaturi: Fuisse item alios, quorum ad virtutem excolendam

Dd non

ORATIO PRIMA.

non praemiis incensa cupiditas; ad cognitionem scientiarum con-
sequendam, non admirationi ceteris existendi spe, uel inferiores
aequalibus viuendi, inuidia percussus animus fuit; verum quia sese
homines esse cognorunt, hoc est, animal illud spectabile, cui cum
Deo, rationis est societas; quiq. cum ad hunc Mundum contemplā-
dum orti sint (vt inquit Cicerō) semper in promptu habere debeāt,
quātum natura hominis pecudibus, reliquisq. bestiis antecellat (Il-
lae enim nihil sentiunt, nisi uoluptatem, ad eamq. ferūtur toto im-
petu: hominis autem mens discendo alitur, & cogitando semper
aliquid aut inquirat, aut agit, videndiq. aut audiendi delectatione
ducitur) debere se dispicere animaduuerūt, & sentire quid simus,
& quid ab animalibus ceteris differamus, eaq. tum insequi incipe-
re, ad quae nati sumus. Cū enim ab illis, hoc uno, plurimum discre-
peius, quod rationem habeamus a natura menti datam, mētēq.
& acrem, & vigentem, celerrimēq. multa simul agitantem, & (ut ita
dicām) sagacem, & quae causas rerum, & consecutiones uideat, &
similitudines transferat, & disiuncta coniungat, & cum praesenti-
bus futura copulet, omnēq. complectatur uitae consequentis sta-
tum: Cūmq. eadem natura cupiditatem ingenuerit, ueri inuenien-
di (est enim natura sic generata uis hominis, ut ad omnē ueritatem
percipiendam facta uideatur) his initiis ducti, omnia uera diligere,
id est, fidelia, simplicia, constantia; tum uana, falsa, fallentia odisse
debemus. Tales igitur in eam curam, & cogitationem omni dilige-
tia, & studio incubuerunt, ut quā multa discerent, & fideliter, &
uere cognoscerent: & non tam aliorum industriā in scribendis reb.
admirarentur, quā illarū ueritatem amplecterentur: in quo laus
omnis, a nobis exactae uitae consisteret, cuiusq. maior cumulus fie-
ri nusquam posset ab hominibus. Quarum cogitationum (cū es-
se solam aliquam atque unicam necesse sit, quae excellat, & quae
aliis dominetur) quae praeclarior atque praestantior, hoc est, quae
dignior homine uideatur, si me roget aliquis; illam certē, responde-
bo, quam sequor; quae cuncta mea cōsilia moderatur, actionūq.
meorum unica dux est, & gubernatrix: in cuius manu denique tota
consistit ratio meae, ac moderatio uitae: illam, inquam, mihi uide-
ri inter omnes alias familiam ducere; mēq. ita existimare, praeter
ceteras

ceteras mirificis laudibus esse ferendam: probent modò alii, amplectantur, foveant quidquid animo suo collibitū fuerit. me quae diu habuit uolūtas, & mens erga studia litterarum, eadem nunc habet, habebitq. quoad uiuam, dum non aliam hac laudabiliorem inueniri comperero, ut ad illam rursus, istac relicta; meo functus officio; conuertam animum, ad quam omnium laudabilissima ratio me traduxit. Quae sit autem, & qualis ista cogitatio, quae mihi complicita est, de tribus illis, quas antè proposui, nunc dabo paucis. Primum autem quaeram a uobis, an cuiquam uestrum est dubium, summae gloriae fructum homines apud omnes aetates, nationesq. retulisse, cum hi suum munus lautè, ac sapienter administrarunt? Mihi quidem sic est sententia, cum quisque id, quod sui est officii, strenuè exsequitur, omne tulit punctum: operamq. suam cum maiori fruge collocare nec debuit, nec uerò unquam potuit: Nostris autem in animis a natura ipsa quaedam insita fuisse cupiditatis sciēdi, semina, eaq. igniculis fota quibusdam, & aculeis armata, ac circumsepta undique; quò animum nostrum perpetuo stimulo sollicitum redderēt, ad eorum, qui praestanti doctrina sibi nomē immortale pepererunt, aemulandam diligentiam, laboresq. subeundos in exquirendis, ac peruestigandis his, quae posita sunt in industria, in geniiq. ope, corporisq. vigiliis comparantur; quot quot ipsa, cuius adipisci cognitionem auemus, rerum faciens obtulerit; nec uiri sapientissimi dubitarunt, & res ipsa, diēsque, qua rerum humanarum consilia, actiones, operationes, & illarum exitus ex occulto in apertum producuntur; atque produntur, optimè declarant. Quòd si aliquis ita se compareret, ut ea, quae maximi homines in usum posteritatis explicarūt, attentè perdiscat, memoriaeq. sedulò, diligētēque committat, simul usque eò cogitatione, ingeniōq. procedat, ut explicando multa, quae latent abstrusa, atque abdita in immensitate naturae, quaeque ueteres ipsi non uiderunt, perspiciat, obseruet, atque, olim a natura, hominum cognitioni denegata, ab illorum oculis remota, nostris, uel nepotum nostrorum temporibus peruulgata, ipsa non inuita referet natura; cuius dono consecutus sit, ut sua longè ueterum sollertiae industria antecellat, & innumera, quae peccauere illi, sic esse animaduertat, & quae ipse ingenuè sentiat,

Dd 2 ueluti

ORATIO PRIMA.

ueluti meliora, cum aliis communicet; nōne Spartam hunc suam humanam, pulcre, & cumulatè ornasse, atque etiam exornasse confitebimur! Similem ego uiam insistere coepi, de qua ne uestigium quidem sum discessurus, hoc auctore Antonio Persio, quem imitari, quantum in me est, conor noctesq. & dies, an adsequi umquam possim, nescio; uoluntas certè decreit numquam. Quod cum facio, meum officium facio, si conari pergo illa, quae me ratio docuit; ad quae natura impulit, uerae, & immortalis gloriae fructus pellexit, uirèsq. suas bona, quae mihi fortuna elargita est, abunde, diis gratia, subministrant. Interim autem uenit in mentem mihi illorum stultitiae, qui sic existimant, atque obstinatè pronunciant, nullas res ab antiquis ignoratas, nullas item nostra memoria inuentas, ac perpolitas fuisse: immo id genus hominum est, qui, pecudum more, ea tantum, quae pedibus teruntur, quaeq. praesentia sunt, intuentur; nihil altum suspiciunt, nihil, nisi quod laudari sentiunt, laudant; nihil, nisi quod repudiari uident, exagitant; noua nec afferri, nec inuentis addi aliquid, uolunt; aliterq. quàm de magistris suis acceperunt, pronunciare, religionis iis est: de quibus uerè illud dicatur, Ait, aio, negat quis, nego. Ii cum incidunt in eiusmodi ingenia hominum, quae largitate, ac benignitate naturae nihil non adsequi, in nullòq. non promouere ualent, quocumque se applicent, quaeq. elegantius aliquantò, quàm ceteri uulgò soleant, de scriptis ueterum sententiam ferre consueuerunt, heu quàm ringi, atque animo incitari solent! quae, probra, quae maledicta coniiciunt in id genus, quotidie obstrepentes, Ne quid nimis: nimium enim sapis, qui doctissimum quemque in ius uocare non uereris: Odiose cessa: Vísne tu homuncio philosophorum sectas conturbare! Inanem hercle certè operam sumis: Tua si ne dubio iocularis haec audacia in neruum erupet denique; & sexcenta huiusmodi, quae sine uehementi dolore nequeo recensere, in eum uidens locum res atque rationes nostras rediisse, ut additi placitis, & aliorum dogmatis, intollerabile seruitutis iugum nostris ceruicibus sustineamus. Verumne ergo erit, praeclara ingenia, quae, noua excogitando, uel errata aliorum animaduertendo, speciosissimos doctrinae fructus produxerunt, summae laudis, & gloriae loco,

co, haberi ludibrio quorundam factis, ac aliquot, immo plerorum
que maleuolentissimis obrectationibus in dubium uenire, ne de
ueteri sua, praeclarâq. sententia depellantur! Nam quae haec est
inscitia, cuncta referre ad antiquos homines, nostris omnia detra-
here! quasi uerò naturam habeamus iratam, nostrâq. condicio sit
longè ueterum condicione deterior. At ego sic animam induco
meum, naturam sicuti nullum tempus, fieri passa est, in quo omnia
omnibus essent aperta, atque in illustri quodam loco sita, uerùm
indies unicuique aetati ueluti eximium quoddam beneficium da-
re, quo reliqua tempora caruere, alteri item detrahere quod in a-
liis aetatibus praecipuum fuit, atque in honore uiguit; Ita quoque
nullum tempus uacuum esse siuisse insigni quodam honore, ac lau-
de praeter cetera. Quod si uerum est, quid restat, nisi porro ut ina-
nes, ac leues, & in summo sint mendacio, qui monstri simile esse pu-
tant, inueniri aliquem aetate hac nostra, qui ingenio polleat, &
priorum philosophorum academias, noua gymnasia erigendo, ae-
quet solo, ueriorâq. comportando, scripta illorum euanescere, au-
thoritatemq. ad paucos recidere, sit in causa, quò solertiam anti-
quorum, & sapientiam philosophorum sequi nostram non passib.
aequis; ut sic dixerim; sentiamus, nedum temporibus illis suos Pla-
tones, & suos Aristoteles, suosq. Xenocrates inuideamus; natu-
râmq. nobis id gratiae libenter dedisse credamus, ut in nonnullis
ueritatis semitâ reperiremus, a qua longè antiqui illi delirauissêt.
Quamquam satis uerborum fuisse puto de re huiusmodi illis, qui
rectum sensum in remp. litterariam numquam deposuerunt: iis au-
tem, qui uel interruptum, aut aliquorum oppressum atque afflictû
iniuria habent, paucis aliis, quae dixi, concludam. Constare igitur
puto uobis uniuersis (Auditores praestantissimi) ualde ineptam ui-
deri mihi rationem illorum, atque absurdam, qui sic addici in ser-
uitutem Aristotelis (lubet enim hunc mihi in exemplum aduoca-
re: cuius discipulos, Peripateticos appellatos, qui norit, aliorum
Praeceptorum in aliis facultatibus asseclas optimè norit; cùm in
eodem ludo probè instructam ad seruiendum maximam illorum
partem uideâ, qui in ceteris disciplinis operâ suâ consumpserunt)
sic mâcipio, & usu fieri Aristotelis velint, ut in unius hominis uolû-
tate,

ORATIO PRIMA.

tate, ac uerbis tota philosophia collocata sit, atque ex unius uiri fortuna cunctae uniuersorum ordinum, & condicionum fortunae pendeant: quaeq. si eueniat ut naufragium faciat, uel extinguatur denique (cur enim id non demus, aliqua temporum iniuria, ut lubrica sunt humana, ipsius monumentis, quod aliis euenit, cadere posse!) de fortunis nostris iam actum, & conclamatum erit. Eia igitur proferre iam liceat philosophiae pomerium, ne tam exiguo Aristotelicae sectae ambitu concludamur, aut ulla temporis circumscriptione placita nostra terminentur. De me hoc habeo dicere, meam rationem ita ferre, ut nemini addictus sim: omniumq. sententias, auctoritates, & uerba, statim atque contra rationem parata sentiam, ex animo (ut Lucretius ait) exputurus. Quod si nimium audax uobis forte uisus ero, quid mea id! esto. Mihi certè adhuc stat sententia, dum ad inueniendam, & peruestigandam ueritatem animatus sum, si poterit fieri, ut credant omnes, alias res non agere me, quàm id, quod ab initio sum professus; illis immortalem hercle gratiam habebo, ac mecum ipse magnopere laetabor: Sed si id; ut est hominum quorundam obstinatus animus ad credendum, non quirit fieri, & si dolore afficiar, atque hoc permolestè feram, sino tandem ut me clamitent sycphantam, omnesq. inimicos eos habere studentem, qui modò apud ceteros quantiuis pretii sint, uel fuerint; qui tamen (grauiori enim uerbo uti necesse est) longè prior res partes habent, quàm ipsa ueritas; cuius tenèdae gratia, ad quos temere nunc habemus, nullum sanè respectum habere deberemus. Illius itaque reuerentia commotus, atque auctoritate fretus, has propositiones, quae, Persii collectae industria, lucubrationibusq., ad disputandum a me proponuntur, in publico omnium conspectu exhibui discutiendas, perpendendas, examénq. tot clarissimorum, elegantissimorumq. ingeniorum subituras. Cum autem ego sola ratione fultus, atque armatus in medium processerim, sed ea ratione, quae de sensu perceptis rebus proficiscatur; uos orare uelim, ut eadè ratione armati, si placet, accedatis; nūquam enim futurum est, ut aufugiā dū uita aderit. Quod si quis alicuius magni uiri sententiam, in rem suam sibi aduocarit, hanc, in nostra uoluntate, accipiamus, necne, situm erit: alioquin is, quicumque est, valeat quàm potest

ORATIO PRIMA.

potest, nobiscum certè non pugnabit. Video me suscepisse magnū fortasse onus, & mihi periculosum; in quo omnes nervos aetatis, industriaeq. meae contendere debeam. Fateor. Tantò igitur mihi eritis clementiores, si ego illi, quam de me uobis excitari, opinio ni impar ero. Agite ergo praeclara ingenia, quaecūque hic adestis, meae, uestraeq. periculum factura uirtutis, ad arma cōclamatū est. Veniendum ad manus. Iam-dudum in dubiam seruitii, imperiūq. aleam tot & tantorum uirorum itur, praecipue uerò praestati, ac singulari doctrina, tot iam voluentibus annis, clari illustrissimiq. Aristotelis: de quo nunc certè uidebimus, an sedulò dici possit id, quod de maximo imperatorum est celebratum

Imperium Oceano, famam qui terminet astris

Atque hīc finem dicendi facio, ne longa oratione plusquam satis est, diem consumamus.

D I X I.

ORATIO SECVNDA.



Esterno die (Auditores praestantissimi) longiori oratione, consilium nostrum quod esset in ratione discendi, enarrandiq. auctores disciplinarum, non tam leuiter memorauisse me, credo, ut illud non tenēre satis probè ualuisse is, qui ad ea, quae dixi, animū adiecisset suū; qui non adiecisset, non me leuiter id, uerū ne dixisse quidem, neque uerbum fecisse ullum, putem. Si cui parum igitur attēre in aures accesserunt, duobus uerbis concludam nunc, ut quid uoluerim sciat. Me, scilicet, libertatem ingenii requirere in hauriendis atque imbibendis doctrinarum fontibus: omnēsq. sensus in consilium adhibendos, ut id, quod tabella plurium approbarit, ratum & firmū habeatur; nulla uis, nullus metus nostris fucum faciat sensibus, ut aliter quā uiderint, iudicent, secus quā iudicauerint, loquantur. Hanc me habere opinionem, eāmq. nō minuisse me, neque minurum umquam, & tum dixi, & redīci nunc uolo. Restat ut, cū de Aristotele primū verba fecerim, de ceteris nunc a me nonnullis habeatur sermo, de quibus in his disputationibus quoque mentio facta est. Ego cum animo meo sic reputaui, rationēmq. subdu-

xi, si

ORATIO SECVNDA.

xi, si meam causam heri comprobauissetis, longè minori cum difficultate me hodiernam causam obtenturum. nam qui antea pro deo habitus, humani a se nihil alienum expertus fuisse, est declaratus, is, credo, satis esse potuerit nobis documento, ceteros, qui cum hominibus uixerunt, & uitam suam cum morte commutarunt, homines fuisse, atque ideo humanae conditioni obnoxios, errare potuisse. Cum autem ea philosophia, quae de moribus est, tractationē habeat duplicem, unam de ratione uitae priuatae, quotidianaeque, alteram de illa uita, quae cum aliis uiuitur, quaeque mutua officia in hominibus contemplatur, eaque rursus partes habeat duas, alteram, amicorum communionem, alteram, populorum iure sociatorum publicam coniunctionem, & legibus, imperiisque firmatam, constabilitamque; illam, quae ad singulos, & ad familiaritatem, seu genere proximos inter se, homines adinet, copiosissime, & ut vulgus hominum existimat, uerissime in litteras misit Aristoteles: de altera, quae legibus, & iurisdictione constat, & si multa, non omnia tamē, uerum praecipua quaedam nobis idem artifex impertiuit. Eius autem vultus, facies, corpus, tota denique forma diligentissime ab antiquis Romanis I. Consultis delineata fuit; ita, ut si quae mutila manerent, sub eorum nomine circumferuntur, a nobis integra haberentur, uel nihil, uel certè parum in eo negotio desiderari posset. Romana enim resp. sicuti belli gloria cunctas respublicas, & imperia regum, populorumque longè post se reliquit, ita, Iuris ciuilis cognitione, ac celebritate, non Athenas solùm; quibus istius prudentiae debet incunabula; uerùm omnes alias orbis regiones, urbes, provincias antecessit. Nō mirū igitur facio, si Romanā iurisprudentiā, ut absolutiorē, & illustriorē, in ordinē adscitā propositionū, quae moralis philosophiae dicuntur, ad disputandū producere uolui. In hac autē, multa sicuti rerū natura fert, multi ex I. C. ipsis, quia non omnes omnia, quae requiruntur ad perfectū iurisconsultum, in se habebant, peccauerunt; aliis enim defuit cognitio uerae illius, & in affectatae philosophiae, aliis non exactè comparata; multis obstitit animi procliuitas ad inclinandum in eam partem, quae magis amica iniqui, quàm aequi ipsismet uidebatur. Quid factum postea? ut non omnes uerè, & sincere ius suum tractarint; idēque in multis de
disse

ORATIO SECVNDA.

disse locum reprehensioni, & correctioni responforū, quae ipsi red-
debant, uideantur; posito, quòd illorum monumenta non lacera, di-
stracta, mutila, ut nunc sunt, verum apud nos absoluta, fideiāq. cir-
cumferrētur. Iurisconsultos secuti sunt imperatores. partim enim
illorum cum imperatoribus uixerunt, magnòq. apud illos in hono-
re habiti sunt, partim etiam, imperatorum aetatem praecesserunt.
In imp. rescriptis quidquid boni est, habetur uel de ipsorum I. C.
marce, quibus ad maximas res utebantur, qui haberent salem; idq.
plerumque omnia; uel, quod exiguum est, de nonnullorum impe-
ratorum ingenio, qui in litteris promouerunt. In his constitutioni-
bus non multa reperiuntur, quae spongiae admouenda forent, sed
reperiuntur tamen nonnulla: plurima dicere nolim, quia non ad-
sentior iis, qui rescriptorum contrarietatem errori causam prae-
bere iudicant. Quid! si aduersae inter se erunt leges illae, (dicet
aliquis) nōne iustitiae uis in alterutra illarum parte retinebitur?
nam in utraque sanctè, pièq. coli iustitiam, quis sanus praedicet!
Ego posse, contrà, existimo: quia cum ius naturale in animo sem-
per habuisse illos, credibile esse possit, quod adsequi pro uiribus stu-
derent, eandem in iure dicundo rationem ideo non sunt secuti,
quia non eiusdem hominibus ingenii, temporis, uitae, morum, le-
ges tulerūt. Sed ad inferiora tēpora descendere, est animus; nōne

-- parentis crediderim sui

Fregisse ceruicem, & penetralia

Sparsisse nocturno cruore

Hospitis! -- & venena Colchica,

Et quidquid usquam concipitur nefas

tractauisse Iustinianum imperatorem! qui cum inisset consilium,
Ius ciuile Romanorū, cōmentariis, responsisq. abunde refertū tot
elegantissimorū, & sapientissimorū uirorū, in artem redigere, ita
cupiditate gloriae suum animum occupari est passus, ut quae a se
prouidenda erant, ratione non prouiderit, homines, nimirum, qui
in posterum erant futuri, non deserturos humanum ingenium; dum
ea, quae litteris complexa sunt, indies clariora efficere contendūt
idq. commentariorū ope, sicuti in XII tabularum aliisq. compluri

Ec bus

ORATIO SECVNDA.

bus legibus I. C. superiores fecerant; sed longo ab illis discrimine collocandos, cum illi reip. suae mores, & progressus probè callerēt, isti nihil minùs; illi tēporibus, per quae florentissimū statū sortita est resp. proximi fuerint, hi longè ab illis remotissimi inuenirētur. Hoc est primum peccatum Iustiniani: sequitur alterum longè turpius, & maiore dignius cruciatu: Nō sat habuit, quod ante omnia repudiare, & ex animo suo delere consilium debuerat, arctè contīnuisse, uerū illius procurationem ineptissimis hominibus relegauisse. Id, quod praestantia capita Romanorum facere uix ausa fuerunt; & si facere incepterunt, in medio cursū, desperatis rebus, restiterunt, iste, perfici posse a nescio quibus terrae filiis, animum induxerat; *sacratissimas constitutiones*, ut ipsius uerbis utar, *antea cōfusas in luculentā erigere consonantiam; curāmq.* suam extendere *ad immensa ueteris prudentiae uolumina, & opus desperatum, quasi per medium profundum iens, caelesti fauore adimplere*: & hoc suum facinus insuper lata lege munire, & confirmare; qua cauit, ne quis *in posterum* auderet *commentarium operi suo applicare, & uerbofinitate sua compendium huiusmodi confundere*. Ridiculē. Semper tua regna permansura erant, qui praeclaro illi edicto fore audientes homines, opinabare! Non te stultitiae tuae domesticū exemplum admonere satis potuit, urbem Romam, Mundi olim dominam, nunc uerò, cum imperii summa penes te esset, e finib. Italiae relegatam, atque de medio Latii, in ultimas terras Europae translata; Imperiiq. nomen solum in Vrbe continuisse sese, cetera imperii iura ad alias gentes commigrauisse! Incertam esse cōdicionem humanarum rerum; modò huc, modò illuc, quocumque libido fortunae feratur, euehi, trahiq. dominia rerum. Nimis uellē, ut nunc sortem imperii tui commutatam intuerere, quā te facti paeniteret, ut frontem percuteres! primum quia pro puris illis doctrinae fontibus conturbatissimos aquarum riuulos nobis obiceris; pro Latina, Romanāq. Barbaram iurisprudētiam induxeris; Deinde quia leges tuas ridiculo minoribus fuisse cognosceres. Nam per Deum immortalem quo nomine factū tuum purgares! Vos appello, Iurisconsultorum manes; quorum industria, quantū decus

decus, noménq. gesserit urbs Roma, ferme-moriēs illius imperiū
 satis docere nos pōtest: bellicam enim uirtutem non minimum in-
 crementum, nec uulgare fuisse gloriæ illius, non negauerim; sed
 ea potentia, quam sibi parauit armis, auxit, & retinuit legib., quan-
 ta nunc est! Legum autem scientia, & incomparabilis illarum pru-
 dentia si per Iustinianum percussa non fuisset, qui tot labores ex-
 cellentium Romani caeli ingeniorum igni deuouerit imperauit,
 quam latè suas uires extenderet, cū, eo, quo nunc reperitur, sta-
 tu corporis, lacera, & detruncata, sola efficit, ut amplitudinem, &
 fulgorem antiquorum Romanorum admiremur, & sempiternis e-
 tiam laudibus euehamus! Vos, inquam, appello, manes Iuriscōsul-
 torum; quis, & quantus uester esset dolor, si fetus uestros immatu-
 ra, atque inhonesta morte, de medio sublatos, intelligeretis, & il-
 lorum partem, amputatis mēbris, nisi uestrum nomen inscriptum
 ferrent (instar hermatherarum quarundam, quæ nisi clarorum a-
 liquot uirorum nomen insculptum haberent, uix a nobis dignosci
 possent, tam exesæ, sitūq. uetustatis confectæ sunt) uix certè agno-
 sceretis! qua uerò inuidia, quo stomacho multorum commēta, ne
 commētarios dicam, legeretis; eorum dico, qui, psittacorū more,
 cū tot logis omnes paginas referferint, ubi tamen opus est, infan-
 tissimi cōuincūtur esse. Nam quid aliud exspectandum ab eo gene-
 re hominū, qui nec Grāmaticen, nec Rhetorice, nec Dialecticē,
 postremò nec praecepta morum tenuerunt, uel de facie nouerūt,
 antè quàm se ad Ius ciuile conferrent, nisi quādam insulsā, & odio-
 sam cōgeriem uerborum, in exponēdis plerumque minutiis, quas
 grammatici uno uerbo tradunt! Ut de gerundiis longos facere cō-
 mentarios, fuerint qui non erubuerint, & tamen se Ius ciuile tū in-
 terpretari, animum inducerent; itēmq. sophismatum, & elenchorū
 indignissimam iuriconsulto, si ullo umquam alio, coaceruationē,
 connexionēmq. nisi myriades facti specierum, quos, Casus, uo-
 cant, quæ noua rēspōsa quotidie pariunt, regularūmq. & illarū
 exceptionum infinitam seriem! Sed

De illis iam finem faciam dicundi mihi,

Peccandi cū ipsi de se finem non faciunt

Ut cum Poëta loquar. Et cū ego me totum dem in eam partem

Ec 2 ut

O R A T I O S E C V N D A .

ut ingenuè in litteris uiuam, & de ipsis a uero animi mei sensu iudicem, simul habeam rationem certam, atque ordinatam, non confusam uel praeposteram in addiscendo, uelim admonitos eos, qui in Iure ciuili nonnullam operam nancisci decreuerunt, hoc meum institutum diligenter secum examinent: & si laudabile sibi uideatur, amplectantur, in eòq. magistros ad imitandum, sibi proponant eos, qui tum in Italia, quorum numerus aliquis est, tum uerò in Gallia, & in Germania, atque adeò circum ea loca; uel nunc uiuunt, uel memoria patrum nostrorum uixerunt, ut illorum satis monumenta declarât; quae si cum delectu in manibus tenere sciemus, mirificae scientiae, atque uirtutis, quam nobis ex illis comparauerimus, clarior significatio propediem elucefcet. D I X I.

O R A T I O T E R T I A .



HIC dies (ut uidetis) actum habet ueluti tertium, eumq. nouissimum laboris mei: & haec oratio, quam habere coepi coram uobis de superiore loco (Auditores praestantissimi) postrema denique est futura. Quod tempus idoneum esse mihi uisum est, immo uerò necessarium, in quo quae per me restant agenda, prouidendaq., sic per me agantur, & prouideantur, ut nonnullam de suscepta prouincia laudem reportem: proximè uerò si id impetrare non potero cum bona uestra gratia, uel quòd idem, hoc mihi tribuere, uideatur, atque uictos a me uos esse, cōfiteri; quod ego numquam sperare ausus sum, neque uerò praestitisse nunc me, sensi; uel quòd in ea gerenda (quod magis credam) negligenter sim uersatus, imperitiámq. potius meam detegerim, quàm uoluntatem declarauerim, ita ut optabam; si quidem aliquid, uel melius, innumera me fugerint; id saltem exorem a uobis, quod meae commodum famae arbitror, neque dignitati uestrae incommodum euenturum, ut omnia, quae feci, sedulò me, atque ex uera uita fecisse, fidem habeatis. In summa, talem opinionè a me uestram, si quae est, amotam uelim, sic me de commodis meis cogitauisse, ut utilitatis, & dignitatis aliorum rationem nullá habuerim: quin immo uelim ita uos existimare, illum putauisse maximum

mum mihi quaestum, si quàm maximè commodis, atque utilitati
 uestrae seruirem, dum hanc suscipere, atque ingrederer studiorū
 rationem meorum, in iis artibus, quarum principia, progressus, &
 modos comparandarum, in medio exponere quoad licuit, & effice
 re situm fuit in nobis, non refugi. Nam qui me inductum, atque im
 pulsum amore quodam putarit, & cupiditate gloriae ad defenden
 da eiusmodi placita, ferè omnia extra vulgarem opinionem collo
 cata, is in eo non frustrabitur sese, neque illi succenseam: ut etiam
 amem, ab hominibus haberi, & dici *φδοξία*, dum sciam, perfectos
 homines, & excellētibus praeditos ingeniis, quorum similis esse la
 boro, excitari spe gloriae. Sed si is tam iniquus esse perrexerit in
 me iudex, ut addere etiam non sit ueriturus, delectari me magis ru
 more quodam populari, quòd ad ea cum ingenio, atque industria
 perducere, velim ab aliis intelligi, ad quae non sine rubore nimiae au
 daciae sapientes uiri, atque ex doctrina clari penetrauerūt: cūmq.
 hoc ab initio nihil mihi longius fuisset, quis exitus rerum esset fu
 turus meme nullatenus prouidisse; erit certè, cur inclemēter huic
 responsum uelim, uel quia nostram laudem inuidia prosequitur,
 uel; si nulla nostra laus erit; quòd aegritudine animi impediatur,
 quòd minùs adsequi posse me credat illa, quae ceteris hominibus pa
 tuerunt, ideòq. meam industriam nullum fructum fuisse mortali
 bus parituram. Enimvero quando ego conscius sum mihi, mentem
 a me huiusmodi procul abesse, istum animum, qui nunc in me est,
 retinebo: simul aperiendo, atque altiùs repetendo consilium meū,
 faciliè me uobis probaturum, sperare audebo. Ego a principio cū
 ad litterarū studia mentem appuli, nō tam libenter, ut nunc solēo,
 neque tam libere in litteris uersabar; primū quia noster animus,
 a labore ad uoluptatē paullo momento minimòq. negotio delabi
 solet; idq. si in vlla aetate, in ea certè, cui ob teneritatem annorū,
 atque infirmitatem ingenii, ferme omnia, quae ferri non solent in
 aliis prouectioris aetatis, facillimè indulgentur: Deinde, quia ma
 gni referre putamus, cuiusmodi tibi magister oblatum sit, ut in via
 praecluceat, donec accesserit habitus quidam usu comparatus, & in
 propriam naturā conuersus, ut ab ea deduci postea sinere te, atque
 in aliam abduci, pro eo tibi uideatur, quasi cū pristinam tuā for
 mam

ORATIO TERTIA.

nam deposueris, & in aliam transmigraris. Factum est autem, ut in
teruallo temporum, quid a uera uia, falsa differret, a me licuerit co
gnosci: nec anni facultatem eripuerint mihi, quin ab antiqua ratio
ne recederem, nouam subirem, lautioribus longè condicionibus,
expetendam. In quo cum ualde mihi ipsi gratulor, tum uerò maxi
mam capio laetitiam si, dum illa, quae didicerim, breuiter uobis
commemoraro, comiter ac benignè, quae uestra humanitas est (Au
ditores praest.) operam uestrā polliceamini. Ego praeceptorū ple
nus istorum; dum agere mihi datur in hoc tam exiguo uitae curricu
lo, numquam desinere debeam, libris legendis, uel praeterita, mē
te recolere, uel praesentia in animo agitare, uel futura, discendo,
perspicere, nullūmq. mihi uacuum tempus a litteris dare. quod si dē
aliquando, id totum ad communem utilitatē conferre, ne mihi soli
uixisse, dum uixi, credar: & ut, ingenii princeps, ac doctrinae, Pla
to iubebat, profectus mei partem parentibus, affinibus, amicis, par
tem patriae, ceterisq. per gradus hominibus, qui sunt, quīq. futuri
erunt, elargiri uelim. Quod si longè diuturniorem (non dicā sem
piternam) certiorēmq. uitam, adde & opibus firmam, pacatā, tran
quillam & quietā, obtineremus, possē inducere animum, pleraque
uelle cognoscere, quae intra humanum captum concluduntur, sed
cum eius loco parua, exigua, incertam, infirmis opibus, plenam
solicitudinum, & periculorū quotidie experiamur, id sperare, ne
dicā adgredi, stultū uideretur: at illa in addiscendo, prima ducere,
quae magis necessaria sunt, & quae efficere, & cōsequi possumus,
nō quae uolumus, id uerò tam honestū dictu, quā factu non diffi
cillimum apparet esse. Constitui autem, logicis artibus, quas didi
ci, tamquam humanae uitae potiores, & magis fructuosas, adiunge
re philosophiam illam primū, quae uerè dicitur a Cicerone dux
uitae, indagatrix uirtutis, expultrix uitiorum, inuentrix legum, ma
gistra morum, & disciplinae: alteram deinde, quae naturae uniuersae
multiplicis, atque obscurae secreta perscrutatur. Harum artium
glutino quodam, & communione facta, reliquarum artium, & sciē
tiarum; si longior uita obtingeret; mihi ratio faciliior adipiscēdi red
deretur. Habent enim omnes disciplinae commune quoddam uin
culum, & quasi cognatione quadam inter se continentur. Haec est
mihi certa adhuc, & stabilis sententia. quae cum mihi & saluberri

ORATIO TERTIA.

ma omnium, & digna sapiente uideatur, habere debet, ut dixi, comitem illam atque praeclarā ducem, libertatem ingenii; alioquin infirma atque enervata primū, deinde uaga fiet & errans, & sine duce remanebit. Cum enim nihil tā propriū ferè sit homini, quā libertas oris, & mentis, cum id, quod hominū est, amiserimus, quid reliquum nobis sit, nisi id, quod cum brutis animalibus natura commune esse uoluit! Nolumus quaeso committere, ut exuti libertate, uelut in seruitutem nexi, nostra uoluntate aliis addicamur. Cuiusmodi mentem non nostram, neque nouam illam quidem, sed hominibus litteratissimis antiquissimā, & in hac nostra aetate paucis, & ante Alexandri illius Aphrodisiensis aetatem (qui primus Aristoteli tantum detulit, ut ei se totum dederit) innumeris planè doctis uiris acceptam, & illorum scriptis illustratam, & custoditam fuisse, scitote. Quorum nomina; nimirum antiquorum; ut animum quorūdam explerem, qui difficiliore ad credendum sunt; magna ex parte recensebo. hi sunt, Hermias Eunuchus, Hipparchus, Strato Lampiscenus, Demetrius Phalereus, Lyco, Aristoteli, Hieronymus Rhodius, Critolaus, Andronicus Rhodius, Boëthius Sydonius, Aristoteli alter, Eudorus, Athenodorus, Xenarchus, Nicolaus Damascenus, Asinius Pollio, Cornutus, Lucius, Nicostratus, Atticus, Herminius, Achaicus, Apollonius, Galenus, Porphyrius, Iamblicus, Magnus Syrianus, Olympiodorus, Proclus, Hermias alter, Damascius, Philoponus, Eustathius, Plotinus, Sextus Iustinus martyr, Epicurus, Varro, Plutarchus, Lactantius; uel, ut alii, Lutatius; Georgius Gemistus. hi mistim Graeci, & Latini. ex Arabis, Auicenna, Algazel, Auempates. Atque hi omnes contra solum Aristotelem: quid de ceteris iudicandum sit, uestrum erit uidere: meūq., ne lōgior sim aequo, modum statuere orationi meae. Quid igitur sentirem tam in logicis artibus, quā in utraque philosophia, quibus nunc operam do; quid quoque in aliis disciplinis, quibus esset a me insudandum, sentire deberem, breuiter cognouistis, & dum ego verba facerem, operam uestram (Auditores praestantissimi) benignè praebuistis. Sed non tam difficile est diuinare, quid causae fuerit, cur mihi silentium, sine ulla turba, sine strepitu, nimis magno cum otio dederitis: huic aetati, credo, dandam ueniam putastis, quae nondum decimum

226

ORATIO TERTIA.

cimum quartum annum egressa est: an quia de me tantam sp̄e conflauistis, ut me dignum, in quem uniuersorum oculi cōiecti essent, olim praestaturus essem? Cuius quidem insignis, ac singularis beneficii uobis, nobilissimorum, & eruditissimorum uirorum honorificissime, ac celeberrime confessus, tūq. honestissimorum hominum concursus, memoriam uoluntas erga uos mea, numquam aboleri sinet, scriptis etiam, si facultas aderit, testatam relinquet; gratias autem numquam tam mirificas, numquam tam singulares agi a me, conabitur, quin lōgè plures meritos uos fuisse, magnitudo ipsa rei sit apertè conuictura.

D I X I


F I N I S


V E N E T I I S,


TYPIS IACOBI SYMBAENI, ∞ D LXXV.


pē con-
essent,
is bene
orificē
minum
oleri si
ias au-
a me,
pfa rei

XV.









005644159

